

5
Alexikepus, seu
AUXILIARIS ET
MEDICVS HORTVS,
Rerum variarum, & se-
cretorũ Remediorum
accessione locu-
pletatus.

AVTORE ANTONIO MIZALDO
MONLVCIENSI, MEDICO.



LVTETIÆ.
Apud Federicum Morellum, Re-
gium Typographum.

M. D. LXXV.

CVM PRIVILEGIO REGIS.

SVMM A PRIVILEGII.

REGIA sanctione cautum est, ne alius quipiam præter Federicum Morellum, Regium Luteriæ Typographum, huncce *Alexikepum, seu Auxiliarem & medicum Hortum*, Autore ANTONIO MIZALDO Monlucienfi, Medico, intra quinquennium absque manifesto eiusdem Mizaldi consensu, sub Regis ditione imprimat, aut vendat. Qui secus fecerit, libris & pœna in sanctione æstimata mulctabitur. Concessum fuit Priuilegium Luteriæ Parisiorum die quinta Octobris, 1570.

Per Regem in Consilio,

D E N Y S.





VIRO ERVDITIONE ET

PRVDENTIA INSIGNI, IOANNI

CAMVSIO, in secretiore Regis
consilio Senatori, & Regij æra-
rij Præfecto, ANTON.

MIZALDVS

Medicus

S. D.



ERBARIÆ me-
cinæ admiranda secreta, &
auxiliares, vt sic dicam,
manus, dum olim perpen-
dissent Imperatorum, Re-
gum, & illustrium homi-
num quamplurimi, Vir or-

natissime, & si in Republica administranda, &
regendis prouinciis, tractandisque regnorum
grauissimis negotiis valde essent occupati, eos ni-
hilominus, captato ocio, non mediocre studium
colendis hortis, & inquirendis plantis, scrutan-
disque illarum viribus adhibuisse, fidem faciet
(vt herbas multas taceam, quæ à Regibus & il-
lustribus viris earum inuentoribus & cultori-

bus, sua adhuc retinent nomina) celebre Diocletiani Imperatoris responsum, Herculio & Galerio, ut scribit Sextus Aurelius Victor, perappositè redditum. Quo scilicet tempore ab his sollicitè hortabatur ad recipiendum Imperium, quod Ultrò dimiserat. Vtinam, inquit ille, possietis visere olera nostris manibus Salonæ instituta, profectò istud tentandum nunquam iudicaretis, nec me ad onerosum Imperij diadema repetendum tam anxie sollicitaretis. Credibile est, sanè, id rei herbariæ studium, eamque hortensium curam, tantos viros nunquam inuasisse, quod platarum cognitio illis incūda esset ac delectabilis, sed quòd saluberrima, & omnium utilissima videretur, cum ad vitæ communis usum, tum ad tuendam sanitatem, & precauendos, abigendosque morbos, seu instantes, seu presentes. Quæ singula, ad excurrendum ærumnose istius mortalis vitæ lubricum stadiolum, cum aliis, tum maximè prudentibus & circumspectis viris, iuuandæ Reipubl. natis & vocatis summè optanda, omnique ope comparanda esse quis neget? Horum itaque virorum albo ascriptus cum sis, nec frustra, nec temerè, priscorum memorabili exemplo inuitaris & tuapte sponte moueris ad herbariæ medicinæ simplicis & hortensis cognitionem adipiscendā: ut tibi imprimis, deinde tuis, M. Catonis exemplo,

plo, (sicuti paulò post audies) commodè, & si quando urgebit occasio, Hippocrati nostro præceps & lubrica nuncupata, extempore, consulere, ac salubriter prospicere queas. Hoc sanè tam præclarum tuum institutum simul atque fama mihi nuntiauit, imò verò, ubi res ipsa coràm mihi indicauit, & familiari tuo colloquio aperuit, iam inde cogitare non cessauì, quonam modo hac in parte, qualicunque studio meo, & industria prodesse tibi possem: Tibi, inquam, summopere mihi amico, & veteri meo συμμαχῆν, cū in prima in mathematicis disciplinis hīc iaceremus fundamenta, sub eximio & incomparabili viro ORONTIO FINAEO, Regio illarum professore & illustratore vtrique nostrū amicissimo. Itaque, dum in eam cogitationem & diu, & multum incubuissem, & ferè succubuissem, quòd nihil in toto inopiæ meæ cornu & chartacea suppellectile se offerret tuo dignum desiderio & iuuando instituto proprium, factum est tandem, ut quod diuīnū promittere nemo audebat, sicuti canit pœta, voluenda dies nobis daret ultro. Quid illud est, inquires? nimirum Hortulus hic medicus. Eo etenim duce, ceu herbario quodam Theseo, & medico Θεόδωρος, ac pædagogo, facili manu, faciliore comitatu, ac facillimo medicæ doctrinæ colloquio deducēris per omnes horten-

EPISTOLA.

sum plantarum & arborum familias. Hic ubi
paucis & accuratè doceberis, Quid valeat quæ-
que, & quem morbis præbeat Usus. Illo itaque,
tuo Hortulo, Vir prudētiss. salubriter & fœlici-
ter fructu, aspirante cœlesti Aesculapio, sine quo
est omnis medicina Venenum. Cuius immensa
bonitas faxit, ut Xeniolum hocce nostrum, nouo
& ineunte hoc anno, antiquorum more, tibi can-
didè & ex animo oblatum, gratissimum fuisse
percipiamus: Auspicio fœlix totus ut
annus eat. Lutetiæ, Calend.

Ianuarij, Anno Do-
mini, 1574.

* *
*





ANTONII MIZALDI

in Alexikepum, seu Auxiliarem

& medicum Hortum,

Prolegomena.



UMANAE vitæ auxiliatrix illa & morborum medicatrix Officina, Græcorum antiquissimis Ἀλεξικεπεύς, nobis adiutorius, opifex, & salutaris Hortus nuncupata, animū meum in admirationem curæ diligentiaēque maiorum mirum in modum agit. Qui nullo testudinis aut lyrae sono, ut olim Orpheus & Amphio, vñ, sed operosa animi & corporis contentione, peruigiliq̃ue studio, longinquas sylvas, & arduos monteis, inuiósque saltus in oppidis & rusticis tuguriolis habitare coegerunt. Quod tum maximè contigit, quando mortalium generi saluberrimas & beneficentissimas plantas ac arbores à noxiis & maleficis secretas, posita omni feritate agresti, cicures ac domesticas reddiderunt: hoc est, à syluis & montibus, vbi alendis duntaxat & stabulandis feris, nidulandisque volucris & stabant & cadebant, in vitæ vsum & alimoniam hominum, paulatim ad urbanos & rusticos hortos ædibus vi-

Hortus, humanae vitæ auxiliatrix officina.

Priscos coëgisse sylvas, rura, & montes in urbibus habitare, & quonā modo.

Priscorum
geoponico-
rum mira
diligentia
in iuuanda
posteritate.

Nepotes la-
borum &
fortuitatis
maiorum
participes
fieri debere

Hac videat
βίη το φέ-
λαται,
vel potius
βίη το τά-
φης, nostri
temporis.

cinos (ne longius posthac esset eundum) ceu au-
rigæ quidam, *καρυόδοι*, hoc est, è cælo missi, dedu-
xerūt, & diligēti cura, cultūque industrio, pueris
ac senibus familiares reddiderunt. O tērque, qua-
tērque beatos homines! qui Herculeis armati viri-
bus, & Nestorea præditi sapiētia, nihil intentatū,
inexpertūque esse voluerunt, nihil denique oc-
cultatū, & opertū quod posteritati profuturum
agnoscerēt: Hinc scilicet hortorum inenarrabilis
ille prouentus, & hortēsium cōmoda mille, mil-
le iuuādi arteis, seu vitę subsidia spectes, seu mor-
borū remedia, ad hæc vsque sæcula, ceu per ma-
nus patrum in filios, & filiorū in nepotes, nato-
rūque natos, & quotquot nascētur ab illis, im-
mensa Dei Opt. Max. bonitate, tot iam labētibus
annis fœliciter processerūt, procedēntque dein-
ceps, nisi hominum obstiterit vecordia. An verò
nos tot opes & tantam à tantis viris, tātō labore
partam, & veluti hæreditario iure nobis relictam
possessionem, comparatāmque fœlicitatē ex in-
numera illa hortensium remediorum materia,
abscondemus, nepotūque nostrorū vitā etiam
alienis bonis, nedū nostris, turpiter & iniquē de-
fraudari patiemur? Ita sanè maiorum inuenta &
bona publicæ vtilitati inuident, qui posteritatis
immemores sibi dūtaxat viuunt, sibi solis sapiūt,
& hac vitæ vsura, cochlearū more fruuntur: sæ-
ua, ita me Deus amet, mercede, aduersus illos qui
de obscurissimo fumo perspicuam lucē eis dede-
rūt, & de asperis mōtibus, opacisque nemoribus,
ceū de terræ stercoreibus, gēmas & preciosissimū
aurum, gratis, sed non absque puluere & sudore,
eruerunt;

eruerunt: non alio sanè animo, nec spe alia, aut concepto voto alio, nisi vt tantorum bonorum particeps fieret posteritas, eadèmq; maneret cura nepotes. Ne itaque in hac diis & hominibus exosa ingratorum cymba me nauigasse obiceret posteritas, ego toto vitę meę curriculo manibus & pedibus omnem moui lapidem, vt studiũ qualecunque meum & pertenuem industriã in Reipublicę vsum & cõmodum, pro mea Mineruulã, sedulò conuerterẽ: & quæ preciosa, à Deo imprimis, deinde à maioribus meis, & me doctioribus viris accepi, sanè quàm libenter in commune bonum proferrem. Qua in re, cùm ego hæctenus totus fuerim, & mira voluntate, animique propensione adhuc sim, & in posterũ, superis fauentibus esse mediter, vel neglecta valetudinis & fortunarum mearum iactura, quæ in dies graue hinc mihi facit negotium, ecce, medicum hunc Hortulum publicæ vtilitati offero & depromo. Haud ignarus non defuturos qui illum superciliosè sint excepturi, & fortassis superciliosius lecturi, ad hunc, demorso labro, obmurmurantes modum: Vah! quid isti venit in mentem velle hodie morborum remedia per tot annorum centurias in hortis ociosè iacètia, & animalium, hominũque pedibus, vbique cõculcata, vigente medicaminũ omnis generis tanta copia, suscitare, & reditura commonstrare? Non illud est, inquit, irridere, & vnà oleum ac operam ludere? Sanè, & si anceps esse sciam ac lubricum rerum omnium cùm nouarum, tum renouãdarum propositum, videatũque hocce institutum arduum, & quæ-

*Autoris mira voluntas
& par animus in cõmune bonũ
inuandũ.*

*Macroforũ,
calumniantium, &
inuidorum
plena omnia.*

stuofo isto tēpore admodum operosum, nihilo-
minus tentandum venit: quid enim tentasse no-
cebit, tam grādi & salutarī vitæ pauperum & po-
pulariū emolumento, seu præsentes morbos abi-
gere satagant, seu instantes auertere? Quibus per
rei familiaris angustiam & prementem inopiam,
liberum non est medicos accersere, & ab illis ad
quæstuosos pharmacopolas, quoties libet, diuer-
tere. Preciū itaque operæ facturū me putauī, si in
pauperum & popularium gratiam demōstrarem
morborum remedia & vitæ auxilia, ex eorū Hor-
tulis, & viridariis, statim ac facilē posse cōparari:
Adhæc, vt cuique manifestum facerem, quod

*Pium valde
opus &
vile, pau-
peres inua-
re.*

*Omniū re-
rum statu
sunt vicissi-
tudines.*

*Multa renascentur, quæ iam cecidere: cadentque,
Quæ nunc vsus habet medicamina: si volet ille,
Et ratio: quibus est & vis & norma medendi.*

Cæterū, institutum hocce nostrum nec no-
uum nec inauditum esse fatebūtur, qui vel lege-
rint, vel saltem audiuerint herbariā & hortentem
medicinam omnium primā à Pythagora & De-
mocrīto integris voluminibus descriptam fuisse:
& ab eodē Democrīto ab Ægyptiis acceptā, Hip-
pocrati amico & ὡς ἔχοντο suo cōmunicatā. Quæ,
vt inuentis hominum paulatim locupletaretur,
autores sunt Herodotus, Strabo, Plutarchus, &
alij, piaculum olim fuisse, ægrotos in publicum
stratū, Ægyptiorum more, delatos prætereire, nisi
prius à prætereunte nūciatum esset, quibus her-
bis & auxiliis simili correptus morbo ipse vel
alius sanitatē recuperasset. Addam ex Pausania,
fuisse in Epidauro lucum Æsculapio, successori
Apollinis in arte medēdi, sacratū, in quo tēplum
erat

*Herbaria
medicina
omnium
prima.
Ægyptiorū
mos.
Æsculapij
templum in
Epidauri
lucō quor-
sum institu-
tum & cō-
ditum.*

18. 1. 1. 1. 1. 1.

erat rotundū, marmore cādido elaboratū, & columnis quāplurimis suffultū, in quibus tum virorū, tum mulierū Æsculapij auxilio sanatorum, nomina inſculpta erāt: & inſertū quo quiſq; morbo laboraſſet, & quibus ſignis deprehenſum id eſſet, quibūſve herbis, remediis & curationis methodo progreſſum. Quā methodū aiunt Hippocratē, cōflagrato tēplo, in Aphoriſmos, ſentētias & artem digeſſiſſe. Hinc nimirū, & ex eo tēpore apud varias gēteis templa Æſculapio in ſyluis & mediis viis extra vrbeis paſſim cōdita eſſe leguntur. Quæ, per deos immortales, quid aliud ſignificauerunt quā prīſca & prima morborū remedia nō fuiſſe in vrbibus & officinis, ſed in agris & ſyluis, vbi *νοσθεις ἢ ἀλκιμοεες* ille implorabatur, & egrotātibus eō rēdētibus, vel, eorū gratia, aliis, quid agendum foret, opportūnē ſuggerebatur? Næ, ſyluæ, inquit Plinius, horridiorq; naturæ facies medicinis non carēt: ſacra illa parente rerum omniū nuſquā non remedia homini diſponēte. Quæ quidem remedia ſummo ſtudio, vt prēmouimus, & accuratiſſima diligētia, à prīſcis operū naturæ ſcrutatoribus indefeſſis & cultoribus excellentiſſimis, tādē ex ſyluis & mōtibus, horridiore naturę facie, ad vrbānos & ruſticos hortos, Deo Opt. Max. viā monſtrāte, fœliciter conceſſerūt & cōmigrarunt. Quis, obſecro, inſicias iuerit populū Romanū annis ſexcētis & ampliū, gentiūmq; millies millena millia, à mūdi exordio ſalubriter longēuā ætatē vixiſſe abſque pharmacopolis & medicis, ſed non tamē abſque medicina? Quæ, vt ſimplex erat & ſuauiſ, ita inuentu & pa-

*Quorſum
Æſculapij
templa in
mediis viis
condita.*

*Medicami-
num plena
omnia.*

*Romanos
& alios
diu abſque
medicis, ſed
nō ſine me-
dicinis, vi-
xiſſe.*

M. Catonis
Brassica
medica.

Antonij
Castoris
Hortus me-
dicus.

Nestoris
Hortus au-
xiliaris.

Cur medi-
cina olim
paucarum
herbarum
scientia in
tantam va-
rietatem
venerit.

ratu facilis, quia atrilis, vernacula & hortensis. Quis nescit Marcū illū Catonē, triūpho, censura, & literarū claritate insignē, herbis quas plātaue-
rat, & maximē hortēsi brassica vsum, se, coniugē,
filiū, necnon liberos & familiares ad longāuam
senectutē incolumes perduxissē? Quis non legit
Antonij Castorē, cui Plinius in herbarū cogni-
tione omnia, exceptis paucis, fatetur se debere,
tanquam ei cui summa esset autoritas in ea arte,
plantas quamplurimas in suo horto habuisse &
aluisse, quarū subsidiis illa fo sanitatis robore cē-
tesimū transegit annū, ac ne ætate quidē memo-
ria aut vigore cōcussis? Nōne Sabinus Tyro li-
brū *κηπουικῶν*, id est, hortēsium, edidit, & tuendæ
valetudini Meccænari dicauit? Num Valgius Ro-
manus, & Pōpeius Lenæus Pōpeij magni liber-
tus, herbariam medicinam è bibliotheca Mithri-
datis à Pompeio deuicti comparatam, Romanis
exhibuerunt? Si antiquiora exigis, consule Marc.
Varronem: ex illo statim audies sapientissimum
illum & eloquentiss. Nestorem (qui Troiani belli
temporibus ante Romam conditā annis trecen-
tis, vel ampliūs, sub Daudis tēpora floruit) *κηπουικῶν*, id est, auxiliarē & medicum hortū habuisse,
cūque eleganti carmine descripsisse. Fuit ita-
que hortensis medicina antiquissima, &, Senecæ
amplissimo testimonio, olim paucarum herbarū
scientia. Quæ deinde in tam multiplicem varie-
tatē peruenit, posteaquam multos & varios du-
biōsque morbos, multa, varia & dubia fecerunt
fercula, certo ac merito luxuriæ supplicio. A quo
immunes erant, qui nondum se deliciis soluerāt,
& qui

& qui sibi imperabant, sibi ministrabant, & simplici, tenuique victu vtebatur. Qui postquā cœpit non ad tollendā famem, sed potius irritādam quærī, & hinc mille sunt inuentæ conditurę quibus auiditas excitaretur, tū miserabilior valetudo, vita & facies ex his, quā ex frugalitate & simplici victu emerſit, multoque miserabilior ad posteros trāſitura eſt, niſi voluptatibus vltra modū cōcupitis frēnum iniiciāt helluones, terræ & maris vaſtatores. Quorū tam varios & multiplices morbos, ecquid, obſecro, miraberis, ſi coquos diligēter numeraueris, eorūmq; artificia ſedulò obſeruaueris? quæ, & medicorū, & pharmacopæorum multas, iure bono, hinc alunt familias. Sed quò, inſtituti mei oblitus, digredior? Redeo itaq; è diuerticulo in viam, & hortenſem medicinam priſcis Romanis ſummo in precio habitā, repeto. Apud quos, cū annis à condita vrbe D C, & amplius, vt antea ſcripſimus, obuiis vlnis, quod aiunt, excepta fuiſſet, eāmq; omniū diligētiffimè excoluiſſet Marc. Cato vſque ad annum vitæ ſuæ L x x x v. (ne quis illi tempora ad experientium deſuiſſe exiſtimet) tandē crescente cum imperio opulētia, & omni gulæ ac veneris ſclerata vbique licentia, è medio hominū cœtu abire, & longè exulare coacta fuit: accerſitis ex eo tempore, cū nauibus, tum equis, ex Aſia, Græcia, Ægypto, Sicilia, Arabia, Maſſilia, & aliis exteris nationibus, medicis quibuſcunque: contra Marci Catonis oraculum Marco filio, longè antè, ad hunc enunciatum modū: Hoc puta vatē dixiſſe, Quādocūque iſta gens, Marce fili, (de Græcis loquēs)

*Coquos cū
ſuis variis
artiſciis,
morborum
variorum
autores
eſſe.*

*Vnde priſcæ
medicinæ
hortenſis ſi-
ga & exi-
lium.*

*M. Catonis
oraculum
de exteris
medicis.*

medicos suos huc mittet, omnia corrūpet. Iur-
rūt enim inter se, barbaros omneis (sic enim Græ-
ci alias à se nationes nuncupabāt) necare medici-
na: sed hoc ipsi, inquit, mercede facient, vt facilè
disperdant. Id quod multorum exitio tandē con-
tingit. Cū enim hi fata regere crederentur, Ro-
mā ingressi, imperia sanè quàm sēua exercuerūt,
& hinc Plinio ansam præbuerunt scribēdi, medi-
cinam artium omnium vnā esse quæ imperāti-
bus imperet, ac homines impunè occidat. Vide-
bamus, inquit ille, consulares senes hybernis æ-
gros algoribus, in lacus demersos ad stuporē vsq;
rigētes: eoque cæcitatis tum vētum fuit (perinde
atque hodie) vt quibuscunque se medicos, vel de
nomine, aut habitu, opinionēve profitētibus, sta-
tim crederetur: cū in nullo mendacio periculū
vllū sit periculosius. Hi itaque vt nouitate qua-
dam, sicuti in medendi arte à plerisque fieri solet,
famam aucuparentur, cœperunt illico hortenseis
materias & medicinas publicè damnare, irridere,
& inflatis buccis vsque ad nauseā despuere. Quas
vt prorsus perderent, & ad templum obliuionis
perpetuò relegarēt, quæstuosissimas officinas, &
pharmacopolia, in quibus, vt scribit Plinius, sua
cuique homini venalis promittitur vita, barbaris
& inauditis medicamentis, ac nomenclaturis su-
perba & illustria paulatim secū deduxerunt & in-
troduxerūt. Quæ iam inde radices adeò propaga-
runt, & artifices suos tam lōgè & latè sparserunt,
vt hodie de illis meritò dici possit, *Quis enim non
vicus abundat?* In his nemo non videt innumeras
pyxides argenteo nitore decoras: capsulas miro
artifi-

*Quando &
quomodo
hortēsis me-
dicina è me-
dio hominū
sublata fue-
rit.*

*Pharmaco-
poliorū ma-
gnus ubiq;
numerus.*

artificio picturatas, & vascula sanè quàm elegantiā, sed quæ alicubi nunquam vel orientem, vel occidentem Solem viderunt, & perquàm rarò aperta fuerūt: Vt taceam indicibilia artificia, inexplicabilésque misturas & cōpositiones, quas solis hominū ingeniis constare, vel antiqua Plinij autoritate, certū est. Non fecit, inquit ille, cerata, malagmata, emplastra, collyria, antidota, & id genus alia, parens illa & diuina rerum artifex omnium Natura, officinarū & auaritiæ commenta sunt. Nā Naturę opera simplicia, absoluta atque perfectā gignūtur. Perperam itaque faciūt, qui neglectis simplicibus naturæ bonis, vltro ac liberaliter nobis oblatis, & absq; magno artificio, sumptu, fūco, labore & apparatu absolutis ac suauibus, ad externa & longinqua remedia composita, dubia, ingrata, nauseabunda, incognita, & sæpenumero suspecta confugiunt. Quibus comparandis, & vitæ & fortunarum alea, sanè quàm incerta, lubrica & momentanea.

*Artificia & cōpositiones pharmaco-
pœorū, vñ-
de.*

*Simplicia
priora com-
positis, &
ob id prae-
renda.*

*Impiger ad Græcos, Mauros, Babylonas & Indos,
Velis ac remus pharmacopola volat.*

Quod quàm temerè fiat, ex Plinio audire graue non sit: Nos, inquit, Indicarum, Arabicarūque mercium, aut externi orbis medicinas nequaquā attingimus. Non placent remediis tam longè nascētia, quę nobis non gignūtur, imò ne illis quidem, alioquin non venderent. Audis summi viri sententiā longè antiquissimā de exoticis & barbaris medicamentis: quæ hodie apud multos tantū fiunt, adeoque probantur & placent, vt malè facta putetur esse vita, & corporis valetudo parū

*Longè peti-
ta & na-
scētia, non
debere re-
mediis pla-
cere.*

*Barbara
medicamēta
suspecta.*

*Vera reme-
dia in hor-
tis pedibus
calcari.*

*Dioclis au-
reum hoc
Opusculum
à nobis
haud ita
pridem in
lucē venit.*

*Animalium
lac vere no-
no medica-
mento sum
esse.*

firma, nisi barbaris & sæpenumero adulteratis
medicamentis, magnóq; emptis & suspectis, mi-
ferrimè delusa fuerit. ô quantũ est in rebus inane!
Hinc scilicet, vlceri admodũ paruo & leui mor-
bo medicina è rubro mari ac nouis insulis accer-
situr: cùm vera & neutiquã suspecta remedia, vt
ille idẽ testatur Plinius, pauperrimus quisque cœ-
net, ac pedibus suis in pprio hortulo, vel agello,
quotidie conculcet. Hæc si ita sunt, vt re vera esse
cõstat, quis, per Deos immortales, non dicat stul-
tum, imò verò insanũ esse, longiũs quærere quod
ante pedes iacet, sumptũque periculoso ac dubio
id comparare, quod sæpenumero impostura &
veneficio constat? Multò itaque tutiũs fuerit, vt
scripsit ad Antigonom regem Diocles Carystius
medicus ab Hippocrate fama & ætate secundus,
& à Galeno tantopere commendatus, iis vti qui-
bus delinqui facilẽ nõ potest. Ex quorum nume-
ro sunt, vt ille idem tradit, beta, aqua mulsã inco-
cta, malua, rumex, mercurialis, & omnia melle cõ-
dita: cũcta enim hæc alui deiiciũt sedimina. Arca-
des, vt autor est Plinius, medicaminibus nequa-
quam vtũtur, sed lacte circa ver: quòd tunc succis
maximè turgeãt herbæ, medicentũrque; vbera pa-
scuis. Bibũt autẽ vaccinum, quoniã boues omni-
uoræ ferè sũnt, & ob id tunc tẽporis medicatum
lac habent. Hinc sanè haudquaquam temerè fa-
ctum crediderim, quòd gentes pleræq; Maij mē-
sis butyrum diligenter sibi comparēt, & ad mul-
tos vsus diligentius condant ac reponant. Dic,
amabo te, non summa est cæcitas peregrinis &
incertis ita subscrivere, vt tua certa & probata
negli-

negligas? Non deridenda, vel potiùs commiseranda est amentia, dum tibi scire non libet, quid salutis tuæ cōducatur, alienis pedibus ita ambulare, alienis oculis ita inspicere, auribus alienis sic audire, aliorum manibus sic omnia accipere, & de aliorum præscripto ac iudicio ita pendere, vt tibi prorsus aliena ope, arbitrio ac voluntate, miserri-
mè sit viuendum & moriendum? Siccine vitæ & morborum patria subsidia in hortis despecta iacebunt, ac si duntaxat ventri saburrando, oculis pascendis, & naribus recreādis, à rerum omnium parente Deo, & ei ancillante Natura (quā iustissimam vbique noster nūcupat Hippocrates) vltro & data & oblata essent: aut alēdis tantum vermibus, erucis, limacibus & araneis nata? Quid hoc, quæso, consilij & prudētiæ est, agrotos toties repetitis pharmacis, visu, gustu & olfactu, imò verò auditu, & solo nomine iniucūdis, molestis, ac nau-
seā mouētibus, excarnificare, quos semel, vel iterum simplici herbula hortensi, à morbo iucundè, tutò ac citò possis redimere? Nō mera est stupiditas, dubia & suspecta ita persequi, sic probare, amplecti & ambire, vt certā, extemporaneā, & omni tempore vigentē domi tuæ medicinā pro nihilo ducas? Medemur, scilicet, aliena fide, & famā exoticorum medicamentorū autoritate nescio quā, variisq; rerum (quas vix clitellatus veheret asellus) miscellaneis & centonibus, multiplicique ingredientium, vt dici solet, farragine ostētationis plena, ceu quodā aucupio venamur. Quasi verò facultates rerum aceruatim congestarū, & veluti geomanticis punctis, fortuitò ab ostentatoribus,

*Miserri-
ma
est vita,
quæ pendet
ex aliorum
ope & ar-
bitrio.*

*Pulchra &
notata sa-
nè quā
digna.*

*Dubia &
suspecta,
pro certis
vsurpanda
non esse.
Remedia v-
terum sa-
cultates ex
farragine
& miscella-
neis scripto-
rum astima-
re non de-
bere.*

veriùs quàm doctõribus plerisque scriptarũ, ex
eorũ cadãt arbitrio. Scrupulatim, inquit Plinius,
colligere ac miscere rerum vireis, non coniecturæ
humanæ est opus, sed impudentiæ. Quid illud
quod Hippocrates in quadã epistola ad Crateuã
herbarium & *ῥιζοτόμιον* suum scribit, incertam esse
coniecturam eorum qui in purgationibus etiam
cautè procedant. An quodd nullum sit medicamẽ-
rum purgans, quod non aliquam partem de viri-
bus nostri corporis & substantia eius deprædetur?
Hinc Auicenna rectè dixisse mihi videtur, quod
medicinas bibere, etiam si venenosæ non sint, ta-
men naturæ laboriosum esse solet. Cui Plato suf-
fragatur ad hunc scribens sensum, Nullo modo
sanę mentis homini suscipienda est illa medicorũ
purgatio, quæ pharmacis, id est solutiuis medelis
(præsertim violentis) fieri cõsuevit. Morbi enim
nisi periculosissimi sint, pharmacis temerè irritadi
non sunt. Hæc dum audis, amice lector, sollicitè
quæres ecquid in tã dubio & ancipiti pharmaco-
rum casu & usu, seriò ac tutò tibi agendum sit:
Fruere priscorũ salutarì more: elige ex tuo hor-
tulo & agello medicas materias tibi notas ac fa-
miliares, apud te natas, tecũ educatas, maioribus
tuis assuetas, patriæ probatas, & sub eodẽ cœlo,
in eodẽque aëre & natali solo tecum degentes,
ac simili genio gaudentes. Quarum copia, ubi vi-
sum erit, & quoties desideratum tibi fuerit, recēs
ac vegeta, illico, ne longiùs sit eundum, & expe-
ctando languendũ, comparari poterit. Fallax est
medicus, inquit Arnaldus à Villa noua, aut igna-
rus, qui quærit inusitata & rara, cùm possit com-
munibus

Aurea Auicennæ, Hippocrati & Platonis, sententia.

Autoris monitio & cõsilium pro pauperibus & populari statu agrotantium.

Arnaldi à Villa noua sententia summè notanda.

munibus subuenire languēti: addit, quòd prudēs & pius medicus, morbum in primis expellere fatagit medicinalibus cibis, potiùs quàm puris medicinis. Sunt autē medicinales cibi, qui in hortis apud nos vigent & nascuntur. Irride itaq; barbarorū medicamentorū vanos ostentatores & impostores. Exsibila exoticorū pharmacorum præcones, & eorundem, ad nauseam vsque, helluones. Quibus nihil potest placere nisi quod Indiā sonet, Hesperiam resipiat, Aphricam agnoscat, & nobis opposito Antipodū mittatur ab orbe. Vis audire quid Andreas Matthiolus Dioscoridis interpres diligentiss. de exoticis & barbaris medicamentis senserit? Animaduertendum, inquit, quòd hoc æuo sincera haud facilè inuenias medicamēta quæ ex barbaris, & omnium maximè ex Alexandria Ægypti, & Syria, ad nos conuehantur. Si quidem cū omnia per Mauritanorū, Turcarū, Iudæorūque manus transeant, qui nobis Christianicis semper dolos fraudēsque moliuntur, Diis sacrificiū facere sibi persuadent, si nos in re quāpiam fallere & inficere possint. Subsanna igitur eos qui peregrina *φάρμακα*, tum simplicia, tum cōposita, cum suis barbaris nomēclaturis ad miraculum vsque extollunt & prædicant. Quæ, re vera, quandoque expiatione plus indigēt, quàm vt corpora ritè expiare & purgare queant. Sanè si patres nostri circumspectè & æquis animis admisissent ac sustinuissent, non nouas inquā, & ex nouo orbe aduenas medicinas, sed veteres & hortēses hospites postliminio sese recipientes, sentiremus vtique non vulgarem vtilitatem, & minimè

*De exoticis
& barbaris
medicamē-
tis, Andr.
Matthioli
opinio præ-
clara.*

*Peregrina
pharmaca
expiatione
indigere.*

*Quantum
differant
hortensia
remedia
& auxilia
ab aliis.*

*Exhortatio
ad heren-
sem medici-
nae usum.*

*Pharmacopolia
& pharmaco-
pæorum
artificia
& materias ab
autore va-
de probari,
& qualiter.*

suspectam ex harum reditu. Agè itaque, vernacu-
las opes, & auita hortorum tuorum remedia, ne-
quaquam obsoleta, putria, arida, & à foricibus, a-
raneis, vermiculis, tineis, blattis, muscis, marcore
ac situ minimè vitiata, & cum eis rixando totum
quandoque quinquennium, vt fieri solet in qui-
busdam pharmacothecis, nusquam versata, ex-
ternis, & huius plumæ aliis, senio, vetustate, &
longæua repositione exsuccis, corrugatis, ac to-
ro corpore flaccidis & emaciatis, constanter op-
pone & præpone: ac priscam illam hortensem
medicinam extemporaneam, recentem & fidam,
è tenebris in apertam lucem promoue, obsidem
redime, exulantem reuoca, & iacenti, opémque
poscenti, manum libenter porrige, vt resurgat &
veterem possessionem suam opportunè repetat.
Et vt idem faciant noti, propinqui, familiares &
amici tui omnes, contende, insta, & pro viribus
adnitere: illisq; propone verissimum esse Fabij
Quintiliani illud, Vsitatis tutiùs vtimur, noua nõ
sine periculo vsurpamus. Cogita ea remedia op-
tima esse, quæ pluribus cognita & probata sunt,
qualia esse diximus hortensia, non minùs alimētis
& medicamētis hodie, quàm olim, & nata, & ex-
posita: nam, si nescis, *Antiquis escas hortus dedit &*
medicinae, vt autor est poëta herbularius. Sed illis
tamen sic vtaris velim, vt ne extranea remedia ad-
vnguem nota, selecta, & longo tēpore explorata
omnino reiicias: nec pharmacopolia & pharma-
copæorum artificia spernas, ac prorsus inutilia
esse cēseas. Quæ valde probamus, & summoperè
laudamus modò nacta sint doctos, peritos, fidos,
& cor-

& cordatos artifices, probis materiis instructos, *Pia Et religioſa prologi huius conclusio.*
 & in vtraque pharmaceutices parte diligēter ver-
 fatos : & , quod ſummum eſt , qui charitatem ex
 animo amplectantur , & fugiant nomen auari.
 Quod ſua benignitate faxit cœleſtis ille Æſcula-
 pius, ſine quo eſt omnis medicina venenū:& qui
 de ſe, veriùs quàm Apollo apud Ouidium, dicat:
Inuentum medicina meum eſt, opifexque per orbem
Dicor, Et herbarum ſubiecta potentia nobis.

Nec temerè, mea quidē ſentētia: ſcripſit enim
 Ieſus Syrach inter Hebræos prudētiffimus, & di-
 uino præditus ſpiritu, *παρὰ ὑψίστου ὅστιν ἰασις, καὶ τοῦ κύ-
 εως ἐκπεν ἐκ τοῦ φάρμακα*: quod ſonat, ab altiffimo
 eſt medicina, creauit etenim Dominus pharmaca
 è terra. Quod lōgè antè Moſes Hēbreus ſcriptor,
 omniū eorum qui extāt antiquiffimus, etiā testa-
 tus eſt, dicens, Deum Opt. Max. herbas ac plātas
 è terra condidiſſe, vt iis propagata ab Adamo ſo-
 boles terreſtris cōmodè & ſalubriter vteretur ad
 propulſandos morbos. Cui ſubſcribit Theodo-
 retus Epifcopus ſuis in Geſim quēſtionibus ad
 hunc loquens modū. Præuidēs Dominus, quòd
 homines in morbos prolaberentur (vt potè qui
 ſentētiam mortis propter peccatum receperant)
 iuſſit terram herbas producere non tantū eſui
 aptas, ſed etiam morbis depellendis idoneas. Vē-
 rum enimuerò *θεολογούμενα* hæc theologis relin-
 quemus, & coronidem hiſce *περλεζομένοις* impo-
 nemus: vt quod medicorum eſt promittant me-
 dici , & tractent fabrilia fabri.

Hæc itaque in medicum Hortulum vtcunque
 præfati ad auxiliares rerum illius facultates cala-

mum conuertemus, vbi primùm ipsius Hortuli, ceu de tabella, formam, & quo illum digessimus modo in proprios campos & congeneres areas, ordinem tibi proposuerimus, & alphabeticum, vt loquuntur, Indicem rerum in eo describendarum seriatim subiecerimus. verba itaque sic in rem ipsam conferimus.

HORTVM MEDICVM IN CAM-
pos vel regiones octo, propriis areis dis-
cretas, quo sequitur ordine
disposuimus.

*CAMPVS primus olera aliquot
cibaria, decem areolis hac serie
complectitur.*

- 1 Lactuca.
- 2 Brassica.
- 3 Petroselinum.
- 4 Portulaca.
- 5 Beta.
- 6 Blitum.
- 7 Oxalis.
- 8 Spinacea.
- 9 Borrago.
- 10 Asparagi.

*CAMPVS secundus radices ali-
quot esculentas, quatuor areolis
concludit.*

- 1 Porrum.
- 2 Ceba.
- 3 Allium.
- 4 Raphanus.

*CAMPVS tertius herbas odo-
ratas xi. areolis distribuit.*

- 1 Salvia.
- 2 Hyssopus.
- 3 Satureia.

- 4 Maiorana.
- 5 Foeniculum.
- 6 Mentha.
- 7 Thymus.
- 8 Ocimum.
- 9 Orualla.
- 10 Rosmarinus.
- 11 Lauendula.

*CAMPVS quartus herbaceos &
fruticeos fructus vi. areis continet.*

- 1 Cucurbita.
- 2 Cucumis.
- 3 Pepo, melo & melopepo.
- 4 Cinara seu alticocalus.
- 5 Fragaria & Frambœsia.
- 6 Grossulæ.

*CAMPVS quintus flores ali-
quot, tam odoros quam inodo-
ros, ix. areolis diffeminat.*

- 1 Rosa.
- 2 Lilium.
- 3 Leucoion.
- 4 Viola Martia seu pur-
purea.
- 5 Vetonica altilis, seu
Oille-

Oilherum.

6 Phlogium, seu Penſea & Bellis.

7 Iris.

8 Amarantus.

9 Solſequium.

CAMPUS sextus plantas xi. nō eſculētas, areu totidē recipit.

1 Abſinthium.

2 Abrotonum.

3 Ruta.

4 Vrtica.

5 Plantago.

6 Artemiſia & Tanacetū.

7 Chelidonium.

8 Mercurialis.

9 Parietaria.

10 Malua.

11 Lathyrus ſeu Cataputia, & Ricinus, ſeu Palma Chriſti.

CAMPUS ſeptimus pomiferas arbores xiii. totidem areu implanſat hac ſerie.

1 Malus & eius pomum.

2 Pyrus.

3 Cotonea.

4 Prunus.

5 Ceraſus.

6 Morus.

7 Perſica.

8 Meſpilus & Sorbus.

9 Citria malus.

10 Aurantia & Limonia.

11 Punica malus.

12 Ficus.

13 Olea.

CAMPUS octauus arbores nu- ciſeras & bacciſeras viii. areu totidem imponit hoc ordine.

1 Iuglans & eius nux.

2 Amygdalus.

3 Pinus.

4 Corylus & auellana.

5 Caſtanea.

6 Laurus & eius baccæ.

7 Iuniperus.

8 Sambucus & Ebulus.

Plātæ & frutices in ſumma,

LVI.

Arbores & earum fructus,

XXIIII.

INDEX ALPHABETICVS PLANTA-

rum & Arborum, quarum facultates in hoc Alexikepo deſcribuntur.

Asparagi.	folio 16	Brassica.	5
Allium.	folio 21	Beta.	12
Amarantus.	54	Blitum.	13
Abſinthium.	56	Borrago.	16
Abrotonum.	59	Bellis.	51
Artemiſia.	67	Cepa.	19
Aurantia mala.	85	Cucurbita.	38
Amygdala.	95	Cucumis.	40
Auellanæ.	96	Cinara.	42

Chelidonium.	68	Oxalis.	14
Cataputia.	73	Ocimum.	35
Cotonea.	76	Orualla.	36
Ceraſus.	79	Olea.	90
Citria.	83	Petroſelinum.	9
Corylus.	96	Portulaca.	11
Caſtanea.	97	Porrum.	17
Calendula.	55	Pepo.	41
Ebulus.	105	Phlogium.	51
Fœniculum.	31	Plantago.	65
Fragaria	43	Parietaria.	70
Frambœſia.	ibidem	Palma Chriſti.	73
Ficus.	87	Pyra.	76
Groſſulæ.	44	Poma.	74
Hyſſopus.	29	Pruna.	78
Iris.	52	Perſica.	80
Iuglans.	92	Punica.	86
Iuniperus.	102	Pinus.	96
Lactuca.	1	Raphanus.	24
Lauendula.	38	Rosmarinus.	37
Lilium.	47	Rofa.	44
Leucoſion.	48	Ruta.	59
Lathyris.	73	Ricinus.	73
Limonia.	85	Spinacea.	15
Laurus.	98	Salvia.	27
Matricaria. 68	30	Satureia.	30
Maiorana.	32	Solſequium.	55
Mentha.	41	Sorba.	82
Melones.	69	Sambucus.	105
Mercurialis.	71	Thymus.	34
Malua.	74	Tanacetum.	64
Mala.	80	Viola Martia.	49
Mora.	82	Vetonica altilis.	51
Mefpila.	92	Vrtica.	63, 64
Nux & nuces.			

FINIS INDICIS.



ANTONII MIZALDI MONLVCIENSIS, MEDICI,

ALEXIKEPVΣ, SEV AVXI-
liaris & medicus hortus.



INSTITVTI nostri fores a-
periet vna Lactuca. Nō quòd
ei olerum & hortorum prin-
cipatum velim ascribere, cō-
tra M. Catonem & Plinium:
qui illum, vt suo dicemus lo-
co, Brassicæ constanter adiu-

*Cur à La-
ctuca in-
cipiat hæc
medica hi-
storia.*

dicant, quin potiùs, quòd sciam Lactucam salu-
brem & euchymam esse plantã inter omnes hor-
tenses, & ob id benedictum olus, ab Auicēna ap-
pellari. Qua dote & priuilegio, certum est illam
priscis vsque adeò placuisse, & tanta cura excultã
fuisse, vt ab ea Lactucinos in Valeria familia, Pli-
nio autore, cognominari non puduerit. Illa, illa
est qua D. Cæsar Octavianus Augustus, in longa
& ancipiti ægritudine, cōsilio Antonij Musæ me-
dici excellentissimi, conseruatus fuit. Vnde statuã
collato ære iuxta signum Æsculapij, Suetonio
Tráquillo attestãte, promeruit. Sed prætermisso
lactucæ verbosiori encomio, medicas eius vires,

*Lactuca à
morbo D.
Augusti no-
bitata.*

pro nostra tenuitate in medium proferre, & hortulum nostrum per suos campos areatim distinguere aggrediamur.

HORTI MEDICI CAMPVS

PRIMVS, OLERA ALIQVOT

cibaria, decem arcis

complectens.

Lactuca altilis, & medica eius auxilia.

AREA I.

*Quid per o-
lus hic in-
telligendum.*

OLERIS nomine hic complectimur plantas eas hortenses & herbaceas, quæ non solum condiendis iusculis accommodari solent, sed etiam paruo sumptu & facili apparatu in vsum cibarium pauperibus quotidie venire, siue in acetariis, siue aliter id fiat. Quomodo vsurpauit Horatius, ad Sæuam in hunc scribens modum:

Si pranderet olus patienter, regibus vti

Nollet Aristippus: si sciret regibus vti,

Fastidiret olus, &c.

Sed hæc Grammaticis relinquemus, & medici medica lactucæ præsidia tractabimus: quam norunt omnes in historiis versati, vsque adeo priscis Romanis fuisse commendatam, post D. Augustum per eam sanitati restitutum, vt seruari, etiã in hybernos menses, ex oxymelite repertum sit. Planta est admodum salubris, sicut testatur Columella in suo hortensi carmine, de illa propter seruatum principem Augustum ita canens,

Iamque

*Lactuca
plata salu-
bris.*

*Iamque salutarī properet lactuca sapore,
Tristia quæ releuat longi fastidia morbi.*

Huius succus febricitantis fronti illitus somnum accersit, quemadmodum scripsit Florentinus, rerum agri & medicinæ interpretēs Græcus ad vnguem factus. Qui etiam tradit eum, qui ieiunus lactucam prægustauerit, ebrietatem nō sentire: adhæc, semen eius tritum & potum, genituræ effluuia cohibere: quapropter aduersus crebra Veneris ludibria in somno, vtiliter propinatur: sicuti vulgari hoc iactatur disticho,

Febris, somnus, ebrietas, Venus, gonorrhœa, & alui fluxus.

Semen lactucæ Veneris ludibria tollit,

Cum vino bibitum, fluxum quoque comprimit alui.

Quod equidem distichon esse astruimus Macri poëtæ & medici non indocti: quem multi, hocce Ouidij dimetro, eius Ouidij ὁμήρου fuisse, & sub D. Augusto vixisse, falsò contendunt,

Sæpè suas volucres legit mihi grandior æuo,

Quæque nocet serpens, quæ iuuat herba, Macer.

Sed his dimissis, lactucam repeto, quam idem Florentinus tradit, stragulis suppositam, ægris nescientibus, hac præsertim ratione, vt ante somnum illis conciliare. Qui etiam accersetur, eodem autore, si folia quina, terna, aut vnum, ceruicali clanculum supponantur: sed ita, vt quæ imo caule decerpta fuerunt, ad pedes: summo verò, ad caput spectent. Admonent insuper Græci geoponici, quòd effusus & assiduus lactucarum vsus, cane peius & angue fugiendus est his qui procreandis liberis operam dare solent. Nam fœcunditatem non modò minuere scribunt (vn-

Somni conciliatio.

Lactuca cur fugienda coniugalis.

*Hac videat
lactucarum
helluones.*

de lactucam *εὐρέχον*, hoc est, spadoniam vocauerunt Pythagorici) sed quos postea sustulerint parvus, velut amentes, ineptos ac stupidos à progenitorum ingenio degenerare promittunt. Hactenus illi: à quibus ad nostros deficio Medicos, apud quos etiam lego, lactucas somnos conciliare, ac sanguinem neque improbum creare, neque vndique perfectum; multò tamen, quàm à cæteris oleribus, præstantiorem. Quæ duo, Eobanus Hessus poëta elegantiss. pulchrè expressit in libello de tuenda valetudine, hunc in modum.

*Qualè gignat
sanguinem
lactuca.*

*Hortorum lactuca decus, quia friget & humet,
sæpè leueis somnos conciliare solet.*

*Atque vt corporibus reliqua omnia vincit alendis,
sic viui succus sanguinis ipse venit.*

*Ventres, caligo,
asthma, hæmoptoe.*

Hinc factum arbitror, vt Galenus illam de oleribus solam, in homine temperato euechymam esse dixerit, hoc est, succum bonum gignere, & optimum corpori alimentum sufficere. Quæ, vt calidis ventribus sumpta mirè auxiliatur, ita vsu crebro, oculorum aciem retundit, ac caliginem, vt mox scribemus, inducit. Addo quòd suspiriosis, & sanguinem excreantibus, ac pituitosis summè nocet. Præterea, quòd tam crudæ quàm coctæ vsus largior, non minus est periculosus quàm cicutæ. Æstate ea vtimur vt medicamento, potiùs quàm alimento: nimirum ad humectandum & refrigerandù: nam frigida est, ac humida. Quod cum ita sit, iure quis dubitet, quomodo probum & purum sanguinem in nobis possit gignere: substantia, inquam, nostræ familiaris

liari, quæ illi planè est lactea & dulcis, adhuc moderatè cocta, & proinde in sanguinem promptè ac facilè mutabilis, quamobrè etiam lac affatim gignere solet. Prodest eadem aduersus morbum *Lac & cholera morbus* præcipitem & periculosum, quem Græci *χολήρα* vocant, ab immodica bilis deiectione, & implacabili vomitu. Cuius rei testem proferemus antiquissimum Poëtam & Medicum Quintum Serenum.

*Noxia (inquit) si penitus cholerae seuire venena
Perspicias, cocta lactuca fronde leuabis:*

Proderit & caules assumere sæpè madentes.

Aluum ideò lubricare dicitur, quòd humiditate & frigiditate sua immoderatum hepatis calorem temperet: qui ob celerem & vehementem cibi ac potus distributionem, & direptionem, aluum resiccare plerunque solet. Huius lubricationis & facilis per lactucam ad excrementa vacuanda apparatus, testè etiam citabimus Martialem hunc in modum scribentem,

Prima tibi dabitur ventri lactuca mouendo

Vtilis, &c. Et alibi:

Vtere lactucis, vel mollibus vtere maluis,

Nam faciem durum, Phæbe, cacantis habes.

Visionem præterea turbare fertur, vt nunc dicebamus, & oculis nocere, eisque caliginem inducere, quòd spiritus visorios denset & incrasset, humorèque crystallinum, videndi speculum summè tersum, turbidum reddat, & animale spiritum sua frigiditate offendat, nisi calorificis herbis illi remistis, vel rebus aromaticis, aut generoso vino superepoto, frigiditas ea temperet.

*Quomodo
visionē tur-
bet lactuca,
& oculis
noceat.*

tur. Nam ex Hippocrate, frigidum cerebro, spinali medullæ, nervis, ossibus, ac dentibus summè inimicū esse solet: ex quo fit vt soporifera etiam censeatur esse lactuca, sicuti suprà à nobis adnotatum fuit, & Claudium Galenum suo experimento confirmasse intelliges. Plerique (inquit) lactuca vtuntur prius quàm in caulem assurgat, aqua illam incoquentes. Quod ego nunc, ex quodentes mihi malè habent, cœpi facere. Quidam meorum sodalium conspicatus olus id iam olim ab adolescentia mihi esse consuetum, nunc tamè ipsius esum esse permolestum, autor mihi fuit, vt ipsum coquerem. Etate autem iuuenili cū mihi ventriculus assidua bili infestaretur, cruda lactuca, vt eum refrigerarem, utebar. Cū verò ad ætatem declinantem perueni, hoc olus fuit mihi remedio aduersus insomniam & dormiendi impotentiam. Tunc enim, contrà ac in iuuentute, somnum mihi dedita opera conciliabam: nam graue erat præter voluntatem vigilare. Quæ res mihi accidebat, partim quòd in iuuentute meapre spon te vigiliis, studiorum gratia, assueuisssem, partim quòd declinantium ætas ad insomniam sit admodum propensa. Itaque, lactuca vespere in cœna, vel somni hora, cocta & commansa, vnicum mihi insomniæ erat alexipharmacum, & remedium. hætenus Galenus: ex quo hanc historiam, quòd pulchra sit, præsentī loco accommodare visum fuit. Veteres initio mensæ, primisve epulis, lactucam, vt solemus, nō proferebant, sed postremis: sicuti Martialis hoc disticho eleganter expressit,

Claudere

*Quomodo
notebatur la-
ctuca Gale-
nus, & quā
ob rem ex
suis Alimen-
torum libris
& aliis.*

*Galenus vi
giliis assue-
tus.*

Claudere quæ cænas lactuca solebat auorum,

Dic modò cur nostras inchoat illa dapes?

Quod, nec temerè, nec citra rationem factū fuisse audies: cùm enim lactuca frigida humidæque sit naturæ, si à cæna sumatur & summis epulis iniiciatur, somnum efficacius conciliat, vinique fumos halituosos promptius reprimat, ac ebrietati, inducta cerebro humiditate, facilius pugnat & obstitit. At nostra ætas, ab eius esu cænas & prædia auspicari salubrius esse duxit, ex aceto, sale, & oleo conditam illam cibis aliis præponens, nimirum ut æstuantem ventriculum recreet, & sopitam per calores appetentiam excitet, sanguinisque feruorem temperet, ac hepatis & cordis æstum mitiget. Ex quo mirum non est, si ebrietati aduersatur, & capitis grauitatem, quam Græci apposito vocabulo *κερκερία* vocant, insita frigiditate sanat, vapores à nimio vini potu sursum elatos, & caput grauantes, retundendo ac discutiendo. Quod Q. Serenus Poëta ac Medicus præstantissimus non omisit, hunc in modum scribens de curanda ebrietate,

Cur postremis epulis olim sumebatur lactuca.

Capitis grauitas & ebrietas.

Quidam lactucæ huic credunt prodesse sapor:

Curandi modus hic, & suauis, & utilis idem est.

Inde factum crediderim, ut lactuca à Rufo Ephesio Medico, *ἀκραπία*, rectè nuncupata sit: quod crapulam arceat, & omnem capitis noxam à vino cōtractam excutiat. Verum enim uerò, ea cautè utendum est, nam illius usus immodicus, ut præmonuimus, Veneris ignes extinguit. Quare his qui matrimonij capistris sunt alligati, parcus ac sobrius debet esse lactucarum cibus, nisi calo-

Quib⁹ prohibeatur & concedatur lactuca.

Quibus lactuca vsus prohibeatur

rificis, vt cruca, nasturtio, mentha, sampsucho, & similibus, frigiditas illarum obtundatur, aut generosum vinū aliquod superbibatur. Qui verò cœlibatui addicti sunt, sacerdotes, monachi, vestales, & alij qui claustra sequuntur, calorifica excludere debent, vt pudicitiam illatam tueatur, & prurire, vrique desināt. Lactuca itaque consulto prius cuiusq; temperamento, prudenter vtendū erit, in qua Callimachus ἀνὴρ ἡγεμὼν scripsit, Venerē suū amasium Adonin abscondisse, ὅτι ἀδελφεὶς εἶσι ποτὶς ἀπερδίστα οἱ συνεχῶς χρομένη δέειδεν: hoc est, vt Athenæus exponit, quod imbecilles sunt ad Venerea, qui assidue vtuntur lactucis. Quare videant vxores ne earum mariti nūquid illis vtantur. Hic non tacebo rarum experimentum & sæpenumerò mihi fœliciter probatum aduersus albas mulierum fluxiones, quod constat cremore feminis lactucæ prius macerato in aqua extinctionis chalybis, addito puluere eboris in tenuissimum pollinem redactō: Non tacebo præterea, quod semen lactucæ in iusculo tritum & haustū, dormiendi impotentiam expugnat, & folia in aqua hordei cocta, lac potu mirandum in modum augent, si postea mammæ blāda manu fricentur. Addam, quod si vehementer caput incaluerit aestu, & hinc doluerit, aceto miscebitur succus lactucæ, & eo fouebitur, monitore Galeno. Et ad ardores ac ambustiones, folia diligentissimè terentur, & cum pane inducta, parti affectæ admouebuntur, ac subinde commutabuntur, ne ibidem incalēcant & obrigescant. Sed de medicis lactucæ facultatibus hæc satis erunt, vbi admo-

Alba mulierum fluxiones, vigilie, lac, capitis dolor, ardor et ambustio

nuero quòd tã manducata,quàm admota, æstus, *Æstus tam*
 nec nō ardores internos & externos, vt diximus, *interni, quã*
 clementer mitigare & restinguere solet. Cuius *externi.*
 rei gnarus Antonius Musa D. Augusti medicus
 incomparabilis, ad desperationē redactus in cu-
 randa distillatione, qua optimus ille imperator,
 ob vitiatum iecur, vehementissimè torquebatur,
 contrariam medendi rationem inire fuit coactus,
 & ad lactucæ præsidia cōfugere, sicuti paulò antè *Lactuca ab*
 adnotauimus: quorum auspicijs cōualuit Augu- *Augusto no*
 stus, & hinc lactucam summè nobilitauit. *biluata.*

Brassica, & medica eius auxilia.

A R E A I I.

NON sum nescius optimum illum, sine æmu-
 lo, agricolam M. Catonem, triumpho, cen-
 sura, ac literis insignem, oleribus omnibus Brassi-
 cam anteposuisse, & Plinium hortorum princi-
 patum eidem ascripisse, adhæc Pythagoram eius
 laudes ante omneis celebrasse, ac Chrysippū me-
 dicum, priuatum volumen per singula hominis
 membra digestū, de eadem composuisse, ipsum-
 que Catonem eius facultates & medica auxilia
 summoperè nobilitasse, populóque Romano a-
 deò fœliciter indicasse & præscripsisse; vt annis
 multis absque vllis medicis ac medicamentis aliis
 salubriter vixerit: Verumenimuerò omnia hæc,
 magna licet, me mouere non potuerunt (ob cau-
 sas paulò antè memoratas) vt in hac medica hor-
 tensium historia, brassica ante lactucam descri-

Brassica à
priscis val-
de commen-
data Et
laudata.

beretur. Quæ vna, ob insignem truncum & brachiatas virgas, etiam Caulis nomen sibi ascivit, & nunc demùm nobis medicè excutienda venit: sumpto initio à priscis M. Catonis de illa experimentis aliquot. De iis itaque quibus ægrè fluit lotium, & substillum est, hunc in modum scribit. Sumito brassicam, coniicito in aquam feruētē, coquito paulisper, vti subcruda fiet: postea aquam defundito, non omnem, eò addito oleum & salem, ac cumini paululum, inferuefacito paulisper, postea inde iusculum frigidum sorbeto, & ipsam brassicam manducato, ac quotidie id facito. Ad omnes tumores & omnia vlcerā, etiam inueterata, brassicam contritam, quæ minutis est caulibus & foliis tenuioribus (Crambem vocant) ille idem imponit, ac eodem præsidio caneros purgat & sanos reddit: quod facere non potest, vt scribit, medicamentum aliud. Verùm, priusquàm imponat, aqua calida multa lauat, aut vino tepido, vt legit Macer, postea bis in die, contritam admouet. Quo remedio etiam ad luxata & contusa, mammāsque vlceratas & canerosas vtitur. Si vlcus acrimoniam ferre non possit, farinam hordeaceam miscet, ac ita apponit, testaturque articulare morbum nulla re æquè domari atque brassica cruda, si eam concisam cum ruta & coriandro quis edat: aut salis mica & hordei farina mista, opportunè illinat. Quod herbularius Poëta versibus aliquot complexus est, de M. Catonis brassicaria medicina, hunc in modum loquens,

*Substillum
seu stranguria,
tumores
ulcera &
canceri.*

*Luxata cō-
tusa, māmā
ulcerata &
cancrofa,
necnon ar-
ticularis
morbus.*

*Hordea quam dederint cauli miscere farinam
Idem præcepit, rutam quoque cum coriandro
Et sale per modico : sic omnia mixta terendo
Apponi diræ docuit cataplasma podagræ :
Hoc etiam morbo medicabitur articulorum.*

Si auribus parum audies (inquit ille idem Carø)
cum vino brassicam terito, succum exptimito, &
tepidum in aurem instillato, citò intelliges. Si bi- *Surditas, bi*
lis atra est, si lienes turgent, si cor dolet, si iecur, *lis atra, lié,*
pulmones, aut præcordia, vno verbo omnia sana *cor, iecur,*
faciet brassica, quæ intus dolitabunt. Qui plura *pulmo præ-*
curiosè scire curabit, librum de Re rustica eius- *cordia.*
dem cõsulat, illic inueniet quod placuisse queat.
Sed hæc, inquires, magna ex parte non quadrant
nostræ hortensi brassicæ, de cuius vsu hodierni
medici inter vtrûque volant. Causam alibi acci-
pies. His sic positis, venio ad geoponicos, apud
quos lego brassicæ decoctum cum dulci vino
haustum, mulieribus menses ducere : adhæc suc-
cum eiusdem cum optimo melle remistum, ocu-
los iuuare, si illorum angulis admoueatur. Quòd *Menses, ocu-*
si venenatos boletos quis ederit, poto brassicæ *li, boleti.*
succo valdè iuuabitur. Addunt prætereà quòd
corpori alimentum ex ea multum præstari solet:
adeò, vt pueri brassica vefcentes, citiùs adolesce-
re credantur. Succus cum vino albo ad dies qua-
draginta haustus, splenicos & ictericos curat, *splenici, i-*
quemadmodum in Rusticis paradoxis scripsit *cterici, pso-*
Paxamus Græcus. In quibus non omittit quòd *ra, & lepra.*
brassica alumini rotundo, aceto macerato per-
mista, pforam ac lepram mundat : coctâque &

*Canis mor-
sus, & la-
xata vuula
seu columel-
la.*

*Succus me-
lancholicus,
os ventricu-
li, visus, vi-
perarū mor-
sus, & arti-
cularū mor-
bus.*

*Vlcera, ca-
put, menses,
tumores, car-
bunculi, ca-
pilli vlcera,
lienosis, gan-
grene & la-
terum dolo-
res.*

præsumpta, voci atque arteriacis affectionibus medetur. Vnde vocis studiosi hac libentissimè uti solent. Folia perinde atque semen, cum sylphio & aceto trita ac imposita, morsum canis rabidi, vel alterius, perfectè sanant. Et si contigerit à destillatione vuulâ aut columellam in guttur laxari, succus crudæ brassicæ summo capiti admotus, illam in sublimem oris partem reuocabit, solitumque locum repetere coget, quod naturæ arcanis & secretis ascribendum est. Hactenus Græci geoponici. Medici vno omnes ore tradunt, brassicam frequenter comestam succum melancholicum plus iusto augere, cuius substantia os ventriculi etiam lædit, & visum, ut mox dicemus, obtenebrat: quare illa, nisi urgente oleum meliorum penuria, mensis excludenda est salubribus. Crudus eius succus cum vino potus, viperarum morsibus auxiliatur, & cum scæni-græci farina illitus, podagris, ac vitiis articulorum præsentis est remedio. Idem prodest sordidis ac vetustis vlceribus, sed impermissus: qui etiam naribus immissus caput purgat, & cum loliacea farina pudendo muliebri inditus, menses trahit. Folia per se illita, aut cum polenta trita, confuerunt inflammationibus ac tumoribus, & ex sale carbunculos rumpunt, fluentesque capillos retinent. Eadè folia cruda, ex aceto profunt lienosis, & addito melle cocta, plurimum pollent aduersus vlcera depascètia & gangrænas. Virentes cauliculi cum radice cremati, & vetusto porci adipe excepti, diuturnos laterū dolores mitigât. Quod poëta herbularius nec ignorauit, nec omisit:

Cum

*Cum veteri pingui (inquit) cineres caulis bene triti,
Profunt ad veteres lateris, coxæque dolores.
Sit licet hæc vilis, tamen est medicina salubris.*

Si humentem aluum siccare volueris, vbi medio- *Quomodo
coquenda
brassica ad
mouendam
aluum, &
cōtinendā.*
criter ebulliisse videbitur brassica, priore aqua
effusa, repētē aliam calentem ei iniicies, atque ita
rursus illam discoques, vsquedum tenera, flacci-
dæque euaserit: quod non fit cū ventris subdu-
cendi causa sumitur. Hinc emerfit Salernita-
num illud,

Ius caulis soluit, cuius substantia stringit.

Hæc omnia, & plura, versiculis aliquot paulò e-
legantioribus, Eobanus Hessus, pulchrè & inge-
niosè sic est complexus,

*Brassica ventris onus bis cocta, comestæque sistit:
sed semel & modicè cocta, resoluit idem.
Profuit hanc succo conspergere pinguis oliuæ,
Lac auget, multum seminis esse facit.*

Non putaui hoc loco prætereundū, quòd omnis *Lac, sper-
ma, oculi,
somnia.*
brassica, vt diximus, oculis admodū officit. Quæ
res lucubrantibus, & literarum studiosis est im-
primis notanda. Parum nutrit, & somnia terribi-
lia parit, ob humorem melancholicum, cuius pa-
rens, vt monuimus, illa esse solet. Porro, scitu in-
dignum non est, quòd Athenis olim brassica in
cibo parabatur puerperis, amuleti cuiusdam vi-
ce, vt author est Athenæus. Tradit præterea Sui-
das, priscos in conuiujs crambem adhibuisse, sed
recoctam, adeò vt nausæa adferret, ex quo Græ-
cis in prouerbiū abiit, *ἡς καὶ μὲν δάνατος*. Inest

*Ebrietas,
crapula &
graues.*

brassicæ vis peculiaris contra ebrietatem : cuius
noxas non solum antè cibum & à cibo sumpta
impedit, sed etiam crapulam & grauedinem inde
obortam tollit ac discutit. Cuius rei duos è mul-
tis testes proferemus, Marcum Catonem impri-
mis, hominum, vt scribit Plinius, in omni rerum
vfu summum & maximum. Si voles, inquit, mul-
tum in cõuiuiu bibere, cœnaréque libenter, cru-
dam brassicam ante cœnam esto quantum vòles
ex aceto: & item vbi cœnaueris, esto quinque fo-
lia, reddent te quasi nihil ederis ac biberis, bibés-
que quantum voles. Testem dabimus secúdm,
Cl. Gal. scribenté folia brassicæ, calida aqua ma-
cerata, & capiti circumposita, ebrietati naturali-
ter resistere : quod mirabili fit oleris huius cum
vino antipathia, vt admonuit Agrius apud M.
Varronem. Ex quo non temerè scripsisse mihi vi-
detur Athenæus, vineas in quibus nascútur bras-
sicæ, lãguidius vinum creare, vsq; adeò his perni-
cialia sunt cum paréte & filio, hoc est, cum vite &
vino, odia, ac dissidia. Hinc nimirum Theophra-
stus, viuam vitem, oleris huius odore fugari, re-
ctissimè adnotauit : & Plinius, vinũ in dolio hu-
ius sapore & odore corrumpi: sed betæ foliis de-
mersis restitui. Quo argumento, Androcydes sa-
pientia clarus, vt idem tradit Plinius, brassicam
contra ebrietatem, vt præmonuimus, maximè
pollere dixit : atque hinc Ægyptij vini, vt scribút
Suidas & Athenæus, magnoperè amantes, omni-
bus esculentis coctam brassicam olim in cibatu
præmittebant, & primum in symposiis ex eius o-
lere ferculum faciebant, ad inhibendam vini no-
xam

*Mira brassi-
ce odia cum
vitibus &
vino.*

*Ægyptij
vini aman-
tes.*

xam & crapulam, quod de ea quę plus cæteris rubescit multi capiendum censent. Ægyptiorum vestigiis, defixo (vt aiunt) pede, cū alij, tum præcipuè Germani & Flandri inhærere mihi videntur: brassicam suis cibis & mensis antepontes, & quandoque postponentes, vt dolosas vini infidias fallant: quod & manu liberali propinare consueuerunt, & impigro gutture haurire, laborum alioquin patientissimi, sed sitis admodū impatientes. In quam rem cum nostro Geruasio Marstallero Brisgoico, Germano mihi amico vnde quaque erudito, sic ludere aliquando solebam, dum nobiscum ageret,

Germani laborum patientissimi, sed suis impatientes.

Germani varios norant tolerare labores:

O vinam possent tam bene ferre sitim.

Quę restant animaduersione digna sunt. Cinis caulium brassicę & eorundem decoctum, caput à furfuribus emundat, si illis abluatur. Et fofus vberum ex iusculo brassicę tepido, lac auget: cinis præterea cum albumine oui, ambustis auxiliatur: & aqua quę ex eius caule, dum aduritur, stillat, recentes impetigines delet, non secus quàm cortex radicis oxylapathi præmansus, & eisdem illitus. Addam quoddam brassica cum tenui potentę polline trita, & ex aqua rosacea oculis appofita, calidas illorum fluxiones emendat: & si foliis coctis actusis fēcem acetī addideris, crudorūque onorum lutea duo cum pauco rosaceo, & omnia accuratè miscueris, tepeseceris, admo-ueris, cōtinuè mutaueris, præstantissimum experieris remediū aduersus podagrę insultus & ac-

Furfures, lac, ambusta, impetigines, oculorum fluxiones.

cessiones. Eadem brassica per se, vel cum axungia
Phlegmonæ, trita, phlegmonis induratis & erysipelatibus val-
erysipelas. de idonea censetur esse, hoc modo: Partes affecte
 rhodelæo fouentur, & materia dicta, in cataplas-
 mate fasciis alligatur. Nihil video superesse in hac
 medica brassicæ historia, nisi ingens & minimè
 vulgare naturæ miraculum, quòd tacendum non
 est: nempe hoc olus, quo vitem fugari diximus,
 cyclamino & origano aduersum, perarescere: na-
 turali & occulto odio, quo plantæ illæ brassicam
 non minùs prosequuntur, quàm vitem & vinum
Vinū brassi
cæ cocturā
impedire. brassica, & cōtrà. Hinc absurdum videri non de-
 bet, quòd si feruescenti & ebulliēti brassicæ, pau-
 lulum vini generosi guttatim quis instillauerit,
 non ampliùs coquetur illa, sed suis viribus de-
 functa, mutato colore corrūpetur, quemadmo-
 dum adnotauit Paxamus ex Græcis geoponicis
 vnus. Quibus ex rebus appositè colliges, eos qui
Vinum. Et
obrietas. vinum multum bibere volunt, & potandi certa-
 mine victores coronari cupiunt, crudam brassi-
 cam cibis antepondere debere, ne temulentia, vt
 paulò antè diximus, tententur. Quod se præsente
 factum fuisse a quodā docto & philosopho ho-
 mine, autor est Gulielmus Gratarolus medicus
 præstantissimus, in libro de tuenda valetudine.
 Nam dum is in conuiuio accumberet, probatis
Historia no
tatu digna,
nō imitanda. & acceptis inuitantium omniū poculis, perstre-
 nuè potauit: quòd foliolū crudi caulis rubescen-
 tis præsumpsisset. Hæc de brassica satis, vbi addi-
 dero, illam nascentem in locis aridis & siccis, ter-
 restrem esse valde & adstringentem: in calidis ve-
 rò & humidis, contrà. Adhæc Raphanum Græ-
 cis

cis etiam *κράμβη* dictum, iisdem viribus pollere in arcenda ebrietate, quàm brassica: quemadmodum proprio loco explicabimus.

Apium hortense, seu Petroselinum, & medica eius auxilia. A R. I I I.

AP I V M fatiuū, Græcis *σέλινον*, (ac si lunaticū dicas, ab horrendo illo affectu epileptico, quem, vt innox audies, accersit) vulgò Petroselinum, & nostratibus Persilium dici consuevit: cuius facultates & medica auxilia hîc nobis sunt paucis explicanda. Florentinus in suis Græcis georgicis, vt hinc auspicer, tradit Apium cum pane, cataplasmati vice impositum, sacris ignibus mederi: eius verò decoctum, calculos insidentibus deturbare, & fotu idem præstare. Adhæc vrinæ difficultatibus, & ægrotantibus renibus, tam folio, quàm radice auxiliari. Quod ab herbulario poëta etiam adnotatum fuisse reperiō, vbi de apij planta sic scribit:

*Ignis sacer,
calculi, vrina
et renes.*

Prouocat vrinæ hæc cruda comesta, vel hausta:

Sed magè radicum faciet decoctio sumpta:

Hoc itidem semen operatur fortius haustum.

Subdit præterea idem Florentinus, sugillata colori reddere, si eius semine decocto foueantur, *Sugillata,* mammarumque duritias, foliis attritis & impositis emollire. Plinius semen cum oui albo illitum, *mamma, renes, oris vlcera, calculus, icterici,* aut ex aqua coctum & potum, renibus mederi *et mēstrua,* scribit: ac in frigida tritū, oris vlceribus prodesse: necnon cum vetere vino, vesicæ calculos frāgere: quod etiā præstat radix. Datur ictericis idem

semen ex vino albo, & iis mulieribus, quibus statimenses non procedunt. Radicibus in iusculo coctis, vel acetariorum modo ex oxelæo apparatus licebit per hyemem, veris initia, & autumni finem, potius vti, quàm æstate: idque prandij, vel cænæ principio: quoniam materias à superioribus ad inferiora, vrinam proritando, euocant, ac vehiculi modo deducunt. Sed hoc loco nequaquam dissimulandum est, quòd non solum renibus medetur hortulanum apium, sed etiam colicis cruciatibus & aliis qui ex flatuoso spiritu egressum non habent generantur. Præterea, quòd succus apij cum melle bibitus, coagulatum in vetriculo sanguinem, vomitu exhaurit. Et semen eiusdem coctum in aceto & aqua, lotium remoratum elicit: plantaque ipsa cõrussa, & in vuluam missa, fœtum cum secundis trahit. Quòd si bibatur succus eiusdem, vterus à superfluis humoribus purgabitur. Dioscorides ad nullum determinati morbi genus apium applicat, sed omnibus indifferenter inflationibus vtile esse pronunciat: sic de eo simpliciter scribens, Soluit inflationes. Tradit nihilominus petroselino vires contra colum intestinum, ut diximus, validas inesse: adhæc contra stomachum, sic loquens: Petroselinon stomachi & coli inflationibus, torminibusque medetur. Cui subscribit Galenus, tradens insuper, ori sanè quàm gratum esse. Plinius incoctum, aquas potu suauiore reddere prodit: & Florentinus Græcus, in cibo sumptum facere, ut propriæ vulnerum fluxiones magis pronæ deferantur. Oculorum tumores, uti etiam mammaram, succus eius mica panis

Colicus dolor, flatus, inflationes, sanguis coagulatus.

Lotium, fœtus, secunda, vterus.

Inflatio & colicus dolor.

Stomachus, tormina, vulnera, oculorum & mammarij tumores.

panis candidi exceptus, emēdare solet actollere.
Quod non prætermisit herbularius poëta, sic de
apio rursum scribens,

Illius succo si candida mica terendo

Panis iungatur, oculis sedare tumorem

Dicitur, emplastri, nocte, superaddita more:

Sicque ferunt mammis prodesse tumentibus illam.

Penē omittebam, quòd neutrum apium (de mare
loquor & fœmina) Chrysippus medicus & Dio-
nysius, cibus admittendum censent (licet Plinij tē-
poribus, vt etiam hodiernis, per iura largis por-
tionibus innataret, peculiarēmque gratiam cōdi-
mētis accerferet, ex quo *ἐὺς ἁλῶν* Theophrasto vo-
catur) quoniam epulis feralibus, vt volunt, dica-
tum sit, & ob id nefastum habitū. Vel, vt Plutar-
chus scribit, quòd apio sepulchra coronentur:
vnde vetus illud prouerbium, *Apio indiget*: de eo
qui desperata sit valetudine. Non desunt tamen
qui de paludapio Chrysippum & Dionysium id
intellexisse contendunt: quia propēsius epilepti-
cum paroxysmum excitat. Sed hæc nihil ad apij
nostri facultates. Caule fœminini vermiculos in-
nasci tradunt: creduntque eos in sexu utroque
sterilescere, qui ederint: adhęc, in puerperis comi-
tiales fieri, qui post apij cibum vbera hauserint:
innocentiorē tamen esse marem affirmant, vt
Plinius scribit, veterū sententia & testimoniis
fretus. Quibus ex rebus mirandum non arbitror,
si recentiores medici, ex Auicennæ cōsilio, comi-
tialibus seu epilepticis apio interdican, ac con-
tendāt quòd illorum paroxysmos moueat & ex-
citet: atque ea causā Græci infantulorum nutrici-

*Cur olim
apium cibus
dānātū sit.*

*Steriles
& comitia-
les.*

Nutrices,
grauide,
puerpere,
lac & la-
bidu.

Febriles ar-
dores.

Oris & ha-
litus suauis-
sim.

Tria sum-
ma opere no-
ta uia.

bus, & grauidis, puerperisq; apium in cibo pro-
hibeant. Quanquã alia etiam potest subesse cau-
sa, nimirũ quodd scæmininos fonticulos reficcet,
lactisq; prouentum neget, ac uescentes ad libi-
dinem proriter. Sed ne, quæso, hîc intactũ relin-
quatur, quodd apium, Celso inter ea quæ reprimunt & refrigerant collocatum, febrilium ardo-
res ex oleo inunctum, refrigerare, à multis non
infœliciter expertum fuit. Quodd etiam à Q. Se-
reno confirmatum scriptũque audies ad hunc
modum:

Sin autem calidæ depascent corpora febres,

Tunc apij succus leui soluatur oliuo:

Membra line, fortique ferus mulcebitur ignis.

Cætera de apij facultatibus conticebo, nisi quodd
piscis agrotantes in piscinis, illo summè recreã-
tur ac refocillantur. Adhæc quodd nihil æquè oris
suauitatem commendat, atque recens apium &
viride commanducatum. Quodd meritorie mu-
lieres pleræque non ignorant, apium mandentes
& circumferentes, ut uirus tetri odoris, quo im-
buuntur, fallant, & suauiores aurã spirent. Hanc
de apio medicam historiam penè claudebã, cum
tria percommode mihi in mentem uenerũt. Pri-
mum est, quodd apium manducandum non est ubi
scorpionũ ictus timetur: sicuti adnotauit Albu-
bater scribens ad Almanforem Sarracenorum re-
gem. Secundum, quodd coci acetum suis obsoniis
apio, & cellarij grauem odorẽ uino, in faccis exi-
mere solent, Plinio autore. Tertium, quodd pe-
trofelinum, hipposelinum, eleoselinum, oreose-
linum & apium rusticum, adeò congeneres sunt
plantæ

plantæ, ac tanta virium affinitate coniunctæ, vt altera alterius nomen apud rei herbariæ autores quandoque sibi arroget. Quod ad hipposelinum attinet, ego sanè illud (vt id obiter adnotem) appositè à Gaza equapium interpretatū fuisse mihi aliquando persuasi, non ob insignem magnitudinem, vt multis visum est, sed quòd equis ociosis & defatigatis, salubre sit ac gratū pabulū. Quod non ignorans ter maximus ille Homerus, Achillem ociosis equis legatorum Vlyssis & Phœnicis, palustre apium, aut si mauis eleoselinum, quod nonnulli paludapium vertunt, non temerè exhibuisse scribit. Cuius rei causam Plutarchus in Symposiis reddidit, quòd vacantes à labore consueto equi, pedum vitio offendantur, cui præcipuum remedium, apium esse tradit. Quo loco illud cum eleoselino & hipposelino, ob virium & auxiliorum cognationem ac similitudinem, confundit. Hactenus de hortensi apio & petroselino; quod vnum cum vulgari apio, consentientibus vtrinque auxiliis, hîc confudisse, peccatum graue non erit.

*Equorum
ociosorum
& fatiga-
torum re-
media.*

Portulaca, & medica eius auxilia. A R. II II.

PORTULACA ex hortenſibus vna eſt quæ omnium ferè iuſculis ſuo tempore innatat, & pauperum ac diuitum menſas, oleo, ſale & aceto condita, inchoat. Frigida eſt & humida, quapropter fluxiones bilioſas ac feruentes, commatando & refrigerando emendat, febrîque ardente conſiſtatis ſummè opitulatur. Quod poëtæ her-

*Fluxiones
bilioſe
febris
ardens.*

bulario non fuit occultatum, de illa hunc in modum scribenti,

Humida vis eius & frigida dicitur esse.

Vnde iuuat febrem quam dicit Græcia causum,

Trita super stomachum viridis si ponitur herba:

Præstat idem succus si sumitur, herbæque mansa.

Dentium stupor, ignis sacer, Ven^{us}, somnia, capitis dolores, vulnera, umbilicus, dentes, tonsilla, gingivæ, lumbrici & dysenteria.

Dentibus qui stupore obtorpescent ab esu acidorum, austerorum, vel frigidorum, māsā remedio esse solet, ignibusque sacris auxiliatur, ac Veneris impetus & somnia frangit. Capitis dolores insolatione contractos, cum rosaceo mitigat, & vulneribus syderatione periclitantibus, efficaciter cum polenta inungitur. Præterea infantibus umbilico prociduo laborantibus, salubriter apponitur, ac dentes mobiles commāducata stabilis: orisque ac tonsillarum vlcera, & gingivarum tumores suo opportunè sedat succo. Animalia ventris rotunda ex decocto, vel stillatitia aqua pellit, ac dysentericos ex vino hausta liberat. Vnde idem poëta.

Mansa vel hausta potest nimium restringere fluxum

sanguinis, & ventris largum cohibere fluorem.

Sanguinis et alui fluor.

Sitis, verruca, podagra & mamma.

Ventriculus.

Leontinus Græcus, ex geoponicis vnus, scribit folium portulacæ linguæ subditum, his qui siti cruciantur, bibendi desiderium restinguere, & verrucas multorum dierum illitu tollere: quod etiā non omisit Plinius: docens insuper, mammarum & podagræ inflammationes, succo portulacæ cum melle, aut creta cimolia, sanari. Qui frigido sunt ventriculo, vim portulacæ frigidam, methâ, fœniculo, aut simili quapiam herba calorifica debent obtundere. Sed, ô me obliuiosum! penè

omit-

omittebam quòd portulaca miraculo quodã demulcet febres æstuentes, trita cum hordei farina, & hypochōdriis ac hepatis admota. Adhæc, quòd melli intincta, commansa, & ore retenta, aphthas ac oris vlcera valde emendat. Insuper, quòd sua radice siccata, & cum melle trita in formam vnguenti, fissuras labiorum, partiũque aliarũ non minùs adiuuat, quàm vulnerum dolores, si illis cum oleo & polenta imposita fuerit. Quæ si percoquatur, ad hæmorrhagias & sanguinis profluvia summè efficax habetur. Postremum id erit. Experti sunt veteres, quòd succus portulacæ sputa sanguinis mirificè compescit: imò verò portulaca ipsa quouis modo ministrata. Quæ si cum aceto manducata fuerit, vètriculi ardoribus valde commodabit.

*Febris ardens, oris
vlcera, fissura labio-
rum, vulne-
ra, hæmor-
rhagia, spu-
tum sangui-
nis & ven-
triculi ar-
dor.*

Beta, & medica eius auxilia. A R. V.

CLAVDIVS Galenus hoc olus nitrosa facultate dotatum esse censet, quæ etiam sordes eluit ac discutit: quæ vis in candida beta efficacior est, adeò vt ventrem ad excernendum inuitet, ac stomachum sensu exacto præditum mordeat & vellicet, cum nonnulla hepatis iactura. Quæ duo postrema, versiculis duobus elegantissimis sic expressit Eobanus Hessus.

*Sordes, vè-
tris excre-
tio, stoma-
chus & he-
par.*

Cruda nocet beta, hanc coctam sumpsisse iuuabit:

Sumpta frequens stomachum vellicat, atque iecur.

Diphilus medicus geoponicus tradit, beta candida aluos solui, & rubra vrinas proritari. Sunt qui nigram vituperent, quòd atrabilarium san-

*Aluus,
Vrina,*

*Caput,
aurei, den-
tes, porrige,
perniones,
ambusti.*

*Nyctalo-
pes, vulue-
raria, alui
fluor.*

*Vermes, ie-
coris obstru-
ctio, lienosi,
& flatu.*

*Odor allio-
rum.*

*Quale nu-
trimentum
à betta.*

guinē gignat. Succus naribus inditus, caput pur-
gat : infusus, aurium dolores sedat : illitus, dentiū
cruciatu compefcit. Si caput fucco illius deter-
geas & confrices, à porrigine & pityriafi vindica-
bis: & fi radicis fuccum naribus iniicias, dentium
cruciatu emendabis. Si decocto perniones fo-
uebis, eos mitigabis: fi folia coxeris, ambuftis me-
deberis. Addam quòd vſus betarum frequēs ny-
ctalopibus eſt vtilis: & fi cum atriplice illarū de-
coctum vuluis ritè infundatur, earum vitia corri-
get. Beta nigra ſeu rubra coquitur cum lente lu-
brico ventri cohibendo, quem, vt diximus, can-
dida ſoluit: quę cocta, & cum allio crudo ſum-
pta, inteſtinorū tineas abigit. Iecoris obſtructio-
nibus aptiùs quàm malua accommodatur, maxi-
mè vbi cum ſinapi vel aceto eſtur: lienofos ſimi-
liter māducata, mirificè iuuat. Vnde quis eam me-
dicamentum potiùs quàm alimētum dixerit, vbi
hoc modo manditur. Menander, vnus ex ſchola
Græcorum geoponicorum & medicorum, tradit
radices betæ toſtas, tetrum allij odorem ac virus
extinguere, ſi ſuper mādudentur. Quæ rubras vel
ſubrubras habent radices, vt valentiùs nutriunt,
ita ſanguinem gignant longè craſſiorem quàm
folia: illudquę inſuper obtinent, quòd flatu fa-
cilè pariunt, cūm facilè per aluū alioquin deſcen-
dant. Huius oleris, ſicuti aliorum, exigua eſt ali-
monia: quòd ſi largiùs ſumatur, ſtomachum, vt
paulò antè dicebamus, infeſtat & mordicat. Ha-
bet tamen id commodi, quòd aquâ muſcā inco-
ctum, alui ſedimina deiicit, vt ſcribit Diocles Ca-
ryſtius ab Hippocrate, Plinio autore, fama &
ætate

ætate secundus, in aurea epistola ad Antigonum, de morborum præfagitione, signis & curatione per hortensia. Quam nos, haud ita pridem cum Opusculo de Sena planta omnium saluberrima, & beneficētissima, publicæ vtilitati exposuimus. Cæterum hîc tacendum non est, quod sicuti à brassica vini sapor (vt suprâ docuimus) in dolio facilè corrumpitur, ita odore betæ, foliis eius demersis, facilè reparatur. Si acetum subitò facere voles, tusam betæ radicem in vinum coniicies, post horas tres in acetum degenerabit: quod si *Vinum & acetum.* voles in pristinum statum restitui, brassicæ radicem indidisse satis erit. Sed hæc ad nostra vinorum secreta & auxilia releganda erant: quorum participes nunquam fient ænopolæ, nisi vina in multorum perniciem temerè confundere & perditè turbare desinant.

Blitum & Beta cū medicis vtriusque auxiliis. A R. VI.

STOMACHO inutile olus censetur esse blitum, ventrem adeò turbās, vt choleram morbum aliquibus faciat, & alui fluxiones vomitionesque cum intestinorum torminibus, mota bile excitet: quod de immodico & assiduo eius vsu dictum accipies. Vnde à Plinio iners olus sine sapore & acrimonia nuncupatur: & à poëta Hesiodo ignauum, ac ventri mouendo duntaxat vtile, *Venter, cholera, alui fluxio, vomitus & tormina.* Ignauum (inquit) sine honore blitū, sine viribus, estur.
Hoc solo, ventrem quòd bene deiciat.

Ab hoc inertis olere inertes homines bliteos nuncupamus. Quanquam antiqui βλίτες dixe-

runt, quos Latini stolidos, fatuos, bliteosque vocant: & hinc fit, vt vulgari conuicio nullius frugis aut ingenij homines, nostratibus Gallis blitres & belitres, vt dixerimus, passim vocentur. Hinc etiam conuicium fœminis apud Menandrum faciunt mariti. Blitum è vino potum fertur prodesse aduersus scorpiones, & clavis pedum vtiliter illini: adhuc lienibus, & ipforum dolori ex oleo. Hippocrates, Plinio autore, mèstua eo cibo sisti putat. Sed hinc prætereundum non est, quòd prisci cum blito betam confuderunt: vnde Martialis hanc fatuam, seu insipidam, hoc disticho appellauit.

*Blitū igna-
uum. & fa-
tuū oīus.*

*Vt sapiant fatuæ fabrorum prandia betæ,
O quàm sæpè petet vina, pipérque coquus!*

cùm re vera sapore sit nitroso, & non fatuo, aut insipido, vt blitū: quo fit vt eius succus naribus exceptus, mucum & pituitam ex eis eliciat, præfertim betæ albæ. Vnum & irem alterum bliti auxilium omittebam. Prius est, quòd aqua decoctionis eius, & maximè rubri, cum suis radicibus, furfures capitis amolitur. Posterius, quòd folia sub cineribus cocta, vel elixata, ambultos summè iuuant. Memineris quòd blitis quàm betis gustus insulsiior est & humidior: vnde cholera faciunt, quemadmodum cucurbitæ & pepones. Quæ dum nequeunt excitare facultatem expultricem, cunctando corrumpunt cibum, & hinc vomitiones, turbidasque ventriculi motiones excitant flatu multo mixto: vt doctè adnotauit Petrus Pena.

*Furfures et
ambusta.*

Oxalis seu Acetosa, & medica eius auxilia.

AREA VII.

OXALIS ab acido succo nomen habet, unde apud multos *Acetosa* dici solet, & vulgari nomē clatura *Oxella*. Duorum est generū, maior & minor. Vtraque iuribus affatim innatare consuevit, & singularem gratiam in acetariis habere. Quin & carnibus intingendis iucundū succi viridis accrementū subministrat: nec aliud in obsoniis maiorem sibi vēdicat authoritatem. De oxalide id sum expertus, quod carnes quantūvis duras, coriaceas ac peruetustas, esui aptas facit, ac tenellas reddit, si illi concoquatur & prēmaceratae elixentur. Nam lubrica & humentis est naturæ, quā dura emollit. Quæ facultas cum multò validior & vegetior sit in oxylapatho & lapatho, ita rem eam multò certius cum illis sum affecutus, quàm cum hortensi oxalide, quā nihil frequentius ubique nec vilius, ad irritandam appetentiam, si langueat, aut mitigandum ventriculi vel hepatis æstum immodicum, si opus sit. Quod poëta herbularius nec ignorauit nec omisit, de Oxalide hunc in modum scribens,

Hanc auidè multi comedunt in tempore veris:

Expertūmque ferunt sibi quod fastidia tollit.

Semen vtriusque tritum ex aqua aut vino, vtiliter bibitur contra dysenterias, & celiacorum affectus, ac stomachi fastidia & nauseas. Radices ex aceto coctæ, aut crudæ illitæ, lepras & impetigines sanant: sed antea locus aceto & nitro in sole est perfricandus. Sunt qui planta tota effi-

*Oxalidis
vsus ad excitandam
appetentiam
& alius.*

*Ventriculi
& hepatis
æstus,*

*Dysenterici,
celiaci, nau
sea, lepra,
impetigo,
erysipelas,
herpes, &
oculi.*

*Podagra,
cephalal-
gia, & fluor
muliebris
ac ventris.*

caciter vtantur (sicuti etiam aīzoo minore) ad-
uersus erysipelata & herpetas, necnon tumores
oculorum in cataplasmate: præterea aduersus
calidas podagras cum polenta, & antiquos capi-
tis dolores, cum rosaceo. Fluxum muliebrem
vtero appolita, coramodissimè sistit, vt tradit
Dioscorides: sed non menstrua, seu lunares fœ-
minarum purgationes, vt vult poëta herbula-
rius. Ex quo etiam addimus quòd

*Omne genus fluxus ventris reslinguere mirè
Cum vino potata solet, vel mansa frequenter.*

*Pruritus,
dentes, stru-
ma & re-
gins morb'.*

Decoctum radicū eius, pruritus corporis sedat,
si eo foueatur aut cōfricetur corpus in soliis bal-
nearum: mulcet insuper dentium dolores cum
vino. Nonnulli in strumis amolendis radicem
gestamine vtuntur, eas collo appendentes: quæ
etiam cum vino potæ, regio morbo auxiliantur.
Verum, hæc omnia efficacius præstare solet oxy-
lapathi radix. Apuleius ad abscessum qui fit in
inguine, oxalidem contundit absque sale, cum
veteri axungia, quæ dupla esse debet ad herbam:
iisque probè commixtis, pastillum concinnat,
quem folio caulis inuolutum sub calidis cineri-
bus sepelit, & mox abscessui aut buboni calen-
tem applicat, lineoq̃ue panno tegit, & colligat.

*Abscessus
aut bubo
inguinum.*

Malacia.

In vino austero cocta & potata prægnantium
malaciam & deprauatam appetentiam emendat:
quod etiam præstat citrij decoctum. Non tace-
bo quòd radix aqua incocta, vel macerata, rubel-
li vini colorem mentiri solet, grata & salutari fe-
bricitantibus impostura. Folia papyro vestita, &
sub calidis cineribus igneum teporem experta, &
pauco

pauco rosaceo excepta, quosuis tumores ad sup- *tumores,*
 purationem facilè mouent. Noui quendam qui *suppuratio,*
 omnes dysenterias in paruulis, ad hunc curabat *paruulorum*
 modum. Oxalidem forti aceto macerabat, dein- *dysenteria.*
 de stuppis eodem aceto intinctis, sub calidis ci-
 neribus modicè decoquebat, postea succum ex-
 primebat, & calidum propinabat. Penè omise-
 ram, quòd oxalis mirabilem habet energieam
 aduersus luem pestilentem, si ex aceto macerata, *Pestis Et*
 matutinis sumatur horis: fœlici experimento *astus febris*
 probatum, quemadmodum in nostro opusculo *lis.*
 de Peste non obscurè ostendimus. Verum enim-
 uerò, nec absurdum, nec inutile fuerit hoc lo-
 co proferre quid eam in rem scripserit Ant. Gai-
 nerius Papiêtis medicus de peste differens. Ace-
 tosa, inquit, mirabilem habet virtutem aduersus
 pestem, sicuti ego accepi à fide digno quodam:
 apud quem sœuiente peste quauis, nullus vnquam
 locum mutauit, adiutus præsidio huius plantæ.
 Cuius bolum ante prandium & cœnam die qua-
 libet ex domesticis vnusquisque sumebat: & si
 deesset eius copia, puluerem ex ea resiccata, in
 vino albo præsumebat, utebaturque nonnun-
 quam catapotiiis Rufini contra pestem. Ex quo
 nullus è domesticis vnquam peste correptus
 fuit. Addit ille idem Gainerius quòd oxalis
 comesta, ictum à scorpione impressum non
 solum sanat, sed & præsumpta, vel eius semen,
 nullam noxam venenum relinquere in corpore
 permittit. Quod Auicenna ante eum testa-
 tum esse posteritati etiam voluit. Hoc postre-
 mum sit, Nostrates mulierculæ in febrium ar-

dore contusam oxalidem carpo manuum vtiliter imponunt.

Spinacea, & medica eorum auxilia.

AREA VIII.

SANE mirandum est, spinacea olera veteribus incognita fuisse, cum & pauperum & diuitum mensas onerent per verna ieiunia, ac eosdem interficiant & saturent. Aluum emolliunt, & corpus humectant, flatúsque colligunt, nisi humor excrementitius abiiciatur, & calidis rebus admotis emendetur. Ceterum, quia in istorum olérũ cibaria præparatione à multis peccatur, ideo illam paucis hoc loco ostendisse, inutile fortassis non erit. Abiectis radicum capillamentis citra aquam elixari postulant, nam magnam vim humoris inter coquendum effundunt, proprioque iure contenta, alienum aspernantur: aliter si coquas, natium illorum succum perdis ac temerè inebrias. Abacto post elixationem lentore, ligneo cultro, aut aliter, percutiuntur, & sub inde versantur, postea in manuales globos & offas herbaceas (expressa penitus sanie) rediguntur, ac patinis ex oleo optimo vel recenti butyro, diligenter friguntur, addito omphacio & piperis tusi momento, vt magis palatum titillent, & flatulètam humiditatem exuant. Sed hîc medicum agimus, non coquum: quare, quæ medicorum sunt promittamus, & sua tractent coquinalia coqui.

Alui lubricatio et flatus.

Quomodo sint coquenda & apparatus spinacea.

Notanda & in vsum vertenda.

Borrago

Borrage, & medica eius auxilia.

A R E A I X.

BORRAGO, quæ verum & legitimum buglossum multis esse creditur, foliis suis, obsoniorum iuribus salubrem & peculiarem addit gratiam: estque hyeme apud nonnullos eius radix, foliorum vice, quoties anni tempus illa denegat. Flos in æstate in acetariis summè gratus habetur. Olus hoc, suavi suo odore (nam peponem iucundissimè subolet) vires recreare solet, ac animi voluptates, vt tradit Galenus, in vino augere. Ex quo Græci *εὐφρόσυον*, hoc est oblectans & lætificans, scitè admodum nuncuparunt: adhæc *ψήπυδες*, id est tristitiam discutiēs. In quam rem alludit vulgaris versiculus,

Dicit Borrage, gaudia semper ago.

Tradunt plantam hanc vtilem esse aduersus horrores febrium, eiusque radicem quæ tres emiserit thyrsos, cum seminibus tritam, & ex vino decoctam, tertianis prodelle: quæ quatuor, quartanis, quod etiam confirmat Dioscorides. Alij testantur abscessibus valde accommodam esse. Galenus illos, qui ob faucium asperitatem tussunt, decocto eius in melicrato summè iuuari scribit. Plinius addit, quòd si quis borragine aut buglossò inarescente, medullam è caule exemerit, alligaueritque ei septem folia ante accessionem, à febre liberabitur. Poëta herbularius ex Arabum placitis, de Borragine testatur,

*Quòd choleram rubram nimio feruore perustam
Purgat, cum vino fuerit si sumpta frequenter:*

*Borraginè
vires ac
animi voluptates recreare.*

Febris tertiana, quartana, abscessus, tussis.

Febris, cholera rubra, pulmonarij, cardiaci, schiatici, & memoria.

*Humores nocuos pulmonis detrahit hausta,
Mixtus aquæ tepidæ si succus sumitur huius.*

*Partus
eius purga-
tio, vterus
et secunda.*

Subdit præterea, quòd cardiacis valde prodest,
& iis qui coxendicum labores patiuntur: adhæc,
quòd vino sæpè immerfa, memoriam reddit il-
læsam ac vegetam. Hîc non tacebo quod ex-
pertum audiui: Si mulier à partu non potest
liberè purgari, propina illi succum borraginis,
porrorum & petroselini, cum vino, vel oleo dul-
cium amygdalarum, & videbis rem admiratu
dignam. Si addideris fuffitum ex cornibus &
ungulis capræ, vterum valde commouebis ad
excludendû excrementitias gestationis reliquias.

Asparagi, & medica eorum auxilia.

A R E A X.

*Stomachus,
inflationis
alui et coli,
vrinæ, cal-
culus, vul-
na pectoris,
ac spinæ do-
lor, Venus
et venter,*

Hic mihi monēdus est Lector, quòd Græci
germina herbarum & fruticû ante florem
erûpētia, nomine largè sumpto, asparagos nû-
cupare solent. Sed nos hoc loco agimus dunta-
xat de iis asparagis qui satini sunt & altiles, quiq;
propriè ac peculiariter id nominis sunt adepti.
Horum cibus stomacho vtilissimus esse traditur:
cui si cuminum vel anisum addatur, alui & coli
inflationes discutiet, vrinas mouebit, ac calculos
exturbabit. Sunt qui ad vuluæ dolores radicem
cum vino dulci propinent, & negent ab apibus
illum posse pungi, qui asparagis cum oleo tritis
perunctus fuerit. Plinius pectoris & spinæ do-
loribus summè prodesse scribit, ac Venerem
stimulare, & ventrem leniter mollire. Sed ante
alios

alios cibos debent sumi. Vnde maximoperè peccant, qui postrema mensa illos apponunt. Dioscorides assos aut elixos, vrinæ stillicidium, *Straguria, dysuria, dys-* difficultatēque, ac dysenterias mitigare tradit. *senteria, re-* Galenus verò renes ac iecur infarctu liberare, *nes & ie-* maximè radice & semine. Quod Q. Serenus in *cuy.* sua illa celebri remediorum poetica sylua non omisit, hunc in modum scribens de lumbis & renibus sanandis,

Aut caput asparagi cum vino sume vetusto,

Seu mauis appone: modus conducit vterque.

Radicis decoctum ægrè meientibus prodest, ac dentibus excruciatibus medetur, si qua dolent parte contineatur. Non desunt qui canes necari scribant, hausto asparagi iusculo. quod an verum sit, necne, faciet experientia fidem. Cæterum hîc non dissimulabo, nec tacebo, quòd modicam coctionem sustinent asparagi: nam diutius percocti, in tabem abeunt. Ex quo Imperator Drusus, celerem rei successum demonstrare volens, dicere solebat, *Citius quàm asparagi coquantur.* Si in iure pingui elixentur, suum condimentum sic apud multos secum referunt: Si in aqua, oleo optimo, vel butyro recenti, addito sale & aceto, *Quomodo coquendi & parandi sint asparagi.* perisque momento conspersi & imbuti, summa cum voluptate manducantur. Sed rursus obliuiscor me hîc medicum agere, non coquum.

HORTI MEDICI CAMPVS

SECVNDVS, RADICES ALI-
quot esculentas, quatuor
areolis continens.

*Porrum hortense, & medica eius
auxilia. AREA I.*

*Reptilium
morsus, dy-
suria, san-
guis, oculi
& stoma-
chus.*

RADICES aliquot hortorum esculentas me-
dicè hîc descripturus, à Porro auspicandum
dixi: quod Sotîo in suis Græcæ agriculturæ præ-
ceptis refert tritum & appositum, morsus repti-
lium, alio quouis pharmaco citiùs, curare: eiùs-
que semen cum passo potum, vrinæ difficultati
mederi. Adhæc vetustis sanguinis reiectionibus
opitulari, si temperato modulo cum pari bacca-
rum myrti vel gallæ mensura, & thuris farina, op-
portunè ex vino, si febris absit, propinetur. Hip-
pocrates absque vlla mistura dari iubet, vsumque
porrorum nimium & continuû prohibet, quòd
oculorum aciem hebetet, ac stomachû malè ha-
beat. In quam rem Eobanus Hessus pulchrè &
elegantè allusit ad hunc modum:

*Officiunt oculis capitati segmina porri,
Interiora graui viscera mole premunt.*

*Succus por-
rorum inter
deleteria
adnumera-
tus.*

Vsus illorum innocentior fiet, si tantùm perco-
quantur, vt in tabem ferè soluantur: sic enim cre-
duntur non minùs alere quàm carnes: tametsi æ-
grè à ventriculo cõficiantur, ob fibrosum nescio
quid, quod illis inest. Crudorum succus largus
Plinio inter deleteria recensetur. Nam fama est,
Melam equestris ordinis reum, ex procuratione à
Tiberio

Tiberio principe accersitū, in summa desperatio-
ne succo porri ad trium denariorū argenteorum
pondus hausto, cōfestim expirasse absque crucia-
tu. Porrū ex melle tritū vlcera purgat: & eius suc-
cus paucus cum lacte muliebri haustus, profluuia
ex abortu sedat, tussimque vetustā curat, quem-
admodum herbularius adnotauit poëta:

Cōmixtus, inquit, porri succus lacti muliebri,

Et bibitus, tussim fertur sanare vetustam:

Ac variis vitiis pulmonum subuenit idem.

Datur salubriter cū vino his qui à venenatis be-
stiolis icti fuerunt: imò verò cum melle tritum
vtiliter puncturæ earundem superponitur. Si
præterea eius succo pars mellis tertia addatur, &
per nares vel aures guttatim infundatur, modò
id tepidum fuerit, capitis dolores frigidos com-
pescet. Idem succus aceto exceptus, vel cum
galla remixtus & fronti illitus, stillantem è nari-
bus sanguinem sistit. Quod etiam fiet si adiecto
thuris polline naribus iniiciatur. Quin & thora-
cis vitia cum melle datus expedit. Hic non est ta-
cendum ex Galeno, quòd porrum acrimoniam
deponit, ac minùs inflat, si bis permutata aqua de-
coquatur, deinde frigida perfundatur: quo modo
etiam fluentem aluum sistere fertur, & grauem
vocem explicare, faucium asperitatem suo lentore
deliniendo. Vnde & perdices (si Aristoteli cre-
dimus) porro vescūtur, canoræ vocis gratia. Hinc
minùs mirū esse debet, à Nerone mansum fuisse
porrum ex oleo, statis mensium diebus, ad conci-
liandā vocis præstantiam, dum pro ea certaret
cum phonasco: per quod tempus, nihil aliud, ac

*Vlcera, flu-
xus mulie-
bris, tussis,
pulmo, pun-
ctura vene-
nata & ca-
pitis dolor.*

*Signis, tho-
rax, fluxor
alui & vox.*

*Pulchra hi-
storia de
Nerone.*

ne panem quidem, sumebat, quemadmodum scribit Plinius, qui de sectiuo porro id intelligendum censet: cui ille idem princeps Nero auctoritate n dedit. Experti sunt nonnulli, succum porrorum ex vino haustum, lumborum dolores mitigasse, & fracturas apponendo solidasse. Quid amplius?

Lumborum
dolor &
fractura.

Contractas vulvas succo curabis eodem:

Hocque hausto reddes fecundas sæpè puellas.

Sanguis, vul-
nera & lo-
tij difficul-
tas.

Diffimulandum non est ex Dioscoride, Plinio & Celso, quòd porris facultas inest adstringendi, & sanguinem, vt diximus, suppressendi: ex quo vulneribus ritè imponuntur. Quod Q. Serenus non tacuit, hunc in modum ea de re eleganter scribens,

Præterea nimios reserati vulneris amnes

Feniculi cinis adstringit, vel fimbria porri.

Vterus, par-
tus, sangui-
nis spūm.

Semen eiusdem contusum, & ex passo, aut vino albo generoso, vt diximus, bibitum, lotij difficultates soluit, ac vrinarios meatus aperit. Et si succo porri misceatur adeps anseris, ac eo inungatur collum vteri post menstruas purgationes, contractam matricem relaxabit. Idem succus cum aqua tepida haustus, potenter operatur in euocando & ducendo fœtu parturientium. A nōnullis pro experto audiui, quòd porri semina cum mirrha & aqua, vel succo plantaginis trita, saluberrimū præstant auxilium aduersus excreationes sanguinis pulmonarias, vel thoracales. Et eorūdem drachmæ duæ cum granis aliquot myrti & aqua portulacæ idem operantur. Præterea vapor decoctionis foliorum porri, saluæ & lauri ex generoso vi-

fo vi-

fo vino, per anum exceptus, & calentes herbæ ventri appositæ, eius dolores etiam colicos abolent. Quod experimentis multis testatum est cum sequentibus: nimirum, quod succus porri sectiui cum melle vuluas purgat, & cum vino geritroso haustus, menses ciet. Cibus ex illis frequenter repetitus, ad fœcunditatem prodesse fertur. Et si cum thure, aut galla teratur porrum, & eo nares inferciantur, fluentem ex illis sanguinem sistet. Cæterum, si quis experiri velit num membrum aliquod amputandum, verè sideratum & sphacelissimo tactum fuerit, partem eam porrorum quæ virescit, contundat, & vna nocte membro superponat. Id si postridie liuorem aut nigrorem nonnihil exuerit, significabit vitale adhuc esse, sin minùs, mortuū & iustè amputandum ne pars syncera trahatur in vitium. Experimentis multis cōfirmatum fuisse mihi fidem fecit Hispanus quidam arcanorum naturæ explorator indefessus: quod posteris impertitum volui. De medicis porrorū auxiliis hæcenus. Sed prius quàm ex hac tabula porracea manum tollam, monuisse iucundum erit, & fortasse gratū, quod qui cuminum prægustauerit, fœdum & tetrum porrorum odorem nunquam exhalabit, etiam si larga manu porrum ipsum manducauerit: nam eius esu grauis halitus extinguitur, quemadmodum tradidit Sotion in græcis agriculturæ præceptis. Hoc vnum restat ex Petro Crescētio cognoscendum, nimirū quod semē porri in vinum proiectum, efficit ne ace scat: imò verò vt acetum in vinū redeat, hoc est acorem omnem exuat. Quod expreientia

Ventris dolor.

Colicus dolor, vulua, menses, fœcunditas & fluor sanguinis.

Membrum sideratum.

Notaturale de dignum.

Quomodo regatur fœdus odor ex porris.

Quomodo fiat ex vino acetum, & contrà.

admodum facili & labore paruo ita probari potest, vt inde sequantur commoda mille. Sed indigni sunt nostrates ænopolæ, vinorum pestes, & eorundem perniciosi fucatores ac impostores, qui hæc resciant, & alia item iucunda æquè ac vtilia, quamplurima, in nostris vinorum secretis & auxiliis describenda.

Cepa, & medica eius auxilia.

A R. II.

*Hippocratis
iudicium de
cepa.*

VETERES rustici, vt testatur Columella, Cepas *Vniones* nūcuparunt: quòd vno & singulari constent capite, & non pluribus bulbis aut nucleis coagmentato, vt allium. Quod nomen apud nostrates Gallos, velut triuiale hætenus vsurpatur. Hippocrates cepā aspectu, magis quàm esu, commendauit, visu bonam esse dicens, & gustatu malam, quia est mordax, summè calida, & æstuosa. Sorion Græcus agricola & medicus, autor est, teneriorem cepam cum melle à ieiunis quotidie manducatam, firmitatem valetudinis custodire. Id quod etiam adnotauit herbularius pœta, de cepis hunc in modum scribens:

—quisquis ieiunia soluerit illis,

Vnaquaque die, viuet hic absque dolore.

*Vlcera, vitiligines,
aures, angina, tussis &
canis morsus.*

Tradit insuper idem Sotion, cepas vlcera ad sanitatem perducere, & vitiligines in Sole perfrictas emaculare, purulentisque auribus suo prodesse succo. Si anginis illinantur, auxiliari ferunt: perinde atque tussi, modò sub cineribus coquantur, & ex oleo comedantur. Sunt qui adfirmant virides cepas ex aceto tritas & perlitas, canis mor-

sum

sum post diem tertium soluere: nec non in foculo tostas, & cum hordeacea farina positas, epiphoris, genitaliūque vlceribus succurrere: ad hæc earum succū tepidum cum lacte muliebri instillatum, aurium grauitatem ac sonitum emendare. Quem etiam ex aqua bibendum multi dederunt repentè obmutescentibus. Hæc omnia ille idem poëta versibus aliquot expressit, de cepis ita loquens,

Epiphora,
genitalia,
aures, ob-
mutescētes,
Et morsus
canis.

Appositas perhibent morsus curare caninos,
Si tritæ cum melle prius fuerint, vel aceto:
Apponunt alij cum vino, melléque tritas,
Transactisq̃ue tribus soluant cataplasma diebus.
Fæmineo lacti commistus succus earum,
Pellit sæpè graueis, infusus, ab aure dolores.
Is rursus commistus aquæ, bibitisq̃ue, iuuabit
Illos, quos subitus facit obmutescere morbus.

Non defuerunt qui cepas dysentericis exhibuerint, & lumborum doloribus mirificè prodesse dixerint: succūque illarum cum succo fæniculi, incipientibus aqua iutercutanea laborare utiliter propinarint. Qui vnus cum ruta & melle, etiam lethargicos excitauit: & cum passis vuis, vel fico, tubercula maturauit, & confestim aperuit. Idem naribus exceptus, caput à noxiis humoribus exonerat: & cum bōbace, in anum missus, cunctantes hæmorrhoides euocat. Præterea cepa confricata pilos regenerat, & olfacta paralyticos ac spasmaticos valde iuuat. Quæ alba est, sub cineribus cocta & multo butyro recenti excepta, vehemētes hæmorrhoidū dolores sedat, illis apposita. Cum sale & melle trita, & morsui ab

Dysenterici,
lumborum
dolor, hy-
drops, le-
thargus, tu-
bercula, na-
res & ca-
put.

Hæmor-
rhoides, pa-
ralysis, mor-
sus canis ac
hominu, pu-
stula, calli &
pori.

homine vel rabido cane impresso, diem vnum admota, auxilium non vulgare adfert. Et si cum adipe gallinæ teratur, corporis rubras ac liuentes maculas obliterat, maximè faciei. Quod etiam præstat sanguis gallinæ nigræ. Eadem cepa cum sale aut melle trita callos & poros eradicat, præfertim qui de calceamentorum attritu fiunt. Ad dam ex Galeno, quòd qui ex vetere cepa locū alopecia vel ophiasis glabrum sæpenumero fricabit, summum illi præsidium ad pilorum generationem adferet. Præterea, si cepa in vino vel aqua parum coquatur, deinde teratur, & in oleo cōmuni frigatur, ac vtero emplastretur, dolores à partu relictos soluet. Et qui eandem sub cineribus coctam cū fermento & oleo liliorum subiget, præstantissimum habebit remedium ad maturandum, & emolliendum abscessus. Sed ne, obsecro, omittamus, quòd cepa solo odoratu materiam multam pituitosam à cerebro elicit: adhæc quòd prisca bestiarum omnium plagis cepearum succum fœlici successu instillauerunt: monueruntque cepā comanducatam, vel ex vino albo potam, tardantia menstrua accelerare, & pedum intertrigines, gallicinarum pingui remisto, emendare. Qui foculo percoctam & oliuo exceptam sumpserit, morsus ac biliosas erosiones, dysenterix comites, maxime per se leuabit: necnon sæuos hæmorrhoidum labores mitigabit. Sed lucubrantibus, & literarum studiis addictis summè cauendum est, ne cepis ac alliis profusè vtantur: nam oculos vitiant, visum obtenebrant, sitim accendunt, & bilem exacuunt: profunt tamen pituitosis vtcunque, & maxi-

*Alopecia,
ophiasis,
partus &
plage bi-
suarum.*

*Mēstrua, in-
tertrigines,
dysenteria,
hæmorrhoi-
des & ocn-
di.*

& maximè hyeme. His addo, ex Galeno, quòd cum bis elixa fuerit cepa, acrimoniam deponet, virésque imbecilliores habebit, succi prauitatem nec retinens, nec agnoscens. Verūenimverò, hoc loco valde admirandum occurrit, quòd cepa olerum omnium sola, vt tradit Plutarchus, Lunæ damna non sentit, habétque augendi & minuendi vires illi contrarias. Nam reuirescit ac regerminat decedēte & senescente luna, inarescit verò ac marcessit eadem redeunte & adolescente. Atque hinc fortasse factum fuit, vt Pelusiotæ Ægyptij sacerdotes, cepas religiosè suis abdicarint mensis. Nam cum fruges, herbæ, arbores & animalia sideris lunaris incrementa & detrimenta sentiāt, sola cepa vicissitudines agnoscit aduersas. Pro coronide sit hoc. Ceparum philuræ seu tunicę sub cineribus coctæ & tepidæ parti ambustæ admotæ, vstionis cuiuscūque dolorem ac sensum tollunt. Quod etiam præstare solet earūdem succus expressus & linteolis exceptus, ac nonnihil calēs per initia adhibitus. Nam acres fuligines & vstionis scintillas sub densata cute delitescētes expedit, & foras laxata cuticula abire sinit. Quæ res variis experimentis, vnà cum his quæ sequuntur probata fuit. Aperitur & excauatur alba cepa, ea parte qua radices spargit: præstantique theriaca succo citrij mali subacta, infarcitur, & occluso foraminis ostiolo, ipsamet particula quæ derafa fuit, papiro, vel pergamena charta inuoluitur, & deligatur: tum demum sub calidis cineribus tantisper coquenda sepelitur, donec probè emollita fuerit, vt cremor ab expressione

Cepam habere vires lunæ contrarias.

Remedia cōtra vstionem.

*Pestis, aurium
surdas, tus-
sis, asthma
& capitis
dolor an-
triquus.*

stillans excipi possit, sanè quàm utilis his qui pe-
ste laborât: sed eos illico sudare oportet. Eadem
cepa, vt prius excauata & cumini puluere satura-
ta, cocta, & expressa, ad aurium surditatem utili-
ter instillatur. Deuoratur etiam salubriter cum
saccharo, aut melle, elixa, aut sub prunis tosta,
mîro auxilio anhelosis, asthmaticis, & tussientibus,
addito recentis butyri momento. Crassior
ceparum squamma, cortex aut tunica, sub ferui-
do cinere torrefacta, aduersus antiquum capitis
dolorem non temerè adhibetur, indito eius fru-
stulo calente in aurem partis affectæ, addito ro-
faceo & laurino oleo, necnon succida lana quæ
rotam auriculam vestiat. Sed hæc rusticis & me-
dia è plebe popellis, non locupletibus scripta
sint.

Allium hortense, & medica eius auxilia.

A R E A I I I.

*Lumbrici,
reptilium
ictus, rabio-
sicanismor-
sus, & alio-
rum vene-
natorum.*

INTER ruris pulmentaria, & domestica agri
præsidia, allium admodû familiare esse, nemo
est rerum rusticarum studiosus qui nesciat. Hinc
de Græcis geoponicis & medicis vnus Sotiõ tra-
dit, allia in cibo sumpta, vel è regione ventriculi
appensa, lûbricos expellere: & in cataplasmate,
morsis à vipera, aut rabioso cane, mirum in mo-
dum auxiliari: imò verò si quis illa præsumpserit,
à serpentum, reptiliûmque venenis tutissimum
esse. Quarum rerum post Græcos, Arabes & La-
tinos medicos omnes, testem citabimus Eoba-
num Hessum, poëtam elegantiss. de allij viribus
in hunc modum scribentem,

Nanque

*Nanque venenatis melius vix vlla medentur
Pharmaca, serpentes illius arcet odor.*

Quod etiam longè ante Eobanum confirmavit
herbarius poëta, de eodem allio sic loquens,

-- mansum, vel inunctum

Curat quos serpens, vel scorpius attulit ictus.

Sanat & appositum morsus cum melle caninos.

Hinc verè scripsisse mihi videtur Volaterranus,
suo tempore inuentum fuisse rusticum, qui cum
serpentem per hiantes fauces in agris dormien-
do, ignoranter admisisset, sese statim comman-
ducatis alliis, ceu præsentiamuleto curauit : vi-
rus tamen ac mortem, vxori (res mira) in coitu
stillauit, ac transfudit. Ex quibus facilè colligis,
allium rusticorum theriacam appositissimè dici :
quòd illo nec præsentius, nec certius vllum ha-
beant antidotum agrestes aduersus venena & ve-
nenata omnia. In quam rem allusisse mihi vide-
tur Virgilius philosophus & medicus arcanorum
naturæ conscius, hoc disticho,

Thestilis & rapido fessis messoribus æstu,

Allia, serpillumque herbas contundit olentes.

Causa esse potest, quòd odorata omnia vermi-
bus ac serpentibus sint valde noxia : vel quòd al-
lia defatigatos spiritus recreent, & labascentes
vires firment ac sustineant. sed versus Æmilij
Macri super ea re pulchrum erit audire.

Hæc ideo (inquit) miscere cibis, messoribus est mos,

Vt si fortè sopor fessos depresserit artus,

Anguibus à nocuis tuti requiescere possint.

Redeo ad facultates, & medica alliorum auxilia :
quorum spicata & bulbacea capitella melle suba-

*Pulchra &
mirabilis
historia, ac
notatissima
digna.*

*Allium ru-
sticorū the-
riaca, &
vnde.*

*Acria &
odorata,
omnia ser-
pentibus in-
fensa esse.*

*Suggillata, vena, re-
nes, demes,
quartana
& oculi.*

cta, suggillata delere, ac liuentia ad colorem re-
ducere, experientia docuit: necnon vrinæ mo-
uere, vitiisq; renum pugnare: & dentium dolo-
res, ore contenta, sedare, maximè à causa frigida.
His, ex Celso licebit addere quòd allium ante ac-
cessionem quartanæ manducatum, calorem mo-
uet qui horrorē non admittit. Sed illud de mul-
tis est memorabile, vt scripsit Serapio, quòd licet
sanam oculorum aciem lædant allia, nihilomi-
nus eandem humiditate vitiatam ac hebetem re-
focillant. Cum nitro, sale & aceto inuncta, phthi-
riasi, seu pediculari morbo medentur: quod etiā
præstant per se, tum pota, tum illita, ex Plinij &
Auicennæ sententia. Dioscorides contra pedicu-
los & lendes, cum origano vriliter propinari tra-
dit, siue cruda, siue cocta fuerint. Absque rei alte-
rius permissione in cibo sumpta, contra vermes
prodesse, autor est Celsus: cui subscribens Rufus
Ephesius addit, noua antiquatis esse præstantio-
ra. Cum oleo & sale papularū eruptionibus pro-
fuisse testatum est: adhæc, lentigines ac lichenas
emaculasse. Vetustæ tussi tam cruda, quàm cocta
succurrunt: sed cocta crudis vtiliora censentur, &
elixa tostis, ac ita voci plus conferunt. Sunt qui
pro certissimo experimento mihi nuntiarunt, al-
lia tria & cum porci axungia subacta ad formam
vnguenti, summum exhibuisse præsidium aduer-
sus tussim ex frigore contractam, quoties plantæ
pedum eo vnguento, ante focū inunctæ fuerunt,
& in lecto spina dorsi: verum in prandio & cœ-
na, pectorali decocto vtendum est. Profuit idem
vnguentum etiam contra febriles horrores ac ri-
gores

*Pediculi,
lendes, ver-
mes, papu-
larum eru-
ptiones, len-
tigines li-
chenes, &
gusis.*

*Tussis, fe-
bris, vene-
num, conco-
ctio & oca-
li.*

gores, sed cum suprà dictis, carpi manuum etiam inungi debent. Qui allia prægustauerit, si venenū hauriat, nihil ei incommodabit: & qui coctio- nis munia obire non possunt, magnas vtilitates ab alliis percipient: modò id prodiga non fiat manu: nam sic oculis impense nocerent: quod non prættermisit poëta Hæssus, de allio ita canēs: *Præterea, coctūmue cibo crudūmue comestum,*

Calfacit, & stomachos humiditate leuat.

Verūm oculis persæpe nocet, si copia sumpti

Multa sit, & siccâ conficit ora siti.

Praxagoras aduersus morbum regium, cum co- Icterus, se-
riandro in vino admiscet. Hippocrates suffitu, cunda par-
secundas partus euocari existimat: quod etiam tus, nephri-
testatur Plinius, apud quem secūdos partus per- tici, vrina
peram scribi existimo. Diocles apud eundem, ne- & hydrops.
phriticos, si elixum fuerit, iuuare contendit: vbi etiam phreneticos malè scribi arbitror. Sentētiæ nostræ astipulatur Didymus Græcus geoponi- cus, tradēs allia vrinam subducere, & nephritim, siue renum morbum curare. Nunciarunt mihi nonnulli certo experimento, allium elixatum, vel sub cineribus coctum, & cum pice tritū, omnia quæ in vulnere continentur extrahere. Adhæc, nucleos allij sua tunica exutos, & in muliebre strua, vte-
pudendum penitiūs missos, menstrua emulgere: rus, conce-
sed filo debent coxæ alligari, vt cum visum fue- ptio.
rit retrahi possint. Addebāt id iucundiūs & mul-
tò plausibiliūs fieri, alliis cum oleo de spica vel de Keir vocato tritis, & in rarum linteolum oblon-
gi sacculi & rotundi modo conformatum, intru-
sis, ac in vuluam profundè pulsīs, & dum licebit

exclusis : sic enim cessantes menses potenter mouent, & vterum mira voluptate reficiūt ac repurgant: adeò vt hinc facta sit via nonnullis ad cōceptū, longo tempore desperatū. Hīc non tacebo, quòd aliij nucleolus decorticatus, affatus, & dēti excruciāti appositus, illi egregiè auxiliatur, modò à causa frigida obortus fuerit dolor. Quod etiam experti sumus in radice chelidoniæ trita & admota. Præterea, allium cum vino tustum & percolatum, valde confert puncturæ serpentis, si illico bibatur, & acri cepa locus ictus diligenter confricetur : vel emplastrum ex alliis, foliis ficus & cumino vnà attritis, eidē superponatur. Quæ res etiam locum habere poterit in aliis venenatorum animalium morfibus. Eadem porrò allia cum centaureo, vel duplici fico, ad euacuandam & exclusis aquis resiccandam aluum, hydropicis valde conferre testatur Diocles : sed certius id præstare aiunt viride allium, ex mero cum coriandro tritum ac epotum. In quam rem *πάρεργον* novæ erit poëtę herbularij versus proferre, quibus hæc & superiora pulchrè, sic satis, confirmat : de allio itaque hunc in modum scribit,

Prodedit Hippocrates educi posse secundas
Fumo combusti, si vulva diu foveatur.
Praxagoras illo fuit vsus cum coriandro
Et vino, morbos sic curans ictericorum.
Cum centaurea Diocles dare præcipit illud
Hydropicis: sic humores desiccet aquosos.
Idem nephreticis elixum sumere iussit.

Sunt quī

*Dentes, fer-
pens & ve-
nenata.*

*Morsus ve-
nenatorum
& hydrops.*

*Notanda hæc
antiquorū
experimēta.*

Sunt qui dentium dolores à frigida causa sopiant tribus alliaceis bulbulis, in aceto tritis, & in dentium caua immisiss. Alij, sola aqua decoctionis eorum os collunt. His addendum venit, quòd porrigines, ex aceto & nitro tollunt allia, valènt-
 que plurimùm præsumpta, & ore contenta, aduersus frigidi aëris iniurias, ac turbidarum aquarum, niualiumque incommoda. Quartanas bulbulus vnus, cum laserpitij obolo potus fertur excutere: adhæc in cibo mistus & comminutus, aduersus pituitam gallinarum, ac gallinaceorum valde prodesse.

Dentium dolor, prurigo, turbide aqua, frigidus aër & quartana.

Est id de multis etiam nescire pudendum,

Quod nihil hoc Veneri gratius esse solet.

Vnde si trito allio iumentorum natura tangatur, vrinam impeditam expediri, & hinc ad Venerem proritari aiunt. Si cum faba ad tabern vsque coquatur, & tempora inde illinantur, hemicraniam capitique dolores, à frigida causa, de experimento sanat: & cum anseris adipe auri instillatur, & surditati prodest. Elixum, tussim, suspiria, ac raucam vocem emēdat. Quòd si puliculæ incoquatur, aduersus teinesmon mirè confert, ac frigidis, pituitosisque pulmonū affectibus summè auxiliatur. Porro, Galenus tradit, bis tērie cocta & elixa allia, acrimoniam deponere, sed alimentū corpori paucissimū dare, quod ante elixationem omnino negabant. Abstinentum tamen præcepit, non solū à frequenti illorum vsu, sed acrium omnium, his potissimū qui naturā sunt biliosi. Solis enim qui saccum crudum, crassum, aut lentum aceruatunt accommoda sunt, modò

Vrina, Veneris, capitis dolor, surditas, tussis, suspiria, vox rauca, teinesmon & pulmonū affectus.

*Quomodo
fœdus hali-
tus à com-
manducatis
alliis possit
emendari.*

*Duo pul-
chra &
valde no-
tanda.*

opportunè sumantur. Quæ sequuntur omitten-
da non duxi. Prodit Didymus, Græcus rei rusticæ
scriptor, vel potius Sotion, vt meus habet codex
Græcus, tædium halitus à manducatis alliis con-
ciliatum abo'eri, si faba cruda illis superedatur.
Alij, betæ radicem in prunis tostam superman-
ducare, satis supérque esse putant : quo remedio
virus eorum tegi, è Græcis Menander vnus pol-
licetur, sicuti in betæ medicis auxiliis paulò antè
adnotauimus. Nostrates apio viridi fastidium il-
lud deponūt. Si voles allia habere, quæ manden-
tium halitum nullo modo virient, & tetrū odo-
ris halitum deponant, imò verò vt dulcia euadāt,
consule librum secundum nostrorum Secretorū
horti, inuenies illic quod placuisse queat. Duo
valde mirabilia (quod postremum erit) hoc loco
non tacebo. Prius est, mustelas & sciuros tentato
allio dentibus, vix audere in posterum mordere,
cicurésque hoc modo fieri. Posterius, allia arbo-
rum ramis suspensa, accedentes ad fructuum de-
prædationem auiculas longè arcere, si vera sunt
quæ in Græcorum georgicis adnotauit Demo-
critus : cum quo hanc alliorum historiam clau-
dimus, vt reliquis suis detur locus.

*Raphanus seu radícula & radix altilis, cum medicis
eius auxiliis.* A R. I I I I.

RAPHANVM fatium, vulgus Gallicum
Rauē, & Refor, aut Raphe nuncupare solet :
quo plerique omnes urbani & agrestes, dum ci-
bi fastidio vrgentur, edendi appetentiam vbique
exci-

excitant, nunc per se, nunc cum aqua & sale. Florentinus Græcus in suis de Agricultura commentariis scribit, pituitosis valde commodare, & nephreticis calculo vexatis appositè mederi: maxime si quis partem illius externam, cum vino albo & aqua coctam, vel tufam, necnon percolatam, ieiunus diluculo hauriat, & dies aliquot id facere perseveret. Vacuo stomacho ex aqua tepida offertur, vt meatum vomitionibus præparet: inquam rem medici potius semine vtuntur, quam carne. Si cum oleo manducetur, eructationes de ventriculo, quas solet, ciere non potest: nam eas exhalare non sinit oleum. Succus ex passo potus regium morbum curat, & cum melle, tusses. Quæ res etiam suspiriosis & anhelosis cõcedetur. Medius apud Pliniũ medicus, coctos raphanos dare iubet sanguinem excreantibus. Cui sic subscribit Q. Serenus;

*Appetitia,
pituitosi,
nephretici,
calculosi,
vomitus.*

*Icterus, tussis,
suspiriosis,
anhelosis,
& sanguinem excreantes.*

*sin autem rutilus referetur pectore sanguis,
Sorbitio menthæ, raphanus vel cocta iuuabit.*

Idem Plinius autor est, satiuos raphanos in posca decoctos, serpentiũ moribus mederi, si illinantur: sed poscam non addit Q. Serenus, his verbis rem eandem sic persequens,

*Proderit & caulem, cum vino, haurire sabuci:
Aut coctum raphani librum, tritumue ligare.*

Tradunt alij, quòd tota radix venenis vsque adeò aduersatur, vt præsummentibus ieiunis non sint nocitura. Et qui eius succo infectas habuerit manus, serpentes impunè tractabit: quod credendum potius quàm experiundum suadeo. Sed illud de multis videtur memorabile, quòd qui ra-

*Serpentium
morsus &
venena.*

Plagas, vibices, cicatrices, lentiginos, quartanarij, puerperæ, nutrices, ructus & vrina.

Capilli, vulua, illoso, colici, menstrua, lumbrici & angina.

Raphani facultates ex Galeno.

phanū prægustauerit, si à scorpione feriat, citra vitæ aleam euadet: & si scorpionibus inspergatur raphanus, illos ad mortē adiget. Addunt Græci geoponici, q̄ si quis à tormentis plagas ac vibices accepit, trito ac imposito raphano emendabit: nam cicatrices ac liuores ad colorē reducit, lentiginēsq; in facie delet: quartanarios liberat, si continuo vsu vētricus in vomitiones illo effundatur. Puerperis ac nutricibus ad augendā lactis copiam efficaciter exhibetur, ructūsq; primo cibo laxat, & vrinas exhaurit. Haftenus bona ex parte Florētinus, inter Græcos geoponicos & medicos summus. Hippocrates, vt medica rusticis coniungam, capillos mulierū defluos tritis raphanis fricari iubet: adhæc super vmbilicum poni contra vuluæ cruciatus. Praxagoras iliosis dādos censet, & Plistonius colicis. Cum melle nō solum mentes euocant, sed & intestinorū animalia detrahūt, ac anginis opitulantur, cum aceto mulso gargarifati, vt verbo vtar medico. Sed in his Galenum audiendum esse quis dubitat? Radix raphani, inquit, ex iis est, quibus assiduè vescimur, estq; obsoniū magis quàm alimentū. Scribunt multi, tam cibo quàm potu aduersus fungorū strangulantia pericula salutarem esse raphanū. Sanguinē acrem & mordacē gignit, proindēq; biliosis corporibus obest. Sunt qui caco stomachū asserant, ac ructus ciere dicāt, necnō cruditates, si coctrix virtus imbecilla fuerit. Quæ omnia intelligi debent de immodico illius vsu, eoque simplici, vel cum paucorum aliarū cibo. Nam vt hodie estur, eius vires facilē obtunduntur. Quāquam passim hīc videre licet

licet populares, larga manu ex paucò pane, raphanis innocèter vesci. Miratur Claud. Galenus quosdã crudas raphani radices à cœna māducantes, vt coctionem iuuent. Quod tamen si, inquit, dicant se compertum habere experientia, nullus tamen citra damnũ potuit eos imitari. Hinc sanè quàm rectè poëta Hæsius scripsisse censetur,

Et sunt ante cibum qui magis esse probent.

Sed eam in rem audiendus est Leuinus Lemnius: Raphanus, inquit, quæ antonomaticè radícula dicitur, primis mēsis inferri debet: sic enim edēdi auiditatē incitat, ac stomacho minus officit. Quocirca culpādi sunt qui peracta propemodũ cœna aut prādio esitant: sic enim melius perfici coctionem sibi persuadent, cū ventriculo infesta sit, nisi aqua salēq; cōspersa, cibo præmittatur: alioqui graues halitus, ructūsque nidorosos & subolidos excitat. Decoctione foliorũ utilis est cōtra obstructions hepatis & icterũ. Vnde prudenter facere mihi videntur, qui foliis raphani loco brassicæ, iuscula condiūt sua, gustu æquè ac sapore ex vtrisque; admodum iucũda & salubria. Succus radiculę vel oleũ ex seminibus eius auribus instillata, flatus & sibila dissipāt: & semē ex vino albo tritũ, percolatũ & potũ, non minus est efficax aduersus venena, quàm theriaca. Quod in lue pestilēti sæpenumero obseruatũ vidimus. Idem semen cum aceto rufum & gāgrenis appositũ, illas valde emēdat. Et si ex percussione, vel flagellatione, vibices, liuores aut vestigia superfuerint, delebũtur semine raphani cū melle trito & inũcto. Si cū aceto radix teratur, initiātes phlegmonas iuuabit: & si cū

Summè notanda & aduertēda.

Hepar, icterus, aures, venena.

Pestis, gran-grana, phlegmone, liuores, vesicae, lotum, sugillata, lac & dentes.

radice nenupharis coquatur, vesicæ dolores sedabit, ac lotium promouebit, emplastri modo pubi admota: præterea si succo eius caseus salem expertus miscebitur, fuggillata obliterabit. Addã quodd ex frequenti vsu raphanorum, lac augetur: nec omittam Plinium tradere, raphanis acrimoniam inesse pro crassitudine corticis, ac dentibus nocere, quodd illos atterant. Est certè hoc admirabile, raphanis & vitibus odia vsque adeò infensa & pernicialia esse, vt si iuxtà ferantur, ad sensum diffugere videantur, occulta nescio quaturarum discordia. Quodd si permutatis scrobibus pangantur, nullo modo comprehendent: ex quo, contra ebrietatem, medicinã esse raphanum scripserunt Græci, illum cum brassica, vt in nostris hortorum Secretis adnotauimus, cõfundentes, & contraria facultate (quod ad vina attinet) dotantes. Nam si in dolium corrupti ac vitiati vini immittatur raphanus, & paulò pòst eximatur illud emendare fertur, & vitium in se contrahere. Quodd contrario fit modo à brassica, quæ vino immersa, illud vitiat & corrumpit, tantum abest vt emendet ac reparet. Petrus Crescentius (ne quid hîc dissimulè quodd legerim, audiuerim, vel obseruauerim) tradit ex raphano acetum fieri medicatum hoc modo. Radices raphani siccatas in puluerem redigito, deinde in vas quodd vinum habeat, infundito, misceto, ac dies aliquot quiescere finito: sic acetum cõparabis raphanatum, ad renum calculos atterendos & deturbandos, aliãque multa, summoperè vtile. Pauca restant. Fuit apud priscos in tanto honore raphanus, vt Moschion

Mira de vite & vino cum raphanis.

Vitiatum vinum raphano reparari.

Quomodo fiat acetum raphanatũ, & quã sint illius vires.

ſchion Græcus de eius laudibus integrum ſcripſerit volumen. In quo illū cæteris cibis in Græcia uſque adeò prælatum fuiſſe tradit, vt Delphis in templo Apollinis ex auro dicaretur, beta ex argento, & rapum ex plūbo. Quod hiſce quatuor verſiculis doctè complexus eſt Eobanus Heſſus, ſic de raphano loquens,

*Pulchra de
raphano,
beta, &
rapis.*

Fabula narratur ſacros ab Apolline Delphos

Omnibus hunc aliis præpoſuiſſe cibis :

Ex auro vt raphanum ſacrarent, pondere betam

Argenti, plumbum rapa fuiſſe ferunt.

Priusquam manum de hac hiſtoria tollam, ſecretum raphaninum multis experimentis mihi probatum & confirmatum contra nephreticos cruciatus & colicos, à calculis vel flatibus obortos, necnon ad iſchurias, cādidiſ lectoribus, candidè, vt omnia, hīc proponam : quod tam præcauēdo, quàm curando ſummopere efficax & ſalutare inueni, ac pecunia oblata multis reuſaui: ſic itaque habet. Accipe corticum acerrimi raphani vnc. vnam: oſſium meſpilorum drach. duas: blandè conquaſſata macerentur horis octo in vini albi generoſi vnc. quatuor, deinde percolata & modicè calentia propinentur in egreſſu lectuli, & eiufdem ingreſſu: itereturque potio, ſi opus fuerit, doſim eius augendo vel minuendo pro corporum & ætatum modulo. Non deerūt qui pro tam ſalutari præſidio, mihi ſummam ſint habituri gratiam, vel potius pecuniam ingētem numeraturi, aut ſaltem munuſculum aliquod miſſuri. Sed ſcitu etiam iucūdum erit, quòd raphani, eboræ perbellè expolire feruntur: & ſalis cumulos

*Nephretici,
calculoſi, co-
lici, & urinae ſuppreſ-
ſio.*

quantumuis ingentes, in aqueâ falsuginem illicò
transmutare, si illis cōsepeliantur: & si vino im-
mergantur, fœtorem eius, vt diximus, in se cōtra-
here. Verùm hæc extra medicum Hortum nostrũ
& institutũ esse videntur: sequor itaque reliqua.

HORTI MEDICI CAMPVS

TERTIVS, HERBAS ODORA-
tas accipiens, XI areolis.

Salvia hortensis, & medica eius auxilia.

AREA I.

NVLLI, vel saltem perpauca, reperiũtur hor-
ti, tam vrbani quàm rustici, in quibus Sal-
via non spectetur: sic Latinis dicta quòd saluos &
incolumes seruet multos. Ex quo, rythmicus
poëta quem in admirationem rapiebant tam di-
uinæ plantæ huius vires, sciscitatur,

Cur morietur homo cui Salvia crescet in horto?

Huic pulchra datur antiphona,

Salvia plā- Contra vim mortis non est medicamen in hortis.

ta salutaris. Est itaque Salvia salutaris plāta, vnde ei nomen:
vt ille idē poëta innuisse videtur, hoc senariolo,

salvia saluatrix, naturæ conciliatrix, &c.

Ad fœcunditatem imprimis summè utilis cense-
tur: ex quo Agrippa, illam sacram non temerè
appellauit: tradiditque Leænas eam quærere &
māducare ad partus facilitatē. Nec omisit Aëtius
quòd grauidæ mulieres, si fluidæ laxæq; sint, illā
vtilissimè vesci possunt: nam conceptũ retinet, ac
vitalē reddit. Si mulier succi plantæ huius heminā
cum

*Fœcunditas,
partus &
conceptus.*

cum modico sale, quarto à secubitu die potauerit, deinde viro post horæ quadrantē sese commiscuerit, proculdubio cōcipiet, si non sunt mēdaces priscorū libri. Hinc aiunt in Copto Ægypti post sæuas pestilentias ab his qui superfuerūt, ad eius succum bibendum mulieres coactas fuisse, plurimósque fœtus inde productos. Medici tradunt saluiæ suffitu, menses immoderatē fluētes, & omne muliebri profluuiū sisti, ac nervos omnes roborari: quod etiam cōtingit potu eiusdē: nam humiditates valde exiccat, quibus illi relaxātur. Ex quo manuum tremoribus auxiliari fertur. His addimus, q̄ folia potui imposita eius prauitatem & malitiam, si quæ insit, emendant. Quod vulgato hoc versiculo etiam iactari solet,

Salvia cum ruta faciunt tibi pocula tuta.

Menses, muliebri profluuiū, nervi, & manuum tremor.

Eadem trita & venenatis morfibz superposita, illis auxilio esse traditur, ac vulnerū cruorem retinere. Et si cum vino succus eius tepidus hauriatur, veterem tussim & lateris dolorem compescit. Bibita vel supposita matricem purgat, & secūdas à partu remoratas educit, necnon cunctantes fœtus excludit. Potatur insuper salutari haustu cum absinthio ad dysenteriam: ferturq; mortuos partus adposita extrahere, & vermes aurium educere, necnon ex oleo attrita, contra serpentes prodesse. Capillum denigrat, ac tetra vlcera purgat, & cum vino menses remoratos trahit. Testium præterea, & vulgæ pruritus extingūt tam rami quàm folia, si eorū decocto foueantur. Quod herbularius poëta his versibus utcunq; expressit, de illa ad hūc scribens modum,

Morsus venenata, tussis, vulnera, lateris dolor, matricis, secūda, fœtus, dysenteria, partus & vermes.

Serpentes, capillus, vlcera, menses, testes, vulva, et virile membrum.

*Pruritus vulvæ curat, virgæque virilis,
Si foueas vino, fuerit quo salvia cocta.
Illius succo crines nigrescere dicunt
si sint hoc vncti crebro, sub sole tepenti.*

Fit vinum ex salvia, saluiatum dictum, ad multa
vtile & expetitum: de quo & aliis in vinis nostris
medicatis abundè scribimus. Tabidis pilulas ad
huc parat modum Matthiolus: Sumito spicæ nardi
& zinziber. singul. drachmas duas, seminis sal-
viæ assati, triti, & cribrati drachm. octo: piper.
longi drachm. xij, & cum succo salviæ pilulas
cōficito: ac manè ieiunis vnā exhibero drachmā,
eodémque modo vespere, ac postea aquæ puræ
quidpiā propinato. Orpheus dare præcipiebat
sanguinem excreantibus, salviæ succum bibendū
cum melle, ieiuno stomacho, atque hinc effrænes
illius impetus illicò cohibebat. Sunt qui in con-
dimentis, & salfamentis vtantur salvia, vt semi-
sopitam appetentiam excitent: maximè cum sto-
machus humoribus prauis & crudis fuerit imbu-
tus. Nolim impræsentiarum omissum, quod sal-
via in hortis comitem vbique habere debet ru-
tam; alioquin à serpentibus, buffonibus & rube-
tis vitiabitur, magno vrescentium & vtentium
periculo: nam propè eam stabulari solent. Id
quod pulcherrima & memorabili historia docet
Ioan. Boccatus de eo qui cum amasia in horto
colludens, & gingiuas foliis salviæ confricans ac
detergens, illicò mortuus corruit. Ex quo in su-
spicionem porrecti veneni mulier cum qua lude-
bat & Veneris præludia mouebat, nulla mora in-
cidit. Cum verò in hortum eum à iudice ducere-
tur, &

*Sanguinis
excreatio,
appetentia
& stoma-
chus.*

*Salvia ve-
nenatis ani-
malibus ob-
noxia.*

tur, & decerpto illiusmet saluæ ramulo, mortuū hominem eo modo, quo tunc ipsa, gingiuas confricando, corruisse ostenderet, corruit quoque statim & ipsa, magno astantium stupore & miraculo. Vnde iudex sanèquā prudens & arcanorum naturæ haud ignarus, de saluia illa malè suspicari cœpit, & ob id eā actutū effodī iussit. Quod dum fieret, ecce prægrandis & luridus bufo sub ea latitare & stabulari deprehensus est. Qui viroso halitu suo, & vligine, saliuâque pestilenti totam plātam inficiebat. Quod scriptum hīc volui & monitum, licet in nostra Memorabilium Chiliade etiam adnotarū sit, vt sibi deinceps cauere discant, qui vel naribus, vel linguæ, satis imprudēter, ad-mouere solent hortorum plantas quasuis.

Hysopus, & medica eius auxilia. A R. II.

HYSSOPVS Gallis vel hoc nomine cognita est, quòd in vsum condimentarium illis frequenter veniat, & recentibus fabis dum elixātur, aut friguntur, populariter, ac salubriter, remisceatur, nam flatuòsam illarum humiditatem discutit & emendat. Cum vino cocta & gargarissata, anginae medetur: bibiturque vtiliter ad suspiria, & ventris lumbricos deturbandos. Quadrupedum scabiem ex oleo curat: & cum aqua, melle, fico & ruta, peripneumoniacis & hepaticis suo decocto succurrit: necnon tussibus vetustis, orthopnoicis, pleuriticis & destillationib⁹ obnoxiiis, vt interim non omittam quòd etiam teinias in aluo necat, ac lumbricos cum ficubus, & ad vlcerata ma-

Angina, suspiria, lumbrici, scabies, peripneumonia, tussis, hepatici, orthopnoici, pleuritici, destillatio, lumbrici, & vlcerata.

nantia valde est efficax. Insculum eius cum aceto mulso propinatum, lentorem, & crassitudines pituitæ dissecat, ac per inferiora abigit. Ad aquā intercutē & lienem tumefactum cum fico, nitro & iride efficaciter illinitur. Cum calente aqua, sugillata emēdat, & aurium inflationes ac tinnitus, vaporis sui suffitu discutit. Dentium excarnificationes mitescunt, si illius decoctione tepida cum momento aceti colluantur: maximè si dolor excrucians à causa frigida obortus sit. Vinum decoctionis eius, vteri suffocationes laxat, & matricem à superfluis humoribus absterget. Singula his versibus nobis expediet herbularius poëta,

*In pectus capitis si destillatio fiat,
Quæ persæpè solet tußim, phthisimque creare,
Prodest hyssopi decoctio, sumpta decenter:
sic ut cocta simul sint mel, ficus quoque sicca.*

Proderit etiam iisdem pulvis hyssopi cum melle, in modum ecligmatis, aut cum oxymelite. Quod medicamentum etiam flatus abigit, & viscosum phlegma dissecat, reddítque ad expulsionem facile. Sed pulchrum erit in medium proferre quæ de hyssopo scripsit Ioannes Mesue, familiæ Arabicæ medicus præstantissimus. Hyssopus (inquit) thoracem & pulmones, partésque alias respiratorias pituita, & humoribus putribus ac purè expurgat: & tenuando, incidendo ac tergendo spiritum facile reddit. Ob hæc asthmati & epilepsiæ pituitosæ, cæterisque cerebri affectibus humidis salubris est, si decoctum eius fumatur cum oxymelite scillitico. Coctionem quoque iuuat, respirationem leuat, & cutis colorem floridum facit.

Cum

Pituita, hydrops, lien, suggillata, aures, dentes & uterus.

Flatus & pituita.

Thorax, pulmo, asthma, epilepsia, coctio, respiratio, hepar, lien & viscera.

Cum vino decoquitur ad soluendos tumores hepatis, lienis & aliorum viscerum. Quæ odore & sapore est acerrimo, præstantior censetur, & quo floret tempore, eo colligi debet. hætenus Mæfues. Hoc loco mihi sanè quàm opportunè in mentem venit secretum cuiusdam doctissimi medici, facile admodum & familiare ad deturbādos *Renum calculi.* è renibus calculos. Id solùm constat syrupo hyssopi cum duplo vel triplo aquæ parietariæ. Quo remedio per dies decē aut duodecim hyeme propinato ieiunis, fidem ille mihi fecit se multos calculos & arenas è corporibus multorum exclusisse. Hæc de hyssopi viribus satis erunt, vbi admonero quòd mediocrem sustinet coctionē ac trituram. Sed iucundum erit hîc adnotare ex Petro Pena, quòd in Anglorum hortis nullo mangonio hyssopus dimidio sui foliis & ramulis adeò candescit absque lanugine, vt quamlibet niuem aut calcē facilè prouocet semisse altera viridi manēte.

Satureia, & medica eius auxilia. AR. III.

SATUREIA Gallis *sarrieta* dici solet, vrinas *Vrina, vē-* Sciens, ac menses euocans. Herba eius cum floribus, olfactu, aut coronæ modo capiti imposita, *ses, veter-* veterinosos excitat. Succus cum rosaceo auribus *nis, aures,* dolentibus ritè instillatur, & cum triticea farina *coxendix,* coxendicibus vtiliter illinitur: medetúrque cū vino, pulmonis, thoracis, ac vesicæ vitiis. Pulices, cū *pulmo, thorax, vesica,* aqua trita & respersa, necat: purgátque optimè *pulices, par-* mulieres à partu, ac marcescētes coitus stimulat: *tus & coi-* quare à Satyris salacibus nomen traxisse creditur, *tus.*

*Coitus, vē-
tricularis, co-
ctio, pulmo-
nes, tormi-
na, lethar-
gus & Ve-
nus.*

vt sit satureia, quasi satyreia. Non est omitten-
dum quòd ventriculi coctiones adiuuat, & eius
fastidia discutit. Subactus illius pulvis cum mel-
le cocto, & delinctus, aut cum vino haustus, te-
nacem pectoris humorē per sputa educit. Idem
cum vino tepido, ventris tormina compescit. Le-
thali somno oppressos expergefacies, si aceto ca-
lido satureiā commisceas, & inde caput frequen-
ter foueas. Pulvis in ouo forbili haustus, Vene-
rem sopitam excitare fertur. Fabis recentibus &
vetustis cum selino incisa satureia & frixa, eduliū
gratum tam vrbanis, quàm rusticis præbet. Sed
coci sua coquinaria tractent.

*Maiorana, seu Sampsuchus, & medica
eius auxilia.* AR. II II.

*Hydrops,
dysuria, tor-
mina, sug-
gillata, mē-
ses, oculi, tu-
mores, scor-
picnes, lu-
xata, cere-
brum & v-
terus.*

MAIORANA Gallis dici solet, quæ aliis sam-
psuchus appellatur: nomine, vt videtur, à
Latinis mutuato: forrasse quod maiore cura &
diligentia à mulierculis excolatur, quàm herbæ
multæ. Huius vis excalfaciens esse traditur, vnde
iusculum decoctionis eius, ad incipientē aquam
intercutem salubriter propinatur: necnon his
quos lotij difficultas, aut tormina malè discru-
ciant. Folia arida ex melle illita, suggillata emen-
dant: & remorantes menses, in pello subdita sen-
sim euocant. Oculorum inflammationes prohi-
bent, & cum polenta, tumores. Scorpionibus ex
aceto & melle inuncta aduersantur, & cum cera
luxatis mirè profunt. Succus expressionis mace-
ratorum in vino, naribus attractus, aut immis-
sus,

sus, sternutamenta mouet, & à pituita cerebrum expurgat. Oleum ex iis concinnatum, matricis coarctationem laxat: modò collum vteri, vt scribit Auicenna, illo inungatur. Mirabile sanè est, nedum memorabile, mures radicibus maioranæ certatim insidiari (sicuti à nobis sæpius obseruatum est) ac si medicamentū & præsens auxilium ab illis deposcerent: sed in quem affectum, aut quam in rem, nos adhuc planè ignorare fatemur. Postremum id est. Ex maiorana quæ tenuior est, delicatior ac odoratior, minuta nūcupata oleum fit stillatitium, quod coagulo leporino remistū, cum tantillo moschi veri, præstantis. auxilium multis fuisse conceptui sollicitando & fœlicitando autores sunt viri docti, arcanorum naturæ scrutatores summi.

Mures radicibus maioranæ insidiari.

Fœniculum, & eius medica auxilia.

A R E A V.

HORTIS omnibus innotescit fœniculum, à serpentibus summè nobilitatum. Nam gustatu eius senectam exuere & oculorum aciem reficere traduntur. Vnde intellectum est, inquit Plinius, hominum quoque caliginem eo præcipuè releuari. In lactis defectu potum illius semen mammas implet: quod vnum etiam præstat, auctore Dioscoride, si cum pitissana exhibeatur, imò verò herba ipsa. Idem semen ex aqua tritū nau-seam sedat, & stomachi æstus compescit, ac dissolutum ventriculum recolligit: estque pulmonibus, ac iocinori laudatissimum. Ventre sistit, cum

Caligo oculorum, lac, nausea, ventriculus, pulmo & secur.

Venter.

Lotiū, tormi modicè fumitur, ac lotium mouet, & tormina, si
na, renes, tostum fuerit, illicò mitigat. Decoctum comæ
menstrua, renum doloribus prodest, ac menstrua soluit: va-
hydrops, létque radix cum ptissana ad eadem: quæ etiam
tumores. hydropicis cum vino pota, necnon conuulsis mi-
mōma, vē- re auxiliatur. Folia vtiliter illinuntur ex aceto tu-
triculus. moribus quibuscunque ardentibus. Et pulvis se-
 minis cum mentha & axungia tritus, mammilla-
 rum tumores laxat. Præterea ventriculo perfrige-
 rato, & iis quibus crassa pituita est incidenda,
 summè profunt vnciæ sex corticis radice fœni-
 culi cocti in aceti & mellis libra vna. Post coctio-
 nem, facta expressione, abiiciuntur radices, &
 melle superfuso iterum coquuntur omnia ad spis-
 situdinem, & de iis exhibentur cochlearia tria cū

Suggillata,
canum mor-
fas, caligo &
tumores.

aqua, plus, minus, pro ætate sumentis. Plerique
 radice vtuntur cum cera ad suggillata: cum melle
 ad canum morsus, necnon oculorum caliginem,
 & cū aceto ad tumores ictu illatos. Cuius rei te-
 stem citamus poëtam herbularium, de marathri,
 seu fœniculi planta, in hunc scribentem modum,

Radicis succus oculus cum melle perunctus,

Pulsa reddit eos omni caligine claros:

Illatos, ictu subito, quoscunque tumores,

Apponens tritam iuncto sedabis aceto.

Semina ad dissipandos & vacuandos ventriculi
 ac intestinorum flatus summè profunt, vel vul-
 gato id attestante versiculo rhythmico,

Semen fœniculi reseat spiracula culi.

Flatus, ge-
nitura, pu-
dendum.

Cæterum, hîc de multis tacendum non est, quòd
 fœniculum quomodocunque haustum, genitu-
 ræ abundantiam promouet: éstque pudendis
 amicissi-

amicissimum, siue ad fouendum, radice cum vino cocta, siue ad illinendum, eadem cum oleo trita. Fit succus è semine adhuc lactescente & musteo, vna cum foliis, ramis & cauliculis tenellis trito, & simul expressio, qui in sole siccatus vtilis esse traditur medicamentis quæ parantur ad excitandam oculorum aciem. Prodest idem ex radicibus prima germinatione contusis. Sunt qui caulem demerunt vbi floret, ignique admouent, vt calor vi exudantem, vice gummi, liquorem excipiant, qui vnus oculis multò efficacior ac præstantior esse solet, quàm succus præcedens. Q. Serenus eam in rem vtitur liquore fœniculi melle excepto: cuius carmina hîc subscribemus.

*Oculorum
acies cali-
gans.*

Si tenebras oculis obducit pigra senectus,

Expressæ marathro guttæ cum melle liquenti,

Detergere malum poterunt.

Paulus Ægineta aquam oculis caligantibus vtilem ad hunc concinnat modum. In fictile nouum virentem fœniculum cum pluuiâ aqua iniicit, & ibi dies aliquot simul esse sinit, deinde extrahit, & aquam in vsum seruat perpetuo mense oculis instillandam matutinis horis. Hîc non omitam, quòd fœniculo, tanquam alimento vtendum non est, quin potius vt medicamento: nam tardissimè coquitur, ac prauum & exile nutrimentum præstat. Nonnunquam tamen exhiberi solet ad corrigendam ciborum quorundam prauitatem ac malitiam. Quemadmodum enim lactuæ interdum addimus petroselinû, mētham, maioranam, aut quid simile, vt eius frigiditatem obtūdamus, vel contemperemus: ita & fœniculum nonnur-

*Modus con-
ficiendi aquâ
caligantibus
oculis vtilē.*

*Pulchra &
necesse di-
gnissima.*

quam cucurbitis, & napis, vnà incoquimus, vè illorum noxam & prauam qualitatem emendemus. Quod etiam in coquendis piscibus multis, præsertim marinis, locum habere solet: quos fœniculi foliis nunc obuoluimus, nunc infarcimus, ad conciliandam saporis suauitatem, & fallēdam marinæ auræ graueolentiam delicatulis palatis plerūque molestant. Sed hæc coquinam potiùs subolere mihi videtur quàm medicinam, quare verbum non ampliùs addo.

Mentha hortensis, & medica eius auxilia.

A R E A VI.

MENTHA nomē suū in Gallia retinet, quam Florentinus rusticæ disciplinæ apud Græcos professor eximius, scripsit vel ob id inutilem esse, quòd vulnerato exhibita, vulnus illius sanescere & cicatricem ducere prohibeat: datur nihilominus in sorbitionem sanguinem excreantibus, vel Q. Sereno teste, cuius hæc sunt verba, licet nobis alibi producta,

Vuln^o, sanguis, testes, aures, lingua, partus & canis morsus.

sin etiam rutilus referetur pectore sanguis,

Sorbilio menthæ, raphanus vel cocta iuuabit.

Plantam hanc diuersis testium morbis occurrere certum est, si eius decocto opportunè foueantur: adhæc aurium dolores & linguæ asperitates cum melle iuuare, & cum sapa, partum accelerare, canisq; morsus, cū sale curare. Si in lac proiciatur, neque illud coalescere, neque spissari permittet, etiam si ei coagulum remisceatur, quemadmodum scripsit Florentinus: qui eadem vi il-

lam

lam generationi resistere, & proinde parum vtilem esse arguit. Alij contrà, perquam salubrem haberi defendunt, adeò quòd si mammis familiariter accesserit, nec coire lac patiatur, nec densari: quare lactis portionibus illam consultò addi promittunt, ne eius coagulatione periculum stragulationis immineat. Multi fidem mihi fecerunt, se probauisse, caseos nec corrumpi, nec putrescere; qui methæ succo aut decocto illinerètur. Ex quo non ineptè post Græcos scripsisse videbitur herbularius poëta de hac planta hunc in modum,

Caseolos succus putrescere non sinit eius

Admixtus, vel si viridis superadditur herba.

Decoctum exhibitum ad tres dies, ita à colico dolore liberare fertur, vt nunquam repetat: auctor est Aëtius, testàs se eo auxilio à colico cruciatu liberatum fuisse. Singultus & vomitiones tam pituitosas quàm sanguineas menthæ succus cum succo granati sistit, vt Democritus in suis adnotauit Georgicis. Cù amylo & aqua, cœliacorum impetus frænatur, ac mulierum purgationes immodicas cohibet. Huius odor vt animum excitat, ita sapor auiditatem & appetentiam in cibis proriatur. Recentis succus spiritu subductus, narium vitia emendat: qui etiam in capitis dolore, temporibus vtiliter illinitur. Idem cum acceto, sanguinis fluxiones internas continet. Quin aiunt plantam ipsam impetigines, vel si teneatur tantùm, prohibere: quod aliis de mentastro scriptum placeat. Non est hîc tacendum, quòd stomachum valde roborat, eiúsque putrefactiones summoperè emendat, vermes eò reptantes, & ventrem infe-

*Lac, māmē
& casei.*

*Singultus;
vomit⁹, cœ-
liaci, mulie-
rum purga-
tiones, ap-
petētia, na-
res, caput &
sanguis.*

*Impetigo;
stomachus
& vermes.*

riorem obsidentes, suisque deque exturbando. Cuius rei testem proferemus Salernitanam academiã sic de mentha rhythmicis versiculis scribentem,

Mentitur mentha, si sit depellere lenta

ventris lumbricos, stomachi vermẽsque nocivos.

Exhibenda est autem eius decoctio (velut absynthij) & non substantia. Cornel. Celsus de teretibus vermibus qui pueros solent infestare, id accipiendum & intelligendum censet. Dioscorides succum ex aceto propinatum idem præstare pollicetur. Sed pulchrum erit audire Q. Serenum super ea re pulchrè philosophantem.

*Pulchre
versus.*

Quid nõ aduersum (inquit) miserris mortalibus addit

Natura? interno cum viscere teinea serpens,

Et lumbricus edax vivant inimica creanti?

Quod genus assiduo laniat præcordia morsu:

Sæpè etiam scandens oppletis faucibus hæret,

Obsessasque vias vitæ concludit anhela.

Democritus memorat menthæ conducere potum.

*Partus, lac,
& mima.*

Bibita partũ accelerat, lac auget, ac mammarum durities soluit, cocta & emplastrata. Hic omittendum non est, cultus mangonio humorem sibi asciscere menthã, qui ad Venerem valde stimulos exacuit: quod est omnibus cõmune rebus quæ semicocto humore, eoque spirituosissimo ac flatulento participant. Quæ res problematicum hoc Aristotelis Adagium soluet: *Mentha, belli tempore, nec feri, nec edi debet.* Hoc enim cibo largè vespentes in libidinem ruunt, quæ corpus debilitat, vires frangit, ac animos eneruat. Quæ tria fortitudini & audaciæ ex diametro pugnare nemo est qui nesciat. Aristoteles tamen aliam arbitratur esse

*Quomodo
mentha ad
Venerẽ sti-
mulos exa-
ciuat.*

esse causam, nimirum quòd mentha corpori frigus adducat: eius rei argumento, quia semen genitale hauriendo corpus refrigerat: frigus autem fortitudini atque audaciæ aduersari certū est. Vt ut fuerit, Dioscorides menthā, ut diximus, Veneris voluptatibus valde commendat. Vnde nihil mirum est si antiquitas, flagrante bello, militibus illius esu interdixerit: scripseritque Aristoteles,

*Cur olim
militibus
interdictus
mentha usus.*

Mentham nec comedas, nec plantes, tempore belli.

Nam frequēti Veneris vsu fortissimi quique, ceu effœminati ac molles, facilè contorpescunt. Sed in his versatum fatis, vel fortasse plus quàm par fuerit, nam medicis ex mentha remediis nihil conferunt.

Thymus, & medica eius auxilia. A R. VII.

THYMVM vulgò Gallorum *Thym*, nuncupatum, plerique maioranam Anglicam dicunt: cuius flores apibus summè amicos esse norunt omnes: nam gratum colorem & odorem melli addunt iuxta Virgilianum illud,

—redolētque thymo fragrantia mella.

Decoctum huius cum melle, orthopnoicis & suspiriosis valde prodest: necnon ad pectoris vitia quæuis excreanda. Remoratos fœminarum menses, & enectos partus, ac secundas pellit, vrinâque promouet. Thymos ac verrucas herba trita tollit, & ischiadicis cum vino ac polëta medetur, atq; optimè comitialibus datur, quos correptos olfactu eius excitari sæpè audiuius. Quin & illos dormire aiunt oportere in molli thymo. Folia

*Orthopnoici, suspirio-
si, pulmona-
rij, pectus,
menstrua,
partus, se-
cunda, vrina,
verruca, is-
chiadici &
comitiales.*

Luxati & ambusti, trita & lanæ inspersa, luxatis vtiliter ex oleo apponuntur: & ambustis, ex adipe suillo efficaciter linuntur. Sed vitari debet is thymus qui niger est, & eligi qui flore illustratur cæruleo vel albo. Verum enimvero iucundum erit hîc audire philosophantem de thymo Ioannem Mesuæ. Calfacit, inquit, tenuat, incidit, resoluit, obstructa aperit, ac crassos flatus dissipat. Pituitam clementer educit per aluû (cum sale & aceto vt Dioscoridi placet) &, vt quibusdam libet, etiam melancholiam, sed imbecilliter, cum sale gemmeo vel Indo. Pituitam etiam crassam & lentam à thoracis & respirationis partibus euocat, necnon à cerebro. Ob id partium harum & neruorum frigidis & pituitosis affectibus mirè succurrit: vt asthma, tussi, pulmonibus à frigido dolentibus: præsertim syrupo suo, vel decocto, vel oleo ex eius floribus incoctis facto: quod etiam visum acuit & sanitatē conseruat. Partes neruofas calore suo roborat, & suffitu auris dolorem ac tinnitum flatuosum emendat. Saluber thymus est senibus contra hyemis iniuriâ: appetētiam excitat, coctionem iuuat, cum melle & nitro lumbricos necat, menses ac vrinas mouet, & rigori febrili opitulatur. Eius vehemens caliditas aliorû mistione obtunditur, siue coquatur cum vuis passis, siue aceto infundatur, siue mulsæ cum paucio sale gemmeo, qui purgationem eius auget. Coctionem & triturâ mediocrē sustinet. Præter has thymi vires à Mesue Damasceno descriptas, alias quoque ei reddidit præclaras Aëtius Cappadox, hîc etiam nobis proponendas. Hæc, inquit, experimētis de thymo com-
perta

Flatus, pituita, melancholia, thorax, cerebrum, nerui, asthma, tussis, pulmonis, visus, et aures.

Senes, appetentia, coctio, lumbrici, menses, vrina et rigor febrilis

perta sunt. Dato ieiunis articulari morbo laborantibus thymi aridi minutissimi drachmas quatuor, cum oxymelitis cyathobilem enim, reliquosque humores, atque acrem saniem vacuat. Facit & ad vesicæ affectus. Ventre autem inflato, ubi scilicet intumescere cœperit, drachmam vnam dato ieiunis cum cochleari aquæ mulsæ. Ad lumborum, coxendiciumque dolorem, ac lateris & thoracis. necnon hypochondriorum suspensiones & inflationes, pondere vnius drachmæ cum oxymelite cochlearis mensura, ieiuno exhibetur. Similiter etiam melancholicis & mente turbatis, timoréque detentis, drachma cum oxymelitis cochleari præbetur. Datur item ieiunis & ante cœnam aduersus lippitudinem & vehementem oculorum dolorem. Præterea contra podagram, etiam quæ motum omnino interceperit, cum vino utilissimè propinatur. Postremò ad tumefactos testes, ieiunis duæ drachmæ salubriter exhibentur. Hactenus de thymo, cuius medicam historiam fusè dilatauimus, quòd magnarum virium plantam esse intelligeremus, ac hortis omnibus passim obuiam & familiarem.

Arthritis, bilis, vesica, hydrops, lumbi, coxæ, thorax & hypochondria.

Melancholici, lippitudo, oculi, podagra & testes.

Ocimum hortenfe, seu Basilicum, & medica eius auxilia.

AREA VIII.

OCIMUM hortenfe (aliud enim est ocimum pabulare & segetarium) vsque adeò notum est, vt perraræ vbique sint ædium fenestræ, & perrara viridaria, quæ illo longè ac latè non redeant, tanta est fragrantia & suauitate: à qua etiam

ozimū rectè dici, ac scribi posse contendunt multi: vt sit ab ὄζω, quod est redoleo. Græci recentiores qui de re herbaria scripserunt, Psellum sequuti, βασιλικόν, id est regium appellant: quod nomen apud Gallos passim vsurpatur. Sic fortasse dictū, quòd in solis Regū hortis aleretur, vel quòd Regibus ob præstantiam odoris, dignum esset. Verum hæc nihil ad medicas eius facultates, de quibus nunc demum seriò nobis agendum. Inter veteres parum conuenire lego, vtilé ne sit an noxiū cibis. Chrysippus medicus antiquiss. caco stomachum esse dixit. Galenus & Paulus Ægineta ob humorem excrementitium internis partibus officientem, cibis abdicarūt (quod de immodico vsu intelliges) non tamen exterius damnarunt. Qui contrariā tuentur opinionem Dioscorides & Plinius, hæc ceu cōmentitia rident, asserentes stomacho prodesse, quòd eius inflationes discutiat ex aceto sumptum. Sanè sicuti eius vsus largū & liberalem nocere arbitror, ita sobrium & temperatum iuuare credo. Nam si quis eo, perinde ac reliquis oleribus affatim & prodiga manu vti velit, proculdubio intestina sentiet incōmoda. Si verò parciùs, ac si medicamentū esset, interna percipiet commoda. Ventrem remollit, flatus discutit, lotium mouet, ac lactis prouentum mulieribus adfert. Tritum & naribus inditū sternutamenta ciet: quibus instantibus conuiuere oportet. Odoratu tristes exhilarat, ac timidos animat, mixtòque atramento futorio verrucas tollit. Venerem stimulat, ex quo tam equis quàm asinis, admissurè tempore, vtiliter ingeritur ac exhibetur. Vsu quoque com-

*Stomachus
& eius in-
flationes.*

*Venter, flatus,
urina,
lac, sternu-
tamentum,
verruca &
Venus.*

compertum est, ex aceto salutare esse deficientibus animo: adhæc, caput dolentibus, de causa frigida, cum rosaceo, vel eodem aceto. Dioscorides cum polline polētæ, aceto & rosaceo illitum, contendit pulmonum inflammationibus auxilio esse: eiúsque succum distillationes exsiccare: & semen potum difficili vrinæ auxiliari, necnon atrabilem gignentibus, opem adferre summam. Refert Plinius, Chrysippum medicum grauitè ocimum increpuisse, & fugiendum hominibus præcepisse, quòd capræ illud aspernentur. Quæ cum cæteris pabulis omnibus auidissimè vescantur, ab hoc vno, etiam famelicæ, cautè abstinent. Quod à Sotione Græco geoponico etiam adnotatum inuenio. Qui vltra hæc asserit, insanos fieri qui ocimum vtuntur: additque eum qui ocimum manducauerit, si eo die à scorpione feriat, seruari non posse. In quem & Chrysippum videtur pugnare Plinius, scribens, capras libenter ocimum esse, nec cuiquam mentem motam qui illud mādūcauerit: quin & terrestrium scorpionum ictibus ex vino & pauco aceto sumptum salubriter mederi. Dioscorides ex Africæ placitis tradit, eos qui ocimum ederint, nullo cōflicari dolore, si à scorpione feriantur. Ex quibus opinandum relinquo, num expungenda sit negatio apud Sotionem. Diodorus in Empeiricis credit ocimum pediculos creare, si quis eo largiùs vtatur, ob excrementi humoris superfluitatem quo imbuitur. Mirabile sanè, & ob id memorabile, quod à Iacobo Hollerio Medico præceptore nostro doctis. visum & adnotatum fuit: Cuidam Italo ex odora-

Lipothymia, caput, pulmones, distillatio, dysuria & atrabilis.

Insani, & scorpionis ictus.

Pulehra de ocimo, & notatu dignissima.

Pediculi & partus.

tu frequenti basilicæ herbæ natum scorpionem
in cerebro qui vehementes dolores & longos,
mortē denique ei attulit. Postremū hoc sit, quod
ab amico erudito probatum intellexi: Si ex par-
tu laborans mulier, ocimi radiculam cum penna
hirundinis tenuerit, absque dolore illicò pariet.
Sunt alia plantæ huius admiranda secreta, paucis
hactenus cognita, quæ cum aliis plerisque publi-
cabitur, si isthæc grata fuisse audiuerimus.

*Orualla, seu satium Horminum, & medica eius
auxilia.* AREA IX.

ORVALLA herba perquam odorata, Parisiē-
sibus *Tota bona* dici solet, quibusdam sclarea,
vel scarlea, aliis matrifaluia & gallitricum: nec-
non herba S. Ioannis. De eius facultatibus hæc
in præsentiarum à me accipies. Herba trita acu-
leos ac spinas extrahit, & remorantes difficilē-
que partus accelerat. Vino præterea iniecta men-
tem exhilarat, & Venerem extimulat: verūm li-
beralius sumpta, caput tētat. Tam satium quàm
syluestre horminum medicatum habetur: sed ve-
hementius syluestre ad venerea illicia. vnde illi
nomen ἀπὸ τῆ ὀρεῦα. Semen in calyculis nigrum
κατακαίαν, capitūque gravitatem facit, odore quem
vniuersa vibrat & spirat planta. Idem semen lip-
pitudines tollit, & oculis immissum, ac mul-
ta frequentique reuolutione per illorum orbem
raptum, quasi humore prægnans, & tenuibus
membranulis onustum, sordibusque conuestitū,
tandem egreditur: secum educens & euerrens
quæ

*Aculei, spi-
ne, partus,
venis, lip-
pitude, al-
bugo, tussis.*

quæ inciderunt & molesta fuerunt. Id quod multis multorum experimētis, tam est notum, quàm nota fuit canibus casta Diana suis. Insuper *agryma* & oculorum albugines cum melle purgat, tussientibúsq; vtile censetur esse. Mulierculæ præterea illud caligantibus oculis imponunt, nec ex oculo auferunt, nisi caligine soluta. An verò hæc planta, Plinij alektorolophos dici possit, viderint eruditi. Non omitam, & si nihil ad medicum hoc nostrum institutum, quòd flore hortensis hormini & semine in dolio vini posito, dum adhuc feruet vinum, tanta gratia ipsi vino cõciliatur, vt Cretici, aut Maluatici gustum præ se ferat. Arrigite aures ænopolæ, sed neminem, obsecro, vestris improbis & noxiis miscellaneis defraudate, animorũ & corporum iactura irreparabili, & capitali edicto plectenda, in hac præsertim Galliarũ metropoli Lutetia, vbi maximè ea pestis viget, summo studentium & lucubrantium incommodo.

*Secretũ pro
vinis.*

Rosmarinus, & medica eius auxilia.

A R E A X.

R V R A & officinæ Rosmarinum appellant, quod aliis libanotis dici solet. Frutex est topiarius, necnon coronarius, cuius odor, resinam aut thus vtcunque præ se fert: tam suavi ac iucundo spiraculo, vt quos animus defecerit, illicò recreare possit. Suffitu destillationes ac tussim continet, regiũq; morbum suo curat decocto. Et quod illi de multis nobile est ac insigne, solo

Lipothymia, destillatio, tussis, icterus, penitentia & capitis affectiones.

nidore in pestilentia tutam reddit domum, ex-
piando & repurgando improbam aëris perniciē
fuffitu ac vapore salutari. Paratur oleum distilla-
tione perquam odorum & vtile ex summis vir-
gultis & floribus Rosmarini, paralyticis & indu-
ratis articulis schirro detentis apprimè commo-
dum. Cordi & stomacho valde prodest aqua: flo-
res caput ac cerebrum maximè roborāt: ex quo
illorum vsus admodum efficax esse solet contra
capitis affectiones. Sunt qui saccharo eos con-
diant, & sibi ac amicis eam in rem diligenter
custodiant. Totus frutex vtilis est omnibus fri-
gidis ægreditudinibus, membra ac nervos egregiè
roborans & calfaciens. Sed paulò particulariùs
hîc nobis est medicè philosophandum in exper-
tis & probatis Rosmarini auxiliis. Itaque,
succus radicum & foliorum eius defæcatus, &
cum melle despumato in modum collyij cōcin-
natus, plurimum valet ad defluxiones pituitæ
in oculos. Quæ si calidæ fuerint, licebit addere
oui albumen, cum succo pomi generosi, &
aqua rosacea confusum ac diu agitaturn. Semen
cum pipere & vino haustum, singulare adfert
præsidium contra icterum, hepatis obstructio-
nes & inflationes. Radix siccata, puluerata, &
cum vino bibita, ventris dolores, etiam si colici
fuerint, perbellè castigat & demulcet. Quod
etiam faciunt ruta & satureia. Reliqua scriben-
tur in opusculo vinorum medicatorum & rerum
aliarum hortensium.

Nervi, oculi, icterus, obstructio hepatis, inflatio, & ventris dolor.

Defluxio.

*Lauendula, quibusdam Pseudonardus,
& medica eius auxilia.*

AREA XI.

LAUENDVLA quæ Pseudonardus quibusdā <sup>Vnde dicta
su Lauēdu-
la.</sup> dici solet, nostratibus verò *Lauanda* (quòd
in balneis, lauandis corporibus summè expeta-
tur, & elota omnia, si eis permisceatur, odoris
suauitate cōmendet) frutex est omnibus notus.
Qui, quia non minùs placet fragrantia quàm
nardus, idcirco apud nos *Spicæ* nomen sibi ar-
rogauit, & *Assicum* dici consuevit. Licet id ad
maiores Lauendulam multi detorquere fata-
gant. Huius spicata cacumina & consiles verti-
ces, manipulatim in scopas & muscaria concin-
natos, bigis ac clitellis Lutetiæ per æstatem ve-
nales vicatim proclamari, & passim à rusticis in
varios vsus plenis vlnis certatim comportari, ne-
mo est qui non videat. Sed hæc nihil ad medica
lauendulæ auxilia, de quibus nunc demum no-
bis agendū. Omnibus cerebri frigidis affectibus,
conuulsisque ac resolutis illam auxiliari scribunt
Arabes, Græci, ac Latini medici: adhæc, ventri-
culum roborare, & iecur ab infarctu liberare. <sup>Cerebrum,
conuulsi, re-
soluti, ven-
tricular, iecur, lien,</sup>
Obstructos etiam lienes valde iuuat, & vterum <sup>vterus, mē-
ses & secū-
da partus.</sup>
calfacit, ac menses secundasque educit. Lauen-
dulæ plurimum inest aromaticæ gratiæ, eoque
affectibus matricis semen & folia cōmendatio-
ra habentur: tum fomentis & lotionibus, tum
pulueribus & dilutis intrò sumptis, ad suffoca-
tionem & ascensum ex vaporibus putridis, & ad
partus accelerandos. Fit è floribus stillatitium

*Oleum de
Spica.*

oleum vitreis organis expressum, quod vnguentarij oleum de spica vulgò nūcupant, tanta odoris præstantia & fragrantia, vt cætera odoramenta superet ac obrundat. Quò fit vt extra officinas & myropolia illud asseruent aromatarij, ne moschi, ambari, zibbeti, aliorumque vnguentorum & aromatum suauitatem intercipiat. Valet ad eadem quæ planta ipsa, & multò præstantiora, à nobis alibi exponenda.

Hæc sunt quæ de horticulæ herbis & fruticibus odoratis in præsentiarum adferre possū. A quibus ad herbaceos & suffruticeos fœtus, eadē methodo explicandos & illustrandos opportunè transeo : modò commonefecerim lectorem, melauandulam inter flores odoratos noluisse transferre, quòd vniuersum folium æquè odoratum habeat, atque florem. Quæ res floribus in quinto campo describendis, planè denegatur. Verū enimuerò, quia eius flos absque folio solus potest decerpi, si quis ad florum regionem illam traducere voluerit, vnguem non vorterim.

HORTI MEDICI CAMPVS

QVARTVS, FRVCTVS CARTILAGINEOS, herbaceos & fruticeos, sex areolis distinguens.

Curbitæ, & medica earum auxilia. A R. I.

QVIA in censu fructuum herbaceorum qui cartilagineo generi ascribuntur, Cucurbitæ primas tenet in hortis, idcirco de illis primo loco

loco hîc agemus : & si Chrysippus medicus eas in cibo damnarit, ceu stomacho inutiles, contra Diphilum, qui illas affirmat ex aqua & aceto coctas, ventriculum roborare. Afri, & item Græci geoponici, aluum lubricare tradunt, earundemque succum instillatum, auribus dolentibus valde prodesse. Caro interior suis spoliata seminibus, pedum clavis auxiliatur, & decoctæ succus dentes mobiles stabilis, illorum dolores cohibendo, à calida causa contractos. Aluum præterea sua humiditate remollit, tametsi pessimè corpus alat, sicuti hoc disticho eleganter expressit poëta Hællus,

Humida frigoribus cognata cucurbita, paruo,

Quod vires faciat, pondere corpus alit.

Si sumatur vt simplex medicamentum, refrigerabit ac humectabit : si vt alimentum, calida ei remisceri debent, veluti petroselinum, cepa, piper, mentha, thymus, & similia : alioquin humorem gignet aquosum & promptè corruptibilem, præsertim si frigidum nacta fuerit ventriculū. Cor-
ticis ramenta, tusa & infantium capitibus illita, ardores extinguunt ex siriasi. Et si quis in crudam cucurbitam excavatam merum infundat, & sub dio contineat, illudque temperatum propinet quibus aluus est suppressa, ad excernendum proritabit. Cinis aridæ impositus ambustis, mirè illis opitulatur. Sed hîc ne, quæso, omittamus, quòd cucurbita in patinis aut sartagine frixa, multò est salubrior quàm elixa. Nam inter assandum vim magnam humoris aquosi deponit : ideo valentius ac præstâtius exhibet alimentū. Si elixa

*Ventriculus,
alvus, au-
res, pedum
clavi, &
dentes.*

*Cucurbita
humida &
frigida.*

*Siriasis,
alvus, am-
busta.*

*Cucurbita
frixæ &
elixa.*

fuerit, acrium societate postulat, alioquin fatua
habetur, & insipida: gaudetq; acidorum, austero-
rum, salforum & aliorum contubernio, quorum
vires corpori nostro comunicat: fitq; ita, ut nau-
sea, quam alioquin creare solet, prorsus vacet: quæ
admodum doctè & eleganter scripsit Galenus, post
Hippocratem ubique magnus. Sed his prælibatis,
medica & experta cucurbitarum auxilia repeto.
Itaque, si fictili torreatur, & cum anserino adipe
teratur, incredibile auxilium vulneribus adferet.
Et succus exceptus de ramentis illarum per se tu-
sis, aut cum rosaceo, cutis adustiones quasuis
emendat. Sed de omnibus mirabilis est earundem
aqua aduersus febres acutas & ardentes ad hunc
modum comparata. Recens cucurbita recenti
pasta conuestitur, calente clibano cum pane assa-
tur, aperitur, & aqua intus natans colligitur. Si
alia via placet incedere, cucurbita tota & integra
frustulatim secatur, fictili nouo includitur, cliba-
no (ut prius) coquitur, & hinc expressa aqua
seruatur. Vfus erit cum saccharo ad restringendos
februm ignes, sitim temperandam & aluum cle-
menter mouendam. Quod etiam præstabit aqua
infusionis & macerationis seminum psylij cum
saccharo rosato, vel iulebo violaceo, sicuti mul-
tis experimentis feliciter obseruauimus factum.
Non tacebo ex Auicenna, quod qui colicis cruciati-
bus est obnoxius, religiosè abstinere debet à cu-
curbita & cucumere, quouis modo paratis: alio-
quin suo damno acclamare poterit,

Heu patior telis vulnera facta meis.

Cæterum, nec inutile nec ociosum erit admo-
nuisse,

*Vulnera &
adustiones.*

*Aqua cucur-
bitæ præstā-
tissima.*

*Febris,
aluum &
colicæ cru-
cias.*

*Cucurbita
ex se infu-
pida.*

nuisse, quòd cum insipida sit cucurbita, & ex eo-
rum genere quæ Græci ἀποια vocant, hoc est qua-
litate expertia, tamen dum coquitur, quouis sa-
pore & odore, imò verò colore faciliè imbui po-
test, pro natura eorū quæ illi miscebuntur. Quo-
modo autem fieri debeat deiectionia in suo cucur-
bitario, docemus in opusculo Secretorum hor-
tensium, & methodo comparandorum fructuū,
olerum, radicum, vuarum & vinorum, quæ cor-
pus blandè & innocenter purgent.

Cucumeres, & medica eorum auxilia.

A R E A I I.

*Cucumis
terre filius.*

CUCUMIS tam est notus urbanis ac rusticis
mensis omnibus, vt nihil notius esse possit
in tota hortensium familia. Hunc Matrona suis
carminibus terræ filium nominavit, quòd ex ea
veluti prodiens, in illius gremio perpetuò iaceat.
Heracledes Tarētinus hedygeon, quasi terræ sua-
nitatem, nuncupare voluit: quem Diphilus Ca-
rystius, medicus apud Græcos doctiss. & agrico-
la optimus, primis mensis veluti noxium damna-
uit, vt qui raphani modo sursum feratur: sed
postremo cibo sumptum, concoctu faciliorem
promisit: alioquin epulis illū abdicavit. Semen
vrinas acres conterperare tradunt qui de rebus
agri & medicinæ scribunt. Vim habet refrigeran-
di pulpa tota, ex quo ægrè in corpus dispensatur,
ac difficulter per vètris anfractus permeat: feбри-
les horrores nonnunquā hinc monens, & Venetè

*Vrinae acres
& febrilis
horret.*

confopiens. Quod postremum Græci celebratissimo hoc prouerbio testatum voluerunt, Mulier pallium texens, cucumerem deuoret. quoniam textrices magna ex parte, si Aristoteli credimus, sunt impudicæ, & Veneri admodum opportunæ. Naribus admotus cucumis valde confert ad syncopen à causa calida. Et semen in lacte vel passò vtiliter iis propinatur, quibus vesica exulcerata est, vel sumptæ cantharides negotium faciunt: adhuc tussientibus, si quantum tres digiti prehenderint, cum cumino teratur, & ex vino bibatur. Prodest etiam phreneticis in lacte mulieris, & dysentericis, acetabuli mensura: necnon purulenta excreantibus, pari pondere cum cumino. Totus abstergerendi & incidendi facultate pollet, ex quo splendida reddit corpora: eoque magis, si quis semine arefacto, tuso & cribrato, vice pulueris absterforij vtatur. Sed vtile erit & pulchrum audire Claud. Galenum de Cucumerum vsu eleganter, suo more, differentem. Quibus cucumeres, inquit, probè cōcoquere datum est, dum in hoc fisci, intrepidè affatimque iis sese explent; longi temporis tractu, frigidum & vticumque crassum humorem in venis coaceruant. Qui per eam qua venæ funguntur coctionem, haud facilè in probum sanguinem potest conuerteri. Ob eam igitur causam, omnibus prauis succi eduliis abstinendum censeo: etiam si ea quibusdam concoctu sint facilia. Nobis enim non aduertentibus prauus succus ex ipsis post longum tempus in venis colligitur, qui postea exiguum ad putrendum occasionem nactus, febres malignas

Syncope, vesica, tussis, phrenesis, dysenteria & purulenta excreatio.

Aurea Galeni verba summe notanda & obseruanda.

gnas accendit . Hæc sunt aurea Galeni verba omnibus qui valetudinem inculpatam tueri fatagunt, alto corde prævidenda, & mordicus tenēda. Memorabile sanè est quod in Græcis Quintilliorum georgicis legi, & à multis non infœlitter expertum audiui. Quid illud, inquires ? Si febricitanti infanti, qui adhuc lacte nutritur, aut paulò grandiori, paris longitudinis cucumeres dormienti apponantur, & quasi condormiscant, statim sanabitur, febrili calore omni ab illis presso, hausto & extincto. Athenæus scribit cucumeres plenilunio in hortis maximè gliscere, & manifestum incrementum capessere, necnon more echinorum marinorum impleri, quod aquei humoris summum est argumentum . Suffragatur Athenæo Plinius, addens in super eos velut timore perterritos, quoties cælum tonat conuertri, & quasi tabescere : cuius rei certam fidem mihi fecit experientia, præsentibus aliquot amicis meis, qui rerum naturas & secreta per experimenta quærūt & explorāt. Ne, obsecro, prætermittamus quod cucumeres à mulis, felibus, & asinis summoperè expetuntur, mira & incredibili eorum voluptate illecti : quorum odorem vel eminus sentiunt. Quare munienda sunt cucumeraria, ne illuc erūpentes, ea depopulentur, conculcent ac proterāt. Sed instituti mei oblitus, quorsum raptor ? medica itaque auxilia repeto . Si quis seminum cucumeris, cucurbitæ & citrulorum partes æquales acceperit, ac seminum lactucæ & portulacæ partem mediam, adhæc succi glycyrrhizæ, quartam vnius, & cum mucilagine psyllij paruos tro-

*Febres par-
uulorum.*

*Cucumeres
lunares esse*

*Cucumeres
felibus, mu-
lis & asi-
nis, summe
expeti.*

*Adversus si-
tim & astus
febriles.*

chiscos ex his formauerit, ac in ore tenuerit, vel
syrupo aliquo acetoso diluerit cum aqua hordei,
habetit præsens auxilium aduersus sitim & fe-
brilem æstus.

*Pepones, melones ac melopepones, & medica
eorum auxilia. A R. III.*

*Quando ma-
turus esse di-
catur pepo.*

*Cutis pe-
dor, lentigo,
vitiligo, cho-
lera & pi-
sura.*

QUIA tres isti hortenses fœtus qualitatibus
inter se ferè conueniunt, idcirco, vna
(quod dicunt) fidelia nobis hîc dealbabuntur
omnes sub pepone, qui tum maturus ac edulis
esse videtur, cum pediculus à corpore secernitur,
& suauis odor ab eius vmbilico nares ferit. Dio-
cles Carystius scripsit in libris salubriû quos edi-
dit, peponem concoctu facilem esse, mirûmque
in modum cordi placere, sed parum iuuamenti
adferre. Diphilus promptè crassescere tradidit, ac
paucam alimoniam suppeditare, & per aluum
agrè exigi. Phœnias eum duntaxat crudum cen-
suit edendum qui est citra seminium. Galenus pe-
pones omnes refrigerare, & largo humore imbui
dixit: sed non absque manifesta detergendi facul-
tate: vel eo nomine quòd obsitam pædore cutim
illustrent, ac lentigines & vitia insolatæ faciei,
cum vitiliginibus emaculent, præsertim semine.
Addit, improbum creare succum, etiam si à sto-
macho probè conficiantur. Prætereà, choleram
morbum præcipitem ac periculosum in multis
concitare, & superfluarû humiditatû copiâ susq;
déque effundere. Primo cibo sumi debent, ita ta-
men, vt qui pituitosi sunt, vinû vetus superbibât:
& bilioli acidulum cibum præsumant: nam sic
omnis

omnis abigetur noxa. Peponarius enim cibus sanè quàm facilè in flauâ bilem, vel pituitâ degenerat. Qua ex re, biliosos prædulcis pepo, pituitosos verò immaturus offendit. Longos rotundis multi præferūt: omnes tamen aluum mouēt, & vrinā cient, modò fuerint maturi: proindèq; renibus vtilis esse cēsentur: sed semine magis, adeò vt cōcretos inibi calculos efficaciter deturbet. Si cortex oculis humore calido vexatis fronti ligetur, ruētes in illos fluxiones pulchrè sistit ac compescit. Succus cū semine in farinā siccatus smegma facit ad cutē emundandā, & conciliandum in facie nitorē, sanè quàm illustrem. Cæterum, pepones omnes in paratis corporibus, vomitū eliciunt, nisi cibus succo bono præditus supermā-datur: nam sic festinātiùs deorsum prouoluētur. Plerique medici tradūt, illos desideria ruentiū in Venerem frænare, & geniturā minuere. Sunt qui pro comperto scribant melonis frustulum ollæ immisissū, celerem carniū coctionē iuuare. Quod etiam præstare aiunt vrticæ aut sinapis semen, vel fici furculū, vt suo dicemus loco. Finis hīc esto, Pepones à felibus summè & auidè expetuntur: quare à peponariis longè sunt arcēdi, ac procul abigendi. Non omittam q̃ semina melonum ex-corticata & saccharo condita, multum valent ad ciendam vrinam & renū dolores demulcendos. Imprudenter omisi quòd ramēta peponum vti-liter syncipiti apponuntur, contra adustionem infantium quam siriasim vocant.

Aluus, vrinā, renes, calculus & oculi.

Vomitus, Venus & genitura.

Pulchra & notanda.

Vrina, renes, siriasis infantum.

Cinara, seu carduus hortensis, & medica eius auxilia.

AREA IIII.

F ij

*Quomodo
cinara ex
agris in
hortos ve-
nerit.*

*Quomodo
coquenda
& paranda
cinara.*

*Cinara
pravi succi
edulium.*

*Vrine, Ve-
nus & gra-
neolentia
alarum.*

PAVCI sunt hodie horti in Gallia, qui longè
ac latè non sylvescant hac plâta, adeò vt opi-
para nulla sit mensa, absque echinato eius cibo,
nisi anni tempus illum negauerit. Altilem & hor-
tensem nuncupamus, quòd re vera sit ex carduo-
rum genere: quem culturæ mangonium domita
feritate ex agris in hortos venire cõpulit nescio
qua gulæ audacia, quæ campestria terræ porten-
ta, & asinorû pabula, in ganeam & luxum vertit,
à quadrupedibus plerunq; neglecta: vsqueadeò
ventris & veneris desideriis ac illecebrosis volu-
ptatibus obsonantur epicurei homines, telluris
inutile pondus. Vulgus Gallorû plantâ hanc *Alti-
cocalum* nuncupare solet: ab articulo Arabum *al*,
& *cocalos*: qui Hippocrati, Galeno teste, nucleus
est pinæ nucis, cuius quidem nucis imaginem
pulchrè æmulatur cinara: quam iuribus, aspara-
gorum modo, incoqui, & ex butyro, sale atque
aceto, diuitum mensis apponi, nemo non videt.
Sunt qui asperso sale, & piperis, aut anisi vel co-
riandri addito polline, cruda illa vtantur, & ita
natiuam nucleorum eius squammatim hærentiû
suauitatem excipiant. Sed hîc rursus ad eundem
impingo lapidem, oblitus me medicum agere,
non coquum. Venio itaque ad facultates cinaræ,
quam Galenus tradit pravi succi edulium esse, &
maximè cùm plusculum obduruerit, festinando
scilicet ad florem: tunc enim biliosum succum in
se copiosum habet: ex quo satiùs fuerit, eo tem-
pore elixam mandere, quàm crudam. Recentes
& tenelli eius nucleî, vrinas ciere feruntur: &
Venerè in vino generoso præmacerati stimulare,
Hesio-

Hesiodo teste : qui florente cinara , cicadas acer-
rimi cantus esse scripsit, & mulieres libidinis au-
diſſimas , virósque ad coitum pigerrimos. Radix
emedullata, & in vino decocta, ſi bibatur, alarum
tædia hircosa, ac graueolentiam emendat : quam
Xenocrates experimèto promittit per vrinas ob
id effluere. Eadem in aqua excocta, ſtomachum
roborat, & vuluis nonnihil cõfert vt gignantur
mares : ſicuti Cherias Athenienſis & Glaucias af-
ſeruerunt. Sed hoc loco tibi coniectandum relin-
quo, an vna eadèmq; ſit noſtra & antiquorum
cinara. Reſtat hîc admonendum (quãquam præ-
ter inſtitutum) quòd à duobus animalculis ſum-
mè infeſtantur, & auidè expetùtur cinaræ. A mu-
ribus primùm, qui radicum voluptate ſemel ille-
cti, turmatim vel è longinquo accurrunt. A tal-
pis prætereà, quas crebro deſoſſu & cuniculatione,
ſæpè vidimus cinareta ac cardueta funditùs
vna nocte euertiſſe. Remedia eam in rem quæ-
renda ſunt ex noſtris rerum hortenſium Secretis.
Sed repeto medica ſcolymi ceu cinaræ auxilia.
Huius radix in vino cocta & pota, copioſam, vt
tradit Oribasius, & graueolentem vrinam proli-
cit, alarùmque hircos ac viroſum corporis odo-
rem, vt diximus, tollit. Quo nomine etiam ve-
neræ gonorrhææ præſens eſſe remediũ, fœlici
ſucceſſu ſe probaſſe ſcribit Ioannes Langius, il-
luſtriſ. Comitum Palatinorum medicus doctiſ.
Cæterùm, aſparagi cinaræ cum butyro in iure
elixati, ſopitam Venerem in vtroq; ſexu ſtrenuè
excitant: æſtate viris ad eius conſlictum languen-
tibus, hyeme verò mulieribus ad eam pigris : ſi-

*Stomachus
vulua &
generatio.*

*Pulchra &
notatu di-
gna.*

*Vrina, ala-
rum fætor,
Venus &
gonorrhæa.*

*Cur sollicitè
à mulieri-
bus colatur
cinara.*

cuti ante Plin. adnotauerūt Hesiodus & Aristot. Nil igitur est mirum, mulieres adeò ambire plantam cinaræ, & cura admodum sollicita illam curare & colere.

*Fragaria & Framboësia cum medicis auxiliis
vtriusque.* AREA V.

*Febris, lien,
vulnera, ul-
cera, fluxus
muliebris,
dysenteria,
vrina, secur
renes &
vesica.*

*Gingiuæ, de-
tes, distilia-
tio, lentigi-
nes, calculi,
inflamma-
tio, faciei
vulcuscula,
vari, oculi.*

FRAGARIAE fructum vulgus Gallorum *Fresam* nuncupat, & nomine paterno inauto- rat Framboësiæ fœtū, patria lingua *Framboise*, ac si dicas fragū ligneū aut syluosum à rubente mo- ro non valde dissidēs : nisi quod sapore & fragrā- tia indicibili, palato magis applaudit. Vnde cum vinum aliquod à generoso sapore laudare volu- mus, olêre framboësiam, nostro vernaculo ser- mone dicimus. Vtriusque fructus citam sentit corruptionis labem : quapropter febrim facilè experiuntur, qui largiùs fugaci hoc cibo vescun- tur. Fragariæ tamē folia in iusculo cocta & sum- pta, lienosis medentur : idémque præstat succus eorum ex melle hauustus. Eadem folia cum radice, tam vulnera quàm vlcera sanant, muliebrésque fluxus ac dysenterias cohibent, & vrinam cient. Decoctum herbæ ac radicis, inflammationibus iecinoris auxiliatur, & renes ac vesicam mundat. Idem ore contentum collutionisq̃ue modo agi- tatum, gingiuas roborat, dentes commotos fir- mat, & deluxiones continet. Exstillatitia aqua fructuum maturorum mulierculæ erisypelateas, lentiginosásque faciei fœdationes leniunt & abi- gunt. Eadem epota ad calculosos, & inflamma- tiones

tionēs optimè facit, Perro Pena medico præstātis. autore. Vinum quod ex fragis elicitur distillatione & sublimatione, aut putrefactione vlcusculis quæ in facie pullulant ab hepatis caliditate, salubriter medetur, varōsque, & oculorum nubes, ac calidas defluxiones impositum, mirè tollit. Quin multi etiam de experimento mihi affirmarunt, elephāticorum maculas ac tubercula emendare: adhæc, herbam fragariam cum sua radice in vino coctā & ieiunis ictericis ex iusculo dies aliquot propinatam, certum illis præsidium adferre. Mora framboësijs cærulea purpura nientia condiuntur & esitantur ad voluptatem & sitim aspectu amœniore.

*Grossularius, tam albus quàm ruber, & medica
vtriusque auxilia.* A R. VI.

FREQVENS non solùm in hortis, sed etiam sepibus rusticis esse solet grossularij frutex, maximè qui baccis oneratur cādidis, & ante maturitatem iucunda acerbitate gratis: ex quo tam pauperum quàm diuitum iuribus suo tempore innatare consueuerunt, & in dulciarias placentas, ac farcimina, farctaque passim transire loco vuæ acerbæ. Quo nomine etiā grauidis summè expectuntur. Est frutex alter hortensis huius ferè plumæ, rubentem ac pendulam ferenš acinorū multitudinem racematim congestam: quæ more nucleorum punici mali, abeuntem appetentiam reuocare, & nostratibus *grosella rubra* vel *trāsmarina* nuncupari vulgò solet. Non desunt qui putent id esse quod Arabes medici *Riben* appellant. Fru-

*Grossulariū
descriptio
& vsus.*

*Stomachus,
sitis, febris,
vomitus,
aluus, tor-
mina, san-
guis, bilis,
niestrua, cœ-
liaci, dysen-
terici &
cholericæ.*

ctus vtriusq; candidus nimirum vel ruber, æstuan-
tem stomachum refrigerat, & sitim restinguit:
quæ cum alios, tum maximè febricitantes excru-
ciare solet. Vomitiones sistit, stomachum robo-
rat, alui profluvium retinet ex flava bile, ac ven-
tris rosiones & vellicatus hinc obortos emendat.
Prætereà sanguinis feruorè demulcet, bilis acri-
moniam obtundit, abundantiam fœminearum
purgationum cohibet, cœliacisque & dysenteri-
cis, necnon cholera laborantibus valde prodest.
Salgamari, saccharo, aut melle vtrunq; condiunt
ad anni totius usum. Scio non deesse, qui hæc
ascribenda contendant fructibus oxyacanthæ:
quod ut obstinatè non nego, ita grossulis nostris
conuenire de experientia probatum habeo.

HORTI MEDICI CAMPVS

QVINTVS, FLORES ALIQVOT,
tam odoros, quàm inodoros, no-
uem Arcolis complectens.

Rosæ, & medica illarum auxilia.

A R E A I.

*Rara rosa-
rum excel-
lentia.*

QVONIAM Rosæ, floris ac odoris raro pri-
uilegio, inter omnes hortorum flores ubi-
que nobilitantur, & aspectu perquam iucundo
ac vario omnibus arrident, hortorumque orna-
menta censentur esse: idcirco si de medicis illarum
facultatibus primo loco inter flores hinc scriberè,
preciù operæ facturum me duxi. In quâ rem gradum
mihi substernent illarum partes paucis animaduer-
sæ: quas

ſæ: quas antiqui ſex nobis propoſuerunt, ſcitu
 dignas, & in rebus medicis nequaquam negle-
 ctas. Duæ in foliis, aut ſi mauis in floribus repe-
 riuntur. Vna, vbi calyci inferuntur, & vnguium
 modo albicant: ex quo vnguis roſarum pars ea
 dici ſolet. Altera, reliquum foliorum explet. His
 ſuccedunt aliæ duæ, quæ veluti minutiffima ſe-
 mina in roſarum vmbilico flaueſcunt, tenuiffimis
 capillamentis alligata, quorum partē conſtituunt
 granula, partem verò filamenta. Reliquæ, in ip-
 ſo roſarum alabaſtro, ſeu calyce continentur, vna
 in cacumine, altera in fundo. Quod ad facultates
 partium iſtarum attinet, folia cor, ventriculum,
 iecur, & vim retentricem roborant, dolores ex
 caliditate leniunt, & inflammationes diſcutiunt.
 Vngues vtiliter inferuntur lotionibus, fomenta-
 tionibus, & clyſteribus ad inhibendas fluxiones.
 Floſculi medijs cum ſuis fibris ac filamentis, gin-
 giuarū deſluxus, & alba mulierum effluvia miri-
 ficè cohibent. Calyx, quem etiam caput nonnulli
 dicunt, cum reliqua parte baſis, alui fluores &
 cruentas excreationes ſiſtit. Porro, præter ſex iam
 dictas partes, quæ in florentibus roſis ſe produnt,
 tres aliæ in fructu reperiuntur, vbi maturuit. Vna
 in ſubſtantia carnis rubefcente, altera in ſemini-
 bus, tertia in lanugine concluſa, quibus omni-
 bus non obſcura ineſt adſtringendi vis. Vnde præ-
 ſtanti admodum remedio & auxilio cenſentur eſ-
 ſe contra alui fluores, & ſcæminorum excremē-
 torum abundantiam qualemcunque: adhæc ad-
 uerſus gonorrhœam, in qua præcipuè valent. His
 vtcunque propoſitis, medica roſarum præſidia

*Pulchra
 philoſophia
 ſex partiū
 roſæ.*

*Inflāmatio,
 fluxio, gin-
 giua, men-
 ſtrua alba,
 alui fluor &
 cruenta ex-
 creatio.*

*Alui fluor,
 menſes, gon-
 orrhœa
 & capiti
 dolor.*

*Lippitudo,
dentes, in-
flammati-
onis, guttu-
ris & colu-
mellæ, sedis
dolor, &
hamorrhoi-
des.*

*Rosarum na-
tura &
qualitates
ex Ioan.
Mesue.*

figillatim aggredior. Si corona ex nouis & recen-
tibus rosarum floribus concinnata, capiti coapte-
tur, illius dolores ac molestias ex insolatu, vel e-
brietate contractas, salubriter leuabit. Sed reten-
tiū penuria, veteres madefacere poteris in aqua,
addito pauco aceto, & illis commodè vti, Galeno
monitore: qui ad æstiuas lippitudoines siccarum
rosarum decocto etiam vti iubet, palpebras eo
per spongiam continuè fouendo. Suadet idem ad
scabiosas oculorum lippitudoines ex sole & pul-
ueribus obortas, rosas aridas in vino albo tritis, &
angulis oculorum admotis, vti: modò sub som-
num oleo inungantur oculi, & ægrotans ab om-
nibus acribus abstineat. Rosæ siccæ vino albo vs-
que ad tertias incoctæ, & ad colluendū continuò
data, cruciatus dentium emendāt, maximè à cau-
sa calida. Eædem in aqua elixatæ, vel illarum flos,
summo sunt remedio inflammationibus oris, gut-
turis, ac columellæ. Et si rosarum vncias tres, &
ouorum tostorum lutea duo vino albo leuigaue-
ris ac cerato rosaceo exciperis, igneos & æstuan-
tes sedis dolores mitigabis, perinde atque etiā hæ-
morrhoides. Sed priusquam alia rosarum medica-
auxilia persequamur, iucundū erit audire Dama-
scenum Mesuen de illarum facultatibus doctè &
medicè hunc in modum philosophantem. Rosa
frigida est primo gradu, sicca secundo, ex diuersis
substantiis & separabilibus composita: aquea me-
diocri, terrea adstringente, aërea dulci & aroma-
tica, deniq; ignea tenui, in qua est amaror, rubor,
perfectio & forma. Recentes sunt amaræ magis
quàm adstringentes, & ob eam amaritudinē, suc-

co præfertim, purgant. Siccata substantiam adstringentem & constipantē retinent, sed albę magis quàm rubrę. Resoluunt, aperiunt, tergent, calidas intemperies emendant, & cogēdo atque adstringendo roborant, maximè pilis & semine in calycis medio inuentis. Præstantior est in utroque genere (albarum, inquam, & rubrarum) cui color genuinus inest, & folia adfunt pauca ac plana. Albę nihil aut minimùm purgant, sed potentiùs adstringunt & roborant quàm rubrę. Aqua ubi recentes sunt maceratae, vel earūdem succus, *Obstructio, icterus, febres, cordis tremor, inflammatio, somnus, vuula, crapula, & catarrhus.* bile flaua purgat venarum & arteriarum sanguinem, obstructions ventriculi & hepatis aperit, ictero confert, febribus biliosis auxiliatur, viscera roborat, cordis tremorem curat, retentricem facultatem continet, omnem inflammationem extinguit, & ab ea dolorem sedat, somnum cōciliat, vuulam stringit, guttur roborat, crapulam aufert, & catarrhis obest. Cæterum cum sit medicamentum benignum, sed ad purgandum imbecillum, adminiculis quibusdā eget, ut sero lactis vel melle. Nam succi rosarum vncia vna, cum seri lactis duabus vnciis aut tribus, & pauca spica, commodè vacuat. Foliorum quoque sero lactis infusorū expressio, cum paucis melle, sine molestia purgat. Rosę melle conditę tergent, purgant & roborāt: saccharo autem exceptę minùs tergent, sed magis roborant & adstringunt. Acetum rosatum inflammationes omnes sedat, incīdit, purgat, roborat. Recentes rosę nullam coctionem, vel quam minimam, sustinent: nam facultas earum tergens & purgatoria, statim igni resoluitur. Suc-

Rosę condita, & acetū rosatum.

Inflammatio.

cus mediocriter coquendo fit tenuior, & potentiùs terget. Haftenus Mesues, à quo ad nostrum institutum & medica rosarum præsidia commodū redeo, nihil in his prætermitturus quod apud probatos autores legerim, vel ab expertis didicirim, aut ipse diligenter obseruauerim. Si cui autem hîc prolixus esse videbor, id (quæso) factum putet in gratiam popularium, quorum horti & scrinia vbique rosas scætant. Verum enim uerò, ne quid in hac historia etiam vulgare omittam, paucis rosarum Cõseruam, vt vocant, describo. Quæ fieri solet rosas tantùm rubris, recentibus, exunguatis, in mortario lapideo diligenter tritis, superaddito optimi sacchari duplo. Mox citra insolatum reponuntur omnia, sed vase non repleto ad cumulum, ne tritura foras exiliat, & sit feruendi locus. His positis, rosarum auxilia medica persequor. Zoroastres in suis de Agricultura obseruationibus Græcis tradit, oculos eius dolorem non sentire anno toto, qui rosarum calyces antè quam in florem explicentur, leni tactu lustret, tribùsque earum alabastrulis visum detergat, illis in rosario parente relictis. Quod multi verum esse cõtendunt, in eo qui primus calyces in frutice occultatos viderit. Vt vt fuerit, ros ille qui rosas ingeret, pinnula munda lectus, & specillo, genarum palpebris illitus, oculorum lippitudini medetur. Cremor è rosas aridis in vino decoctis expressus, ad capitis, oculorum, gingiuarum & aurium dolores summè probatur. Prodest etiam vitiis sedis, ac recti intestini, penna illitus, aut infusus. Trita rosa sacrum ignè, si apponatur, compescit, calen-

Autoris modesta excusatio.

Rosarum cõseruam quomodo fiat.

Oculi, lippitudo, caput, gingiua, aures, anus, ignis sacer, stomachus, præcordia, venter, matrix & os.

témque stomachum & præcordia mitigat : fluxum ventris ac matricis cum vino pota, vel infusa, cohibet. His addendum quòd sicca rosæ pulvis efficaciter medetur oris vitiiis, per se, aut cum melle. Rosaceam aquam, vi ignis diuersis instrumentis extractam, hîc conticeo. Quâ multò præstantior ac odore fragrantior solet esse, quæ vasis in aquam feruentem suspensis, aur priscorû more, per balneum calentis aquæ, vitreis organis elicitur, quemadmodum alibi docebimus. Hoc potestremum erit. Rosæ, vt flores alij, Sole blando, vel clibano, pane ablato adhuc calente, siccatae, odorem ac vires magis retinēt, quàm si in vmbra siccentur, modò metam moræ non excedant. Idē de foliis & radicibus odoratis existimare tibi licebit. Quod pro reliquis floribus semel dictum ac scriptum velim. Superfunt multa rosarum occulta miracula, quæ tibi cum aliis plerisque hætenus desideratis, libenter in nostris rerum medicarum arcanis aliquando impertiemur.

Aqua rosacea quomodo elicienda.

Flores odorati, radices et folia quomodo siccaridebeant.

Lilium hortense, & medica eius auxilia.

A R E A

I I.

QVIA Lilium Rosis nobilitate proximū esse scripsit Plinius, & medio prouentu earum incipere, ideo secundum, post rosas, locum illi dabimus, vt eximium florum par, &, vt Greci loquuntur, ἄνθος ἀνδάνη rosa & lilium socio maritentur cōnubiō : ob perēnem illum πόντον effluuiūve diuini quem habent odoris. Hilariter itaque de flore illo perquam nobili scribā qui Regibus no-

stris & francigenis sceptris auspicatissimum dedit
 symbolum: & quibusdam ob insignem præstan-
 tiam flos regius, & Iunonis rosa dici consuevit,
 candore emaculato & odore eximio arridēs. Hu-
 ius radices ex vino potæ, contra serpentium ictus
 plurimùm valent: & ex mulso propinata, inuti-
 lem sanguinem per aluum detrahunt, ac ita lieni
 summè profunt. Lichenas ac furfures in facie e-
 mendant, & corpora erugant. Cum adipe & oleo
 decoctæ, adustis profunt, ac iisdem pilos reddūt,
 induratæque matrices remolliunt. Folia in ace-
 to elixata, vulneribus efficaciter imponuntur: &
 succus ab iisdem expressus, ad vulvas erugandas
 utilis est, mouendisque sudores, & excoquendas
 suppurationes. Auxiliantur eadem serpentium
 moribus imposita, & adustis feruefacta. Radices
 tostæ cum rosaceo, vlcera cicatricibus claudunt,
 & cum melle neruis præcis admotæ, luxatæque
 partibus, maximè succurrunt, ac vitilignes ema-
 culant. Quod etiam præstant elixata folia, cata-
 plasmate facto: è flore lilij succus exprimitur sup-
 purationes cōcoquens & vulvas emolliens: quod
 mel & syriō veteres appellarunt: non autem sy-
 ræon vt multi scribunt: quod est melligo è coctis
 caricis, detergendo, emolliendoque idoneū. Va-
 let radicum bulbus ex vino coctus & intritus, ad
 pedum clauos: sed hinc amouendus non est, nisi
 cū lux tertiā venit. Testium inflāmationes cum
 hyoscyami foliis & tritici farina etiam leniunt ac
 demulcent dictæ radices. Fit aqua è floribus lilio-
 rum, vitreis organis in Mariæ balneo excepta (vt
 proprio scribemus opusculo) ad facies mulierum
 erugan-

*Serpentes,
 sanguis, liē,
 lichen, fur-
 fures, adusta
 & matrix.*

*Vulnera,
 vulua, su-
 dor, suppu-
 ratio, serpēs,
 adusta, vlcē-
 ra, nerui, lu-
 xata, vitili-
 gines & pe-
 dū clauus.*

*Inflāmatio-
 nes testium.*

*Faciei de-
 cor.*

erugandas, & niueo candore illustrandas, summè
 expertita. Radix quomodocunque ponatur, hæ-
 morrhoïdes aperit. Et vnguentum ex ea factum
 cum oleo amygdalarū amararum & cera alba, mi-
 randum in modū erugat, terget & expolit faciem
 muliercularū. Eadem in aqua elixata, vel sub pru-
 nis cocta, & cū dulci oliuo subacta, singulare ad-
 fert præsidium combustis tam igni, quàm aqua, ex
 Galeni & Auicennæ testimonio. Si in aceto coqua-
 tur, calida testiculorum apostemata emendabit: &
 si cum melle teratur, caput à furfuribus, tōsum &
 vinctum vindicabit. Prodest etiā ad vlcera capitis
 manantia. Aceto incocta folia, & spleni admota,
 vnicè conferunt contra illius duritiæ & scirrhum,
 modò quid eorum decocti præbatur. Succus
 etiam eorandem cum semine tritus & haustus,
 puncturis venenatorum mirè auxiliatur: & ex-
 pressus de floribus succus, vomicas vteri valde iu-
 uat. Prætereà, radix sub prunis cocta, & oleo sub-
 acta, vteroque per linteolum immissa, menses,
 trahit, matricem emollit, & vuluam aperit: ad-
 hæc semen vino albo intritum ac epotum, fœtum
 mortuum celerrimè educit. Oleum ex floribus
 recenter cōfectum & croco coniunctum, omnes
 inflammationes discutit. Fetus pudibundorum
 mulieris ex aqua decoctionis foliorum, & radice,
 plurimū valet ad mouenda menstrua, quæ à
 partu cum secundis excludi debuerant: sed post
 fomentum, debet in eodem decocto linteolum
 tingi, & vsque ad os vteri immitti, & exterius
 fetus continuari. Sit hoc postremum, Radix
 cum alliis cocta, & in facie rubelli vini trita, mu-

*Hæmor-
 rhoides, fa-
 cies, combu-
 stio, testicu-
 li, furfures,
 vlcera capi-
 tis, splen, &
 vterus vene-
 natorum.*

Vteri vomica, menses, vulua, scirr. inflammatio, menstrua, secunda, & discoloratio faciei post partum.

lierum faciem, quæ post dolores partus discol-
rata remansit, perbellè emendat ac restituit, si his-
ce miscellaneis fero inūgatur, & mane aqua hor-
dei detergeatur, idque toties reperatur, donec
pristinum decus, sed maiore cum elegantia, re-
sumpserit. Quod rusticis mulieribus puerperis
(quibus allia suauiter olent) scriptum sit, non vr-
banis, & aulicis, quæ moschum olere, ac rosas v-
bique spirare satagunt. Sed heus tu? non redolet,
sed olet, quod redolere solet. Nec cuius bene o-
let, quod bene semper olet. Verùm hæc nihil ad
historiam nostram.

*Leucoij & Violarum congenerum medica
auxilia. AREA III.*

*Violarũ di-
gnitas &
cultus.*

*Viola lutea
prestantis-
sima.*

INVENIO summum honorè fuisse Violis apud
Antiquos, post Rosam & Liliū. Quarum ge-
nus omne partim *violetæ* nomine, partim odore
garyophylli in hortis, & illorum maceris, ædifi-
ciorumque ac templorum parietibus familiariter
hærere videmus: & omnium maximè lutearum,
Mauritanis & pharmacopœis *Keiri* nuncupata-
rum. Quæ Veris sunt preuię, & omnium fragran-
tissimę. Sunt etiam in fenestris & pensilibus hor-
tulis genera omnia frequentissima, figulinis aut
ligneis vasis, à mulierculis, & his qui claustra se-
quuntur, studiosè exulta, mira sanè coloris, al-
bi, purpurei, cærulei, crocei & vermiculati, va-
rietate, odorisque suauitate, vel eminus commē-
data, ditissima peręquè omnium fœtura. Sed ma-
xima autoritas luteolis esse solet: quę omnium
primę

primæ emergunt, & odorem vsque adeò vehementem spirant, vt caput plerunque tentet, ac nares feriat. Hæ, luteæ inquam violæ, parietinis sponte vernant & florent, hyemis, glaciei, niuis, grandinis & aliarum aëris iniuriarum patietissimæ, lignosa radice ac fibrosa, rimis parietum & commissuris adeò incuneata, vt vix hinc diuelli possit. Has quandoque Christi natalibus floribus luxuriare vidimus. Verumenimuerò hæc ad medicas violarum facultates nihil attinent, quas nunc demum explicare iuuat. Aridi flores Leucoij feruefacti, menstrua educunt, oris vlcera cum melle sanant, cum cerato rimas sedis emendant, & in defessionibus, vt scribit Dioscorides, contra vuluæ inflammationes plurimum pollent. Radices cum aceto illitæ, lienem reprimunt, ac podagricos valde iuuant. Semen vnus drachmæ pondere ex vino potum, aut cum melle, genitalibus mulierum inditum, menses, secundas, ac partus, etiam mortuos, extrahit. Frutex omnium, ex Galeno facultatem habet extergentem, ac tenuium est partium: plus tamen flores, & inter hos qui sunt sicciores, quàm virides, exhausta excrementitia omni humiditate: vnde oculorum cicatrices, etiam crassas, extenuant. Si quis vehementiam virium quæ in floribus latitat, multa aqua, aut aliter retundat, optimum habebit medicamentum ad phlegmonas tã vteri, quàm partium aliarum: potissimum quæ diuturno tempore ad scirrhi modum induruerunt: sic cum cerato vlcera ad cicatricem ægrè venientia valde emendabit. Sunt qui phlegmonas in

*Menstrua,
oris vlcera,
rimæ sedis,
vulua, lien,
podagra,
menses, par-
tus & se-
cunda.*

*Oculi, phleg-
mone vteri,
vlcera, arti-
culi, menses,
& podagra.*

articulis induratas, radice cocta, trita & apposita curant. Semina lutearum in vino albo contusa (si febris absit) & hausta, menses potenter educunt, & fotu, frigida podagræ dolores leuant. Flores earundem, dimidio cyatho in aquæ tribus, eisdem menses, diebus aliquot hausti, euocant. Hic adnotandum duxi, quia in nostris hortorum secretis omissum, quod mangonio holitorio, & repetita crebriore transplantatione, tum lutearum, tum purpurearum violarum flores, vt etiam aliarum, eximiam assequuntur magnitudinem multiplici foliorum fœtura, moschatam rosam quandoque æquante.

*Viola Martia nobis dicta, & medica eius
auxilia. AREA IIII.*

*Viola cur
Martia no-
bis dicatur.*

IN eo violarum genere, quas Martias nuncupamus (fortasse quod mense Martio plurimum se prodant, & Ver aperiant) non solum purpureæ apud nos visuntur, sed etiam albæ, æquè suauæ & odoræ atque priores: licet id non agnoscat Andr. Matthiolus medicus doctiss. ac diligentiss. sicuti apud Dioscoridem testatû reliquit. Quod ad illarum vires & facultates attinet, Tarentinus in Græcorum agricultura & medicina exercitissimus scribit, flores Violæ purpureæ refrigerare, & ea de causa inflammationibus prodesse, perinde atque oleum, & acetum, vt mox dicemus, ex illis compositum. Aqua infusionis & macerationis earûdem, vlcuscula in ore paruulorum oborta, ac apostemata valde emendat, & pleuritidi, angina,

*Inflammati-
onibus, vlcus-
cula in ore,
pleuritidis,
thoracis, an-
gine, & ap-
ostemata.*

ginæ, tumoribúſque thoracis ſummè auxiliatur. Valent etiam flores iidem aduerſus crapulam & capitis grauedinem olfacti, vel coronæ modo ſincipiti admoti. Addo quòd epileptici odore violæ (fortaſſis luteæ) ſummè recreantur, ac nonnihil iuuantur, & maximè pueri: nec tantùm odore, ſed etiam potu aquæ, in qua illius flores perma- *Oculi, vlce- ra capitis, matrix, rha- gadie, & podagra.*

duerint. Radices cum myrrha & croco tuſæ, inflammatis oculis mirè opitulantur: & trita ſolia cum melle & aceto, capitis vlcera ſanant. Eadem elixata omnem matricis tumorem curant, ſi tepida elixationis aqua vterus foueatur. Proſunt etiã in cerato fiſſuris ani, quas rhagadias nuncupant. Semina cum vino albo trita, calidam podagram ſotu recreant: cui ſuccedere debent ſolia in roſa- ceo tuſa, & ex linteolo appoſita ac ſubinde muta- ta. Penè præteribam quòd dicta ſemina vino albo (ſi febris abſit) intrita & pota, choleram, modo rhabbarbari, de ventriculo exturbant. Quod etiam præſtare ferunt virentia ſolia, aut flos in aqua vel oxymelite, multa maceratione permutatus. Quin & bilioſos morbos, vel è ſanguine factos, coſtales & pulmonarios, vt diximus, idem etiam iuuare ſolet, ac infantulorũ tuſſes & ſuſpiria componere. Folia eadem per ſe, & ex polenta, æſtuanti ſtomacho, & oculorum inflammationibus, ſedique procidua aptiſſimè illinuntur. Hic me ſubinuitat commune iuuãdi ſtudium, vt non omittã vnum ac alterum Violarum arcanum, mihi à medico Italo, haud ita pridè familiariter impertitum, ſed quod poſtea apud dignum fide autorem legi & adnotaui. Si os capitis, dicebat, ado- *Vulnus ca-*

pitis, & pedum leſio.

Viola recens & ſicca temperamētum.

Inflāmatio, thorax, aspera arteria, bilis, ſomnus, cynanche, cephalalgia, hepar, ileus, coryza, ſuis, febris.

leſcenti, vel alteri, violenter tactum fuerit, da illi ſtatim bibere violas tritas, & id dies aliquot facere perſeuera. Prætereà, ſi cuiſpiam pes dexter læſus fuerit, liga violam cum vino tritam ſub planta pedis ſiniſtri: ſi ſiniſter, ſub dextra. Rem vtramque facili experimento excutiendam, rerum abditarum ſtudioſis propono. Sed Ioannem Meſuæ de Violarum facultatibus differentem iuuat in medium accerſere. Viola recens, inquit, frigida eſt & humida ordine primo: ſiccata, minùs. Nam in recente excrementoſa humiditas ſuperficiaria, quæ lubricando purgat, caliditatem obtundit: in ſicca, humiditate illa reſoluta, caliditas priùs obruta emicat: ex qua emergit ſapor amarus, qui trahendo purgat. Recens ergo refrigerat, dolores calidos, narcoticorum & ſtupeſaciētium modo ſedat, inflammationes extinguit, thoracem & aſperam arteriam lenit, bilem flauā purgat, & ab ea calorem ſequeſtrat. Somnum prætereà conciliat, vuulæ confert ac cynanche, cephalalgiam à cauſa calida conſopit, hepatis phlegmonem & eius obſtructionem, vnà cum ictero valde iuuat, ſitim ſedat, & febres inflammatorias mitigat, ſed coryzam excitat. Cæterùm, eligenda & decerpenda eſt matutina viola, cuius virtutem neque Solis calor reſoluit, neque pluuiā diſſipauit. Si melle condiatur, magis terget ac minùs refrigerat, cum ſaccharo contrà. Succus, atque ſyrupus ex multa repetitâque eius infuſione concinnatus, leniendo, clementer, vt ex roſis, purgat: daturque vtiliter pleuriticis ad ducendam aluum. Acetum ſimiliter compoſitum, febrium ardores emendat.

emendat. Hactenus Mesues, cum quo medicam hanc Violarum historiam claudimus.

Vetonica hortensis, seu vetonicum coronarium, aut caryophyllatum, & medica eius auxilia.

A R E A

V.

GALLORVM vulgus altilem Vetonicam & coronariam *Ocellum* seu *Oillethum*, à floris figura nuncupare solet: quæ tantam gratiam apud mulierculas, & monachos, inuenit, sui odoris iucunditate & coloris præstantia, vt tam in hortis, quàm fictilibus, cura admodum diligenti ab illis, etiam fenestratim, excolatur ac foueatur. Flores caryophyllum olent, (vnde illis caryophyllati nomen) & aliquid suauius, artificio & mangonio in nostris hortorum Secretis expresso. Mirum fanè est, quòd tam illustris flos, tam suauis & iucundus, à veteribus silentio inuolutus fuerit (quamquam non desunt qui *Lychnidè coronarium* esse putent) qui vnus pulchritudine, varietate & amplitudine, cum rosa de principatu vel ad victoriã, non temerè mihi certare videtur: ei nec colore cedens, nec odore: nisi quòd è longinquo plus olet recens rosa, sed cui decerptæ, natiui vigoris longissima mora dies esse soleat: vetonicæ, quadriduum, vel ampliùs, vita, vigorque perseverat. De eius facultatibus & medicis auxiliis, & si ne verbum quidem, quod sciam, prisci rerum agri & medicinæ cultores scripserint, nihilominus de illis quæ ab Andrea Matthiolo adnotata legi, libèter proferam, Calida, inquit, & sicca facultate

Altis Vetonica pulchra historiat.

Vetonica hortensis priscis incognita.

pollere vetonicum indicio esse potest odoris fragrantia & saporis amarulentia quædam: flores, præsertim purpurei, præstant ad omnes cordis affectus; nempe ad animi deliquia, & cordis ipsius tremorem. Præstant item ad vertigines, epilepsiam, paralyfim, & cõuulsiones, ex vetonicæ vel amaraci decocto poti: asseruantur saccharo perinde ac rosæ: vtiles admodum non solum ad prædicta omnia, sed etiam ad cuncta venena, & venenosorum ictus. Dantur ad intestinorum animalia necâda, & aduersus pestilentiæ contagia. Valentiùs tamen id facit succus ex vniuersa planta expressus: Nam is haustus quat. vnc. pondere, vbi morbus inuaserit liberat. Fit etiam e floribus acetum præstantiss. Quæ de hyacintho circumferuntur, nihil, quod dicunt, ad hanc Parmenonis suem. De agresti Vetonica, & eius facultatibus, præter ea quæ à Græcis & Arabibus tradita sunt, extat pulcherrimus & elegantiss. libellus Antonij Musæ D. Augusti medici, ad M. Agrippam.

Agrestis Vetonica ab Ant. Musæ descripta.

*Phlogium, & Bellis hortensis, cum
vtriusque medicis auxiliis.*

A R. VI.

Phlegm pulchra & elegans descriptio.

PLANTÆ & floris inodori genus illud quod gallicum vulgus *Penscam* vocat, & pharmacopœorũ collegium, Trinitatis herba, à triplici florum colore, Phlogiũ proculdubiò mihi esse videtur: à Petro Pena medico doctiss. & eloquentiss. Viola flãmæa nuncupatum, vere statim post violã pur-

purpuream emergens, & flosculum coronis fanè quàm aptum, folio triquetro gerens, colore vbique commendato, licet inodoro, vt antea diximus. Durat inter flores longo tempore: nam in autumnum, imò etiam in hyemem his prorogatur locis & hortis, in quibus cælum clementius arridere solet, & vigilis adesse cura coloni. Quod attinet ad medica eius auxilia, hoc idem possum testari quod de superiore, nimirum nihil extare, quod sciam, apud Græcos, Mauritanos, ac Latinos medicos. Scribam tamen ex quorundam experientia, quòd planta hæc maxime probatur ad glutinanda vulnera, tam exterius illita, quàm interius sumpta: adhæc ad enterocælas. In quem vsu puluerem eius, mensura dimidij cochlearis, ex vino austero, fœlici successu propinant. Sunt qui plantam ipsam ægrè spirantibus, & pulmonum inflammationibus non obscuram opem ferre tradant. Quin & scabiem sanare, & cætera cutis vitia delere affirmât. Probatur etiam ad puerorum tormina stillatitia eius aqua hausta, illiniturque herba tota, vel pabulo datur ad porcorum anginas.

Vulnera & enterocæla.

His positis, transeo ad Bellidem, seu Bellium hortense (nam campestre quoque & pratense spectatur) de quo, prius quàm medicè aliquid proferam, monebo quòd flores eius à Gallis *Margaritæ* vulgò nuncupantur, & à nostratibus *Borboniis Pasquetæ*, fortasse quòd circa Pascha oriri incipiant, vel quòd grato & vario colore, licet inodoro, oculos pascant. Sed hæc nihil ad medicam historiam, de qua nunc demum paucis agē-

Florib. Bellidis nomenclatura.

strume, podagra, ischias, paralyfis, capitis fractura, & thoracis vulnera. dum restat, ex recentiorum obseruatione: nam nihil ab antiquis scriptum quoque reperio. Bel-
lis itaque trita per se, vel cum artemisia, perbellè
strumas emendat. Laudatur etiam ad podagras,
ischiadem & paralyfim, vnde à nonnullis herba
paralyfis dici solet. Valet prætereà, ad capitis fra-
cturas, & thoracis vulnera, quæ in eius cauita-
tem penetrant. In quem vsum, succus potioni-
bus ritè quoque admiscetur. Huius folia com-
mansa tum oris, tum linguæ exulceratas pustulas
sanant: eadèmq̃ tusa genitalium inflamma-
tiones extinguunt, ac etiam resoluunt. Herba ipsa
recens in acetariis deuorata astrictam aluum le-
nit: id quod etiam præstat ex iure pinguium car-
nium, vel cum recenti butyro decocta. Sunt qui
plantam eam ad consolidam minorem referant.

Iris, & medica eius auxilia. A R. VII.

IRIS quòd folium habeat in speciem gladij mu-
cronatum, quibusdam Galliaë partibus *Glaiu-*
tum, ac si diceres gladiolù, vulgò nuncupari solet:
& à cœruleo ac versicolore flore cœlestem arcum
imitante, *Iris*. Cui flores, præter cœruleum, in-
sunt albi, pallidi, lutei, & purpurei, artificio in no-
stris hortorum Secretis descripto. Rura alicubi
Flammam vocant: ob rutilù, vt arbitror, ignis ful-
gorem, radiantibus aliquot lineolis, intus exara-
tum: vel quòd calfaciat, vt flamma, sicuti recen-
tes eius radices indicant. Quas fundit geniculatas,
& summè odoras: vnde plerique sub veris exitù
illas terra eruunt, & per circulares taleolas disse-
ctas

*Iridis no-
mina &
eorundem
varietas.*

Etas in vmbra siccant, filoque transutim excep-
 ptas, recondunt. Alij lixiuio easdem macerant, *vsus æcono-*
 ad absorbendam & exhauriendam succi excremē- *micus radi-*
 titij sobolem, qua tinearum iniuriis sunt oppor- *cum iroidis.*
 tunæ, deinde siccant. Nam teredines, non siccæ
 modò, verùm & in terra virides celerrimè sen-
 tiunt. Ita curatæ armariis imponuntur, vt odore
 per quàm iucundo, vestes ac lineam supellectilè
 imbuant, & commendent. Sed hæc, si placet, mu-
 lierculis tractanda relinquamus, & medicas Iridis
 facultates sedulò excutiamus. Radici vis inest ex-
 calfaciens atque extenuans, qua dote contra tuf-
 sim efficax esse censetur: nam crassitiem humo-
 rum, qui ægrè reiciuntur, digerit, atque hinc tor-
 minibus medetur. Cum aceto, lienosis, perfrige-
 ratis, cōuulsis, & quibus genitura effluit, summè
 prodest, coctaque cum vino & hausta, tardantes
 menses euocat, necnon excreationes faciles red-
 dit. Lumbis & coxendicibus ex resina vtiliter il-
 linitur: naribúsque ritè inditur puluis aut succus
 sternutamētis mouendis. Caput purgat, lachry-
 mas elicit, & suo iusculo orthopnœas discutit.
 Oris fædos halitus cōmansa abolet, alarumque
 tædia & graue virus fotu emēdat. Vinū decoctio-
 nis eius tussim sedat, & soporē conciliat. Puluis
 ex vino propinatus, si febris absit, saniem tenacē,
 quæ præcordia lædit, & thoraci molesta est, miri-
 ficè expellit & deturbat. Idem cum aceto grauia
 tormina compescit. Fiunt è radicibus cum mel-
 le admodum efficaces compositiones ad secun-
 das educendas. In dolore coxendicum succus re-
 centissimæ radicis vtiliter clysteribus infunditur,

Tussis, tor-
mina, lien-
si, perfrige-
rati, cōuulsi,
gonorrhœi.
menses, ex-
creatio, lūbi,
sternutatio.

Caput, or-
thopnœa, æ-
ris halitus,
alarum tædia,
tussis & so-
por.

Thorax,
tormina, se-
cunda, coxē-
dix, vterus,
ulcera &
fistula.

fotúsque decoctionis eiusdem, fœminarum in-
 commoda ad vnguem leuat, duros earum locos
 emolliendo, & contractos relaxando. Eadem ra-
 dix arida, & in pollinem redacta, vlcera purgat, ac
 fistulas sinúsque replet. Valet etiam ad parony-
 chias, & cū vino ad clauos ac verrucas. Ossa fra-
 cta, cum melle imposita, extrahit: & nudata, car-
 ne vestit. Lentès prætereà & cutis vitia emaculat,
 dentiúmque cruciatus demulcet, si eius decocto
 foueantur, & frigida sit causa doloris. Vlcera
 sinus laudabili carne replet: & si mel accedat, mū-
 dificat. Quod etiā præstare fertur puluis ex com-
 busto osse mortui hominis, modò aloë & melle
 excipiat, & in vlceris fistulam iniiciatur, quem-
 admodū scripsit Rhazes. Sed hæc ad nostra me-
 dicinæ Secreta referuanda erant. Radix iridis in
 puluerem redacta, & oleo de spica ad linimenti
 consistētiam excepta, caput à pituitosis excremē-
 tis suaui admodū odore, per nares liberat, sed re-
 purgato prius toto corpore. Succus ex iisdē radi-
 cibus, insertus naribus, fœtorē illarū emendat: &
 cum aceto haustus, splenis dolores abolet. Hic
 tēpestium est, vt Ioan. Mesue audiamus. Iridis
 radix, inquit, calida est & sicca ordine tertio, nec-
 non acris: Deterget, resoluit, coquit, lenit, aperit,
 dolores sedat, pituitā viscosam, & mistam illi bilē
 purgat, necnon serofas aquas, eaq; omnia clemē-
 ter. Lentam & hærentem materiam crassam in
 thorace ac pulmone coquit, tenuat, ac promptè
 educit, visceráq; omnia expurgat. Hepatis quoq;
 & lienis ac vicinarum partiū obstructions tol-
 lit, & affectus ab iis excitatos, hydropem, dolo-
 rem,

Parony-
 chia, lentes,
 clauis, ver-
 ruca, ossa, cu-
 tis, dentes,
 & vlcera.

Casus, na-
 rium fœtor
 & splen.

Pituita, bi-
 lis & aqua
 serofa.

Thorax,
 pulmo, lien,
 hepar, vi-
 scera, hy-

rem, tensionem, duritiem, ac similes, sanat aut lenit. Omnes quoque tumores, etiã duros, & strumas digerit, præsertim neruorum & iuncturarũ: maximè cum betæ vel brassicæ succo, aut vino, & melle ac oleo chamæmelino. Præterea, veterem cephalalgiam sanat, præsertim cataplasmate imposita, & succo eius in nares attracto. Nam sternutamentum mouet, quod excrementorum vim maximam per meatus occultos in partes alias defluere paratorum, retrahit & foras ducit. Cum sapa tussim veterem ab humore crasso, vel lento factam, multum iuuat, & ab eodem spirandi difficultatem. Vterum præterea expurgat: & pello imposita, vel emplastro admota, eius dolores sedat, menses euocat, abortum facit. Ischiadi salubriter clystere iniicitur, aut emplastro apponitur. Si aceto cui incocta fuerit, os colluitur, dentium dolorem leuat & rheumatismum sistit: adhæc supposita hæmorrhoidas aperit. Succus eius cū farina fabarum & cinerum illitus, faciem expurgat, eiusque maculas deterget. Porro, ne ventriculum lædat, sumitur ex mulsâ & pauca spica, vel cum sero lactis, melle & mastiche. Hactenus Mefues. Paulus Ægineta tradit, obolos octo, seu scrupulos quatuor, purgare agarici modo, nisi fuerit antiqua & perforata radix. Dioscor. dosim illo amplius auget. Teri & coqui potest mediocriter. Eligenda quæ est crebrò geniculata, densa, ex albo rufescens, frangi contumax, odore violæ aromatico, sapore acri ac mordente, & dum tunditur, sternutamenta excitante. In quo Florentina & Narbonensis nostræ præfertur:

drops, tēsis, dolor, struma, tumores
Et cephalalgia.

Tussis, asthma, vterus, dētes, rheuma, hæmorrhoides
Et macula faciei.

Electio, collectio, Et nota præstantis Iridis.
Sternutamentum.

& bonitatis rationem secundam habet, cui flos inest cœruleus: nam albus, ut reliqui mangonio accersiti, ad omnia imbecillior censetur. Colligi debet, incipiente florum defluvio. Fit ex ea oleū irinum dictū, ad multa valde efficax, ut in Opusculo hortensium oleorum aliquādo scribemus, cum aliis plerisque, fauente Domino, legi ac aspici dignis.

Amaranthus, & medica eius auxilia.

AREA VIII.

Pulchritudo Amaranthi & eius nomenclatura.

ET si à Plinio Amaranthus spica purpurea veriùs dicatur, quàm flos, illum nihilominus in censu florum hîc adnumerabimus, quòd eo nihil sit aspectu gratius ac iucundius. Tyrias enim purpuras flammeo nitore vincit. Ex quo Gallis non ineptè *Passenelutum* nuncupatur: nam cum holoserico coccineo, quod *Carmæsinum* dicitur, de coloris præstantia certare videtur, absque ullo tamen odore: mirumque est quod cum defecere cuncti flores, ille madefactus aqua reuiuiscit, & hybernas coronas pulcherrimè nectit: hinc dictus Amaranthus, quòd non marcescat, ita Græcam nomenclaturam vsurpante Latio. Ex recentium medicorū iudicio, facultas illi inest frigida & sicca: vnde flos eius ex iusculo potus, dysentericos & cœliacos iuuare traditur: adhæc mensium abundantiam, & albas vteri fluxiones cohibere. Quinetiā cruenta expuëribus prodest, præsertim si in pulmone, vel pectore vas aliquod fractum fuerit, ut scribit doctiss. & diligentiss. medicus

Dysenterici, cœliaci, menses, vteri fluxiones, cruenta expuitiones, vomitus & fluxio.

medicus Andr. Matthiolus suis in Dioscor.com-
mentariis. Non defunt qui tradāt stomacho ad-
uerfari, licet cū vino vomitus ac fluxiones sistat.
Flos in aqua maceratus, vinum ementitur, gra-
ta febricitantibus impostura, quo benefico in-
uento illos sæpenuerò delusimus, ac summè iu-
nimus. Sit hoc postremo loco in virginum &
puellarum gratiam scriptū. Amaranthi flos, fur-
ni tepore, post ablatum panem, siccatus, mira co-
loris præstātia ad coronarios hyemis vsus serua-
ri potest, etiam in septennium vsque, vegeto &
eleganti colore.

Vomitus
& fluxio-
nes.

Solsequium, & medica eius auxilia,

A R E A

I X.

SOLSEQUIVM à multis falsò existimatur esse
Heliotropium, siue maius illud fuerit, siue mi-
nus. Non quòd Solem non sequatur, vt mox di-
cemus, sed quòd pictura ei planè repugnet. *Ca-
lendula* officinis vulgò nuncupatur, quòd singu-
lis ferè mēsum calendis florere, vel (vt aliis pla-
cet) fruticare deprehendatur. Poëtæ *Caltham*, &
Galli *solsiam* nominant, ac si diceres *solsequiam*,
quòd eius flores Solem ab ortu per meridiem ad
occasum tendentem notabili conuersione se-
quantur, ac si eius spiraculo recrearentur: tantus
est syderis amor, & occulta cum iis floribus sym-
pathia. Hinc nimirum planta hæc Rusticorum
horologiū & Solis sponsa, ac solaris herba nun-
cupatur, sicuti fusè & apertè ostendimus in no-
stris Naturæ arcanis, & alibi. Venio ad medica

*Solsequij
nomencla-
tura, & ca-
rundem ra-
tio.*

*Secunda, mē-
ses & den-
tium crucia-
tus.*

solsequij auxilia. Suffimentum ex siccis eius floribus per vulvas receptum, secundas morantes trahit: & iidem recentes in vino macerati & potati, menses cient: sed multò efficacius id præstat herbæ succus: quo, in dentium dolore, si os cum rantillo vini, vel aceti calidiusculi colluatur, præsentaneum adfert remedium. Rem eandem facit folium, digitis utcumque emollitum, & crucianti denti appositum: sed illud igni oportet antè admouere. Quia frigidū, ut venerandus ille medicinæ parens Hippocrates noster scripsit, nervis, dentibus, ossibus, cerebro & spinali medullæ summè inimicū, ac valde infensum esse solet.

Oculis, capitis dolor.

Sunt qui Solsequij aquam omnibus oculorum morbis conducere asserant, tam à calore quàm frigore: adhuc capitis dolores tollere. Hic penè tacebam & præteribam secretum magnū mihi, & amicis meis, qui naturæ abdita per experimenta scrutantur, sæpenumerò probatū & observatū.

Pestis.

Si quis initio pestilentialis febris uncias duas succi calendule biberit, deinde in lectulo bene opertus sudauerit, liber ab ea labe resurget. Quod Alexandro Benedicto sicuti acceptū libenter ferimus, ita tibi libentius offerimus ac impertimus. Sunt medica aliquot huius plantæ secreta alia, paucis intellecta, quæ cū plerisque hætenus desideratis ex tenebris tibi in lucē aliquando proferemus. Hæc solsequij narratiunculam clauderam, dum medicinæ candidatus quispiam familiaris meus, familiariter, ut solet, me inuisit. Qui postea quàm legit hanc facultatum solsequij historiam, fidem mihi fecit se cognovisse monachum quendam qui

qui quartanas curabat propinato ante accessio- *Febris quar-*
nem vino albo, in quo septem grana solsequij *tana.*
detrita fuerant, repetito dies aliquot haustu:
Quod hîc te scire libenter volui, & vnâ com-
monefacere, quòd calendulæ seu solsequij folia
etiam iusculis imponuntur, gustu & odore non
ingrato. Acetariis insuper remiscet mulierculæ,
vti etiam flores, ad cordis affectus, icteritiam &
fædos virginum colores, ac respirandi difficulta-
tem. Ius & teneræ cymæ luteo ouorum in placē-
tam exceptæ & mansæ, fluentes nimium menses
sistere, & cunctantes impellere compertum est.
Autor doctiss. medicus, & rei herbariæ peritissî-
mus Petrus Pena.

HORTI MEDICI CAMPVS

SEXTVS, CONTINENS PLANTAS

aliquot non esculentas, a-
reolis vndecim.

Absinthium, & medica eius auxilia.

A R E A I.

Hic Naturam rerum omnium parētem imi-
tabor, quæ sicuti per vastam mundi vniuer-
sitatē iucundis ac lætis tristia miscere solet, ad-
hæc dulcibus amara: ita ego in hac hortensiu me-
dica historia, suauibus insuauiā miscebo, & gratis
ingrata. Itaque post odoratos flores & plantas,
nunc demū inodoras & insuaues herbas aliquot
describā; ab Absinthio gradū mihi omniū primū
faciēs, quod tam odore, quàm sapore, iniucundū

*Absinthij
genera tria,
& eorundem
nomenclatura.*

esse, nemo nescit. In genera tria illud distin-
xerunt prisca. Vnum vulgare nuncupantes, quod
Galli *Aluinam* vocant, ac si diceres *aloinam*, ab in-
signi aloës amore, quem refert. Nostrates
Borbonienses *Fortum* appellant, à forti ac vehe-
menti eius odore & sapore: cui Ponticum Gale-
no simile esse traditur. Alterum *Seriphium* vo-
cant seu marinum: cuius semine medici necem
moliuntur vermibus, ac lumbricis corporis, &
ob id Semen contra lumbricos dictitant: Galli-
cum vulgus *Barbotinam*, & *vermium mortem* nun-
cupat, easque nomenclaturas officinæ egregiè
norunt. Tertium quibusdam Romanum, no-
bis *Santonicum*, gentili regionis vocabulo, dici-
tur: quod ut reliquis minus est, ita amore mul-
tò mitius, foliis constans albicantibus, lenibus
& planis: adhæc odore iucundo, & gustu non
valde insuavi. Hodie apud nos in multis horto-
rum arcis feritur & acetariis remiscetur, summo
ventriculi & hepatis commodo. Sed his negle-
ctis ad facultates & medica omnium præsidia
transeundum est. Absinthium decoctum, sui va-
poris suffitu, dentium ac aurium dolores tollit:
hisque utiliter instillatur, si manauerit sanies. Po-
tionibus à multis improbat, quod stomacho &
capiti dolorem inferat, præsertim vulgare, licet
illis prosint folia admota. Cruditates cum pi-
pere, ruta, sale & vino abigit: ac thoracem cum
iride purgat, & maximè *Santonicum*. In aqua
pluvia decoctum, & sub dio perfrigeratum, ven-
triculum & hepar summè roborare creditur, ac
lotium potu elicere. Ad regium morbum bibitur
salubriter

*Ventriculus,
hepar, den-
tes, auris,
cruditates
& thorax.*

*Lotium, icte-
rus, menses,
pruritus &
nausea.*

salubriter cum apio, vel adianto: & cum melle sumitur efficaciter, aut ex vellere imponitur laudabiliter ad menses trahendos. Sanat pruritus fotu suæ decoctionis, & nauseas maris arcet in nauigationibus potum ex vino, vel olfactum, aut è regione ventriculi appensum. Reliquas facultates & medica præsidia facillimis versibus, & planè medicis, expediet herbarius vates, de absinthij planta in hunc scribens modum,

*Et splenem adiecto potata iuuabit aceto:
Sic quoque fungorum depellet sumpta venenum,
Necnon lethiferæ cum vino damna cicutæ,
Atque venenatis occurret morsibus hausta,
Ac suggillatis superaddita ritè placebit:
Subuenit anginæ, melli nitroque iugata.
Vulneribus prodest contrita recentibus, illis
Si superaddatur, capitis sic vlcera curans.
In lini panno si circuncincta geratur,
Inguinis immodicum fertur cohibere tumorem:
Auris depellit sonitum cum felle bouino,
Ac durum splenem illius cataplasma resoluit.
Ex oleo fuerit viridis si cocta, iuuabit
Non modicè stomachum qui sit hoc vnguine fotus.
Sub lingua factum curat cum melle tumorem:
Liuorémque nigrum, qui circa luminis orbem
Apparere solet, sanabit idem medicamen.*

Splē, venena, suggillata, angina, vulnera, capitis vlcera, inguina, aures & splen.

Stomachus, lingua, & oculi.

Hactenus poëta ille, qui ex Arabibus hæc ad verbum ferè transcripsit. Penè omiseram quòd absinthij cinis rosaceo vnguento permixtus, capillum denigrat, & somnos olfactu allicit eius ramus sub capite repositus, modò id non senserit æger. Transit sapor eius in vinum, quod vocatur

Capilli, somnus, ventriculus, vestes et libri.

absinthites, quo nihil præstantius in affectibus ventriculi, vt dicemus in vinis medicatis. Non est hîc dissimulandum, quòd absinthium vestiariis arcis inspersum, ab erodentium iniuriis reposita vindicat: adhæc, quòd atramentû librarium diluto eius temperatum, literas & libros à musculis tuetur, quemadmodum ex Dioscoride transcripsit Plinius: apud quem in nonnullis exëplariis, muscis pro musculis scriptum reperiô: fortasse quòd *μυλαις* pro *μυσι* legerit. Pulchrum est, inquit Ægineta, ante alia pocula absinthij dilutû prælibare: nam inter ebrietatis antidota numeratur. Quod ad exhibitionē attinet, veteres succum absinthij pueris offerebât, illitis melle labris vasculi, quemadmodum his versibus eleganter expressit Lucretius,

Ebrietas.

Prisca absinthij exhibitione.

Ac veluti puerus absinthia tetra medentes

Cùm dare conantur, prius oras pocula circum

Aspirant mellis dulci stanóque liquore.

Ventriculus, oculi, aures, plage, contusiones, & attritus.

Alij folia eiusdem in fico dabant, ad fallendam amaritudinem, & conciliandam gustui gratiam, summo per imposturam beneficio. Si cum rosâ in vino austero coquitur, fortu, ventriculi dolores tollit, vel totius cõpositi applicatione. Et si cum passulis, oculis superponitur, pulsantem illorum dolorem emendat. Quod etiam præstat vapor decoctionis eius, ex vino albo, apertis oculis exceptus. Galenus scribit aurium sibilû & sonitum curari fortu decoctionis absinthij: vel immisso raphani succo, cum rosaceo: adhæc herbam cõtusam, & super tegula calefacta, vinóque irrorata, tostam, ictus, plagas & contusiones sanare: insuper,

insuper, eius decoctū cum furfure, chamæmelo, meliloto, malua, vino & aqua, additis oleis anodynis, rosaceo, liliaceo, anethino, chamæmelino, appositum cōtusionibus & attritionibus musculorum, mirandum in modum iuuare. Et si folia cum melle trita, vtero ac muliebri pudendo imponantur, menses excludent. Si cum radice iridis coquatur semen, & bibatur, thoracem purgabit, & icterum valde emendabit. Sed pulchrum erit audire Ioan. Mesuæ, hæc omnia, & multò plura, paucis colligentē. Absinthiū, inquit, constat duplici substātia, vna calida, amara, nitrosa, purgāte & obstructa liberāte: altera, terrea, stiptica, & partes cogendo roborante: præsertim in siccato absinthio. Cū autem eius substantia calida sit superficialia, vbi sumptum est, ab ea prior fit actio: à terrea verò stiptica, posterior: per quam ventrem soluere comprimendo, nonnulli malè sunt opinati. Bilem enim flauā, & aquas à ventriculo, intestinis, hepate ac venis vacuat, interdū etiam per vrinas. Pituitam verò, aut non vacuat, aut maximè paucam: licet phlegmagogum quoque ipsum cēsuerit Auenzoar. A putredine vindicat, præcipuè potu quotidiano vncie vnus vel duarū vini aut aquæ, cui infusum vel incoctum fuerit, vel aquæ ex eo distillatæ. Cum melle, aut vino & paucò cumino calfactum & appositum, mirè cōfert partibus attritis vel contulis. Si vino item, aut aqua, aut oleo cui absinthium & radix cucumeris agrestis incocta fuerint, spongia mersa & expressa téporibus alligetur, hemicraniam sanat. Auris quoque suffita vino aut aqua cui incoctū

Vterus & vulua.

Menses, thorax, icterus.

Bilis flaua, aqua, putredo, attritio & contusiones.

Hemicrania, auris.

Fætor oris, vermes, pri- ritus & scabies. sit absinthium, dolore, tinnitu, & sordiditate liberatur. Acetum prætereà, aut vinum cui incoctum fuerit cum cortice citri, oris fætores à gingivarum & dentium putredine, vel materialium corruptela in ventriculo, emendat: quod etiam præstat aqua eius distillata. Succus cum nucleis persicorum, vermes aurium, & aliarum partium, enecat & educit. Sed maximè hoc electarium lumbricos occidit: Absinthij vnciæ duæ, euphorbij drachma vna & dimidia, cornu cerui vsti vncia dimidia, mellis quantum sufficit. Ex absinthio, fumaria, vis passis enucleatis, myrobalanis citreis, potio fit commoda contra pruritum & scabiem. Quia autem imbecilliter soluit, rosæ, serum lactis, fumaria, spica, vniæ passæ purgatæ, illi non ineptè miscentur, ut melius & tutius purget. Roborat ventriculum & hepar, excitat appetentiam, tollit obstructions, & inde natos affectus, icterum ac hydropem: febribus etiam putridis diuturnis cōfert. Vere debet colligi absinthium, & succus ex eo media veris parte extrahi, & sole, vel calidis cineribus, in vase vitreo, ut aloë, siccari. Flos æstatis principio decerpitur, mediocrem sustinens coctionem. Hactenus Mesues, qui nobis medicam absinthij narrationem claudet. In qua persequenda, si longè ac latè sumus exspatiati, & diutius immorati, popularis herbæ inenarrabilibus remediis & auxiliis, ascribendum obnixè precamur.

Ventriculus, hepar, appetentia icterus, obstructio, hydrops & febris.

Abrotonum, & medica eius auxilia.

A R E A I I.

Quia

QUIA Abrotono absinthij amaritudo inest, *Abrotonum*
 idcirco secūdo post absinthium describe- *mas & fœ-*
 tur loco: quod in marem & fœminam distin- *mina.*
 gui nullus est qui ignoret. Hæc à multis Cy-
 pressus dici solet, foliis constans albicantibus. Ille
 non vsque adeò albicat. Parisienses vtrunque *Ayro-*
num, & pumilam cupressum, & *custodem vesti-*
arium nūcupant: quod armariis sparsum, vestes à tineis
 vindicet. In vino potum contra venena antido-
 tum esse scripserunt prisca, & cum oleo illitum
 prodesse algentibus: necnon contra omnia vene-
 ficia, quibus coitus impeditur. In cubili stratum
 & suffitum, serpētes ac venenatum reptile quod-
 uis fugat. Cinis eius cum oleo raphanino, ricini-
 no vel sabino, barbam tardiùs nascentem elicit,
 & nervos pectorisq̃ue affectus summè iuuat fo-
 liorum decoctio. Ex quo dyspnoicis, tussientib-
 us, & lumborum ac vuluarum doloribus adese
 creditur, si cum vino & paucò melle hauriatur.
 Quo etiam modo ischiadicis & suppressis men-
 sibus auxiliatur. Febriles algores abrotonum se-
 dare dicunt, si ex aqua tepida bibatur, antè quàm
 irrepant: vel oleo eius spina dorsi ad calentem
 foculum illinatur. Alij eam in rem flores cum
 summis ramorum capitulis, ex oleo in linimenti
 consistentiam atterunt, & eo pedù plantas, cum
 spina & carpis manuum illinunt. Huius semine,
 quotidiano experimento mulierculæ lumbricos
 necant. Addo quod idem semen vsque ad drach-
 mam, cum aliquot foliis in vino albo tritum, ad-
 dita nuce iuglande & bolo Armeno: deinde ex-
 colatum & bibitum, mirandū in modum est effi-

Venena, al-
gores, coi-
tus, serpē-
tes, barba,
nervi &
thorax.

Dyspnoici,
tussis, lūbi,
vulua, is-
chias, menses,
febrilis al-
gor, lum-
brica, vene-
na & pe-
stis.

*Menses seu
menstrua.*

câx aduersus venena, & luem pestiferâ, nostro & aliorum quamplurimorû fœlici & optato experimēto. Semen in vino albo tritum, & haustum, cunctâtes mēses accelerat. Quid amplius optas?

Huic panis micas, & mala cydonia iungens,

Liquore aliquo si simul amne coquas, oculorum cocta dolori,

Vel feruori apponens, percurabis utrunque.

*Oculi, aculei, lumbrici
& Venus.*

Infixas cuti spinas, aculeos & alia quæuis educit per se admotum, vel cum adipe tritum: adhæc tam sumptum, quàm appositum vel iniectum, lumbricos ventris, perinde atque absinthium, disperdit: ferturq; ad Venerem incitare, puluino subditum. Quod an verum sit, dubitare malo quàm incerta pro certis obstinatè ac temerè proferre: quare, connubio iunctis isthæc tentanda relinquam.

Ruta hortensis, & medica eius auxilia.

A R E A I I I.

*Ruta natura
& præstantia.*

NULLI sunt horti, tam urbani quàm agrestes, qui Rutam perpetuò virentem & grauius olentem non agnoscant. Cui ea fertur esse natura Plinio & Palladio, ut furtiua optimè proueniat, & sub fici arboris umbra libenter acquiescat. Vnde probatissimâ rutâ esse putauit Theophrastus, quæ cortici ficulneo defixa, terra obrueretur. Quod etiam Plutarchus agnouit, scribens in symplosiacis ad hunc modum: Ruta quæ sub ficu prosilit, aut illi adnascitur, suauior habetur & sapore melior. Ab his non longè recessit Dioscorides, eam cibis commendans, quæ prope arborem

borem fici cresceret, & quamcunque aliam fer-
culis abdicans. Hinc illa nimirum rutæ cum fico
sympathia & amicitia à Plinio celebrata: & eiuf-
dem rursus cum cicuta mirabilis antipathia,
probabili argumento, quòd rutam colligentes,
cicutæ succo manus armant, ne perniciosus vlce-
ribus ab ea infestentur. Quod de ruta agresti scri-
ptum fuisse, docebit experientia, rerum dubiarū
magistra. Sed hæc nihil ad rutæ facultates & me-
dica auxilia: quæ quia præstantissima sunt, ob id
longè ac latè nobis explicanda veniunt. Floren-
tinus Græcæ agriculturæ interpret diligētissimus,
tradit obturatas aureis medulla rutæ, aut recenti
eius furculo, capitis dolores finire: adhæc, succo
illius inunctos oculos cum melle optimo, vel la-
cte mulieris masculum enixæ aut lactantis, cali-
gine & suffusione liberari. Quam rem etiam præ-
stabit solus succus, tactis oculorum angulis, non
solum hominibus, sed etiam pecudibus ac iu-
mentis. Quod Salernitanæ scholæ poësis non
omisit, dicens,

Nobilis est ruta, quia lumina reddit acuta:

Auxilio rutæ, vir lippe, videbis acuté.

Et poëta herbularius,

Ruta comesta recens oculos caligine purgat,

Et melius marathri cum succo, felléque galli,

Melléque, si succus ex æquo iungitur eius:

Indéque sint oculi patientis sæpè peruncti.

Ille idem succus cum vino potus, serpentium ve-
nenis resistit, & comitialibus auxiliatur. Quin
ruta ipsa cum ficu ad dimidias parteis decocta,
hydropicis salubriter adhibetur: valétque plu-

*Mirabilis
rutæ cum fi-
co sympa-
thia.*

*Aures, ca-
pit & oculo-
li.*

*Serpentes,
venena, epi-
lepsia, hy-
drops, peli-
latus, lūbi,
tusis, recur,
pulmo, renes
& febris.*

*Tormina,
menstrua,
sanguis, o-
zana &
clentes.*

*Basiliscus et
Mustela.*

*Ruta serpē-
tibus exosa,
ac venena-
tis omnibus.*

Venena.

rimum ea decoctio ad pectoris, laterum ac lum-
borum dolores: necnon cōtra tussis, ac pulmo-
num & iecinoris, renūque vitia, & remeantium
februm horrores. Eadem cum vino, hyssopo &
aniso cocta, torminibus sedandis, & ciendis men-
struis, haustu vel fotu mirandum in modum opi-
tatur: naribūque indita, fluentem sanguinem
sistit, & sæpè olfacta, ozanas curat, necnon col-
lutione, dentibus summè prodest. Semen maximi
momenti esse solet apud medicos plerosque ad
arthritidem, molas & humiditates vteri. Certissi-
mum est Basiliscum serpentem, homini, reliquīs-
que animātibus insidiari ac infestum esse, frugēs-
que ac fata contactu suo & viroso halitu pollue-
re: nec esse vllum animantis genus, quod aduer-
sus illum pugnet, præter Mustelam. Quæ rutæ
esu, ceu præsentī alexipharmaco & propugnacu-
lo stipata, illum intrepidè extra latebras raptum
conterit. Quo mortuo, nisi confestim se aliò sub-
ducatur, pastūque rutæ iterum sibi prospiciat, ex
contagione ambientis aëris suffocari periclita-
tur. Non temerè itaque faciūt, qui circa ædes ru-
sticas, ac pecorum stabula, & pastorum casas, fre-
quentem rutam serunt ac fouent, quum vi præsen-
tanea venenis obsistat, nec vllum serpētis genus,
quàm se longissimè eius umbra porrigit, vspiam
admittat: quemadmodum de Fraxino scribit Pli-
nius. Quod si quis sumpserit mādragoram, hyo-
scyamum, cerusam, nigri papaueris succum, &
pleraque alia quæ immodica frigiditate, lethali
stuporem conciliant, rutæ succo, vel illius
decocti vino, reuiuiscet, ac malum discutiet. Sed
obli-

obliuiscendum non est, quòd feruido effectu & vrente, noxam infert corpori, si copiosius sumpta fuerit, vel diutius olfacta. Vnde grassante peste sæpenumerò obseruauimus eos, qui rutam naribus identidem admouissent, pustulas & vlcuscula in labiis, naso ac vicinis locis, contraxisse: sicuti in Opusculo nostro de remediis & secretis contra pestem nuper adnotauimus. Nam exulcerat foris admota, & parti alicui affricata vesiculas excitat. Quare carbunculis & bubonibus pestiferis, aliisque tumoribus contagiosis opportunè ac salubriter adhibetur: virus enim elicit, nec patitur intro resiliere ac remeare venenatos halitus.

Ruta in peste utendum cautè.

Carbunculi & bubones pestiferi.

In quam rem contusa, & cum fermento acri, ac adipe suillo, necnon cepa & ficubus cocta, adiecto ammoniaco, calce viua, sapone, cantharide & theriaces momento, præstantissimum conficiet emplastrum, quod affectæ parti tempestiuè appositum, pestiferos tumores confestim distrumpet. Id quod experiundo verissimum esse fateberis, & sciuisse aliquando gaudebis. Sed quia talium remediorum, tota (quod dicunt) plaustra in iam dicto opusculo nostro proposuimus, idcirco de illis verbum non amplius addo, reliqua hortensis rutæ medica præsidia, inuentu & paratu facilia, ordine persequens. Succus rutæ in cortice mali punici calfactus, & auri immixtus, illius dolores finit, tinnitum emendat, & vermes interimit. Folia commansa, oris fætorem tollunt ex usu alliorum & ceparum contractum, sed aceto os debet postea collui. Si eadem folia coquantur, & cum sulphure ac paucò aceto terantur, de-

Emplastrum optimū aduersus pestiferos bubones & carbunculos.

Aures, fætor oris, lacrimæ, & ulcera.

inde mammis in modum emplastri apponantur (exclusa papilla) omnem lactis coagulationem ac tumores expediunt. Scribit Galenus quòd ruta efficaciter obstat omnibus malignis vlceribus, siue sint putria, siue corrodentia: sed in molli corpore debet remisceri, & teri, coquìue cum pane vel hordeacea farina. In duro, potiùs vtendum censet pegano, id est agresti ruta, quàm hortensi & urbana. Semen in vino coctum & potum, singultus emendat qui fiunt à pituita, & hinc periclitantes, à suffocatione liberat. Tusa folia & in modum emplastri scrophulis apposita, illarù duritiem abolent. Et eorundem siccatorum pars vna puluerata cum media parte olibani, deinde ex vino, vel syrupo de mentha hausta, vomitum cõpescit. Si aliquot recentia folia edatur, & generosum vinum superbibatur, morsum Mustelæ non secus curant, quàm simiæ & felis commansa faba, & demorso loco statim apposita. Factum præterea pessariù, vt loquuntur medici, ex rutæ succo, muliebria potenter ducit. Et folia trita, oleoque liliorum incocta cum adipe gallinæ vel anseris, si calida antrorsum & retrorsum vtero in modum emplastri apponantur, præfocationem & strâgulum matricis emendât. Quod vnum remedium etiam præstantissimum esse solet, ad coli, vteri & recti intestini inflationes. Sed folia sicca, cum suprà dictis adipibus & oleo trita, efficacius operantur. Est sanè memorabile quod apud Arnaldum à Villanoua scriptum reperi, nimirum quòd ruta vino albo, vel rosacea aqua imbuta, macerata & calefacta, vapidum fumum & aqueu vaporem

*Singultus,
scrophula,
vomitus, &
morsus venenatorum.*

*Menstrua,
matrix, colum,
vterus & inflatio-
nes.*

rem exhalat, qui vitreo vase superposito exceptus & collectus, apprimè vtilis est sedâdis oculorum morbis. Memorabile & illud quod apud Aui-cennam legi. Si quis semen rutæ & folia cum nucce, & bolo Armeniæ in generoso vino albo contriuerit, & iusculum tale percolatum ieiunus biberit, ab omni veneno ea die tutus erit, imò verò à pestifera lue, quantumuis sæua & immani. Folia eadem cum vino trita valent plurimùm aduersus venenatos morsus omnes, etiam si rabidi canis fuerint: modò cum melle & sale morſui apponantur, vel cum aceto & pice eam in rem decoquantur. Non defunt qui affirmant rutæ succo perunctos, vel rutam ipsam gestantes, à maleficis animalibus feriri non posse. Generationes eius cibo impediri certum est: idcirco mulieres sobolem coniugalem suscipere satagentes, rutam canepius & angue vitare debent: nam vuluas aperit, ac menstruum sanguinem prolicit. Addo quod & semē, & coitum, tam cibo quàm potu sumpta, desiccet & restinguit, maximè viris: vnde *πύργον* Græcis dicta est Ruta ἀπὸ τοῦ πύργου τὸ σπέρμα, quia semen genitabile suo præsicco spiritu, calidòque vapore & tetro coaguletur, quasi que areſcat: vnde sterileſcunt, viri præsertim, concreto & diminuto eorum semine. Id quod mulieribus secus cōtingit, vt etiam Salernitano iactatur hoc senariolo,

Ruta viris coitum minuit, mulieribus auget.

Vulvæ strāgulatus aperit cum melle trita, & toti pubi vsque ad anum illita. Quæ res etiam plurimùm valet ad dolores articulares, & cū oleo ad

Oculi, venena, pestis & morsus venenati.

Malefica animalia, generatio & sperma.

Vulvæ strāgulatus, arthritis, testes, vermes, lichen, vitiligo, venena & pestis.

expellenda ventris animalia. Si cum laurinis foliis coquatur, testium inflationes apposta mitigat: lichenibusque cum melle & alumine vtiliter affricatur. Cum pipere & nitro vitilignes candidas emaculat, & folia aliquot, cibos antecedentia, aut cum arida ficu, & veteribus iuglandium nucleis sumpta, addito salis momento, venenorum vires heberant, & corpus contra iniurias eorum tutissimè muniunt, pestilentique aëri resistunt. Quod Mithridatis inuentum esse tradunt, & Mithridaticum diateffaron nuncupant, mihi & quamplurimis felici successu in magnis pestilentis probatum. Sed pulchrum erit audire poëtam herbularium de ruta eam in rem non ineptè ad hunc modum philosophantem,

*Diateffaron
Mithridatis.*

*Mithridatis
antidotus
contra ve-
nena.*

*Obstat pota mero, vel cruda comesta, venenis:
Quod Mithridates Ponti Rex sæpè probavit:
Qui rutæ folius viginti, cum sale pauco,
Et magnis nucibus binis, caricisque duabus,
Ieiunus vesci consurgens manè solebat:
Armatusque cibo tali, quasunque veneno
Quilibet insidias sibi tenderet, haud metuebat.*

Sed de iis plura in Iuglande scribemus, vbi ad arbores ventum erit. Theopompus vires nec dissimiles nec impares rutæ attribuit, quàm citrio, contra toxica: tradens Clearchum Heracleoti tyrannum suo tempore multos aconito interemisse, cuius violentiâ ut vitarent subditi, domo non egrediebatur ante degustatam rutam: quo præsidio, ceu præsentia alexipharmaco, ab aconiti virulentiâ sospites euaferunt. Non desunt qui Citrio id ascribant, quemad-

quemadmodum suo posthac adnotabimus loco. Prætereundum hîc non est, quòd ruta & mentha virides, ex Hippocratis & Galeni sententia, flatus ac Veneris pruritus excitare solent: siccatæ verò vel frixæ, & præcipuè semina, eosdem discutere, ac Veneris impetum compescere, seminisque profluuium, gonorrhœa nuncupatum, sistere. Quod tametsi superioribus nonnihil pugnare videtur, si tamen rectè ac prudenter excuseris, nullum habere dissidium reperies. Luc. Apuleius Platonius scribit, rutam viridem oleo incoctam, & cera noua agglutinatam, efficacem esse ad inguinum dolores, modò ex linteolo, vt ceratum, applicetur. Eadem cum polenta bene trita & imposita, epiphoras lenit. Ignem sacrum ex aceto & oleo illita mirè extinguit: & ros eiusdem matutinus in vasculo collectus, & oculis instillatus, illorum caliginem tollit. Quod etiam præstare solet vapor ex eadem madente, igni exceptus. Si præter voluntatem effluit semen, manducetur ruta in vino cocta cum pingui aliquo, vel butyro, aut dulcium amygdalarum recenti oleo. Si muliebri effluuium sistere voles, rutam (vt idem tradit Apuleius) auro, argento, ac ebore circumscribe, & sublatam infra talum alliga. Autores sunt Aristot. & Plinius, quod mustela cù serpente & bufone dimicatura in murium venatu, rutam priùs edere solet, ceu præsens quodpià alexipharmacum. Ex quo rutam fascinationis ac venenorum, necnon contagiorum præstantissimum esse amuletum, appositissimè scripserunt prisci omnes: falsòque putauit Pythagoras oculis

*Flatus, Veneris,
& gonorrhœa.*

*Inguina,
epiphora,
ignis sacer,
oculi, caligo
sperma &
muliebri effluuium.*

*Fascinatio,
venena, serpentes
& eorum ictus.*

nocere, nam & scalptores & pictores, oculorum
causa, in cibo illa salubriter vti solent. Tam est in-
festa serpentibus, vt procul ab illa stabulari cer-
tum sit, imò verò eius nidore longè ac latè abigi.
Vnde cum sale & cepa adinotam, remedium esse
expertus sum aduersus serpentiũ venenatos ictus.
Consultè itaque ac prudenter mihi facere viden-
tur, qui ruta hortorum areas olitorias coronant,
vt esculenta olera à venenatis animalculis defen-
dant. Hæc sint postrema, quanquam parùm me-
dica. Feles ab auariis arcebuntur, pullis gallinaceo-
rum aut aliorum, succo rutæ perfusis, aut ruta vn-
dequaque armatis auariis ipsis. Quod facili ex-
periëntia probabis, vnà cum eo quod tradidit De-
mocritus, nimirum culices abigi, & ne accedant
impediri, si rutæ virentis ramo aquam per do-
mum, aut locum alium ab eis obsessum resperse-
ris, vel eiusdem plantæ decocto asperginem fece-
ris. Quod multi etiam ad pulices meritò detor-
quent, & facto experimento verissimum esse re-
stantur. Quare rectè scripsisse censebitur herbu-
larius poëta,

Quomodo
arceantur
feles ab au-
ariis, &
culices ab
adibus.

Pulices.

Cocta facit ruta de pulicibus loca tuta.

De cuius facultatibus & medicis præsiidiis scri-
ptũ sit hæctenus. Quas fusiùs & explicatiùs per-
sequi volui, quòd vbique hortorum frequens sit
illa, excellentissimis viribus ac occultis aliis mira-
culis prædita, nobis alibi explicandis: ne nimius
videar, seràque coronide longus.

Vrtica, & medica eius auxilia.

AREA IIII.

QVO.

*Multe in
hortis plāta
inutiles.*

*Vrtica mor-
dax, & eius
remedia.*

*Venena &
fluor san-
guinis.*

*Canis mor-
sus, sudor,
alvus, peēt*

QVONIAM in plerisque hortis, tam vrbanis
quàm rusticis, multarum plantarum (si desit
cura coloni) non dicam cibus, sed oculis, manibus
ac naribus ingratissimarum inexpugnabilis pro-
uentus etiam sponte oboriri solet, idcirco de illis
nonnulla medicè hîc scribere conabor, quòd vi-
res in iuuando corpore humano admodum in-
signes ac præstantes habeant. Itaque ab Vrtica au-
spicor, quæ vel peculiare id agnoscit, quòd abs-
que vllis spinarum aculeis, lanuginem adeò no-
xiam, ac vrentem circumfert, vt tactu quàm leuif-
simo pruritum, pustulâsque adustioni similes
confestim excitet. Ex quo ab vrendo Grammaticis
ritè dici mihi videtur, & Græcis *ἰκταρία*, *ἰκταρία*
δὴ, quasi non tangenda, quòd mordacis & pun-
ctoriæ vstionis sæuum dolorem sua, vt diximus,
lanugine perquam exili & mollicula acriter inu-
rat. Sed mordacitas in ea (quæ oleo curatur) non
protinus se prodit, nec nisi Solibus inualefcenti-
bus roboratur. Per veris initia planta hæc sapore
solet esse non ingrato, & religioso cibo multis, ad
depellendos totius anni morbos. Huius semen
Nicander cicutæ contrarium esse affirmat, adhæc
fungis, viuo argento, hyoscyamo, serpentibus ac
scorpionibus pugnare. Trita folia & naribus indita
fluentem sanguinem sistunt, omniumque ma-
ximè radix: quod etiam præstat succus, fronti illi-
tus. Phantias inter Græcos medicos celebris, vr-
ticæ laudes condidit, vtilissimam cibus coctam,
conditamue professus. Canum moribus addito
sale opitulatur: oleo incocta, sudorem elicit: cum
conchulis, aluū ciet: cum ptisana pectus purgat:

*mēstrua, ul-
cera, vuula
& procide-
tia ani.*

cum thymo aut pulegio tardatibus mēstruis im-
perat, & cum sale vlcera quæ serpunt, continet.
Sed illa mordax eius vredo, vuulas in ore cohi-
bet, ac procidentes vuulas, infantiūque sedes
tactu resiliere cogit, & Venerem in quadrupedi-
bus excitat. Quod pinguis poëta, v̄olebam dice-
re Macer, herbularius nobis passim nuncupatus,
non omisit, nec ignorauit.

Vrticæ foliis (inquit) reuocatur vulua fricata:

Si quadrupes quæcunque marem perferre recusat,

Vrticæ foliis illius vulua fricetur:

Sic naturalem calor excitat ille calorem.

*Lethargus,
gangrena,
carcinoma,
vlcera, sup-
puratio, tu-
bercula lu-
xata, paro-
tis, menses,
liē, & alius.*

Non defunt qui affirmēt lethargicos experrectos
fuisse tactis eorum cruribus vrtica mordaci, &
magis fronte. Dioscorides scribit, Galeno astipu-
lante, quòd folia vrticæ gangrenas emendāt: nec
non carcinomata quæ cacoethe vocantur: ad-
hæc parotidas, fordida vlcera, suppurationes, tu-
bercula, ac luxata reparant. Folia cum pauca myr-
rha trita & admota, menses efficaciter mouent,
& cum cerato, lienī admodum profunt. Ventrem
in iusculo sumpta, velut titillando & abstergen-
do, clementer irritant. Syluestris, quam Græci
ἀγρίαν, Galli *Griecham* nuncupant, ex vino pota,
lepras in facie tollit, quod etiam nonnulli vrticæ
mordaci ascribunt: cuius succus cessantem vrin-
am ciere, & calculos frangere, vuāmque inflam-
matione turgentem reprimere fertur. Sunt qui
radice, infixā corpori extrahant, addito salis mo-
mento: & foliis cum axungia strumas discutiant:
quæ si suppurauerint, compleri tradunt. Artic-
ulariis morbis & podagricis, cum oleo vetere tri-

*Lepra, vri-
na, calculus,
vuula, acu-
les, struma,
arthritis &
podagra.*

tam

tam urticam plurimi apponunt. In quam rem etiam radix cum aceto tusa, censetur admodum utilis esse.

Illius semen colicis cum melle medetur:

Et tussim veterem curat, si sæpè bibatur:

Frigus pulmonis pellit, ventrisque tumorem:

Cum mulsa bibitum, lorium producit abundè.

Colici, tussis, pulmo, venter, lorium, vomitus, ventriculus, orthopnoia, latus.

Idè semen in eadem mulsa obolis duobus, hoc est scrupulo vno sumptum, vomitiones à cœna faciles reddit: & in sapa haustum, ventriculi inflationibus succurrit: prodest etià orthopnoicis cū melle, nam thoracem expurgat. Lateri præterea medetur cū semine lini & hyssopo frixū. Linimētum ex foliis urticæ cōpositum cum oleo, & sale, partes corporis tuetur ab atrocissimo frigore & rigore, etià si febrilis fuerit, inūcta dorsi spina, & pedum plāta, ac manuum carpis. Valet idè ad vlcera ex gelu & frigore contracta. Noui multos arcanorum naturæ conscios, qui vt febrilem cordis æstum compescerēt ac infrigidarēt, internum urticæ succum arteriis illinebant, addito vnguenti populei momento. Sunt qui folia duntaxat trita eam in rem ipsi carpo, nec non temporibus applicent, cum pauco oleo violaceo vel papauerino. Penè omittebam quòd vapor ex decoctione feminis urticæ naribus exceptus, illarum obstructionem aperit. Quod etiam operatur abrotonū, in eius historia nobis ad alia festinantibus, negliger, ne dicam imprudenter, omissum. Folia urticæ trita & matrici superposita, emplastri modo, illam si educta fuerit, reducant. Semen potum cum sapa, strangulationes vteri aperit, & succus

Febrile frigus, vlcera ex gelu, ardor febrilis.

Nares, matrix, vterus, menstrua, embryici.

foliorum cum myrrhæ momento, menses potenter euocat. Cæterùm tacendum non est, quòd si quis empyicus scrupulum vnum feminis vrticæ in pollinem redactum, cum syrupo pectorali, quasi lambendo paulatim deglutiuerit, tenacem humorem facili conatu expectorabit, & summū præsidium hinc explorabit. De nō mordente vrticæ, quæ ob id mortua dici solet, tradunt multi quòd vires præclaras habeat ad strumas, carcinomata, & gangrænas. Tradunt insuper de syluestri (quæ semine est lini) quod plurimum semine eo valet ad gluten pituitosum incidendum & extergendum, cū opinionem asthmatis & orthopnææ veræ facit: non tantum enim præparat viscidum farctum, sed etiam delectu ducit clementius, caritami feminis ritu & dosi. Hoc sit postremum, et si parum medicum, Vrticæ radices carnibus coniunctæ, eas celerius coqui impellūt, & nymphææ radix pisces incocta, illa omnia ad vnum, veluti extrudente olla, foras eiacularur. Facili experimento res innotescet, mihi nondum explorata.

Plantago, & medica eius auxilia. A R. V.

SEQUITVR Plantago nullis hortis non obuia, cuius laudes abundè complexus est Themison medicus, Plinio autore. Si quis eius folia in aqua mulsâ macerata, vel contusa & expressa, horis duabus ante accessionem ad drachmas duas biberit, tertianas leuiores ac breuiores reddet. Quod etiam præstabit succus radices inadesactæ,
vel

vel tufæ: aut radix ipfa macerata in aqua ferro candenti excalfacta. Quidam ternas radices in tribus aquæ cyathis, vel, vt habet Dioscor. vini, & pari aquæ modo, potandas dedere tertianariis, & quaternas quaternariis, totidem aquæ & vini modulis temperatas. Folia podagras refrigerant, conueniuntque in primo calidarum impetu. Succus, oris vlcera collutione emendat: necnon folium admotum, aut radix commanfa, etiam fi rheumatismo laboret os. Datur plantago cibum non sentientibus, hoc eft iis qui non nutriuntur (quos Græci *ἰτρέφουσ* vocant) interpositis diebus: ex quo phthifim fanare traditur in vino cocta & pota. Comitiales ac fufpiriofos iuuat, & ftrumis cum fale auxiliatur. Eadem curantur ambufta cum oui albumine; ita vt cicatrix oculos fallat. Sanguinem claudit ex vbere (feu vlcere) fluentem, & carbunculos tufa rumpit. Ex aceto & fale cocta dysentericis ac cæliacis falubriter exhibetur: vel fuccus eiuſdem cum alica, vel oryza: qui etiam ſubter iniici poteſt. Cum creta cimoſia & ceruſſa, igni ſacro medetur, etiam ſi mediū hominem ambierit, qui Zoſter vocatur, & ſi cinxerit, enecat. Sanguinis excreationes vel (vt quidam legunt) excretiones, tam ore, quàm aluo & vtero factas, tritum ſemen in vino aſtero (ſi febris abſit) efficaciter ſiſtit, necnon & foliorū ſuccus hauſtus vel iniectus: qui etiam fiſtulis indirus, præſenti auxilio eſſe ſolet. Coquitur cum lëticula plâtago, eodem quo beta more, aduerſus hydropiſim: & ſi corpori vitium id adhæſerit, cui Leucophlegmatix nomē eſt, elixa opportunè datur,

*Febris, podagra, oris
vlcera, atrophia,
& phthiſis.*

*Epilepſia,
aſthma, ſtrumæ,
ambuſta, ſanguis,
carbunculus,
dysenterici,
& cæliaci.*

*Ignis ſacer,
ſanguis, fiſtula,
& hydrops.*

Luxata, vlcera, nome.

modò panem siccū priùs comederint laborantes, vt media cibis illa interueniat. Luxatis tusa folia dolores ac tumores tollunt, addito sale modico. Crassa vlcerum labra purgant, ac nomas sistunt, medenturque omnium generum vlceribus & peculiariter fœminarum, senum ac infantium: sed igne emollita meliora sunt. In quem vsus prodest etiam succus cum cerato: qui in vteri strangulatu per se vtiliter bibitur, ac aurium doloribus appositè instillatur, & lippitudini, necnon ophthalmijs in collyrio perpulchrè additur. Prodest etiam collutione gingiuvis sanguine prægnantibus: & in vellere subditus locofas mulieres strangulatu liberat, vuluarumque fluxiones sistit, etiam si fuerint sanguineæ. Radix commansa, aut masticata, dētium dolores sedat, perinde atque decoctionis eiusdem ablutio: quæ etiam ad vlcera vesicæ, & renum vitia, cum foliis in passo efficaciter præbetur. Tradunt nonnulli, quòd si quis radicem licio alligatam, è collo suspenderit, strumas discutiet, ac crescere prohibebit. Redeo ad folia, quæ vlcera vetera & inæqualia, si apponantur, perfanant, & ad planum reducant: adhæc sinus glutinant, & moribus canum ritè medentur: & ex lana, pelli modo indita, vteros purgāt. Semē tusum, & in vlcus, aut vulnus sparsum, citò illud curabit. Et succus cum mulsâ exhibitus duabus horis ante accessionem quartanæ, illam emēdat, & repetitione facta tandem abolet: sicuti à multis obseruatum intellexi. Folia minoris plantaginis cum sale trita, & cataplasmatibus modo imposita, tumorem & dolorem neruorū in arthritide

Vterus, aures, gingivæ, matrix, lippitudo, ophthalmia, fluxio vulvæ.

Dentes, vesica, renes, struma, vlcera, sinus, canum morsus, & v. e. rus.

Vlcus, vulnus, quartana, arthritidis, sanguis, & menstrua.

modò panem siccū priùs comederint laborantes, vt media cibis illa interueniat. Luxatis tusa folia dolores ac tumores tollunt, addito sale modico. Crassa vlcerum labra purgant, ac nomas sistunt, medenturque omnium generum vlceribus & peculiariter fœminarum, senum ac infantium: sed igne emollita meliora sunt. In quem vsus prodest etiam succus cum cerato: qui in vteri strangulatu per se vtiliter bibitur, ac aurium doloribus appositè instillatur, & lippitudini, necnon ophthalmijs in collyrio perpulchrè additur. Prodest etiam collutione gingiuvis sanguine prægnantibus: & in vellere subditus locofas mulieres strangulatu liberat, vuluarumque fluxiones sistit, etiam si fuerint sanguineæ. Radix commansa, aut masticata, dētium dolores sedat, perinde atque decoctionis eiusdem ablutio: quæ etiam ad vlcera vesicæ, & renum vitia, cum foliis in passo efficaciter præbetur. Tradunt nonnulli, quòd si quis radicem licio alligatam, è collo suspenderit, strumas discutiet, ac crescere prohibebit. Redeo ad folia, quæ vlcera vetera & inæqualia, si apponantur, perfanant, & ad planum reducant: adhæc sinus glutinant, & moribus canum ritè medentur: & ex lana, pelli modo indita, vteros purgāt. Semē tusum, & in vlcus, aut vulnus sparsum, citò illud curabit. Et succus cum mulsâ exhibitus duabus horis ante accessionem quartanæ, illam emēdat, & repetitione facta tandem abolet: sicuti à multis obseruatum intellexi. Folia minoris plantaginis cum sale trita, & cataplasmatibus modo imposita, tumorem & dolorem neruorū in arthritide

tide fenſim demulcent. Emplaſtrum quoque ex eius ſucco, ac albumine ouorū & bolo Armeniæ fronti impactum, fluorem ſanguinis è naribus cõpeſcit: & ſuccus hauſtus vel vtero iniectus, motum menſtruorum continet.

Ille idem ſuccus rectè ſanare videtur

Quod iuxta nares vel lumina naſcitur vlcus,

ſi ſuperaddatur cum lanis mollibus illi:

Pérque nouem cataplaſma dies hocce renouetur:

ſi via longa pedum mouet, vt fit ſæpè, dolorem,

Acri cum vino ſuperaddita trita iuuabit.

Vlcera oculorum, dolor pedum, & elephantiaſis.

Vis foliorum in refrigerando, abſtergèdo & ſiccando mira eſt, vt teſtantur Dioſcorides & Gale- nus: ideo ad vlcera quæ cacoëthe vocantur & elephãtias, fœlici ſucceſſu illinũtur: conueniũt- que ad ea quæ humore madèt, & ob ſordes ſcatu- rientes facilè purgari nequeunt. Non poſſum hîc tacere nec diſſimulare, quod plantaginis vires ſanè quàm eximias ſæpenumerò experti ſumus in lue peſtifera, quibuſcunque adminiſtraretur mo- diſ: prætereà vermes in vlceribus exortos plan- taginis arefactæ reſperſo puluere interficî cer- to experimento nobis conſtat. Alia eam in rem auxilia certa & probata leges in noſtris naturę Arcanis, & memorabilium Centuriis, Chiliadem propediem explentibus.

Peſtis, & vermes vlc- cerum.

Artemiſia, & Tanacetum ſeu Athanaſia, cum medicis vtriuſque auxiliis. AREA VI.

VIDIMVS in pleriſque hortis diuitum ma- tronarum Artemiſiam curioſè plantari &

diligenter excoli, ob præclaras vtilitates, quas (vt
mox ostendemus) illis adferre solet. Quæ res me
mouit, vt de medicis eius auxiliis pauca hîc ad-
fuerem. Duplex apud nos visitur artemisia. Vna
absinthij modo fruticat, & foliis maioribus ex ni-
gro virescit, *Armoisa* vocata. Altera, circa aggeres
& riuos nascitur, necnon in frumentaceis agris,
foliis minoribus vestita, quam Gallicum vulgus
herbam S. Ioannis nominat. Vtraque Dioscoridi &
Galeno, excalfaciendi, resiccandi & extenuandi
vires habet, adiiciturque vtiliter ad muliebres de-
fessus, vt educantur menses, partus & secundæ.
Vulvæ constrictiones laxat, & inflàmationes eius
mitigat, calculos frangens ac vrinas mouens. Ad
euocandos menses qui fuerint remorati, efficaci-
ter pubi apponuntur calentes artemisiæ fascicu-
li: ad quos etiam coma eiusdem trium drachma-
rum pondere vtiliter propinatur. Folia minoris
diligenter trita cum oleo amararum amygdala-
rum, & stomacho adhibita, illius vexationem se-
dant: & succus cum rosaceo, neruorum dolores
finit. Vtraque ex oleo irino tusa cum fico & myr-
rha, vuluis optimè medetur, eâsque repurgat in-
tromissa, vel apposita. Succus cum oleo viola-
ceo concretus & spinæ inunctus, febriles infan-
tium calores emendat.

Hanc adipi iunctam strumis apponere laudat

Plinius, atque iubet cum vino sumere tritam.

Radix pota mulieres in tantum purgat, vt partus
etiam enectos extrahat. Folia cocta & imo ventri
cû farina hordeacea admota, menses ac secundas
extrahunt: & si mulieris in partu laborâtis vmbi-
lico

Duplex Ar-
temisia, &
eius nomen-
clatura.

Menses, par-
tus, secundæ,
vulvæ, ca-
culi, & vri-
ne.

Stomachus,
nerui, vul-
ua, struma,
partus, mē-
ses, secundæ,
calculus,
stranguria,
vterus &
partus.

lico & femoribus decocta & calentia apponantur, miraculo quodam fœtum educunt. Dantur decoctiones eorundem in vino dulci contra calculos & straguriam. Artemisiam secum habentibus negant nocere mala medicamenta, ac bestiam ullam, imò ne solem quidem. Et qui eam tulerit viator alligatâ, dicitur lassitudinem nullo modo sentire. Quod pulchrum est ac valde notandum, hîc omittebam. Artemisia inter digitos trita, vel aliter confusa, & in pudendum mulieris, pessî modo, detrusa, plurimùm confert resiccandæ & detergendæ matrici, quæ nimium humida fuerit & lubrica. Eadem, vt diximus, cocta & imo ventri, nec non feminibus admota, fœtum ac secûdas accersit: sed hinc illico est auferenda, alioquin vterum vnâ etiam euocabit. Si succum artemisiæ cum aliquot ouorum luteis coctis triueris, addita axûgia & cumino, eaque omnia vtero superposueris, dolores qui partum sequuntur demulcebis.

Lassitudo.

Matrix, secunda, & partus dolores.

Non desunt qui contendant Tanacetum seu Athanasiam tertium esse genus artemisiæ, & iisdem pollere viribus. Quod à multis præclaris medicis negatum video, censentibus tanacetum potius esse parthenium masculinum. Cuius facultates receptæ ac probatæ sunt, vt vetriculi & alui flatus discutiat, ac lumbricos ex ventre pellat. Vtuntur etiam plerique præstanti admodum remedio ad comminuendos renum calculos & ciendam vrinam. Sed vt viris magis cõmendatur tanacetum, ita mulieribus artemisia λεπιδόφυλλος, aut *matricaria*: sic dicta quòd matricis dolores sanet. Vulgus Parisiense *Espargonite* vocat, à guttis spargendis;

Vetriculus, alui, libelli, calculi, & vrinæ.

Matricaria

quòd eius folia trita & ori ac auribus admota in dolore dentium, guttas pituitæ spargant & salivam tenuando eliciant.

Chelidonium, & medica eius auxilia.

AREA VII.

CHELIDONIUM maius (nam de eo potissimum hîc agimus) in parietinis hortorû multorum, & opacis nascês locis, à Gallis *Eclera* vulgò appellari solet: quòd caligantibus oculis acie videndi reparet. Ab hirundinibus, quæ Græcis *χελιδόνες* vocantur, nomēclaturam est adeptum. Nam Theophrasto autore, illarû aduentu suum excitat florem, ac virescit: discessu verò, marcescit. Alij, vt Arist. & Plin. contendunt, plantam hanc ab hirundinibus inuentam fuisse: quòd oculis pullorum suorum, qui cæci nascuntur, illius auspiciis visio accersatur: & si in nido puncti fuerint, etiâ restituatur. Nam si quis nuper in lucem editarum hirundinû oculos configat, tacti ea herba à matre, rursus incolumès redduntur. In quâ sententiam nonnullos venisse, autor est Dioscorides. Sed cōmentitium id esse putat Cornel. Celsus, tradens huiusmodi auicularum acies extrinsecus læsas, interposito tempore in pristinum statum sensim redire. Vnde, inquit, locus fabulæ datus est, per parentes id restitui herbâ, quod per se sanescit. Hinc nimirum, collectum est hirundinum sanguinem, nostris quoque oculis ab externo ictu mederi, non secus, quàm palumbium & columbarum, si hirundineo caruerimus.

Flo-

*Chelidoniū
hirūdinaria
herba, &
vnde id fa-
ctum.*

*Remedia ad
oculorum
vltus.*

Floribus chelidonij succus exprimitur, & in vase mundo, cum melle optimo, feruenti cinere leniter decoquitur, singulari remedio contra oculorum caliginē. Radix cum aniso & vino albo pota, regio morbo & iecoris obstructionibus medetur, ac vlceribus quæ serpunt, vtiliter imponitur: necnon iis quæ inueterata sunt & in fistulam abierunt. Quod Q. Serenus hunc in modum confirmat,

Caligo, icterus, obstructio, iecur & vlcera.

At si iam veteri succedit fistula morbo,

Fistula vlcerus.

Herba chelidoniae fertur cum melle mederi.

Hic non tacebo, quod multis pro ditissimo habetur secreto, nimirum chelidonij maioris herbã sub nuda pedis planta delatam ictericos vt fertur sanare, si dies & noctes ibidem gestetur, & subinde renouetur. Addunt eandem nr̃amis mulierum admotam, mensium abundantiam sistere. Adhæc vnã cum radice tusam, & oleo chamæmelino feruesactam, ventris tormina & vteri dolores tollere: & totius plantæ puluerem, vulnera, vlceraq; sanare. Cadūt quoque verrucæ & arescūt, si frequenter chelidonij succo inungantur. Qui plura volet, consulat Chiliadem nostram memorabilium. Menses nimios mammis admota efficaciter sistit: & vlcera adeò siccant, vt pro spodio vtantur multi: imponitur etiam iisdem desperatis, cum axungia. Galenus tradit calidæ & admodum extergētis esse facultatis, eiúsque succum ad visum exacuendum cōmodum esse: maximè his quibus crassum quiddam in pupilla colligitur, digestionem atque discussionem indigens. Volunt plerique quòd rarior intus esse debet illius vsus,

Menses, oculi, visus, & vlcera.

commodior foris ad impetigines & pſoras puerorum, necnon metallorum chymicas medicationes.

Mercurialis, & medica eius auxilia. AR. VIII.

PLANTA hæc Gallicis hortis Latinam retinet nomenclaturam: & in marem ac fœminam distinguitur. Hæc candidiora, illæ nigriora habet folia. Mirum est quod de utroque genere proditur, marem scilicet facere ut mares gignantur, fœminam verò, fœminæ: sed id contingere, si à conceptu succus statim bibatur in passo, edanturque folia ex oleo & sale decocta, vel cruda ex aceto. Plinio in ea re astipulatur Dioscorides: nisi quòd à purgatione succum iam dictum bibendum esse, & trita folia genitalibus locis adhibenda testatur. Experiëntia addidit oportere altero à purgatione die dare mulieribus per triduum, & quarto die, à balneo, cum illis coire. Q. Serenus medicus & poëta æquè priscus ac doctus, eam in rem, de conceptione & partu scribens, elegantissimis versibus aliquot ita lufit,

*Secretum pro
marium &
faminarum
generatio-
ne.*

*Q. Serenus
versus pul-
cherrimi.*

*Irrita coniugij sterilis si munera languent:
Et sobolis spes est multos iam vana per annos,
Mercurialis item capitur communiter herba:
Sic cubitum noctu coniux festinat uterque.*

*Conceptus,
mensēs, secū.*

Hippocrates, Plinio autore, utramque mercurialem miris laudibus in mulierum usu prædicauit: adhibuitque cum melle, vel rosaceo, aut irino, vel liliaceo oleo ad conceptus, & ciendos menses, educendasque secundas. Quod etiam potu, aut
fotu,

fotu, præstari dixit. Succum insuper surdis auri-
 bus instillauit, & cum vino vetere inunxit, ac fo-
 lia cum recenti axungia decocta, vesicæ ad stran-
 guriam imposuit. Ventri exonerando, vel in febris,
 quantum manus capit, in duobus sextariis aquæ
 ad distidias coquitur. Vel cum melle, admixto sa-
 le, succus bibitur: aut in gallinaceo iusculo (quod
 salubrius est) cum malua decoquitur. Dioscor.
 eandem soluendo ventri in olere coquit: tradit-
 que, epoto iure, bilem ac aquas detrahi. Malis
 quæ serpunt medetur succus ex aceto. Semen
 vtriusque, potioni insparsum, vel cum absinthio,
 aut cicere decoctum, regium expugnat morbum:
 & folia illita, vel succus, omniû generum verru-
 cas tollunt, ac thoracem purgât, sed stomachum
 lædunt. Galenus testatur mercuriali omnes vi-
 duntaxat ad alui solutionem & purgationes. Si
 quis autem in cataplasmate periculum facere vo-
 let, digerentis facultatis esse experietur. L. Apu-
 leius Platonius mercurialis tritum semen ex passo,
 ad ventris duritias exhibet, & ad epiphoras ocu-
 lorûmque lachrymas folia ex vino albo vetere
 apponit. Prætereà, ad aquam, quæ in aures in-
 troierit, succum tepesfactum exstillat.

*de surditas,
 stranguria
 & alijs.*

*Bilis, aquæ,
 ulcera, icte-
 rus, verru-
 ca, thorax.*

*Venter, epi-
 phora, au-
 res, oculi.*

Parietaria, & medica eius auxilia. A R. I X.

A Parietibus nomen habet Parietaria, in qui-
 bus nasci, ac gigni, maximè solet: quanquã
 in sepibus ac vineis nasci etiam constat. Helxine
 dicitur, quòd lappaceis capitulis suis & echinatis
 sphæculis, vestes tenaci asperitate, hærendo,

*Parietaria
 nomina, &
 eorundem
 ratio.*

trahat & retineat. Vocatur & Perdiciū, quoniam perdices ea præcipuè vescuntur, & sese libenter in illa volutant. Adhæc vrceolaris & vitreola, quòd detergendis vrceis, & vitreis vasis admodum apta sit. Turtures, columbæ & gallinacei illâ pasti, annum fastidium deducere traduntur.

Podagra, ruptura, lapsus, præcipitia, ignis sacer, panus, abscessus, guttur, colicus affectus, calcaneus, nephriticus.

Podagris cū caprino aut hircino seuo efficaciter apponitur, & contra rupturas, lapsus, præcipitia, aut vehiculorum euerfiones, diuinitus opitulatur. Sanat ignes sacros, collectionesque omnes, & adusta. Succus cū cerussa panos discutit, necnon abscessus & incipientia guttura. Cum recenti butyro vel gallinaceo adipe frixa, & ventri, cataplasmatismis modo, calens imposita, ac subinde mutata, colicum cruciatum clementer sedat: perinde atque nephritidem & sæuas ex calculo tyrannides, si succus illius vino albo exceptus, & recenti oleo amygdalarum dulcium remistus & transuasatus, opportunè hauriatur. Tonsillas & varices cum rosaceo curat. Folia, vt scribit Dioscorides, vim habent spissandi & refrigerandi: quare illitu sacros ignes, vt diximus, sanant, & condylomata, ac vlcera quæ serpunt, emendant. Inflammationibus gargareonis tam herba, quàm succus illitus, vel gargarizatus multum prodest, auriumque phlegmonosos dolores cum rosaceo infusus leuat, & quandoque finit. Vis etiam ei inest abstergendi, vt in vitreis vasis experimento docetur: adhæc constringendi, comite humiditate subfrigida. Quamobrem phlegmonas omnes in initio & augmento sanat, vsque ad statum. Luc. Apuleius aduersus podagram in aqua decoquit, & ea partes

Phlegmone & podagra.

partes affectas fouet, herbámque ipsam cū axungia tufam, cataplasmatís modo, imponit, & lin-teolo vestit. Cēterū, certo & probato quorundam experimēto didici, viridem parietariam cum pane, & oleo liliaceo, rosaceo, vel chamæmelino tritam & excalfactam muliebrium vberum apo-

*Mammariā
apostemata.*

Malua ac Alihes, & medica earum auxilia.

A R E A X.

Hic de vtraque malua, syluestri nimirum & hortensi, medica & fusa agemus methodo: quòd vtriusque vsus tam frequens vbique sit, quàm planta ipsa passim est obuia. Olim fatiua erat & altilis, cedebátque in locum oleris, ac fa-mem explebat, & ventrē mollebat, vnde illi Græ-cum nomen *μαλῶν*, & malua Latinum. Quod festiuè Poëta testatur, ita canens,

*Malua olim
fatina.*

Exoneraturas ventrem mihi villica maluas

Attulit. Et alter Poëta, (vt in lactuca à nobis initio adnotatum fuit.)

Vtere lactucis, vel mollibus vtere maluis:

Nam faciem durum, Phæbe, cacantis habes.

Sanè prodigiosum naturæ miraculum est, quòd herbæ huius foliū, nedum flos (quemadmodum scripsit Theophrastus) nubilo die Solem, etiam delitescentem, prodat: sitque curriculi illius ve-lut index de statu & conuersione: ex quo inter herbas heliotropas meritò accensetur, sicuti nos haud ita pridem admonuimus in nostris naturæ Arcanīs, & alibi. Damageron inter Græcos me-

*Malua, So-
laris herba.*

*Fauces, cu-
tis vitia, re-
nes, vesica,
raucedo, vē-
ter, vulnus,
luxata &
fracta.*

*Inflamatio,
sanguis, ser-
pens, aures,
hepar, epile-
psia, calcul-
us & is-
chias.*

*Vesperum
ictus auxi-
lia.*

*Vrina, par-
tus, dentes,
parturiētes,
mensua,
strume, pa-*

dicos & geponicos sanè quàm celebris, poste-
ritati notum esse voluit, succum maluæ exaspe-
ratas fauces lenire, & summæ cutis acrimonias
emendare : adhæc laceffit renibus opitulari, ac
irritamentis vesicæ summam adferre commodi-
tatem. Feruefactæ cibus per se, irraucescētem vo-
cem expedit, & ex oleo atque garo ventrem re-
soluit. Hîc omittendum, & silentio obuoluen-
dum nequaquã duxi, quod à Petro Pena in suo
stirpium libro adnotatum reperi: Medici, inquit,
& exercitiores Pharmacopœi Veneti, è mucca-
gine radicis altheæ, ad tenues in pulmones deflu-
xiones, offulas, morsellos vocatos, duriusculos ex
saccharo coquūt, vsque mouendo, ne vratur: nec
enim cuiusuis est, propter lentorem, bene parare.
Folia altheæ aut maluæ cum frōde saligna trita,
pretiosum faciunt emplastrum quod inflamma-
tiones enasci vel augeri prohibet, manantēque
sanguinem sistit. Eadem cum cepis, vel porris tu-
sa, serpentium ictus, impositu sanant. Succus au-
ribus instillatus, dolorem earum compescit, & ex
melle potus, hepaticis medetur. Idem comitiales
recreat, & calculosis ac ischiadicis præsentī est au-
xilīo. Si quis syluestris maluæ succo perunctus
erit cum oleo, vel plantam ipsam secum habebit,
à vespiis non pungetur. Quod si recenter punctus
fuerit, etiam infixō aculeo, idem opitulabitur suc-
cus, aut oleū simplex. Ius elixæ & feruefactę epo-
tum, vrinæ finit tormina, & difficiles, laboriosos-
que partus soluit. Radice eius quæ vnum habet
caulem, dolentes dentes pungere, vtile esse do-
cuit experimentum : necnon parturiētes celerius
eniti,

eniri, substratis, maluæ foliis: sed protinus à partu remouenda sunt, ne vulua sequatur. In quam rem etiam prodest succus ex vino ieiunis exhibitus. Tradidere nonnulli fœminas purgari foliis plenæ manus mensura, in oleo & vino sumptis. Eadem strumas, parotides & panos, addita hominis saliuæ, curant citra vulnus. Sunt qui ad alligēt tritum semen brachio genituram non continentium. Quod vnum Xenocrates etiā tradidit (modò sit vnicaulis maluæ) ad spersum genitali fœminarum, venereas aueritates mirum in modū augere. Quamquam Olympias Thebana abortiuas, esse dixit malas cum adipe anserino in modum pesti vuluis inditas: quod tacuisse fortassis præstitisset. Dioscorides esculentio rem esse ait hortensem quàm agrestem, sed stomacho noxiam: quæ, sicuti cauliculis suis ventri ac interaneis facilis esse probatur, ita vesicæ admodum idonea censetur. Semen cum vino, aqua & pauco aceto coctum, valde prodest contra ictus & morsus venenatorum, partim bibitum, partim loco affecto admotum: & cruda folia cum rosaceo trita, ambustis summè auxiliantur, quæ admodum etiam aqua decoctionis illorum. Eadem cum pane ad vulnerum impetus, commodè apponuntur. Et succus per se haustus, vel cum oleo liliaceo infusus, vuluas emollit. Addam quòd fetus decoctionis maluæ, vel althææ, seu ibisci duritiem matricis tollit, & eius ostiolum aperit. Nonnulli affirmant radicem gestatam fœtum continere, si vterum attingat: quod plerique etiam parietariæ ascribunt. Sunt qui contra

rotides, panos, & gonorrhœa.

Venus, abortus, venter, vesica, venenati ictus, ambusta vulnera, vulua, matris, fœtus.

*Māma, ve-
nenata, vi-
cera, liehe-
nes, vlcuscu-
la, forrigo,
ignis sacer,
ambusta, tei-
nesmus &
dysenteria.*

mammillarum tumores illam cum rosaceo te-
runt, & subcalidam apponunt. Aduersus om-
nes aculeatos ictus, vires, vt diximus, habet
admodum efficaces, præcipuè apum, vesparum,
& similium. Si in vrina putrescat, manantia in ca-
pite vlcera sanat: adhæc lichenas, & oris paruulo-
rum vlcuscula, cum melle. Q. Serenus decocto
radicis videtur tradere vim miram aduersus capi-
tis scammulas & furfures, de ea elegantissimis
versibus ad hunc scribens modum,

*Dum caput immensa pexum porrigine ninget,
Hanc poterit maluæ radix decocta leuare.*

*Pituita,
nausea, asth-
ma, melan-
cholia, insa-
nia, calcul-
us, inflatio,
opisthoton?
& māma.*

Folia ex rosaceo attrita & elixata, sacris ignibus,
ac ambustis efficaciter illinuntur: Et semen ex vi-
no nigro potum, à pituita ac nauseis liberat, sa-
lubritérque teinesmo & dysenteriiis infunditur,
aut bibitur: necnon etiam asthmaticis & melan-
cholicis. Quibus tamen, vt etiam infanientibus
& calculosis, vel inflatione & opisthotono labo-
rantibus, multò salubrior esse solet succus tam
exhibitus, quàm illitus. Radix eius quæ vnicaul-
lis est, mammarum vitiis occurrit, in nigro vel-
lere alligata: & ex lacte, sorbitionis modo sum-
pta, tuflim paucis diebus emendat. Iusculum to-
tius plantæ cum sua radice, contra omnia vene-
nata plurimùm valet, si potum identidem voma-
tur. Hippocrates adnotante Plinio, vulneratis, &
sanguinis defectu sitientibus, coctæ radicis succū
summā efficacia bibendum dedit: vulneribúsq;
radicem cum melle & resina salubriter imposuit,
necnon luxatis, contusis, tumētibúque muscu-
lis, & neruis, atque articulis affectis. Sed mirum
est

*Tussis, ve-
nenata, vul-
nera.*

*Luxata, cō-
tusa, muscu-
li, nerui &
articuli.*

est, aquam addensari & lactescere, in qua trita *Aqua mal-
ue lactea.* maluæ radix, horas aliquot sub dño emaduit: quã
ad multa vtilem esse nouimus, ac eò efficaciorẽ,
quò recentior fuerit: nec ignoramus Theophras-
tum id altheæ, seu ibisco, ascribere, potius quàm
maluæ.

*Lathyrus, seu Cataputia minor: adhæc Ricinus, vel Ca-
taputia maior, aut Palma Christi, cum medicis vtriuf-
que auxiliis.*

A R E A X I.

R E S T A N T in hoc hortensium herbarum me-
dico theatro plantæ duæ, Lathyrus & Ricí-
nus, nobis solita methodo describendæ. Has fa-
nè vel præterire, vel dissimulare animus erat, prò-
pter abutentium incommoda, nisi me ab ea sen-
tentia reuocassent improbæ, proborum aliquot
amicorum, preces, quibus nihil improbius in re-
ctis consiliis esse potest. Cuperem, ita me Deus
amet, frutices istos admodum suspectos, ex om-
nibus hortis radicitùs euelli, potiùs quàm coli, &
à consortio florum ac olerum penitùs excludi,
nec tam curiosè curari. At futurum mihi polli-
ceor, vt hac narratiúcula legitimus plantæ vtriuf-
que vsus innotescat. Quando itaque visum est,
etiàm magnatibus, vt in censu & cœtu suorum
hortensium essent, de illis, qua cœptum est me-
thodo, sincerè hîc scribam, à Lathyrice factò gra-
du primo, quam Gallicum vulgus & rura, *Espur-
giam* vocant, quòd ventrem purget ac inaniat: &
officinæ, *Cataputiam minorem*, quòd, nisi fallor, in
orbiculis, & pilulis, ceu paruis catapotiis semen

*Lathyrus
& Ricinus
periculosi
frutices.*

*Nomencla-
ture Lathy-
ridis.*

*Descriptio
Lathyridis.*

*Legitimus
Lathyridis
usus.*

*Quos ha-
mores va-
cuet Lathy-
ris.*

ferat. Vel, quòd granis eius ad soluendā aluum, & ciendas vomitiones, pro catapotis & pilulis vtā-
tur non solū populares : sed etiam satis incon-
sultè, ne dicā temerè, magnates & aulici pleriq;
Totus frutex copia lactis turgēt, folia habens
amygdalinis proxima : sed ita vt quæ in summis
emicant ramulis, minora iis videantur quæ caulē
ambiūt. Gerit pilulas in cacuminibus, triplici cel-
lula ac loculamēto distinctas. In quarum ventri-
culis, aut si maioris, vtriculis, grana septē vel octo,
cōtinētur, intercurrentibus membranis discreta,
rotunda, & eruis maiora. Quæ corticibus exuta,
candida spectātur, & gustu dulcia : horū viginti
ex pura aqua, vel mulla pota, hydropicos sanant.
Qui vehemētiùs purgari volunt, ea cum suis fol-
liculis sumunt : sed quia stomachum impensè lē-
dunt, excogitatum est, vt cum iusculo pisorū, aut
gallinacci capiantur. Granis septenis vel octonis
in catapotio ad vacuandam aluum vti concessum
est, sed infrænari debēt & corrigi cum stomachi-
cis, cynamomo, mastiche, aniso, vel fœniculo,
alioquin ventriculū ac intestina turbabunt. Hæc
eadem mandi solent ac deuorari cum sicca ficu,
uis passis, aut palmulis, sed aqua frigida est su-
perbibenda. Trahunt aquam, bilem & pituitam.
Folia cū gallinaceo, vel oleribus, aut iusculo alio
decoquuntur; ad eosdem effectus. Dantur grana
minora x x. maiora verò x v. plūs minūs, pro su-
mentis ætate & viribus. Qui efficacius purgari
volunt, grana, Aëtio autore, debent mandere:
qui verò parcius, integra deuorare : præsertim
qui sunt imbecillo ventriculo. Vt vt sit, cautè, &
parcè,

parcè vtendum moneo.

Ricini fruticem recentiores herbarij *Cataputiam* Ricini no-
maiorē vocāt, quòd semina eius in pilulis maio- rina & eo
 ribus claudātur, quàm in lathyride. vel quòd ca- rūde ratio.
 tapotiorum more purget. Gallicum vulgus, cum
 officinis *Palman Christi* nūcupat, quòd eius foliū
 in effigiem manus & palmæ articuletur. Seritur Talparum
 in plerisque hortis ad arcendam, vt volunt, effo- fuga.
 dientium, ac passim tumultantium talparum iniu-
 riā. Profilit instar parvæ arboris, folio vitis æmu-
 lo, sed nigriore, ramis cauis, & in arundinis mo-
 dum fistulosis, semine in asperis vuīs clauso, &
Kerna officinis dicto. Quod vnum suis corticibus Pulchratio
 spoliatum, ricini animalculi fœdi ac liuidi effigiē una desiri-
 tam proximè repræsentat, vt si vita adesset, planè pitio.
 ricinus esse videretur: vnde huic plantæ impositū
 nomen. Plantæ huius triginta grana, vel vt placet
 Ioan. Mes. quod verius puto, quindecim ad sum-
 mum, & septem ad minimū, suis putaminibus re-
 purgata, bilem & aquas per aluū ac vomitiones, Bilis, aqua,
 potu deficiunt. Vrinæ etiam mouent, sed iniu- Vrina, va-
 cunda, vt loquitur Diosc. potione: quam sequitur ri, vult, est-
 violenta stomachi subuersio. Eadem rufa & im- phora, mā-
 posita, varos ac maculas à Sole contractas emen- ma, vgnis fa-
 dant: tritæque folia cum polenta, oculorū tumo- cer & fia-
 res & epiphoras sedant, ac turgentium mamma- ries.
 rum inflammationes coërcent. Cum aceto illita,
 sacros ignes restinguūt, & per se triduo imposita,
 faciem purgant. Sed pulchrū, & sanè quàm vtile
 fuerit hic audire Ioan. Mesuē, de Ricini, seu grani
 regij, vt vocat, facultatibus egregiè differentem:
 Ricinus, inquit, pituitam ac interdum bilem

*Colicus do-
lor, poda-
gra, ischias,
iunctura, hy-
drops, &
articuli.*

violenter purgat, deiectione & vomitu: materias quoque & ferofam aquã à iuncturis trahit. Dantur grana eius trita & cocta in iure galli antiqui, conferuntque dolori colico, & iuncturarum, vt podagræ, chiragræ & ischiadi. Aut coquuntur in aqua casei, vel caprinum lac super ea mulgetur, colatur, & ita hydropicis vtiliter exhibetur. Oleũ ab his expreffum, cicinum seu ricinum dictum, colico dolori à pituita & flatibus summè cõfert, adhæc morbis articularũ. Corrigitur ricini noxa, eo modo quo lathyridis, eſtque eius doſis à granis ſeptẽ ad grana quinque, vt paulò antè ſcripſimus. Sed iam tempeſtiuũ eſt, vt hanc hortenſiũ plantarum medicam hiftoriã claudamus, & domesticas arbores, cum ſuis fructibus, eadem perſequamur methodo.

HORTI MEDICI CAMPVS

SEPTIMVS, POMIFERAS ARBO-
res, cum ſuis fructibus, areolis
tredecim deſcribens.

*Malus & eius pomum, cum medicis vtriuſque auxiliis
& facultatibus.*

A R E A I.

*Paraſceue
ad ſequẽtem
narrationẽ.*

HACTENVS, quod fœlix, fauſtũque ſit, hortenſia & domestica olera, radices item, & odoratas herbas, necnon fœtus herbaceos, ac flores, plantãſque inodoras, pro noſtræ mineruæ tenui captu, vtcunque expediuimus. Super eſt, vt ſimili methodo frugiferas hortorum arbores, vitæ humanæ accommodas, explicemus: & maxime

ximè illarum fructus: ab his auspicando qui molli tunica vestiuntur, & à Grammaticis generali nomine *Poma* nuncupantur. Hinc gradum facturi ad eos, qui dum maturuerunt, dura & lignosa veste forinsecus teguntur, & *Nucis* appellatione comprehenduntur; à malis itaque exordimur, quorum arbor tam prædiis rusticis, quàm urbanis paradisis, aut, si mauis, hortis & viridariis per quàm familiaris esse solet. Diphilus, Græcus agricola & medicus, tradit mala, quæ nondum maturitatem attigerunt, noxium succum in corporibus gignere, bilémque ac morbos excitare, & horroris causas promouere. Quæ verò maturitatem assecuta sunt, melioris esse succi pollicetur: propterea quòd aluo facilè excernuntur, ob minorem acerbitem. Acida improbum humorem gignunt ac magis substringunt. Atque, ut rem diffusam paucis colligam, malis uti debemus sobriè & circumspectè, pro vincentium saporum facultatibus & naturis. Austeris, cum ventriculus propter calidam intemperiem, vel multam humiditatem imbecillus fuerit: Acerbis, dum hæc multum aucta videbis: Acidis, dum crassum succum, qui non magnoperè frigidus sit, in ipso collectum suspicaberis. Siquidem frigidus succus non acidis, sed acribus expugnatur. Quæ in hyemem, ver & æstatè optimè seruata fuerint, ea morbis sæpenumero perquàm vtilia esse solèt: modò farina aqua subacta circumlinantur, & clibano coquantur, aut calidis cineribus mediocriter assentur, vel ad aquæ bullientis vaporem tepereſcant. Dare autem conueniet statim post ci-

Pomi & nucis significatio.

Mala maturatione, immatura & acida.

Mala austera, acerba & acida.

Mala ægrotantibus vtilia.

Venter, sto-
ma:hus, vo-
mitus, dysen-
teria &
mausea.

bum : aliquando etiam cum pane , ad ventrem
& stomachum roborandum, his qui cibum fasti-
diunt , ac tardè concoquunt , quique vomitu,
diarrhœa ac dysenteria infestâtur. In quem vsum
apta sunt acerbâ : nam parata vt modò dixi, me-
diocrem agnoscunt adstrictionem . Hîc minimè
superuacaneû erit admonere ex Plutarcho (licet
parum ad medicam nostrâ historiam pertineat)
quòd mala tam graua esse solent gestâtibus dor-
suariis iumentis, etiam si pauca portent, vt oneri,
viribus alioquin non impari, succumbant, ac su-
dando deficiant : solo odore (vt Latinus putat
Apuleius) adeò illa offendente, vt animo linqûa-
tur. Quod ad mala cydonia, summè odorata, re-
ferendum potiùs crediderim : vt vt fuerit, facilis
admodum erit experientia cuius. Remediû præ-
sentissimum est oblatu panis, quem si vorarint,
vt scribit Plinius, sese prorinus recolligunt. Vita-
bitur id periculi, si aliquot priùs conspicienda aut
odorâda illis offeras. Modos varios, & formulas
item diuersas custodiendorum cuiusuis generis
pomorû, reperies in nostris hortorum Secretis.
Illud mihi penè exciderat : Malum dulce odora-
tum, ab interioribus seminibus mundatum si oli-
bano impleatur, & superaddito suo operculo sub
cineribus absq; vstione coquatur, deinde à pleu-
ritico edatur, rem planè admirandâ operatur.
quod in deploratis semel atque iterum experti
sumus.

Pulchrû &
notandum.

Mirum au-
xilium pro
pleuriticos.

Pyrus & eius fructus, cum medicis auxiliis ac fa-
cultatibus vtriusque.

AREA VI.

QVAE

QVAE de malis scripta sunt, si ad pyra transferantur, nihil nouo sermone opus erit. Nam in his quoque alia austera sunt, alia acerba, *Pyrorū disferentia.* quaedam acida, nonnulla dulcia, & multa ex horum mistione composita. Sunt quæ nullam insignem qualitatem præ se ferant: quò fit, vt cum aquea sint & hebetia, nulla roborandi vi polleant. Talis itaque pyrorum vsus erit, qualis malorum, vt præclare scripsit Galenus: qui aquosam dulcedinem omnibus ferè tribuit pyris cum lenta acerbitate: quod inæquale temperamētum arguit: & ob id à cibo sumpta conferre stomacho tradit: præsumpta verò, aluum substringere. Sanè pyrorum omnium crudorum vsus, etiam *Pyrorū crudorum vsus reseruit onerosus.* valentibus onerosus esse solet, & maximè ieiunis: decocta multò salubriora cēsentur. Sunt qui diuisa, & granis purgata Sole siccent vel clibano, hisque per hyemem, & Ichthyophagiam, vino vel calente aqua maceratis & saccharo respersis iucundè vescantur. Pyrorum genera omnia adstringentia, vsum habent accommodum repellentibus cataplasmatibus. Aduersantur etiam *Remedium aduersus boletos & fungos.* bolis & fungis: nam illos extrudūt pondere, & pugnante prementēq; succo. Scripserunt nonnulli quòd pyra in cubiculo enitentis & parturientis reposita aut latentia, partū difficilem faciūt. Sed id cotoneis malis, vt mox dicemus, ascribendum esse mihi fidem fecerunt amici aliquot, qui naturæ arcana per rerum experimenta quotidie quaerunt & scrutantur.

*Cotonea arbor & eius fructus, cum medicis
vtriusque auxiliis.*

AR. III.

K iij

POMI arboris istius figura, vt superiorum, simpliciter exprimi nequit: quoniam cotoneorum alia incisuris crispantur, colore ad aurū vergente, ex quo Græcis *κυσθύνια*, & Virgilio aurea mala, vt multis placet, dicta sunt. Alia candidiora videntur & odoris præstantissimi: Alia struthæa nuncupantur, serotino prouentu maiora, & nescio quid suauius reliquis vibrantia. Habentur præterea syluestria parua, in sepibus plurimum nascentia. Quotquot sunt, tenui lanugine omnia pubescūt, & fragranti odore nares exhilarant, ac cerebrum roborant. Plutarchus auctor grauis, memoriæ prodidit cotonea mala, seu cydonia, odoris sui præstātia lethalium venenorum vires retundere, eorūque vehemētiam hebetare. Addit, pharicum, præfens alioquin venenum, in patinam adhuc cydonium, vel eius salgamm olentem, ignauum fuisse ac elanguidum: necnon à peculiari sua natura viribus exhaustis defecisse: ac ita incolumes & illæsos euasisse omnes, quos infidiātes venefici eo potionarant. Idq; tandem compertum fuisse illorum relatu qui venenū vendentes rem ita habere deprehenderunt. Cæliacis cruda prolunt cotonea & cocta: necnon dysentericis, orthopnoicis, cholericis & purulentum excreantibus. Oris gratiam & halitum summè commendant. Vnde Solon, vt Plutarchus scribit, vxoribus præcipiebat ne irent cum maritis cubitum, nisi cydonium malum prius degustassent. Maceratorum humor, stomachi atque alui fluxionibus opitulatur. Quæ cruda in melle condiuntur, vrinas proliciunt, & mel

*Cotoneorū
differentiæ.*

*Lethalium
venenorum
auxilium,
cū pulchra
historia.*

*Cæliaci, dys-
senterici, or-
thopnoici,
cholerici, pu-
rulentis &
halitus.*

*Stomachus
& aluus.*

& mel eorum naturam induit, adstringendi & cōspissandi vim imbibens. Quæ verò cocta mel-
 le condiuntur, stomacho vtilia sunt, & gustui iu-
 cunda: sed constringendi vires deponunt. Cruda
 in cataplasmate, aluum si fluat retinent, & ventri-
 culum si in vomitiones effundatur, vel ardore cō-
 flagret, roborāt ac firmant. Simeon Sethi in libro
 quem de cibariis scripsit, tradit cotonea in ædes
 parturientis perlata, vel ibi latentia, partum non
 solum remorari, sed difficilē ac laboriosum red-
 dere. Quibus nihilominus si suæ gestationis tem-
 pore crebrius vsa fuerit, fœtum pariet ingenio-
 sum, vt ille idem admonuit. Quod ad conditu-
 ram cydoniorum attinet, quam cydoniatum &
 cydonitem appellant, præstans admodum fiet
 (vt id etiam obiter adnotemus) si aperta, co-
 tonea, & ab omnibus suis interaneis repurga-
 ta, necnon in taleolas diuisa (sed superstite pel-
 licula & cute summa, quæ valde est odorata)
 in aqua, donec tabuerint, coquantur: postea per
 linteum colata, ac violenter compressa, excernā-
 tur: & cum optimo saccharo recoquātur. Quod
 dum fit, si adieceris selecti rhabarbari sufficien-
 tem puluerem, habebis incomparabile cydonia-
 tum, non dicam ad ciendam aluum & purgan-
 dum corpus valde idoneum, sed etiam ad robo-
 randum hepar, ventriculum & viscera omnia:
 longè sanè tutius & salubrius quàm ex Lugdu-
 nensi illo scamnoneato & diagridiato cydonite:
 quem cane peius & angue vitandum hortor &
 suadeo his qui suæ valetudinis seduli custodes es-
 se satagunt, ob sauiissima & periculosissima sym-

*Vrina, sto-
 machus, vo-
 mit^o, partus
 & partu-
 riens.*

*Præstatiſſi-
 ma cydonia-
 ti cōpositio.*

*Cydoniatū
 Lugdunense
 periculo-
 sum.*

*Quomodo
paretur &
coquatur
cydonium,
aliud ab-
sque mole-
stia vacuans.*

*Pulchra &
notatu di-
gnissima.*

ptomata, quibus vtentes sæpenumerò excruciiari
& mirè excarnificari vidimus, vitæ nonnunquam
irreparabili iactura. Quod monuisse, & meminisse
iuuabit. Pulchrum est etiam ac multorum ex-
perimentis confirmatum quod sequitur. Diuida-
tur cydonium, & sublatis interaneis, feminibus
nimirum cum suis folliculis, impleantur partium
cauitates, puluere optimi rhabarbari haud negli-
genter triti, vel seminum cartami mundatorum,
vel agarici trochiscati aut alterius, vel epithymi,
vel foliorum fennæ orient. vel alius simplicis me-
dicamenti purgantis, quale visum tibi fuerit: de-
inde vniantur dictæ partes, papyro inuoluantur,
& ligatæ coquantur perfectè vsque ad tabem in
clibano, vel foculo. Absoluta coctione soluatur
cydonium, aperiatur, & abiectis medicamentis
internis, pulpa manducetur. Purgabit absque
vlla noxa & molestia (imò verò purgando robo-
rabit) ventriculum, hepar, & corpus vniuersum,
eo (inquam) humore, quem immixtum & conco-
ctum medicamentum vacuare aptum erit. Quòd
si diuersæ naturæ & facultatis medicamenta in-
cluseris, diuersos humores vacuabis. Verum-
enimverò, si maiusculum erit cydonium, poteris
dilatare seminum loculamenta ac cellulas, vt ca-
paciores fiant excipiendis idoneis medicamentis,
quantitate à docto medico tibi præscribenda. Sed
tutius est vti minusculo, ampliata, si opus fuerit,
cauitate, vt totum manducare possis. Quod fiet
absque vllò tædio ac nausea, si expertis credis,
qui mihi pro tam iucundo & salutari secreto gra-
tias immensas egerunt, quo te quoque partici-
pem

pem, gratis facere visum fuit. Venio ad alias cydoniorum facultates. Si succum astringentium cotoneorum cum pari mellis rosacei portione coxeris, & eo tonsillas vel vuulam inflammataam *Tonsilla, vu-*
aut oris putrilagines illeueris, illinc summum au- *la, oris pu-*
xilium experieris. Addo quòd integrorum co- *tredo, tor-*
toneorum decoctio salubriter propinatur & in- *mina &*
funditur aduersus tormina & dysenteriam. Cru- *dysenteria.*
dorum succus, doloribus mammarum confert: *Mamma, ute-*
& decoctum florum arboris, foru prohibet ne *rus, fœtus*
vterus decidat, aut fœtum lubricum reddat. De- *sedes et vul-*
coctio carnis & pulpæ, sedes & vuluas prociduas *ua.*
coercet, ac easdem ab inflammatione liberat. Sed
in cydoniis versatum satis.

Prunus ac eius fructus, cum auxiliis & facul-
tatibus vtriusque. AR. II II.

PRUNORVM differentia apud nos esse solent *Prunorum*
innumeræ, ac ferè inexplicabiles: sed prima *differentia*
omnium laus Damascenis tribuitur: à Damasco *varia.*
Syriæ monte, vt scribit Galenus, oriundis, & co-
gnominatis, nobisque admodum familiaribus.
Secundas partes sibi vendicant, quæ Prunidaetyla *Prunida-*
vocatur, à digiti longitudine, vt puto, dicta: oua- *etyla &*
ta ferè specie, & carne admodum suavi. Habentur *nucipruna.*
& nucibus insita, quæ faciem & succum adoptio-
nis representant, & ab utroque parente Nucipru-
na appellantur. Sed hæc nihil ad medicas illo-
rum facultates & præsidia. Pruna itaque, dulcia *Alius quo-*
præsertim, ex aqua malsa, aut alia, decocta, si *modo enola-*
prandium inchoent, ventri molliendo ac mouen-

do sanequàm sunt idonea: modò non illico supra earum assumptionem pradium sequatur, vel cibus, sed semihorula interponatur. Quæ acidula sunt, postrema mensa apponi debent, ad os ventriculi roborandum. Folia arboris in vino cocta, vuulam, gingiuas & tonsillas fluxione laborâtes, gargarizatu, vel oris collutione iuuant ac reprimunt. Idem præstant syluestrium prunorum re-
 ficcatae baccæ dum maturuerunt. Quæ si in austero vino coquantur, aluum sistunt, ac eius sedant tormina. Gummi trunco prunaceorum & prunorum adnascens, conglutinat, & in vino potum calculos frangit: lichenasque infantium ex aceto peructum sanat, vt scribit Dioscorides. Sed tempestiuum est vt Ioan. Mesuæ audiamus, medicè & argutè de prunorum facultatibus hunc in modum differentem: Pruna aluum subducunt & alterant, sed alba, flaua, rubra, minùs sunt medicamentosa, quàm nigra. Quorum quæ *μῆσα* sunt, hoc est dulcacida, alterant magis. Dulcia largiùs soluunt, tamen vtraque alterant & soluunt, magis scilicet & minùs. Damascena & Armena, vtrunque, præter cætera præstant, humida tamè, potiùs quàm sicca: quæ etiam in ventriculo, propiùs quàm sicca corrumpuntur. Omnia lauant, leniunt, refrigerant, bilem educunt: & ob duo hæc, biliosis tum febribus, tum morbis aliis sunt salubria: stomacho nocent, ac pauci sunt alimentati. Quia imbecilliter soluunt, eis adduntur, præsertim infusione, cassia fistula, manna, tamar Indi, violæ conditæ. Ex horum carnibus coctis fit electarium, in eadem quæ priùs, salubre. Porro,

*Vētriculus,
 vuula, gin-
 giua & tō-
 silla.*

*Aluum, cal-
 culis & li-
 chenes.*

*Quomodo
 fiant pruna
 aluum sub-
 ducentia.*

si truncum Pruni arboris locis duobus, vel tribus, palmæ vnus interuallo, perforaueris, & immisso scammono lutaueris, pruna ob id purgantiora euadent. Hactenus Mesues. Hæc sint pro corone in gratiam ægrotantium. Si pruna passa modicè cocta, & compuncta, in frigidam merferis, tumere ac pulpa multum turgere videbis. Idem etiam continget absque coctione, si passim puncta, biduo aqua frigida maceraueris. Quod & vuc passæ, & fructus alij etiam agnoscunt. Sed de iis fusiùs à nobis alibi scribendum propediem.

Pulchra & notatu digna.

Cerasus, ac eius fructus, cum auxilium & facultatibus vtriusque.

A R. V.

SPECIOSISSIMOS hortensium arborum omnium fructus gignit Cerasus: adhæc varios & diuersos: quò fit vt diuersa quoque sortiatur nomina, quæ hîc explicare non admodum laboro, contentus docere, quòd Francis cerasi nomê fructus ille proprium sibi fecit, qui mediocri arbore nascitur, pomo rotundulo ex breui pediculo dependente, & inter virentia folia dum maturuit, carbunculi modo eleganter rubente: cui caro multa & mollis, necnon succosa inest: solétque vsus eius maximè placere grato acore: vnde morosa ægrotantium palata mirè recreat, & prægnantium malaciis summè expetitur, antè quàm ad vnguè maturescat. Diphilus Siphnius, arte medica aliquanto tempore post Hippocratem admodum celebris (vixit enim ætate Lysimachi successoris Alexandri) de cerasis hunc in modum scribit.

Fructus cerasi descriptio pulcherrima,

*Cerasorum
facultates.*

*Venter, bi-
lis, secur,
guttur, cu-
tis, oculi, tus-
sis, ichenes,
et calculus.*

*Aqua mira
pro epile-
pticis.*

*Aluus &
pedes.*

*Cerasorum
custodia nō
spernenda.*

Cerasa bonum succum creant, sed parum alimēti subministrant: stomacho æstuāti grata sunt, & ei- dem auxiliātur sumpra in frigida: sed rubētia præ- stant & Milesia, quòd vrinam pellāt. hęc ille: cuius æuū ideo proferre volui, vt refellatur error illorū qui cerasa à Cerasunte Pontico municipio dicta cōtendūt: & à Lucullo, deuictō Mithridate, illinc in Italiam primū deportata. Sed redeo ad medica pōmi huius auxilia. Quę dulcia sunt cerasa ventrē emolliunt ac mouent, quę acida vel passā indurāt ac cōtinēt. Eadē, acida inquā, refrigerāt & adstrin- gunt: quò fit vt flauā bilem restinguāt & iecinoris infarctus liberent. Gūmi quod de arbore stillat, ex vino diluto sumptū, gutturis asperitates lenit, co- lorem cutis gratiorē reddit, oculis claritatem ad- fert, veteri tussī medetur, lichenas infātiū ex aceto curat, & (quod vtiliter experti sunt multi) calculo- sis ex vino albo sūmē prodest. Penē omiserā quod memoratu dignū arbitror. Aqua distillationis ce- rasorum nō multò antē ex arbore decerptorū, vi ignis mediocris excepta, si in os epileptici infun- datur, quoties eū paroxysmo laborare cōtigerit, inhi- betur impetus morbi violentissimi. Res pre- ciosa, & sæpenumero probata à Ioanne Manardo Ferrariensi medico præstantissimo. Pauca super- sunt. Inuenio apud autores, inquit Plinius, quòd si quis matutino roscida aliquot cerasa cum suis nucleis deuorarit, ei aluus in tātum leuatur, vt pe- des morbo liberētur. Sūt qui æstuāte & candenti Sole, vsque ad rugas siccant. Alij blādo & tēpera- to clibani calore idem assequuntur: eoque modo optimē seruant ad sanorū & ægrotantium vsum.

Morus ac eius fructus, cum auxiliis & facultatibus vtriusque. AREA VI.

VRBANARVM arborum omnium, vt scribit Plin. nouissima floret Morus, serotino germinatu se prodens, nec nisi exacto frigore: vnde arborum sapientissima nuncupatur, licet fatuæ & stolidæ nomen à Græcis, κατ' ἀπίστωσιν adepta sit. Succus foliorum, aut radicis vtilissimus est gargarizatu contra cynanchem, ac præfocationem. Et folia ex aceto illita, ambustis medetur. Si quis autem acceperit mororum seminaturorum vnciam vnā, & rosarum siccarum tātundem, omniāque melle miscuerit, modicè coxerit, & expresserit, habebit salutare medicamentum ad tonsillas & vñ inflammatione tentatā, nec non oris putrilagines ac vitia. Corticis succus vulnera glutinat. Quod ad naturam pomorum istius arboris attinet, quæ mora nuncupāt, si matura fuerint, aluum soluunt ac lubricāt: sed in ventriculo statim corrumpuntur. Humectant prætereā, ac modicè refrigerant, nisi actu frigida sumantur: quod si non superueniat alius cibus, faciliè intumescunt. Immatura vè trem fluentē retinent: quæ si Sole vel clibano calente siccata fuerint, & in puluerem trita, non solum obsoniis iucunda erunt, sed etiam cœliacis, & dysentericis summè proderunt: valebuntque aduersus vlcera quæ pascēdo serpunt. Sunt qui dentes putridos & gingiuas coluant eo pulvere ex vino. Folia arboris trita & cum oleo illita, valent ad ambusta, capillūque tingunt cum foliis vitis nigræ & fici simul coctis in aqua cœlesti.

Morus vnde dicta.

Cynanche, præfocatio, ambusta, tonsilla, vñula, oris putredo & vulnera.

Mororum natura. Aluus.

Fluxus alui, cœliaci, dysenterici, vlcera, dentes, gingiuæ ambusta, capillus, menses & sanguis.

Eadem in vrina madefacta, pilū coriis detrahūt.
pulchrū nisi Ramus ex arbore Luna prima defractus, cum in-
esset super- cipit turgere fructu, proficit, (vt magi existimant,
stiosum. & adnotat Plin.) contra mensium abundantiam,
 si mulieribus lacerto alligetur: modò ille terram
Sāguis, vul- non attigerit, nec in posterum contingat. Sub-
nus, hamor- dítque hunc non modò fœmineum sanguinem
rhoides, & sistere ex vtero multum emanantem, sed etiam ex
dentes. vulnere, ore, naribus & hæmorrhoidibus. In
 quam rem multos ramum illum religiosè seruare
 dicit. Faciet experientia fidem. Multi foliorum
 & corticis decocto, dentium cruciatum collutio-
 ne efficaciter emendarunt. Hic Plinianum mira-
 culum de moro non tacebo, etsi ad medicum hoc
 nostrum institutum nihil facere videatur. Morus,
Miraculum inquit, laurus, & hedera mutuo attritu ignem
notatu di- facile concipiunt: quod exploratorum vñs in
gnum. castris, pastorumque industria reperit: quoniam
 ad excutiendum ignem non semper lapidis occa-
 sio est, teritur lignum ligno, & arido fomite exci-
 pitur scintilla. Sed nihil hedera præstantius quæ
 teratur lauro, & laurum terat. De moro & moris
 sint satis ista tibi.

Persica arbor, ac eius fructus, cum auxiliis & fa-
cultatibus vtriusque. AREA VII.

Persicorum
genera &
nomencla-
tura.

PERSICORVM genera tria apud nos agno-
 scuntur. Vnum *Præcox* appellatum & *Anteper-*
sicum, quòd cætera persica longè præueniat: ex
 quo *Abricocum* Gallis dici consuevit, ac si diceres
 præcoccum, olim *Armeniacum* nuncupatum, æsta-
 tis

tis initio nobis familiare & esculentum. Alterum est popolare cuique notum, & sub finem æstatis maturefcens, citiùs, tardiùs, pro cœli & soli natura. Tertium ex re *Duracinum* vocatur, quod carne constet dura: quæ tam pertinaciter ossi adhæret, vt auelli nequeat, vnde *Pressum* vulgus nuncupat, quòd caro, ceu agglutinata ligno interiori, valde apprimatur. In quo etiam genere inueniuntur quæ sanguinea pulpa turgeant, & nucleum, vel si maius, os internum, vbi diuiduntur medium aperiant: ac veluti farina quadã mollita, saccharatæ vndique respersum, vnà cum adhærente pulpamento præ se ferant. Cuiusmodi sobolem innumeram, maiore quàm alibi corpore, alit Mō- lucianus ager, natale mihi solum, in Borboniorum ducatu & prouincia notissimam. In eodem & superiori genere *Persicorum* reperiuntur quæ cotoneorum more, intus & extra summè flauescant. Alia sunt genera olitorio mangonio, & infitionis adulterio prognata, quæ hîc prudens omitto, vt medica tam arboris, quàm pomi eius remedia persequar. Galenus *Persicorum* genus omne damnasse mihi videtur, ceu prauis succi alimentum, ob facilem corruptionem. Quod de popularium *Persicorum* genere cum doctis intelligendum esse puto: quo vno, etiã Plinij seculo, nedum Galeni, nihil fuit fugacius: nam longissima decerptis mora erat bidui, & ob id cogebant se illico venundari, vt hodie, etiam de multis, fieri solet. Hinc nimirum primis mensis semper edenda præcepit idem Galenus, præsertim quæ carne constant humida, & aquoso pulpamento: nam

Persicū duracinū, pressum, sanguineum & flauum.

Persicis popularibus nihil fugacius.

postremis epulis sumpta, stomacho innatare solent, & quidquid prægustatum fuit, vnà in tabem & corruptionem secum deducere. Quæ si præierint, lubrico meatu viam facilem aliis cibis sterunt. Innocentiora his causis traduntur esse præcocia, & quæ carne constant nullatenus humida, qualia sunt Parisiensibus Corbelliana: nam corruptioni facilè non patent, neque acorem citò contrahunt, & ob id stomacho suauiter cōmodant. Vulgus Gallicum sibi persuasit persica suo nucleo noxam expedire, quam eorum pulpa attulerit. Nec temerè, nam incidendi, detergendi & aperiendi facultate ille idem pollet nucleus, qua ex re improbitati pulpæ occurrit. Noxa etiam vino generoso tollitur, siue illud superbibatur, siue persicum in eo madescat & innatet. Quod populari & rythmico sacrificuli cuiusdam versu, hunc in modum per mensas iactari solet,

Petre, quid est pesca? cum vino nobilis esca.

Nuclei per auram pestiferam sumpti, maximopere profunt, lumbricos enecant, & obstructions tollunt. Qui, quòd summè sint amari, & linguæ parum grati, saccharo excipi & condiri à multis solent. Cum aceto & oleo triti, capitis doloribus vtiliter illinuntur: sed quibus, & qua ex causa, non scripsit Plinius: qui plerūque remedia absque limitatione pronunciat, vnde cautè & circūspectè legendus est. Persici flores aluum deliciunt, tam esu, quàm iusculo immisli: sed non absque labore, & ventriculi ac hepatis detrimento. Quod minore noxa præstabit aqua vbi flores illi amarulèti septena

Persica Corbelliana.

Quomodo tollatur noxa a persicis.

Festis, lumbrici, obstructions & caput.

Aluum.

septena commutatione macerati fuerint, modò cum saccharo ad Zulapii consistentiam decocta sit. Nam præterquàm quòd alui excrementa deicit, etiam vermes vnà extrudit: quos trita folia, & puerorum vmbilicis admota, similiter perdunt. Prætermissum hîc nolim quòd persica locis irriguis nata & educata, dentibus, cordi, oculis ac pulmone valde obesse solent: locis aridis, contrà: quemadmodum doctè adnotauit Albertus re vera Magnus. Nolim insuper omissum. quòd qui impleuerit fictile floribus Persicis, & obturato ore permiserit dies aliquot sub terra macerari, vel in fimo putrescere, exprimet oleum, quo si inungat pulsus, tempora & spinam, ante accessiones febrium putridarum, certo experimento illas curabit. Quod à Germano quoque iam medico ingenuè acceptum fero.

Alui & corporis liberici.

Febres.

Mespilus ac Sorbus, earumque fructus, & medica auxilia ac facultates.

AREA VIII.

Duo poma duarum arborum rusticarum potius quàm vrbicarum, vna (quod dicunt) fidelia hîc dealbabimus: mespilum nimirum & sorbum. Prior arborum istarum, Mespilus inquam, Gallis nunc *Meslierus*, nunc verò *Neslierus* dici solet. Cuius duo sunt genera. Vnum, quod rarioribus spinis horret, nasciturque in dumeris, nemoribus & viuissimis sepibus, quali syluestre: cui pomum paruum inest, & per initia tam acerbum, vt vix edendo esse possit, nisi hyemis frigoribus excoctum mollescat.

Mespili genera duo.

Alterum grandiore pomo sese profert, ita ut mala magnitudine sua sæpenumero peræquet, absque ullis spinis. Quod crebro insitu & cultu in hortis habitasse, & feritatem deposuisse dubium non est.

*Sorborum
differentie
quatuor.*

Sorbus, Gallis *Cormierus* vel *sorbierus* vulgo nūcupatur: poma gerens quatuor differentiis à Plinio discreta. Nam quædam rotunditatem mali præ se ferunt: altera turbinationem pyri: tertia oualem formam: quartum genus torminale appellant, remedio (ut scribit ille) tantum probabile. Venio ad medica utriusque auxilia. Mespili immaturum pomum, plerique omnes usurpare solent ad coercendum alui immodicè ruentis impetum. Non desunt qui siccata arboris folia, & in puluerem redacta, clysteribus dysentericorum magno & felici successu remisceant. Est sanè memorabile & miratu dignum, quod licet mespilorum caro adstringentis sit naturæ (de immaturis loquor) nihilominus pulvis eius lapillos in renibus vehemèter comminuit. Cuius rei periculum efficacissimum à se factum testatur Ant. Musa, medicus apud Ferrarienses doctiss. & exercitatiss. Scio non deesse qui de ossiculis idem polliceantur, ut Brassauolus, & alij qui id certa constâtique probauerunt experientia, quam nos in rem sæpenumero feliciter etiam contulimus, dato illius cochleari ex vino albo cum pulvere anisi. Sed de iis plura in nostra Memorabilium omnis generis Chiliade. Quod ad sorborum poma attinet, Galenus eadem facultate pollere scribit, atque superiora: censetque duobus his parcè utendum, & non affatim, ut de ficibus ac vuis fieri solet. Nam illis,

*Alui fluor,
dysenteria,
& renum
lapilli.*

*Mespili &
sorbis uten-
di cum me-
dicamento.*

illis, ceu cibis, nequaquam indigemus, quin potius vt medicamentis. Dioscorides dissecta sorba prius quàm maturescant, Sole desiccat, probabili remedio ad aluum retinendam, si nimium fluxerit, aut lubrica fuerit. Idem vsus esse consuevit farinae siccatorum & pila contusorum, si polentæ modo sumatur, aut iusculis & puliculæ misceatur, clysteribúsue immittatur: quod etiam decoctum eorundem immaturorum præstare adfirmant experti. Memorabile sanè est, & ob id nequaquam prætereúndum, quòd si quis à cane rabido aliàs morsus, iacuerit sub sorbo, periclitatur in-rabiem rursus incidere: nam consopitam excitare creditur arboris huius vmbra. De qua, & superiore, hæc satis erunt, propterea quòd in Gallicanis hortis multis nondú habitare consueuerūt.

*Remedium
aduersus
fluorē alui.*

Notandum.

Rabies.

*Citria arbor, eius fructus, & medica vtri-
usque auxilia. A R. I X.*

IN hac medica pomiferarum arborum narratio-
ne, aliquot nobis supersunt memorabiles ex-
plicandæ arbores cum suis pomis. Quæ tamen
si in septentrionalibus hortis & agris nostris æ-
gerrimè nascantur & foueantur, de his nihilo-
minus hîc scribere non detrectabo, vt labor no-
ster omnibus ex æquo profit. Citria arbor in his
primum obtinebit locum: quæ sicuti Theophras-
to Medica & Persica, Plinio verò Assyria no-
minatur, ita illius quoque pomum, Medicum,
Persicum & Assyrium nuncupari legimus. Quod
cum sua parente, gentes plurimæ ob remedij præ-

*Arboris ci-
tri nomen-
claturæ.*

Quis prim⁹ citriam arborē in Europā excoluerit. stantiam, olim ad se transferre frustra sudarūt. Plinij ævo in Italia nondū vige-
 bat: primūsq̃ Neapolitanus Palladius è Medis in Latium, cultu vario & multiplici cura ac diligentia transtulisse &
 & propagauisse fertur. Quem postea solers imitata posteritas, Hispaniæ, & meridionali Galliæ, ceu per manus, paulatim communicauit. Theo-
 phraستي ætate pomum istud nequaquam mādēba-
 tur, sed ne Plutarchi quidē auorum memoria, vt Athenæus scriptū reliquit. Parthorum proceres

Halitus cō-medatio, & vestīū edo-tamentum. huius grana dūtātaxat esculētis incoquere solebāt,
 cōmendādi halitus gratia. Quod plerique etiā ad folia detorquent, non minūs odorata quā pomū
 ipsū: ex quo vestiariis seriniis vtrūque perap-
 tē inferebatur: quemadmodum indicāt Home-
 rus & Neuius, vestes ob id, epitheto decenti, ci-
 trosas nūcupantes. Sed hæc, quia extra medicum
 institutū nostrum esse videbuntur, ideo ad citrio-
 rum auxilia commodū transeo. Qui de re me-
 dica & rustica scripserunt Aphri, Arabes, Græci
 & Latini, vno ore prædicāt omnes, citrium pomū
 venenis inimicum esse, & hinc antidoti loco illis
 efficaciter opponi. Quod celebri historia sic A-
 thenæus confirmat Cū princeps quidam Ægy-
 ptius maleficos nebulones duos cōdemnasset, vt
 suorum facinorū meritis pœnas luerent, eosque
 aspidibus, secundum Ægyptias leges, in prædam
 exponendos dixisset: ij fortē fortuna citrium in
 itinere comederunt, dum bestiis futurum pabu-
 lum ducerentur: quod caupona quædam, vicem
 eorum miserata illis obiecerat. Mox dum in thea-
 trum descendissent, & à ferocissimis ac famelicis
 feris

*Pulcherri-
 ma historia
 probans ci-
 trium vene-
 norum esse
 antidotum.*

feris demorſi eſſent, nihil noxæ ſenſerunt. Quam
 ré Præfectus ſummè admiratus, à ſatellitibus per-
 contari cœpit, num antidotum aliquod præſum-
 pliſſent. Reſpondentibus citrium, ex integra ſim-
 plicitate donatum, eos in via tantùm manducaſſe,
 poſtridie iuſſit vni præberi, alteri verò denegari,
 ac denuò in theatrũ trudi ad ſupplicium. Quo fa-
 cto, qui comederat, demorſus nihil incommodi
 paſſus eſt: alter illato ictu, vndique liuidus factus,
 conſeſtim interiit. Quæ res multis poſtea proba-
 ta, factoque frequenter periculo, tandem inuen-
 tum, conſeſſumque fuit, citrium omni exitiali ve-
 neno præſentiffimum ac præſtantiffimum eſſe re-
 medium, ſumptumque, venenatis ictuibus reſiſte-
 re, donec concoctum fuerit. Si quis huic hiftoriæ
 fidem non habet, veracè fidelèmq; Theopom-
 pum Chium conſulat: ab eo diſcet Clearchũ He-
 racleotam Ponti tyrannũ multos veneno ſuſtu-
 liſſe, plurèſque necare voluiſſe, niſi excellentiſſi-
 ma citrij viſ à populo cognita, venenis reſtituiſſet.
 Quod nonnulli etiam rutæ adſcribunt, quemad-
 modum in medica eius narratione diximus. Ci-
 tria itaque venenis efficaciter aduerſantur: & ma-
 ximè illorum ſemen tritum, & ex vino generoſo
 hauſtum. Eandem rem præſtabit etiam ſuccus,
 nam per ventrem toxicum excludit: nec omitten-
 dum eſt, quod cortex tetrũ & fœdũ oris hali-
 tum emendat. Quam in rem Virgilianum teſti-
 monium huc proferre *νεγερον* fortalſe non erit.

*Mirāda viſ
citriorum.*

Venenæ.

*Semen &
ſuccus ci-
triorum.*

*Oris hali-
tus.*

*Virgil. in
Georgicis.*

*Media (inquit) fert triſteis ſuccos, tardũmq; ſaporẽ
 Fœlicis mali: quo non præſentius vllum
 Pocula ſiquando ſæuæ infecere noueræ,*

Miscueruntque herbas, & non innoxia verba)
Auxilium venit, ac membris agit atra venena.

Deinde subdit,

-animas & olentia Medi

Ora fouent illo, & senibus medicantur anhelis.

*Quomodo
 citius veni-
 dum & ve-
 scendum.*

Si cruda manduntur citria, non facilè coctioni obediunt, quin & crassum generant succum: ob id illis melle aut saccharo conditis, velsci satius esse putant medici: quòd ita ventriculum excalfaciant ac robovent. Quam rem non animaduertēs nec obseruans hæc nostra ætas gulę nimium dedita, ac voluptati plus æquo famulās, cruda citria in cibis parum prudenter esitāda proferre solet. Vt ut fuerit, aduersus atram bilem & morbos, quos illa longos ac mæstos excitat, egregiè opitulari nouimus. Succus flauam bilem reprimit, & pestis arcet contagia: vnde recentiores medici ad febres pestilentes serapiis è citrio cōcinnatis, fœliciter vtuntur. Semen scorpionū ictibus tam potum, quàm appositum, mirificè prodest. Si integrum pomum quis in iure vel liquore alio coquat, expressisque interaneis succū sorbeat, suauissimum sibi conciliabit halitum. Si idem, vt sua fert natura, etiam integrum in aqua rosacea & saccharo tandiu coquatur, donec tabescens in ius resoluatur, immunem ab omni veneno & peste reddet eum qui manè iusculi, vel decocti talis, aut si maioris Electarij, vnum vel alterū cochleare paruum hauserit. Res in pestilentibus cōtagiis mihi & fidis amicis meis fœlicissimo successu, sæpenumerò experta ac probata. Verūenimuerò, quia Parisiēsis, & vrbibus quāplurimis ra-

*Melancholici
 morbi, flaua
 bilis, pestis,
 ictus vene-
 nati: & ha-
 litus.*

*Antidotus
 mira contra
 pestem &
 venena.*

ra ad-

ra admodum sunt citria, in eorum locum limonia, paruo errore, substituere licebit: quæ compitatum pro citriis, proclamari ac venūdari solēt.

Aurantia arbor & Limonia, earumque fructus, & medica auxilia.

AREA X.

DVO poma ista cum suis arboribus, climati huic nostro septentrionalis Galliæ usque-adeo sunt infensa, vt nullis blanditiis, nullis officiis & artibus in eo habitare velint: etiam si minoribus locis hospitia illis designentur, & omni cura sollicitè tractentur: tantus est patriæ & natalium amor. Sed missa longiore præfandi mora, ad rem veniamus, & duo poma, vna (si placet) arcula includamus. Aurantia cum auri colore pelluceant, meritò nomen ab auro accepisse mihi videntur: ex quo aurea mala à Virgilio dicta fuisse, contendunt multi: licet id ad cõtonea relatum malint plerique, sicuti in illorum historia scripsimus. Quod ad Limonia attinet, triplicem assignant illorum differentiam, quam elegantissimis Iouiani Pontani versibus, ex horto Hesperidum paucis depromemus. Sic itaque Limonia distinguit,

—altera fœtu

Exiguo, succos gustu meditantur acerbos:
 Altera sunt fructu maiore, & rorida succo
 Vberiore: sed oblongo tamen vtraque ductu.
 Tertia prægrandi turgent ouata volemo,
 Ac citrij referunt sinuosa ab imagine formam:
 Sed gustu ingrato, quæmque ora offensa recusent.

*Aurantia
 & Limonia
 septentrionalibus
 vniuersa.*

*Tres Limonia-
 rum dif-
 ferentiæ.*

Aurantiorum His positis venio ad facultates & medica vtriuf-
generatitia. que auxilia. Aurantiorum tria obseruantur ge-
 nera, dulcia, acida, & ex his mista, vulgò acido-
 dulcia nuncupata. Dulcia omnibus partibus ex-
 calfaciunt: aliorum succus refrigerat, magis, mi-
 nus, librato cuiusque aciditatis gustu & sapore.
Febris & sitis. Quocirca febricitantibus ad sitim extinguendam
 optimè exhibentur acida. Cortex omnibus cali-
Pulchra & notatu di- gna. dus & igneus est: quod gustatu deprehenditur,
 nam acer est & amarus: hinc contra lucernarum
 flammulas expressus ab eo succus, ignem facile
 concipit: transitq; expeditè in vinum essentia
 suæ tenuitate per vitreum calicè, vel è longinquo
 iaculatus.

Limonia citriis & aurantiis omnibus gustu aci-
 diora sunt, & ob id succo frigidiore ac sicciore
 constât. Ex quibus serapium conficitur ad restin-
Bilis feruor & febris pestilens. guendum bilis feruorem mirè efficax: necnon ad
 pestilentes febres, & eas quæ contagione serpût.
 Sed illud non prætereundum, quòd

Admotus foculo limon, sensimq; recoctus
Instillante anima, ac tenuem conuersus in amnem,
Ora puellarum maculis lauat, & candorem
Inducit nitidis per colla argentea guttis.

Fucus ma- lubris, viti- ligo, varis, fe- bres acuta & pestilen- tes, elephā- tiasis. Hodie in calente balneo Mariæ vocato, vitreis
 organis elicitur aqua ex limoniorum succo: quæ
 præterquàm q̃ mulieribus summè expetitur ad
 faciem fuso expoliendam & erugandâ, etiam vi-
 tiligines vbicūque fuerint, ac varos, & totius cor-
 poris maculas emendat, etiam si ex elephantiasi
 essent. Eadē serapiis idoneis remista, acutis feбри-
 bus & contagiosis fœliciter succurrit. Quod nos
 frequen-

frequenter fumus experti. In gratiam virginū & muliercularū quibus faciei candor & cutis decor summo solet esse studio, hīc nec grauabor, nec detrectabo docere præstantissimum mangonium & fucum, quauis Regina dignum. Magnum limonium parte superiori aperitur itā, vt carnis & pulpæ interioris instar parvæ nucis educi possit. Tum demum cavitās saccharo rosaceo vel cādo vocato, cū aliquot foliis auri impletur, suo operculo clauditur, calētibz cineribus exponitur, & dum ebullit remiscētur omnia, ac mox ab igne tolluntur. Vsus erit ex panno lineo hisce intincto miscellaneis, & per faciem blandē circumducto, videbis eam Ioue dignam. Hīc finem facturus eram, nisi in mentem opportunē mihi venisset, quod succo limoniorum bis aut ter colato, si integras margaritas lauabis & immerges, Solique expones, in quinque aut sex diebus ita illas colligabis, vt mellis cōsistantiam referant. Ex ea materia poteris formare quidquid tibi visum fuerit, & paucis diebus diues fieri. Autor Hieron. Cardanus, cui ingenteis debentur gratiæ, si vera sunt quæ tradit. Aliud est etiā admiratu dignū, quod apud Leuinum Lemnium medicum doctiss. scriptum & adnotatum legi, nimirum, limoniis tam acidum succum inesse, & vsque adeo excedēis naturæ, vt si ei per horas aliquot aureum numisma inferas, acciso, imminutóq; pondere illud eximi deprehendes. Sed hæc quia extra limites medici nostri instituti vagantur, missa libenter facimus: de illis alibi per occasionem (si diuina annuerint) fusè & opportunē scripturi.

*Duo summe
admiranda
& notanda.*

ARBORIS istius pomum etiam ex illis est, quæ palparamus, gustamus, videmus & admiramur, sed parentes re vera ignoramus, & in hoc septentrionali Galliæ tractu planè desideramus. Granatum dici contendunt nonnulli, à multitudine granorum & acinorum, quibus scatur. Alii, à Granata Hispaniæ (ubi plurimum nascitur) id nomenclaturæ adipisci defendunt. Sed has, si placet, controuersias ociosis & opiniosis Grammaticulis exagitandas ac discutiendas relinquamus, & medica punicorum auxilia, ac facultates paucis explicemus. Dulcia punica stomacho inutilia esse tradit Plinius, quod inflationes pariant, ac dentes & gingiuas lædant. Quæ verò his sapore proxima sunt (vinosa nuncupata) aluum sistunt, & ventriculo (si pauca sumas) valde profunt. Hæc danda in febre nonnulli negant, quòd nec succo, nec acinorum carne utilia sint: vnde vomentibus ac bilem reiicientibus non probantur. Hæc Plinius: cui non subscribit Dioscorides, tradens malum omne punicum boni esse succi, & ventriculo utile, sed perexiguum tamen sufficere alimentum. Dulce ut stomacho utilius habetur, ita in illo aliquantulum gignit calorem ac inflationes parit: ex quo in febribus abdicantur. Acidum astringit, ac æstuantì stomacho auxiliatur, & vrinam ciet: verùm ora gingiuasque lædit. Cortex, malicorium vulgò dictus (quòd coria maximè perficiat, vel quòd sit ipsi pomo velut

Maligranti ratio & nomenclatura.

Dulcia punica.

Aluus & ventriculus.

Vrina, dentes, aluus & tormina.

velut coriaceum tegumentum) si in acetō mixta galla coquatur, mobiles dentes stabilire fertur. Et si integrum punicum ollâ nouâ, addito operculo, in clibano torrefactum fuerit, deinde contritum, & ex vino potum, aluum sistet, ac eius tormina discutiet. Quod etiam præstabit integri & triti punici decoctio, hausta, vel clystere iniecta. Flores (quos balauſtia nuncupant) sceminarum menses potu retinent, oris vlcera sanant: adhæc tonsillas, vuulam, excreationes sanguinis, necnon ventris ac stomachi solutiones, genitaliumque vlcera, & alia quacunque in parte manantia emendât & adiuuât. Tusorum farina plerosque dysentericos à morte liberauit. Nuclei acidorum ficcati, puluerati, & obsoniis resperſi, vel incocti, fluentem aluum & stomachum in vomitiones effusum retinent, bibunturque salubriter sanguinem excreantibus, ac valde vtilis habentur ad dysentericorum desessus, necnon vliginosas & impuras vuluarû defluxiones, quas albos menses dicunt. Dioscor. tradit eum, qui tres quàm minimos puniceorum cytinis deuorauerit, nullam illo anno lippitudinem passurum. Fieri solet ex punice seu granatis medicatum vinum, cuius artificium tale habeto ex nostris vinorum secretis depromptum. Acini maturi ex suis membranis diligenter exclusi, prælo cōmittuntur, exprimuntur, vinum faccis ad id accōmodatis percolatur, vasculis idoneis, quousque fæx residat, seponitur, & clarum custoditur, oleo desuper affuso ne corrumpatur aut aceſcat. Sunt qui absque oleo illud in cadis asseruent: sed per æstatem facile

*Menses, oris
vlcera, ton-
sillæ, vuu-
la, sanguis,
venter, sto-
machus, dy-
senteria &
vomitus.*

*Fluxus alui,
vomitus,
sanguis,
vulua.*

*Lippitudo
& vulua-
rum deflu-
xio.*

*Vinum ex
malis puni-
cis.*

*Quemodo
ferrum in cha-
lybem mu-
tetur.*

vapescit. Modos alios docebimus alibi, Deo fa-
uente, cum facultatibus & auxiliis eiusdem vini.
Quod postremum erit, vbi monuerimus corticē
punici mali, ferrum in chalybem mutare, quem-
admodum adnotauit Hieronym. Cardanus: qui
modum conticuit, quem proprio loco aliàs ex-
primemus. Sed hæc quia fabrum ferrarium po-
tius olent, quàm medicum hortulanum: idcirco
verbū non ampliùs addo, vt medici medica tra-
ctent, & fabrilia fabri. Transeo itaque à punicis
ad ficus. Sed ô me obliuiosum! qui singulare ar-
canum, mihi & amicis multis fœlici successū ex-
pertum, omittebam. Quòdnam illud est, inquires?
Si punicū dulce cum suo corio & cortice tustum
ac læuigatum percolaueris, & sex partibus succi,
vnā mellis adieceris, omniāque ad spissitudinē
coxeris, habebis eximium auxilium aduersus in-
flammationes oris, columellæ & gutturis, etiam
si præsentem suffocationē minitarentur: necnon
ad narium vlcera, polypum, oris fœtorem, & alia
quamplurima, quæ vt mihi longa essent recense-
re, ita facilia tibi erunt excogitare.

*Inflammati-
onis, colu-
mellæ, gut-
turis, poly-
pus, fœtor
oris & v-
cera narium.*

*Ficus & eius fructus, cum medicis auxiliis
vtriusque.* AREA XII.

*Mira Cato-
nis solertia
ad suaden-
dum Car-
thaginis
excidium.*

POMVM istius arboris, priscis temporibus,
nedum nostris, notissimum fuisse, testatur
memorable Catonis ingenium, & indicibilis
prudencia. Nam dum perniciali odio Carthaginis
flagraret ille, & nepotum securitatis anxius esset,
clamarétq; omni senatu Carthaginem delendam,
attu-

attulit quodam die in curiam, præcocem ex ea
 prouincia ficum. Quem (vt scribit Plinius) Patri-
 bus ostendēs, Interrogo vos, inquit, quando hoc
 pomum demptū puteis ex sua arbore? Cū in-
 ter omnes recens esse constaret: Atqui, respōdit,
 tertium ante diem scitote decerptū Carthagine:
 tam propē à muris habemus hostem: statimque
 sumptum est Punicum tertium bellum, quo Car-
 thago deleta est, & sequenti anno raptus Cato.
 Qui vnus fici argumento, res mira, tantam urbē,
 & de terrarum orbe vnā per cxx. annos Ro-
 manæ glorię æmulam, funditus euertendam sua-
 sit, & tandem impetrauit. Sed hæc nihil ad medi-
 ca fici præsidia, quæ nunc demum aggredior, vbi
 prius monuero, quòd tam recentes, quàm passæ
 fici, olim panis ac obsonij vicem habuerunt: eò-
 que cibo prisca Athletæ vires aluerūt, priusquam
 Pythagoras eos ad carnes transtulisset. Sale inue-
 teratis etiam casei loco vesci excogitatum fuit,
 Plinio autore. Meliores & salubriores habentur
 quæ Solis vigorem expertæ, per propriam natu-
 ram ematuruerunt. Quæ plurimo turgent lacte,
 aut aquoso madent succo, & si palato ac stoma-
 cho gratiores videntur, grauiores nihilominus,
 ponderosiorēsque censentur: ex quo facilius
 descendunt, & aluum ad excretionem proritant,
 perinde atque recentes nuces. Demetrius Sce-
 ptius admonet, studiosos vocis debere ficis ab-
 stinere: motus exemplo Egesianactis Alexan-
 drini, qui optimus tragædiatum actor euasit,
 quòd ficis annos octodecim abstinuisset. Co-
 ctæ cum hyssopo corpus expurgant, tussim va-

Ficus panis
& obsonij
loco fuisse.

Ficus passæ
& recentes.

Ficus voca
mirica.

*Tussis, pul-
mo, colicus
dolor, tor-
mina, duri-
tia, paroti-
des & su-
runculi.*

*Hydrops,
pernio, po-
dagra, den-
tes, & ver-
ruca.*

*Ani aposte-
mata, condy-
lomata, &
hepatis ob-
structio.*

*Ficus recen-
tes autumno
insalubres.*

terem abolent, ac longa pulmonum vitia emen-
dant. Cū ruta colico dolori & torminibus sum-
mè profunt, sumpto ore decocto, vel clysteribus
opportunè iniecto. Duritias in corpore discu-
tiūt, tritæ & appositæ, per se, vel cum oleo liliorū,
aut alio quopiam idoneo : quo etiam modo pa-
rotidas & furunculos emolliunt. In vino cum
absinthio ac farina coctæ & subactæ, hydropicis
salubriter illinuntur, & cum cera crematæ per-
nionibus auxiliantur. Addo quòd podagris cum
farina fœni-græci & aceto efficaciter admouen-
tur, ac dentium cruciatibus, recenti succo in lana
aut gausapio excepto & appposito, perpulchrè
succurrunt. Qui succus etiam verrucas, carne
circumlita, tollit : præsertim myrmecias nuncu-
patas, quæ quendam pungentis formicæ sensum
repræsentant. Aliæ foliis ficulneis contactæ abo-
leri traduntur, si postea folia sepeliantur. Ficus in
vino coctæ, tritæ & ano appositæ, eius aposte-
mata, condylomata ac fissuras curant. Et si cum
nucibus, pipere, aut amaris amygdalis iciuno sto-
macho edantur, obstructions hepatis solvunt,
ac ventriculum roborant & detergent. Eubolus
medicus meridiano esu ficus abdicavit, morbum
inde concipi testatus, quòd statim febris accele-
rans inuadat, quæ vomitum flauæ bilis solet cli-
cere. Quare Aristophanes cū æstate ægrotan-
tem quendam conspexisset, meridiando ficubus
vsum præfagiit. Quod de musteis & adhuc hu-
mentibus intelligendum arbitror : aut, si ma-
uis, de recentibus & lacteis, quæ etiam sudores
ac papulas mouent, & ob id autumno insalubres
putan-

putatur. Fit è cinere ficus lixiuia, crematis ramorum fruticibus, quæ eò melior est, quò sæpius iteratur & veterascit. Hæc, vt tradit Dioscor. vlceribus quæ gangrænæ vitio periclitantur multum prodest, necnon iis consumendis, quæ nimium excrescunt: vsus erit ex spongia eo liquore imbuta, & subinde apposita. Salubriter eadem etiam perlinuntur grandes & cuniculosi sinus: nam glutinat, carne replet, astringit, absterget, ac oras hiantes committit, non secus atque emplastra quæ cruentis vulneribus admoventur. Dissoluit prætereà sanguinem in ventriculo coagulatum, si cū pauco oleo bibatur drachma vna. Sed pulchrum erit Galenum audire de ficuum facultatibus hunc in modum differentem. Tametsi ficus minùs gignant prauī succi, quàm cæteri omnes fructus, non modò fugaces, sed etiam autumnales, non tamen vitiū prorsus effugere potuerunt. Et cū autumnales fructus omnes exiguum corpori alimentum præbeāt, minimè ficibus id vsu venit. Carnem tamen non compactam, neque firmam generant, ceu panis & suilla caro, sed turgidulam, subinane & fungosam, veluti fabæ. Cæterum, extergendi facultate pollēt, cuius gratia nephritici post illarum vsum arenulas multas excernunt. Caricæ, seu ficus passæ, multiplicem vtilitatem habent: si quis tamen largiùs esitaue-rit, ab eis offendetur: nam sanguinē non admodum probum gignunt, quapropter pediculorum quoque agmen eas comitatur. Fit ex ficibus, ruta & nucibus, celebris illa Mithridatis antidotus contra venena & pestilentem auram, de qua su-

*Lixiua si-
cus ad gan-
grænâ & /
sinus cuni-
culosos.*

*Sanguis coa-
gulatus.*

*Quæ gignat
carne ficus.*

*Nephritici,
venena &
pestus.*

*Pulcherri-
ma & no-
tatu digna.*

*Perniones,
porrigines,
& ictus
scorpionum.*

*Taurorum
cautio.*

*Quomodo
carnes cito,
ac fa ille te-
nerefcant.*

perius in ruta. Hic mihi omittendum non est, quod si bubulis carnibus ficulnei remisceantur cauliculi, efficient ut magno lignorum compendio celeriter illae percoquantur, Plinio autore: quod multi etiam caprifico tribuunt: quam Columella tradit decoctam, & alitibus atque galinaceis cum cibo exhibitam, ficorum fastidium illis creare, quorum alioquin sunt appetitissimi. Tradit praeterea Africanus ex Graecis geoponicis vnus, & idem celebris, lac igni tepefactum, & fici ramulo motum, statim coagulari & concrefcere. Quod etiam praestabitur succo in lac misso, qui ex vulnerato fici cortice stillare solet: aut lacte ficuum fatiuarum, sed non syluestrium. Penè mihi excidebat, quod fici crematae, perniones ac porrigines cum cerato emendant. Et lac ficus ictui scorpionum illitum, salutare est. Hic finem faciebam cum duo prodigiosa naturae miracula mihi in mentem venerunt, nequaquam tacenda, aut dissimulanda: & si parum ad medicas ficuum facultates attrinere videatur. Vnum est, Tauros quamlibet indomitos & feroces cicurari, & immobiles acquiescere, si ficulneae arbori alligentur. Quod etiam caprifico illorum collis circumdatae ascripsisse mihi videtur Plinius. Alterum est, Alitum & caeterorum animalium carnes, perquam celeriter tenerescere & fragiles effici, quae de ficu pependerint. Rationem in Sympotiacis reddidit Plutarchus. Cum inter obsonia Aristionis, inquit, coquus immolatum Herculi gallinaceum gallum recentem, tenerum ac penè friabilem obtulisset, tam citam teneritudinem fico referebat Aristion,

conten-

contendens iugulatas aues, etiam præduras, teneritatem induere, si pensiles fico adhæserint. Nec temerè, nam auram halituosam & digerentem expirat ficus, qua carnes concoquuntur & tenerescunt. Idem etiam continget, ut id obiter admoneam, si tritici aceruo obruantur, aut penitus demergantur. At de ficu satis. Sed, ô me iterum & tertio obliuiosum! nam silentio ferè obruebam, quod ille idem Plutarchus celatum noluit. Quid illud? Equos & asinos linqui animo, qui ficos dorsuarij comportarint. Verumenimvero maiore miraculo dignum est remedium, quo & ipsis, & hominibus quoque succurritur. Exanimata penè iumenta, & propemodum extinctos viriû deliquio homines, oblatus panis reuocat: nam si vel pauxillum vorauerint, protinus à cibo sese recolligunt, roborantur, ac pristinum iter iucundè persequuntur.

*Panis mira
energia in
viriû deli-
quio.*

*Olea & eius fructus, cum medicis auxiliis
vtriusque. AREA XIII.*

GALLICVM vulgus Oleam Oliuerum nuncupare solet: quam pauci ignorant equitum turmas olim coronauisse, & minoribus triûphis ouâtes illustrauisse. Huius ramigestati, indicium pacis fuerunt: ex quo à poëtis iusto epitheto pacifera dicitur. Sed, ô dolor! nobis non tam licet esse beatis, ut hanc arborè verè aureâ, septétrionibus hortis & agris nostris videre possimus, & ex ea fructus vberes percipere: inscrutabili Dei

*Olea quon-
dam pacis
nuntia.*

Opt. Max. cōfiliò, qui omnibus omnia non dat, sed quod bonum atque vtile nouit. Neque tamē ob id laborem detrectabo, vt quæ de illa & eius baccis ac oleo scitu digna à medicis cūm priscis, tum recentioribus cognoui, & meo multorūmq; experimento didici, cādīdē ac ingenuē (vt omnia) in medium proferā. Venio itaque à verbis, quod dicunt, ad rem. Oleæ folia præmāsa, & vlceribus admota, summum adferunt auxilium. Decoctū eorundem cum melle, sanguinis profluuia cohibet, tam sumptum, quā adpositum: crustas insuper emarginat, & cicatrices delet. Succus ab his expressus carbunculantibus circa oculos vlceribus ac pustulis, procidentīque pupillæ, & antiquatis delachrymationibus mirē auxiliatur. Exprimitur autem tussis foliis, & affuso vino albo cum aqua cœlesti. Qui, si visum fuerit, in pastillos & offulas ad Solē resiccari poterit, & in vsum opportunum seruari. Vuluæ admotus in vellere, pessarij modo vel aliter, menses immodicē fluentes sistit: éstque ignibus sacris, & vlceribus quæ serpunt summē vtilis: necnon auribus, siue vlceratæ fuerint, siue purulentæ. Liquor ex accenso recenti ligno stillans, lichenas, furfures, pforas, & manantia vlcera curat. Cortex è radice quamtenerrimē derafus, crebro gustatu & illinctu ex melle rosaceo, sanguinem excreantibus, & suppurata tussientibus, miraculo quodam medetur: eiusdēque cinis cum axungia tumores discutit, & fistulis vitia detrahit. Hæc de arbore ex Dioscoride, Plinio & Galeno: nunc de fructu paucis dicendum. Oliua flaua & recens, stomacho vtilis cense-

Vlcera, sanguinis profluuia, crustæ, cicatrices, oculi & delachrymationes.

Menses, ignis sacri, vlcerata, aures, lichenas, furfures, pforas.

Sanguinis excreatio, suppurati, tumores & fistulæ.

cenfetur, fed ventri difficilis : nigra & matura corruptioni eft opportuna, & proinde cacoftomacha. Recens cibi modo per fe manducata antè quàm condiatur, præclarum habet vñum : nam arenofæ vrinæ opitulatur, dentibúſque attritis, aut conuulſis ſummè prodeſt. Olearum ſuccus è muria, collutione gingiuas comprimit, & dentes labafcentes, infirmos, ac commotos ſtabilit. Nucleorum pulpa cum axungia & farina, ſcabris vnguibus commodiſſimè illinitur. Quod ad oliuarium liquorem attinet, vulgò *Oleum* & *Oliuum* nuncupatum (quo nullus à vino precioſior ſuccus eſſe ſolet in vniuerſa rerum natura) hæc à me in præſentiarum accipies. Receptum conſeſſumque eſt apud omnes rei ruſticæ & medicæ doctores, Pænos, Arabes, Græcos & Latinos, oliuariũ oleum recens, & minimè vitiatum, ad corporis & virium reparationem, conſeruatiõemque, foris adhibitum valde conferre. Quod celebri Pollionis Romuli exemplo docetur. Hunc enim centeſimum iam annum excedentem, vt autor eſt Plinius, cum D. Auguſtus hoſpes interrogaret quanam ratione vigorem illum animi, corporiſq; maximè cuſtodiret : Intus (reſpondit) mulſo, & foris oleo. Id quòd à Democrito potuit didiciſſe, vt Diophanes in ſuis tradit Græcis Georgicis. Nà cùm rogatus eſſet, quonã modo homines viuere poſſent inoffenſa valetudine, & animi corporiſq; ſtatum incolumem ac vegetum diu ſeruare : Si externa corporis (inquit) oleo, interna verò mel- & virium conſeruatiõẽ, necnon contra algores.

*Vrina are-
noſa, dentes
attriti, gin-
giuæ & ſca-
bri vngues.*

*Vires recetis
olei oliua-
rii.*

*Iſteria pul-
chre & no-
tata dignæ.*

*Oleum ad-
uerſus frigo-
ra præſtan-
tiſſe eſſe.*

Quod cùm intelligeret magnanimus ille & incomparabilis Annibal (Romanorū terror quondam nuncupatus) in Alpium transitu, militum suorum corpora, aduersus niuales iniurias & rigentem aërem, oleo præmunienda imperauit. Quod vnum à frigoribus homines, vindicare, & gerendis rebus corpora habiliora reddere prudenter nouerat. Si introrsum recipiatur, de recenti loquor, ventrem durum emolliet, ac venena hebetabit, & ea vomitionibus statim excludet. Si cum succo rutæ calidum hauriatur, tormina illico sedabit: & ileosis vtilissimè infundetur, quos tenuioris intestini morbus tentare solet. Faciem expurgat, & bubus per nares infusum, donec ruētent, inflationem mitigat. Reliqua oliuarij olei præsidia (ne sim lōgior) omitto, vt ad eius amurcam veniam: cuius vsus olim rusticis fuit frequēs. Nihil autem aliud est amurca, quàm expressæ oliuæ sanies, aut sidens eius retrimentum: quod super omnia miris viribus esse dixit M. Cato: ex quibus hīc nonnullas docebimus, maximè quæ ad hominum vel animalium vsū pertinebunt. Boves qui cibum fastidiunt, cupidè illum appetent, si eorum pabulum amurca respergas: ita enim curati, corpore pulcherrimè valebunt: & & si quis aderit morbus, abigetur. Si eādē quadrupedes & detonsas oues, cum aqua vbi lupinus deferbuerit illinantur, sic vt biduum vel triduum defudent, deinde aqua falsa lauentur, neque scabræ fient, neque ricini erunt molesti. Hæc rustica nobis fusiùs alibi explicanda, vlteriùs non procedent. Tria supersunt

Venter, venena, vomitiones, tormina, ileosis & facies.

Quid amurca, & quibus profit.

œconomica veriùs quàm medica. Primum est, Cõdita vestimenta in armariis quę fundũ habuerint amurca illitum & resiccatũ, nullo modo à tineis cõtingentur ac derodentur. Secundũ, Ligneæ supellex quam amurca deterferis & expoliueris, coloris gratiam ac splendoris elegantiam miram contrahet. Tertium, Ligna eadem amurca macerata, aut delibuta, nullo fumi tædio exardescunt. Hæc de olea & pomiferis arboribus satis erunt, vt nuciferis suum demus locum.

*Tria pul-
chra & no-
tatu summè
digna.*

HORTI MEDICI CAMPVS

OCTAVVS, ARBORES NVCIFE-
ras & earundem fructus, areolis
quinque distinguens.

*Iuglans & eius nux, cum viriusque medicis
auxiliis.* AREA I.

IUGLANDEM prisca Grammatici idem esse voluerunt, ac si diceres Iouis glandem, interlis literis. Quo nomine, non procul à primo mûdi æuo, ita appellatam fuisse nucẽ plures tradunt. Quippe cùm homines diu glandibus victitassent, inuenta tandem arbore quæ nuces ferebat, degustato nucleorum tam suavi sapore, illico nuces, Iouis glandes, ob præstantiam & excellentiã nuncupauerunt. Grammatici posteriores à nocendo nucem dixerunt: quòd graui foliorum odore in cerebrum penetrãte, & vmbra suæ prauitate, iis noceat, qui sub eius arbore dormierint, aut diu steterint. Nulla est arborum, post

*Iuglandis
nomencla-
tura et eius
ratio.*

cerasum, quæ vel facilius, vel melius proueniat, quàm nux, quòd de se apud Ouidium, sic querula testatur,

Sponte mea facilis contempto nascor in agro :

Parfque loci quâ sto, publica penè via est.

*Nucis pro-
uentus fa-
cilis.*

Gallis Noërus vulgò dici solet : cuius umbra satis omnibus, Plinio teste, nouerca veriùs quàm nutritrix habetur nam quæcûque attingit, haud dubiè venenat, & sua lædit præsentia: ob id in hortis, ac agris, ceu inutilis & noxia extremis partibus plantari ac locari solet : quemadmodum apud eundem Nasonem, illa de se testimonium hunc in modum perhibet.

—quoniam fata lædere credor,

Me quoque in extremo margine fundus habet.

*Nucis inge-
niosa defici-
ptio, & cur
nuptiis dis-
cata sint.*

Sed omiſſa arbore veniamus (ſi placet) ad eius fructum, quem duplici munimento & inuolucro regi, nullus eſt qui non videat: herbaceo primùm cortice, mox ligneo putamine, compactili carinarũ loculo, & tenui tunica intus armato : quot modis fœtus in parente ſolet contineri, ſicuti ingenioſè ſcribit Plinius. Quæ cauſa nuptiis religioſas fecit nuces, olim à Regibus è Perſide trãſlatas, & ob id baſilicas ac Perſicas nominatas. Heraclides Tarentinus perere ſolebat, primã nempe an ſumma, nuces offerri debeant. Sanè, ſi poſtremo cibo (vri mos eſt) exhibeantur, ſiccæ præſertim, bibendi deſiderium proritabunt, potuſque auiditatem molientur : quo ſerculis inſinuatæ, diſtento iam iam ventriculo & reſectis interaneis, deturbante impetu & grauitate, flatuſ ac inflationes facilè excitabunt, & ciboſ

*An primo,
poſtremòue
cibo ſumenda
ſint nuces.*

corru-

corruptionis labe vitiabunt : propterea quod illis ob oleaginosam substantiam quædam insita est enatandi facultas, quæ coctioni parum cedit : vnde cruditates oriuntur, & alui intempestuæ deiectiones. Diphilus Siphnius hinc capitis dolores ciere, & reliquis cibis extare dixit. Cui subscribit Diocles : additque sagina sua strigosos ad crassitiem reducere, modò ab illorum stomacho probè vincantur & coquantur. Vt ut fuerit, recētes parcè & opportunè sumptæ, stomacho iucundiores esse solent : siccæ verò nocētiores, biliosæ, concoctu difficiles, & capitis dolorem (si profusè assumantur) conciliantes. Sunt præterea tussientibus inimicæ, sed vomiturientibus ieiunis aptæ. Torrefactæ, minùs negotium corpori faciunt : quo modo Mnesitheus Atheniensis edendas præcipiebat, depasta ab igni & calore, superflua earum oleacitate. Cum cepa, sale & melle tritæ, canum, hominûmque ac venenatorû mor sui auxiliantur : & cum exiguo melle ac ruta, mæmarum doloribus, inflationibus, ac luxatis partibus optimè apponuntur : & cum suo cortice crematæ ac vmbilico admotæ, tormina efficaciter discutunt. Quæ perueteres sunt, gangrænis, carbunculis & suggillatis perbellè medentur. Nucleorum combustorum cinis ex vino subter inditus, fœminarum fluentes plus æquo purgationes cohibet. Iidem nuclei commansi, & ex ore proptinus impositi, areas capitis, pilo celeriter replent : modò id sæpius iteretur. In teinesmo ad extrahendam pituitam magna eduntur efficacia. Ad quòd vestigia verberatorum, aut percusso-

*Nuces coctus
difficiles &
capiti in-
imicæ.*

*Recentium
nucum &
siccatû na-
tura, necnò
torrefacta-
rum.*

*Morsus, mæ-
me, luxata,
tormina, gâ-
græne, car-
bunculi &
suggillata.*

*Fœminarû
purgatio-
nes, alope-
cia & tes-*

*nesimus, ver-
berati, per-
cussi, flagel-
lati, tonsillæ,
suffocatio,
capillus.*

rum, vibicēsque flagellatorum faciliè obliterabū-
tur, si succo corticis recentium nucum illinentur.
Qui si ex paucō melle coctus fuerit, vitiis oris vti-
lissimum adferet remedium, necnon ad vehe-
mentes tonsillarum inflammationes, ac suffoca-
tus. Lixiuum ex corticibus, capillum denigrat
& infuscat. Sed celebratissimum illud Mithrida-
tis alexipharmacum & diateffaron, de quo in ru-
ta scripsimus, fusiùs ex Plinio rursum recitare iu-
uabit. In sanctuariis (inquit) Mithridatis maximi
Regis deuicti, Cneus Pompeius inuenit in pecu-
liari commentario manu ipsius descripto, com-
positionem antidoti è duabus nucibus siccis, ficis
toridem, & rutæ foliis viginti simul tritis, addito
salis grano: quam antidotum qui ieiunus sum-
pserit, nullum venenum eo die formidabit. Pli-
nio subscribunt Q. Sereni, poëtæ & medici anti-
quissimi, versus, quos eam in rem eruditè, vt om-
nia, ad hunc cecinit modum:

*Mirabili Et
præstantissi-
ma Mithra-
dis anti-
dotus cōtra
venena.*

*Antidotus præstans, multis Mithridatica fertur
Consociata modis, quam Magnus scrinia Regis
Dum raperet victor, vilem deprendit in illis
Synthesin, & vulgata satis medicamina risit:
Bis denum rutæ folium, salis & breue granum,
Iuglandēsque duas, terno cum corpore ficus:
Hæc oriente die, parco conspersa Lyæo,
Sumebat, metuens dederat quæ pocula matri.*

*Aduersus
pestis conta-
gia præstans
alexiphar-
macon.*

Prodest eadem antidotus mirabili successu, ad-
uersus grassantis pestis contagia, vt testes mihi
sunt multi cūm noti, tum ignoti, qui præstantis-
simo hocce alexipharmaco, per magnas & deplo-
ratas pestilentias, me admonente & præscribente,
è me-

è mediis manibus tam sæui & metuendi hostis e-
 repti fuerunt. Hoc loco non omittam, quòd vi-
 rides iuglandes, sub finem Iunij, antequam puta-
 mina obdurescant, saccharo aut melle conditæ &
 asseruatæ, quo postea dicemus modo, stomacho
 vtilis, ac ori perquam gratæ habentur. Quin &
 ex iis stillatitia fit aqua ad multa sulutaris, præfer-
 tim ad abigendas tertianas febres. Gargilius Mar-
 tialis in libris *κνππδρικδν*, siue hortensium, quos illi
 Virgilianus adscribit Seruius, asserit se expertum,
 quòd nuces post annū virides inueniētur, si libere
 putaminibus suis melle demergātur: additq; mel
 illud ita medicatū fieri, vt ex eo concinnata potio
 faucibus & arteriis medeatur. Sed hīc præstātissi-
 mam conditurā nucum nequaquam tacebo, quā
 die vna hoc modo absolues. Teneræ nucis cortex
 putamēnue antequā lignescāt cultro illico deglu-
 buntur testa albida & teneriuscula tenuis: è vesti-
 gióque ne nigrescant in puram aquā proiciūtur,
 & vīque dum mollescāt coquūtur, cinamomo &
 caryophyllis traiecta: mox saccharo in syrupū per-
 fectè cocto bulliunt, tribus, quatuórue ebullitio-
 nibus: tūmq; quòd saccharum ebibant, triduo
 aut quatruiduo inibi sinuntur. Et quia saccharum
 recrudescit propter humorem quem imbiberat,
 illud idem saccharū per se denuo coquitur, & sic
 bis, tēre repetitur. Hæc Petrus Pena Anglorum
 medicus eruditus æquè ac eloquens. Quod reli-
 quum est, duo à fidis amicis mihi nūciata, & illo-
 rum crebris experimentis confirmata, priscorū-
 que libris descripta hīc prætermittā, & tibi dene-
 gata non patiar. Vnum est, Si proba nux vetus

*Mel nucatū
 faucibus &
 arteriis me-
 dicabile.*

*Signa mor-
fi à canera-
bido.*

*Suggillata,
gangrene,
egyplos &
carbunculus.*

*Mithridatis
antidotus
contra ve-
nena, ex
Rase ad Re-
gem Sarra-
cenorum.*

diligenter teratur, & horis aliquot demorsæ par-
ti à rabido cane eodem die superponatur, postea
tollatur, & famelicæ gallinæ, vel gallo obiciatur:
si vorauerit & non moriatur, signum erit canem
qui momordit, rabidum non fuisse: si verò iactu-
ram vitæ patiatur, significabit haud dubiè, canem
rabie actum fuisse. Quare, post tres dies, quod
summum est, ad citam & exactam curationem
properandum erit: alioquin de incurabili *id est* ^{de sepo-}
Cia timendum erit. Alterum tibi communican-
dum tale est, Rancida nux suggillata efficacissimè
delet, si flamma leniter exuratur, aut candenti fer-
ro ita comprimatur, vt oleum reddat ad id præ-
stantissimum. Quid vis amplius? Dum hæc de
nuce scribo, & pagellas meas in quibus legendo
semper aliquid adnotare sum solitus diligenter
excutio, fortè fortuna incido in antidotum Mi-
thridatis è nuce, cuius paulò antè facta fuit men-
tio: sed quam Rases medicus Arabs fertur emen-
dasse, & ad Almanforem Sarracenorum Regem
misisse. Huius itaque germanam descriptionem
sic habeto. Accipe nucum veterascentium, & à
putaminibus ac interaneis purgatarum, partem
vnam: salis & foliorum rutæ, vtrorumque sex-
tam partis vnius: ficuum in aceto aut vino mace-
ratarum, quantum ad prædictorum commistio-
nem sufficit: accuratè tritis & confusis omnibus,
fiat antidotus: cuius vsus per se esto ad magnitu-
dinem vernaculæ auellanæ, superepoto vini al-
bi momento, si videtur. Dici non potest quan-
ta sit alexipharmaci huius efficacia, non dicam
contra venena, sed etiam contra pestis nocentis-
sima

fima quæuis contagia. à quibus omnium feruator
nos feruare dignetur.

*Amygdalus & eius fructus, cum medicis
vtriusque auxiliis.* A R. II.

ARBOR Amygdali tam est nota apud om-
nes, vt nihil notius esse possit: cuius ea fer-
tur esse natura, vt in senio fœcundior sit, quàm in
iuuenta, & sola minùs ferax habeatur, quàm so-
ciata. Nuculas eius, amygdalas nuncupatas, ge-
mino (vt iuglandes) operimento regi nullus est
qui non videat: puluinati primùm calicis, mox li-
gnei putaminis multos scarificatus admittentis,
& in rimulas varias dehiscantis, cui solidus subest
nucleus, in quibusdam dulcis ac iucundi gustus,
in aliis verò amari & ingrati: sed qui ebrietatem
arceat, Plutarcho autore, cuius hæc sunt verba,
Fuit apud Drusum Tiberij Cæsaris filium, medi-
cus quidam amaras amygdalas comessari solitus,
qui omnes bibendi certamine provocabat, nemi-
nique in ea palæstra cedebat. Is tandem depre-
hensus est, antè quàm biberet, quinas senâsue co-
messen, quò minùs temulentia tentaretur. Porro,
cùm deuorare vetuissent compotores eius bibu-
li, ne pauxillum quidem in huiusmodi certamine
resistebat. Plutarcho subscribit Athenæus, cau-
sam amaritudini tribuens, quæ resiccat & hu-
miditatem depascit, nec finit venas impleri: qua-
rum distentione & perturbatu, temulentiam con-
trahi volunt, effluuiis calidis, & fumosis nebulis
obsessa mentis arce. Huius rei argumentum cui-

*Amygdala-
rum descri-
ptio & pi-
ctura ele-
gans.*

*Amaras
Amygdalas
ebrietatem
arceat, &
quomodo
id fiat.*

*Amaras a-
mygdalas
vulpibus le-
thales effe.*

*Pulmo, re-
nes, calu-
lus.*

*Vterus, fur-
fures, alope-
cia, ophia-
sis, vari-
ionthi, pruritus &
impetigo.*

dens esse potest, quòd vulpes amarorum pastu,
atque adeò amygdalarum (vt idem refert Plutar-
chus) certò moriantur, si non contingat è vicino
aquam lambere, interno humore affatim ab his
exucto. Quod & Dioscorides & Plinius etiam
testatum reliquerūt. Mnesitheus Atheniensis eo
in libro quem alimētis dicauit, omnem cuiusque
generis nucem, quæ ignem experta non fuerit,
cibis abdicandam præcipit, exceptis recentibus
amygdalis. Sed alias torrefieri, alias verò incoqui
iubet, vt ignis illarum pinguetudinem absorbeat
& ebibat. Vitiis pulmonū & renum ex aqua po-
tæ succurrunt, & illinctu cum resina terebinthina
calculosis medentur, ac difficili vrinæ in passo tri-
tæ auxiliantur. Gummi ex arbore stillans, spissan-
di viribus pollet, ac cruentis excreationibus opi-
tatur: adhæc summæ cutis impetigines ex ace-
to illitum rapit, & funditùs abolet. Amaræ amy-
dalæ excorticatæ, tritæ, & lintcolo inclusæ, si in
muliebre pudendū mittantur, vterū à corruptis
humoribus potenter vindicant, & repurgant. Si
in vino terantur, & eo caput lauetur, illius furfu-
res amoliuntur. Si integræ vrantur, & acri aceto
macerentur, postea contundantur & capiti illinan-
tur, alopeciam & ophiafim, ex Galeni sententia,
curant. Si aceto infundantur, terantur, in pastil-
los cogantur, & in vmbra siccentur, summè pro-
derunt ad varos delendos, & obliterandas pustu-
las paruas in facie, quas Græci *ῥόνθες* nuncupant.
Quod fiet, si quoties vsus postulauerit, aceto dis-
soluantur, illinantur, & facta resiccatione, cum
sapone abstergantur. Proderit etiā res ea ad pru-
ritus,

ritus, scabiosas imperigines, & prætumidas faciei dispositiones, quæ sunt veluti præludia ad elephantiasim. Sunt olea ex utrisque amygdalis expressa, quatum facultates satius duxi omittere, quàm paucis describere, suum locum alibi per occasionem illis daturus.

Pinus & eius fructus, cum medicis auxiliis

Utriusque.

AREA

III.

SICVTI Pineas nuces Græci, ut testatur Gale-
nus, conos ac strobilos appellant, ita earum
nucleos Hippocrates coccalos nuncupauit: vnde
facta fuit alticoccali nomenclatura, ut in cinara,
seu altili carduo superius admonuimus. Nuces
istæ in sua arbore altissimè à terra suspensæ, intus
exiles nucleos, lacunatis toris & ferruginea tuni-
ca vestitos contegunt: qui nisi purgati fuerint, du-
rare non possunt. Contendunt tamen aliqui illos
cum suis testis in vasis fictilibus nouis, terra op-
pletis cõsepultos, rectè custodiri posse. Arbor iu-
glandi contrariam habet naturam, nam prodesse
creditur omnibus quæ sub ea feruntur. Nuclei &
si ægrè concoquantur, nihilominus corpus per-
bellè alunt, nisi humorem crassum gignerent. Si-
tim sedant, stomachi acrimoniam, rosionesque
leniunt, virium infirmitatem roborant, & reni-
bus ac vesicæ vtilis habentur. Fauces tamen vi-
dentur exasperare, & tußim irritare, licet bilem
expellant, ex aqua, vino passo, vel balanorû deco-
cto poti. Contra vehementes stomachi rosiones,
iis miscentur cucumeris semina, & portulacæ suc-

*Nucis pineæ
descriptio
pulcherrima.*

*Sitis, stomachi
clius, vires,
renes, vesi-
ca, fauces,
bilis, tußis
& vena.*

*Tabes &
tussis.*

*Pulchra &
notata de-
gnā.*

cus : nec non ad vesicæ & renum vlcera, quoniam
vrinam cient, ac eius acrimoniam hebetant. Hu-
mores qui putrendo coierunt in stomacho facilè
retundunt : & si recentes ex arbore, in passio con-
terantur, ad tabem & tussim veterem vtiliter co-
quuntur, vt liquor per singulos dies bibatur. Hinc
nimirum tradiderunt autores grauissimi, pineas
syluas quæ picis ac resinæ gratia raduntur, tabidis
vtilissimas esse : & iis qui longa valetudine vires
non recolligunt : ad eò vt illum cœli aërem plus
quàm nauigationem Ægyptiam, aut lactis cuius-
uis potionem medicatam, conferre dicant. Sed
de nuce pinea & eius arbore paucula hæc satis e-
runt : nam rara quoque in nostris septentrionalis
Galliæ hortis spectatur.

*Corylus & Auellana eius fructus, cum medicis
vtriusque auxiliis. A R. I I I I.*

*Auellana
descriptio,
& eiusdem
proventus
magnus.*

*Oblonga &
rotunda a-
uellana.*

AVELLANÆ nuces ex ea sunt arbore quæ
Corylus dicitur, & in multorum hortis fre-
quens hodie conspicitur. Hæ molli primùm ca-
liculo teguntur, mox lignoso quidem, sed fragili
putamine, cui tenuis subest membrana rotun-
dum nucleum obuoluens, in cuius vmbilico pe-
culiaris alter includitur. Gallicani montes, præ-
fertim nemorosi, coryletis ad eò vestiuntur, &
auellanis oblongis ac rotundis tanta scatet vber-
tate, vt illas plenis faccis rura in vrbes compor-
tent. Oblongas præstantiores & gustui gratiores
esse constat : maximè quæ putamine & interiore
tunica vehementer rubent, suntque fractu mini-
mè

mè contumaces : nam vegetiore sunt nucleo , ac diu perdurant . Sunt in magna nominum ambage nucs istæ , primùm auellinæ patrio nomine vocatæ , ac si diceres abellinæ , ab Abellino Campaniæ oppido (vt volunt Grammatici) vbi abundare cœperunt . Appellâtur etiam Ponticæ , quòd è Ponto in Asiam & Græciam venerint , vt tradit Plinius . Dicuntur prætereà Heracleoticæ , Prenestinæ , & Leptocarya Græcis . Rura Gallica *Nucellas* , *Corzelos* & *Auellanas* nuncupant . Quod ad facultates attinet & medica auxilia , Galenus eas plus essentiaë terrestris & frigidaë habere contendit , quàm iuglandes : adhæc plus alimenti præbere , nam densiores sunt , & minùs pingues . Philotimus libro quem alimentis dicauit , dolorem capitis ciere scripsit , sed iuglande minùs : cibus prætereà extare ac innatare dixit : si tamen ignem expertæ fuerint , innocentiores reddi , quòd torrédo noxia pinguetudo tollatur . Faciunt itaque dolorem capitis immodicè ac intempestiuè sumptæ , aduersanturque stomacho , quem inflationibus distendunt . Alopecias pilo vestiunt , modò axungia , vel vrsino seuo excipiantur : medentur prætereà distillationi , si tostæ fuerint . In aqua mulsa tritæ , veterem tussim haustu leuant : & cum modico pipere tostæ , deinde contusæ , & ex eadem aqua potæ distillationes concoquût , vt scribit Dioscorides . Alij è passò bibendas censent : sùntque autores nonnulli , cæsiõrum oculorum pupillas infantibus denigrari cinere putaminum auellandarum ex oleo sincipiti consperso : adhæc pinguedini conferre , & præter fidem corpulen-

*Auellanarum
varia nomen-
clatura.*

*Facultates
auellanarum.*

*Alopecia,
distillatio,
tussis, pu-
pilla &
pinguedo.*

tiam augere. Diocles inter Græcos geoponicos
celebris, posteritatis memorię mandauit, nucem
auellanam minùs amygdalis alere, ac cibis (vt di-
ximus) extare: quæ si largiùs estur, caput tētabit:
viridem tamen arida innocentiorē esse promi-
sit. Sed hoc loco non est omittendum quod sim-
plex rusticitas obseruauit, serpentem obtorpesce-
re quæ coryli caudice, vel furculo iēta fuerit, ac
tandem emori. Addit Plutarchus, scorpionum in
domicilia non obrepere, quoties coryli nucula
laquearibus appensa cohærebit. Horum veritas
facili experimento elucescet.

Duo pul-
chra &
summe ne-
tandæ.

*Castanea arbor, eius fructus, & medica
vtriusque auxilia. A R. V.*

ET SI Castaneæ potiùs agrestes & montanæ
Lcescantur esse, quàm hortenses & urbanæ,
videanturque classi pomiferarum arborum ve-
riùs quàm nuciferarum ascribendæ, de illis nihi-
lominus breuem hoc loco narrationem ideo in-
stitui, quòd per hyemem tam diuitum, quàm pau-
perū mensas vbique onerare soleant, & nucis no-
mine apud scriptorum genus omne passim dona-
ri ac illustrari: quanquam accommodatiùs glan-
dium ordini accenseri possent, vt Græcorum nō-
nullis visum fuit, qui castaneas *σιὸς Καλάνης*, hoc est
Iouis glandes, dici voluerunt: cū tamen iuglan-
dis, aut, si mauis, Iouis glandis appellatio, nucibus
regiis (quas basilicas nuncupāt) aptiùs conueniat,
ob causas nobis in iuglande superiùs productas.
Sed hæc Grammatico, nō medico discutiēda erāt.

Cum casta-
neas m. m.
tanas non
hortenses
hic autor
describat.

Castaneam
quibusdam
iuglandem
dicunt.

Duplices

Duplices apud nos visuntur castaneæ, altiles quę multo maiore corporis tuberculo constant, & vulgò *Marones* appellari solent: quòd inter castaneas veluti mares habeantur, quos in cunctis rerum genere (vt tradit Galenus) fœminis habitiores esse constat. Aliæ multò sunt minores, reputanturque vt fœminę: vnde maronibus seu maribus castaneis longè inferiores & macilentiores esse spectantur. Illæ lautiores diuitum mensas claudunt, hæ pauperum ieiunia saturat: Illas cineribus calidis torrēt locupletes, has in aqua coquunt & elixant populares, ad auidā eorum famem exfatiant: ex quo populares & coctiuæ Plinio nuncupantur. Verūcūmverò prius quàm & hæ & illæ igni credantur, ferro ad carnē vsque intra earum pediculum vulnerari debent, vt hiatu plagæ spiritus igne citatus erūpat: alioqui magno crepitu, instar nubis tonantis, prosiliunt, non sine assidentium terrore & periculo. Sed hæc coquinam potius olēt, quàm medicinam. Venio itaque ad præsidia. Castaneæ tam alui quàm ventriculi fluxiones Dioscoridi sistunt: idque tunica maximè, quæ carnē & corticem media intercurfat. Siccæ sanguinem excreantibus valde profunt: & cum sale tritæ, melléque subactæ, rabidorum canū morsibus vtiliter imponuntur. Cum hordeacea polēta & aceto illitæ, mammaram duritias discutunt: & recenter coctæ ac parcè piperatæ, sopitā Venerem excitant, ob flatulentam humiditatem qua scatēt. Largiùs tamen sumptæ capitis dolorem conciliant, inflant, aluum astringunt, & ægerrimè coquuntur, præsertim ab imbecillo ventriculo.

*Castaneæ
duplices,
mares &
fœminæ.*

*Cur ferro
vulneranda
sint castaneæ,
antè
quàm igni
committan-
tur.*

*Alui, ven-
triculo,
languis,
morsus can-
um, mam-
mæ, Venus
& men-
strua.*

*Quomodo
innocenter
fumantur
castaneæ.*

*Castanearũ
vſus ſuſpe-
ctus.*

*Castanearũ
vſus, vbi
aliarũ fru-
gum anno-
na deficit.*

Quæ tamen cineribus obrutæ torrentur, inno-
centiores redduntur, maximè ſi cum ſale, ſaccha-
ro, aniſo, vel cinnamomo edantur. Sunt qui illis
in vino maceratis, & cum farina ſubactis, peſſi vi-
ce vtantur ad ſupprimendos menſes. Sanè & ſi
Galenus ſcripſerit caſtaneas plurimùm nutrire,
non tamen in cibis valde commendantur. Nam
ſiue elixæ, ſiue toſtæ, ſiue etiam frixæ fuerint, ſem-
per eſitantibus noxam inferunt, multoque magis
ſi crudæ edantur. Non ſum neſcius monticolas,
vbi aliarum frugum annona deficit, per totam
hyemem caſtaneis victitare, fumo priùs in crati-
bus exſiccatis, & ab vtroque cortice ſpoliatis,
necnon in farinã redactis, & poſtremò in panem
coactis & coctis: aut ex lacte, vel in ſculo in pul-
ticolam conformatis. Quæ omnia eos belliffimè
alunt, nec quidquam illis obſunt, propter aſſi-
duas exercitationes, & ſalubrem aëris regionem
quam inhabitant.

*Laurus & eius bacca, cum medicis earum faculta-
tibus & auxiliis.* AREA VI.

*Laurus Cæ-
ſarum &
Pontificum
ianitrix.*

LAURVS triumphis propriè dicata, & Cæſa-
rum ac Pontificum, vt ſcribit Plinius, iani-
trix, eorum palatia exornans, & ante limina excu-
bans, iure bono hîc de me poſſet conqueri, ſi ex
iſta plantarum & arborum medica hiſtoria ex-
cluderetur: cùm etiam ſuo nomine Gallis non
ſolùm ſit cognita, ſed & ſedulò exulta & ſum-
mè dilecta. Ad illam itaque calamum perop-
portunè conuertemus, pauloque fuſius de ea
philo-

philosophabimur, quàm in præcedentibus arboribus factum esse audiueris: cum ob illius eximiam præstantiam, tum quòd de eius historia in nostris Hortorum secretis, cura & auxiliis, ne quidem, vt loquuntur, scriptum reperiās, perinde atque de sequentibus aliquot arbusculis. Sed à verbis ad rem festino.

LAVRVS arbor est odorata, leui cortice & tenui vestita, perpetua frondēs coma, caudice procerò, pingui succo scatente, & nodis perquā paucis exasperato, flores edit paruos & muscosos, oleæ ferè similes, ex luteo albicāteis, ex quib⁹ bacca prodeunt colore primùm viridi, & per maturitatem nigro, crasso intus nucleo. Aspernatur algentes & frigidos tractus, quòd calida sit. Prouenit cum semine, tum auulsione, si quis illam serat furculis ablatis. Vsus eius ad baculos & scipiones, quibus & perpulchris & leuibus, caduca & nutās innitatur senecta. Vaticinationis arbor esse fertur. Vnde Apollini lucidissimo & igneo sacra est, vt testatur Porphyrius in libello de Sacrificio & magia, & ob id ignes manifesto crepitu abdicat (Plinio autore) ignitisque & flāmiuomis fulminibus, vt postea dicemus, palàm resistit: quòd etiam nō nihil Iouia sit. Nam in Iouis gremio per templa quoties noua victoria lætitiā attulerat, deponabatur. Pacifera itaque hæc arbor, victoriarū semper fuit index, lætitiæ semper nūcia, & ob id militum arma, Pontificū edes, Imperatorū fasces olim decorauit. Id quod ingeniosus ille poëta nec ignorauit, nec tacuit, dum Apollinē de sua Lauro, *καὶ ἀπορφνη*, ad hūc loquentem modū introducit;

*Cur de hac
arbore, &
sequentibus
fusi scriba-
tur.*

*Lauri pi-
ctura &
descriptio
pulcherri-
ma.*

*Lauri præ-
stantia, &
quòd à ful-
mine non
feriatur.*

*Laurum
Apollinis
arborescens
se, ex Ovi-
dio.*

*Arbor eris certè, dixit, mea : semper habebunt
Te coma, te citharæ, te nostræ, Laure, pharetræ:
Tu ducibus lætis aderis, cum læta triumphum
Vox canet, & longas visent Capitolia pompas.
Postibus augustus eadem fidissima custos
Ante fores stabis, mediâque tuebere quercum:
Utque meum intonsis caput est iuvenile capillis,
Tu quoque perpetuos semper gere frondis honores.*

*Mira lauri
natura &
prodigiosa.*

*Illa eadè boni genij arbor esse fertur: vnde etiam
demonibus aduersatur: nam ubi Laurus fuerit, in-
de illi recedunt: ut à Cassio Dionysio Vticensi <sup>γεννη-
ποικίλ</sup> Magonis interprete, scriptum & adnota-
tum esse reperi. Addit præterea, quod neque dæ-
mon, neque morbus sacer locum infestare po-
test in quo laurus fuerit: imò verò neque fulmen,
quod sæpenumero ab aëriis spiritibus & potesta-
tibus, Deo ita permittente, excitatur. Traditur de
eadem arbore quod sanitatem efficiat: vnde etiâ
folia ipsius vnâ cum caricis à populo Romano
Calendis Ianuarij Magistratibus porrigebantur,
boni ominis nuncio, ut autor est Plinius. Cum
antiquitus laurei rami inter armatos hostes præ-
tendebantur, firmum quietis erat indicium. Hæc
vna arborum sola est, quæ Romæ è cælo missa à
Ioue fuit, ut ea Imperatores coronarentur. Ete-
nim cum Liuia Drusilla, quæ postea ex connubio,
Augustæ nomen accepit, pacta esset Cæsari, con-
tingit gallinam conspicui candoris, ea sedente in
hortis, ab aquila in eius gremium ex alto, absque
vlla læsione, demissam fuisse: intrepidèque mirâ-
ti aliud accessit miraculum, quod teneret rostro
laureum ramum suis baccis onustum. Consulti
aruspices*

*Pulchra hi-
storia de
lauro &
gallina de-
missis in
gremium
Drusillæ
Augustæ.*

aruspices iusserunt auem seruari cum futura forebole, & ramum feri ac ritè custodiri. Qui postea adeò creuit & se propagauit (licet radicibus caruerit) vt breui tempore populosam fecerit syluam: ex qua postea Cæsar triumphans laurum in manu tenuit, & coronam in capite gessit. Quod deinde à reliquis Cæsaribus factum, obseruatúmque fuit: contigitque inde, vt Romæ plures laurorum syluæ longè latèque virescerent, quæ ob id laureta vocabantur: traditúsque mos est, Plinio auctore, ramos ferendi quos manu tenuerant Imperatores: & obseruatum sub cuiusque Cæsaris obitum, arborem ab ipso institutam elanguisse, ac ultimo Neronis anno syluam totam cum gallinis omnibus interiisse, vt tradit Suetonius in vita Galbæ. Laurum diis gratissimam esse arborem, vel illud de multis indicare potest, quia manu fatarum receptarúmque in domos, fulmine sola non icitur. Quod equidem fulmen nec diuinitatis, nec principum amplitudinis ratione habita, plerunque turres templorum excelsas deiicit, superba mundi palatia dilapidat, & homines sepenumero immaniter atterit, vna arborum lauro salua & incolumi, nisi in futuræ calamitatis signum & prodigiúm: ac ne quidem ædes in quibus illius fuerint rami, de cælo tangi, pro certo creditúm est. Proinde Tiberius Cæsar fulminum metuentissimus, cælo tonante, lauro coronabatur, poetarum more, quorum tempora virente lauro præcingi solent éstque Apollineorum Musas colentium præmium: Phæbo, inquit Maro, sua semper apud me munera sunt laurus, & suauè rubens hyacinthus.

*Verde Roma
ma tot lauro-
rum copia.*

*Quando
fulmina
gatur lau-
rus.*

*Tiberius
Cæsar ful-
minum me-
tuentissi-
mus.*

Olim in prophanis vſibus laurum & oleam pol-
 lui moris non erat: vt ne propiciādis quidem nu-
 minibus accēdi ex his altaria, arāve debebāt. Cæ-
 terū, corui, occiſo chamæleonte, deuorata lauri
 fronde infeſtum virus extinguunt: hac etiam gra-
 culi, palumbes, merula, & aliæ aues quampluri-
 mæ annum faſtidium purgare conſueuerūt. Ad-
 do, quòd tanta vi pollent lauri virentis rami, vt
 his per arua defixis, rubigo, ſumma ſegetum pe-
 ſtis, abigatur, tranſeatque illa, ex Plini & priſco-
 rum geoponicorum ſententia, in eorum folia ex
 aruis. Porrò, hīc nec tacendum nec omittendum
 mihi duxi, quòd laurus ex ſe vim habet ignē pro-
 ducendi. Quippe, ſi exſiccata lignum ligno fre-
 quentiùs teratur ſuper aſperſo ſulphuris puluere,
 aut arido fomite alio, ſtatim ignis exiliet: id quod
 Plinius paulò aliter quàm Matthiolus tradit: Si
 lauro, inquit, teratur hædera, laurūque terat ea-
 dem, ignis excutietur: itaque teritur lignū ligno,
 flammāque concipit attritu, excipiente materia
 aridi fomitis fungi, vel foliorum. Exploratores
 hos vſus in caſtris, & paſtores repererunt: quo-
 niam ad excutiēdum ignem non ſemper ſe offert
 lapidis occaſio. Sunt qui moro idem tribuant, &
 aliis plerique arboribus, è quibus igniaria fiunt.
 Penè præterieram, quòd in Ponto circa Heracleā
 laurus erat, quæ, vt ferunt, tumulum regis Be-
 brycum tegebat, quam vocabant inſanam: quo-
 niam ſi quid ex ea decerptū inferebatur nauibus,
 iurgia fiebant donec abiiceretur. Lauri folia vſui
 ſunt ad ſiccas ficus ſeruandas, vt ſcribit Petrus
 Creſcētius georgiographus non ignobilis: eadē
 præte-

*Lauri ra-
 mos pollere
 contra ru-
 biginem.*

*Laurū pro-
 ducēdi ignē
 vim habere
 ex ſe.*

prætereà non ineptè, inquit ille, remiscuntur ge-
 latinæ, sic vocatæ, ad odorem conciliandum, si
 febris absit. Sunt etiam qui circa cidoniatum in-
 spergant : sed hæc cocis curanda relinquemus, vt
 medica medici tractemus. Venio itaque ad medi-
 cas & auxiliares lauri & baccarû eius facultates,
 ex Græcorum, Latinorum, & Arabum medicinę
 professorum placitis & obseruationibus. Cortex
 radicis lauri, vt autor est Galenus, calculos con-
 fringit, & iecori prodest, ex vino fragrante bibi-
 tus trium obolorum pondere. Lauri cymæ teneri-
 mę vnà cum calamintha & sale tritæ, & ex aqua
 tepida sumptæ, aluum concitant, pituitâmq; &
 lumbricos celeriter eiiciunt. Eadem cum nardo
 in vino feruefactæ, aurium grauitatem & sonos
 curant, si calentis decocti vapor per infundibu-
 lum in aures excipiat. Laurus, quod scriptum
 antea oportuerat, excafactoriam & emolliētē
 habet facultatem, tam foliis, quàm cortice & bac-
 cis : ob id eius decoctum prodest vuluis insiden-
 tium, ac vesicæ vitiis auxiliatur. Viride folium tri-
 tum, vesparû, crabronum, & apum ictibus illitu
 resistit, adhæc serpentium venenis. Prodest men-
 sibus fœminarum cum oleo coctum, & inflam-
 mationes cum pane ac polenta mitigat. Terna
 folia tenerissima per triduum commanducata, ex
 recenti butyro, liberant à tussi. Germina cum po-
 lenta trita, oculorum inflammationes, cum rosa-
 ceo & ruta testium, & cum irino oleo capitis do-
 loribus auxiliantur. Eadē cum melle trita suspi-
 riis commendantur : sed pota vomitiones mo-
 uent. Quanquam cortex radicis calculos dissipa-

*Lauro quã-
do & quo-
modo utan-
tur cocis.*

*Calculi, ie-
cor, lumbrici
& aures.*

*Vterus, ve-
si. a, menses,
venena &
inflammationes.*

*Tussis, oculi
testes, caput,
suspiria, vo-
mitus, &
calculi.*

*Vuula &
intestina.*

*Partus &
pruritus.*

*Tabes, tho-
rax, & co-
lumella.*

*Vrina, ca-
pitis dolor,
menses, vi-
tiligo, &
lentigines.*

*Prurigo,
phthiriasis,
parturientes.*

re fertur, nihilominus grauidis summoperè est cauendus, nam partus enecat. In remedio iacentis vuulæ, foliorum, baccarumue decoctum ad aquæ ternas partes, gargarizata calido exhibetur, & salubriter ad alui, intestinorumque dolorem propinatur. Trita lauri folia, subindèq; olfacta, pestilentia contagia cohibent: tanto magis si vrantur. Sunt qui celeritati partus multum conferre putent lauri radicem, acetabuli mensura ex aqua potam, sed eam in rem efficacior habetur recens quàm arida. Tenerima folia trita in vino, & illita, pruritus noctibus delent. Baccæ lauri, quæ Græcis *scorpiæ* nuncupantur, magis quàm folia calfaciunt. Cum melle vel passo, aut ecligmate cum aqua mulsæ, tabescentibus profunt: eodè modo & omnibus thoracis rheumatismis: nam & excoquant pituitam, & eam expectorant. Restituunt prolapsam columellam, si cum æquali pondere cumini, hyssopi, origani & euphorbij, melle excipiantur, & summo capiti calidè applicentur. Eadem cum triticeo furfure iuniperi granis & allio contrita, & super calente tegula vino subinde resperfa, pubique admotæ, suppressam & remorata[m] vrinam euocant. In capitis dolore, numero impari eas ex oleo conterere, calfacere & adinouere iuuat. Ex vino bibuntur aduersus scorpiones. Tritæ & appositæ, vel ex vino generoso, si absit febris, potæ, menses trahunt. Epinyctides & vitiliginex oleo illitæ emaculant, & lentiginex vlceræque capitis manantia ac furfures tollunt. Succus earundem cutis pruriginem & phthiriasim emendat. Septem lauri baccæ à prægnan-

gnantibus propediem parituris, cum se dormitū recipiunt, deuoratae, facilem, fœlicemque partum præstant. Bibuntur ex vino aduersus scorpiones. Veterem tussim & orthopnœam sanant. Baccæ illius lauri quæ tenuiora habet folia, serpentibus, araneis, & scorpionibus cum vino aduersantur, illinunturq; salubriter leni ac hepati, ex oleo & aceto, necnon gangrænis cum melle. Recentium succus, aurium dolori ac grauitati instillatur cum vino vetere & rosaceo, earundemq; strepitum coërcet. Ad fatigationes & perfrictiones succo earundem vngi, nitro adiecto, summè prodest. Venenata omnia laurino oleo perunctos fugiunt: Quod vnum etiam discutiendis neruorum vitiis, doloribus lateris relaxandis, & febribus frigidis vtile est, adhæc aurium grauitati in cortice punici tepesactum. Sic autem oleum id conficies. Baccas lauri quamplurimas maturitate turgentes in calida aqua discoque, & vbi diu ferbuerint, olei quod ex se dimiserint supernantis vndam, pennis leniter cogentibus & deducētibus, in idonea vasa transfunde, & in vsum serua. Ex Plinio & Columella id postremum esto, & ad superiora veluti *πέσος* habeto. Pituitæ gallinarum medicina est in fame, & curatus in fumo, vtique si ex lauro, vel herba sabina fiat. His positis, ad luniperum, eiusque baccas & vernicem commo- dum transeo.

*Tussis &
orthopnœa.*

*Liē, hepar,
gangræna,
aures, &
perfrictio-
nes.*

*Nervi, la-
tus, febres,
aures.*

*Oleum lau-
ri ad neruo-
rum vitia,
lateris do-
lores, febres
frigidas, &
aurium gra-
uitatem.*

*Gallinarū
pituita.*

*Iuniperus, & eius bacca, ac Vernix, cum medicis
eorundem facultatibus & auxiliis.*

AREA VII.

*Iuniperi
cufus in ma.
gnatum vi-
ridariis.*

*Lignorum
Iuniperi
fumus con-
tra pesti-
lentie con-
tagia.*

*Duo genera
Iuniperi.*

Hic de Iunipero, quæ Gallis nostratibus *Geneura* nuncupari solet, eò libentiùs, & alacriùs scripturus sum, quòd eius rami & caudices non illepidè topiarias hortorum vites & celebres attegias in magnatum viridariis fulciant & sustineant. Adhæc, quòd eius ligna plenis nauigiis Lutetiam deferantur in vsus varios, & fasciculatim per compita à baiulis hominibus declamentur, fouendis & recreandis ex illorum igne, calore & odore, cum corporibus, tum animis & spiritibus: Nam fumum vbi aduruntur non iniucundum expuunt & effundunt. Qui eximia odoris suauitate grassantia pestilentia contagia excludit, & sæuientem perniciem eluit. Sed ad eius historiã accedo. Iuniperi genera duo, apud nos, vt etiam alibi, reperiuntur, montibus vernacula. Vnum, humile, ramulis in terra sessilibus & parum se ab humo attollentibus: quibus spina est pro folio, coronarij rosmarini æmulo, sed angustiore, baccis primùm virentibus, deinde per maturitatem nigris, & nouis semper caducas occupantibus. Alterum, sublimiùs adolefcit, caudice procero, cortice fragili & leuiter fatifcente, ligno fuluo & odorato, latioribus ramis aculeorũ aceruo stipatis, & baccis alteri similibus: vtrique facies horrida, & pungentibus spinis minax, coma perpetuò virente, absque flore. Montes & colles lapidosamque humũ amat vtraque: ob id in pla-

in planis vel ægrè nascitur, vel humilis & abiecta in his iacet, cubilibus sanè quàm opportuna & grata cuniculorum: nam illius baccis & pilulis libenter vescuntur: ex quo iuniperum olere, dum mensis apponuntur, & eduntur, vulgò dici solet. Porro, licet iuniperi, vere nouo, cum aliis germinant arboribus, nihilominus omnium tardissimè fructum reddunt. Nam nouus fructus in iis autumno pendet, recénsque veterem, vt diximus, occupat, & ita ad bimatum prorogatur, baccis subnascentibus, quæ biennio hæreant, & si in arbore relinquuntur marcescant & corrugentur: ob id decerpuntur, & aliquandiu conditæ seruântur in vsus, paulò post tibi exponendos. Iuniperi lignum & materia fabricis tam sub dio futuris, quàm terra obruendis admodum conuenit, ad multas annorum centurias incorrupta perdurans. Quod memorabili historia, ex Plinio, apertum notumque faciemus. In Hispania, inquit, Sagunti aiunt templum Dianæ Ephesiæ à Zacyntho aduectæ cum conditoribus, annis ducentis ante excidium Troiæ, vt auctor est Bocchus, infraque oppidum ipsum id haberi. Cui pepercit religione inductus Annibal, iuniperi trabibus, etiam nunc, inquit Plinius, durantibus. Hinc sanè mirari non licet, si Chymistæ asseuerent carbonem iuniperinum accentum, & suo cinere obrutum, ignem integro anno fouere. Sed de arbore satis, nunc demùm de illius gummi agendum. Sunt qui tradant iuniperum æstiuis solibus lachrymam sudare, quæ caloris vi durata in gummi coëat, quòd vernicem nuncupant: colore vbi primùm meti-

Car Iuniperum sapere dicantur cunicula.

Iuniperi materia ad multos annos incorrupta manet.

Carbonem Iuniperi integro anno fouere.

Vernicis Iunipers color.

præstantia, tur, candido, dum senescit luteo, & nimia senectæ
& proba- in rufum degenerante. Præstantissimum, claro
tio. nitore lucet, ac prunis iniectum nidorem thuri
 non cedentem expirat. Eo utuntur scriptores
 pennarij ad poliendam & exasperandam papy-
 rum. Si colores quivis infectoriij eodem ali-
 quantulum imbuantur, ita tinguntur, ut per-
 tinaciùs hæreant, quàm deleri facilè possint.

Vernix li- Quibus si farina eiusdem superiecta fuerit, sum-
quidus & mum nitorem conciliat. Non omittam quòd ex
eius usus. syncero vernice & oleo ex lini semine presso, fit
 vernix liquidus. Cuius usus est ad illustrandas
 picturas, & ad nitore ferro conciliandum. Vtilis
 etiam ad ambusta, & præcipuus ad dolores ac tu-
 mores hæmorrhoidû. Sed id ad medica iuniperi
 auxilia reservandum erat: de quibus sese hîc offert
 dicendi locus. Verumenimverò, priùs quàm id
 aggrediar, & de medicis iuniperi facultatibus di-
 cam, precium operæ facturum me puto, si defun-
 ctoriè & obiter admoneam medicinæ cãdidatos,
 (ne pro re salutari venenum exhibeant) quòd ubi
 Arabes sandaracham medicamentis inferendam
 præcipiunt, gummi iuniperi miscendum intelli-
 gant. Vbi verò à Græcis sandarachæ fiet mentio,
 fossilis illa, rufa & auripigmento similis, conci-
 piatur & usurpetur. Nam sæculo Dioscoridis &
 Galeni, ut volût, nondû venerat vernix in usum,
 nisi succini nomine, cui & dotibus naturæ, &
 viribus proximè accedit. Nunc ad medicas iuni-
 peri & partiû eius facultates calamum conuerto.

Ex iuniperino cinere & vino albo paratû lixi-
 uium, si hauriatur pondere vnciarum quatuor,
 valen-

Pulchra &
summè no-
tanda de
vernice &
sandaracha.

valentissimè urinam pellet. Quo auxilio visi sunt etià hydropici sanati, nullo alio, diebus aliquot, adhibito remedio. Idem lixiuium scabiem curat & pruritus tollit, ubi eo sese perfuderint affecti. Paratur & ex iuniperi ligno balneum admirandæ virtutis & facultatis ad podagricos, hac forma. Accipe ligni iuniperi in scobem attriti & derafi libras xii. coque ex aqua in lebetem magno, donec pars tertia fuerit consumpta: tum demum decoctū vnà cum ligni rasura in labrum proiice, & in eo æger umbilico tenus sedeat, ac ibi excruciatamembra, corpore præpurgato blandè foueat. Vidimus, inquit Matthiolus, nonnullos podagricos in Bohemia, perpetuo cruciatu languētes, & in lectulo miserè iacentes, eo balneo aliquoties vsos, adeò reualuisse, vt expeditiores, quàm antea, ad solita negocia redierint. Fir & ex iuniperina materie oleum per descensorium, vt Chymistę loquuntur, duobus aduersis fictilibus tum pariter vitreis instrumētis: quod calidū ore contentū carniſcinam dentiū mirificè demulcet, si ex frigida defluxione processerit. Sed ex baccis iuniperi longè præstātius euadit, & iucundissimo odore summè placet. Foliorum succus illinitur, bibiturque vtiliter contra viperæ morsus. Cinis corticis lepras exterit: & tam folia, quàm ligna accensa serpentes fugant. Nūc de baccis dicendū. Baccæ iuniperi vtilis sunt doloribus ventriculi, pectoris & laterū, siue sumantur, siue ex earū decocto partes illę foueātur. Eadē & lauri, cuiusq; septenæ, addita cinnamomi vulgaris drachma, si in turturis ventrem contracta immittantur,

Urina, hydropici, scabies, pruritus, & podagra.

Balneū præstansissimū ad podagricos.

Oleum iuniperinū ad dentiū cruciatum mirum.

Vētr-ulus, pectus, latus & parus.

& turtur inter affandū gallinaceo adipe perfundatur, & tum demū mulieri propediem pariturę, diebus alternis in escam vesp̄i exhibeatur, pręgnās facillimē & nequaquā laboriosē, vt terūt, pariet. Iucundum sanē remedium ac suaue. Eadē

Aluus, venter, uterus, tussis, tormina, & urina.

Remedium extemporaneum ad dentium carnisicam.

Ischiadus & mēstrua.

Sanguis narium, vomit⁹, alui proluuiēs, neruorū resolutio, capitis destillationes & hamorrhoides.

Sanguinis excreatio,

ex nigro vino potā, aluum, ventrisque tumores sistunt, & vteri strangulatibus profunt. Saccharo conditā, aut ex vino generoso coctā, inflationes, tormina, eorūque langores discutunt, tussēs concoquunt, & vrinas mouent. Confractā, vino albo incoquantur, vnā cum rosīs, cupressi pilulis & myrti foliis, ad dentium cruciatus. Sanē si quis hoc decocto calido, addito aquę vitę momento, os colluerit, vel insuccato ibidem linteolo, dolentem dentem vestiuerit, extemporaneum & mirabile experietur auxilium. Coxariis, seu ischiadicis quaternę iuniperi pilulę, ex vino albo vtiliter propinantur. Addo quod & baccarum & foliorum decoctum haustum, menses valentissimē proritat & elicit. Sed de baccis hactenus, vt vernici seu iuniperino gummi suum demus locū: cuius vsus frequens occurrit. Iuniperi gummi, quod vernicem nuncupari diximus, sanguinem naribus ruentem sistit, si cum oui cādido teratur, & temporibus ac fronti allinatur. Ventriculum in biliosos vomitus effusum cohibet, si eius farina in ouo forbili deglutiatur: quę etiā cruētā alui proluuiem coërcet. Neruorum resolutionibus quas humores frigidi contraxerunt, opitulatur. Capitis destillationes suffitu discutit: & fluentes hamorrhoidas illitu supprimit, sanguinisque excreationes cum idonea materia retinet.

Vomi-

Vomitionem cum polline thuris & oui albo exceptus supprimit, si ventriculo calidè admoueat: aluum quoque fluentem illitu retinet. Addito rosaceo vel myrtino, sedis rimas claudit: & hiantibus frigore pedum, manuümue, scissuris, illitu succurrit. Catarrhum suffitu suspendit, arcetque ne præceps ad ima decumbat. Pituitam, quæ in ventriculo, vel intestinis hæserit, valenter expedit: & humorem qui à cerebro deorsum perniciousiter ruit, pulchrè continet. Fumus per infundibulum exceptus, dentium cruciatus mulcet, vbi ad dolentes peruenerit. Vliginosos fistularum sinus, vernicis puluis iis inditus resiccat, & mensium profluvia sistit. Grauedini suffitu auxiliatur. In summa, vernix viribus & facultatibus succini, vt diximus, pollet: calfaciens & exsiccans secundo recessu, & nonnihil amaritudinis præ se ferens, quod hîc postremum erit.

vomitus,
alui fluor,
rhagades,
catarrhus.

Dentes, fistula, menses, grauedo.

Sambucus arborea, & herbacea altera, Ebulus nuncupata, cum medicis vtriusque facultatibus & auxiliis. AREA VIII.

Sambucus, vel, vt Quinto Sereno placet, *Sabucus*, Ἀκτὴ Græcis, & *sus* vel *susean* Gallis vocata, duorum est generum. Prius in hortorum & vinearum sæpibus frequens & medullosum visitur, vmbellam, seu muscarium gerens candidis flosculis illustre: qui tanta odoris suauitate placent, vt eorum conditurâ nostrates acetum iucundissimum faciant. Semen fert baccis, seu acinis mollibus & paruis, lentoque humore

Duo Sambuci genera.

*Materia
Sambuci
scutis faciē-
dis apta.*

scatentibus, & sanguineo colore manus inficientibus. Materies ei mirè firma datur, & ob id scutis faciendis, vt perhibet Plinius, aptissima. Nam accepta plaga, (vt de ficu, tilia, salice, betula, & vtraque populo, ille idem testatur) se protinus contrahit, clauditque, & ob id ferrum contumaciùs transmittit, aut transmissum pertinaciter retinet. Alterù sambuci genus agreste potiùs quàm hortense, Græcis chamæacte (quòd humi breuiùs iaceat, ac si esset pumila sambucus) Latinis Ebulus, & Gallis *Hyebla* dictù, herbaceo generi propiùs accedit, quàm arboreo, quadrato caule constans, densis articulis geniculato, cui folia ex interuallis circa nodulos expanduntur, amygdalinis haud dissimilia, præter serratù marginis ambitum. Graui odore planta hæc nauseam mouet, flore, acino, & muscario, sambuci æmula: sed odore longè dispari. Nascitur in opacis, vliginosis, & aquosis locis. Hæc perfunctoriè & obiter de vtriusque sambuci pictura & effigie scripta sint: Superest vt eodem penicillo, medicas vtriusque facultates depingere, pro nostræ Mineruæ tenuitate fatagamus.

*Hydrops
tympanites.*

Stillatitia aqua radicum Sambuci maioris, & item minoris, hoc est Ebuli, hydropes tympanites laborantes mirificè iuuat: si huius vnciæ binæ, illius verò quaternæ, vtrisque simul mistis, ab ægrotante diebus xxx. continuis hauriatur. Eiusdem sambuci tenerrima folia, quæ primo statim germinatu erumpunt, vnà cum pari pondere radicum plantaginis, suillæq; axungiae veteris trita & subacta, podagricos dolores præsentaneo remedio

medio placât. Succus foliorum, collectiones cerebri, & priuatim mēbranæ quæ circa cerebrum est, infusus lenit. Eiusdem, vt etiam ebuli, decoctum, recenter ambustorum inflammationes refrigerat: & canis morsum cum polenta sanat, mollissimis foliorum appositis. Aqua è sambuci floribus fronti & sincipiti illita, capitis dolores mitigat, qui à calido humore processerint. Foliorum teneritudines & germina ex oleo & sale eduntur, ad pituitam & bilem detrahendam. Acini tingūt capillum. Vtriusque sambuci decoctum in vino veteri, foliorum, seminis, vel radicis, ad binos cyathos potum, aluo aquas detrahit: sed ventriculo summè est noxium, nisi roborantibus tam intus quàm foris ille prēmunitus fuerit. Succus è cortice radicis expressus, vomitum valentissimè mouet, & aquam intercutem excludit: præstat idem è radicibus extractus. Vsta sambuci folia & in puluerem trita, fluentem è naribus sanguinem sistunt. Decoctionis radicis & vini cyathi duo, hydropicos exinaniunt: & foliorum decoctum, insidētibus vuluas & vteros emollit. Resistunt folia serpentium ictibus in vino pota: & illiti cauliculi cum hircino seuo, podagris valde profunt. Sed ad omnia efficacior est sambucus minor. Baccarum vtriusque succus à recremento suo purgatus seu defæcatus, si cum melle optimo coquatur ad Zulapij consistentiam, aurium dolores tollit, si calidus imponatur. Fūgi qui ad imam sedem caudicis sambuci reperiuntur (auriculam Iudæ proditoris vocant nonnulli) in aqua rosacea macerati, capitis dolores & columellę inflam-

Podagra, ambusta, cerebrum, canis morsus, & capitis dolor.

Hydrops, vomitus, narium sanguis, vterus, podagra & serpentes.

Iuda auricula, aurium dolor, & columelle inflammatio.

*Compositio
unguenti
sambucini
prostantis.
ad ignis
ambustio-
nes.*

mationes emendant. Hoc loco mihi prætereun-
dum non est, sambucinum vnguentum omnium
præstantiss. ad ignis ambustiones, quod hoc pa-
ratur modo. Accipe corticis viridis sambuci, qui
statim sub primo delitescit libro herbacei colo-
ris, libram vnā (vel quantum libuerit, habita se-
quentiū ratione) olei pluries loti in stillatitia florū
sambuci aqua, libras duas, ferueant simul aliquan-
diu: deinde in colatura expressa adde ceræ nouæ
& odoratę, necnō succi furculorum sambuci, cu-
iusque vncias quatuor: rursus ferueāt quousque
succus exhauriatur & vanescat: tūc ab igne aufer-
to, & rudicula agitato, vt omnia ritē permiscean-
tur: sub finem, adde vernicis liquidi vncias duas,
& ouorum duorū albumina, diu multūque co-
chleari agitata. Tum demum misce omnia diligē-
ter, & mundo vase ea in vsum reserua. Hæc An-
dreas Matthiolus. Ad Ebuli medicas facultates
accedo.

*Alues, pul-
ces, mulcæ,
procidētia
sedis.*

Ebuli, seu minoris Sambuci, caules tenelli
& cymæ, cum butyro recenti, vel oleo & sale si
coquantur, aluum lubricabunt, & sparsa ex sim-
plici decoctione foliorū aqua, pulices necabit, ac
muscas fugabit. Radicum succus procidētem se-
dem reprimat, & anginam tollit, si calidus illina-
tur circa gulam, & insuccato eo linteolo, exte-
rius admoueatur. Semen per diutinas & multas
aquæ lotiones à nigro circumstante succo repur-
gatum, datur vtiliter ex decocto chamæpythios
podagricis, ischiadicis, & Hispanica lue laboran-
tibus. Nam deiectoria vi eorum dolores eximiē
mulcet, quod ruentes in partes affectas humores


*Podagra,
ischias, hi-
spanica
lues.*

par-

partim reuocet, partim excludat. Radix in vino decocta & cibis data, hydropicos iuuat, & vteri *Hydrops, vterus.* spiracula laxat, eiusque vitia emendat. Sunt qui Ebuli radicibus succum eliciant, & subinde insolent, ac in pastillos digerant, & ad idoneum opportunumque vsum seruēt. Hic clysteribus infusus, tam intestinorū, quàm coxendicum dolores à frigiditate & flatu obortos tollit. Quinetiam vtiliter fœminarū locis ad menses euocandos supponitur, præsertim si lana exceptus intromittatur. Ebuli decocto commodè & salubriter sufficientur qui febre diurna vexati, in cachexiā, hoc est, malum corporis habitum deuenērunt: dum modò vētricus & iecur interim odoratis astringentibus, & ad id conferentibus medicamentis, opportunè roborentur.

HA CTENVS quambreuissimè potuimus, sed non tam accuratè quàm voluimus, medicas hortensium materias, & earūdem facultates, methodo, vt res ipsa poscere videbatur, perspicua, & distincta, perstrinximus, docere potius, quàm ornare contenti. Hoc potissimū consilio vt tenuis fortunæ hominibus, vrbani ac rustici, quò nos inuitat christiana charitas, aliqua ex parte populari ista medicina consuleremus. Quibus quoties libet non licet medicos accercere, aut inuisere, & à pharmacopœis composita medicamenta, vel alia, sumptu magno comparare. Præterea, vt medicinæ studiosis fenestram aliquam aperiremus ad huiusmodi auxiliares hortulos, patriæ, parētibus ac amicis, vbicunque locorum fuerint, describendos, colendos, exponendos, & pro cuiusque facultatibus, elegantius exornandos. Si in id consilij rationes traducent suas, curabunt vt vetus medicina, & priscus medendi vsus, ab omni impostura & suspitione alienus, in apertam & desideratam lucē, veluti postliminio, aliquando redeat: magno sanè, & indicibili posteritatis commodo.

ADMONITIO IN SEQUENTEM
INDICEM, MORBORVM
nomenclatorem.

ELIM, optime Lector, te imprimis admonitum, me in proximo morborum Indice, multa sub vna morbi cuiuspiam vocula & inscriptione, aut affectæ partis nomenclatura simplici, varios affectus illi annexos & contingentes, ceu in fasciculum quempiam, de industria congeßisse, ne nimium turgeret Index. Exempli gratia, sub hac voce CAPVT, varios capitis affectus claudimus, & quæ capiti annexa sunt mala. Sub DISTILLATIONE, catarrhum, coryzam, branchum, & defluxus alios. Sub SANGVINE, quamuis illius excretionem, & à quacunque corporis parte, præter hæmorrhoides, & mēstrua, quibus in Indice proprius datus est locus: Sic sub VRINA, omnia quæ circa lotium contingunt, præter dysuriam, stranguriam & Ischuriam, quæ suas in catalogo indices habent notulas: & ita de aliis, ne tibi sim verbosior æquo. Velim præterea te rogatum, ne nimium fidas & innitaris adnotatiunculis, quæ sparsim ipsis paginarum. marginibus in hoc medico Hortulo inseruntur. Quare, folij in Indice notati, pagina vtraque non segniter tibi legenda & percurrenda erit, propterea quòd bis nonnunquam, imò verò ter quaterue, aut pluries, vnus & idem morbus cum suis auxiliis, variè ibi proponitur, variisque modis sanandus, in ipso cōtextu describitur. Hæc sunt quæ paucus te scire maximopere cupiebam in vsum sequentis νοσολογικῆς Indicis nostri. Fruere, & sæliciter vale.

INDEX MORBORVM QVIBVS

certa auxilia præscribit Hortus hic
medicus. Numeri folia
indicant.

A

- A**bscessus, seu apostema, 14. 16. 49. 70.
Abortus, 54. 72.
Aculei, 36. 59. 64.
Alarum graueolētia, 42.
43. 53.
Albugo, 36.
Algores, 59. 65. 91. vide Tremor.
Alopecia, 20. 93. 95. 97.
Aluus & alui fluor, 2. 3.
11. 12. 13. 14. 15. 18. 39.
42. 44. 45. 64. 68. 69.
70. 76. 77. 78. 79. 80.
81. 82. 83. 86. 87. 98.
104. 105. 106. vide Dysenteria.
Ambustio & ambusta, 4.
8. 12. 13. 21. 34. 39. 47.
48. 66. 72. 80. 106. vide Ardor.
Angina seu cynanche, 19.
25. 29. 50. 57. 80.
Anus, 46. 64. 78. 88. 106.
vide Sedes.
Appetentia, 25. 28. 33. 34.
58.
Aque ferose, 53. 58. 70.
74.
Ardor, 4. 5. 10. 14. 15. 65.
vide ambustio, & febris, & inflammatio.
Arteria, 50. 93.
Arthritis, 5. 6. 35. 62. 64.
66. 74. vide Podagra.
Articuli, 5. 6. 49. 72. 74.
vide Arthritis.
Asthma, 2. 21. 25. 29. 34.
54. 65. 66. 72. vide Suspiria.
Atrophia, 66.
Attritiones, 57. 58.
Aures, 12. 19. 21. 26. 28.
29. 30. 32. 34. 39. 46.
56. 57. 58. 60. 61. 66.
68. 70. 71. 90. 101. 102.
106.

B

- B**arba, 59.
Bilis, 6. 35. 36. 44. 50.
53. 58. 70. 74. 79. 84.
85. 96. vide Cholera

- melancholia.* 27. 39. 61. 65. 70. 74. 88.
- Boleti*, 6.
- Bubones*, 14. 61.
- C
- C***alculus*, 9. 16. 25. 27. 30. 42. 43. 64. 67. 68. 70. 71. 72. 78. 79. 82. 91. 95. 101. *vide* *Nephritis*, & *Renes*.
- Caligo oculorum*, 2. 31. 63. *vide* *Oculi*.
- Calli*, & *povi*, 20. 28. 80.
- Cancer*, 5. 64. 65.
- Capilli*, 6. 25. 57. 93.
- Caput*, 4. 6. 11. 12. 14. 18. 20. 21. 24. 33. 36. 37. 45. 46. 50. 52. 53. 54. 55. 57. 58. 60. 81. 101. 104. 106.
- Carbūculus*, 6. 61. 66. 93. 94.
- Cardiaci*, 16. *vide* *Cor*.
- Catarrhus*, *vide* *Distillatio*
- Cerebrum*, 30. 34. 38. 106. *vide* *Caput*.
- Cicatrices*, 25. 90.
- Clavi pedum*, 39. 47. 53.
- Cæliaci*, 14. 33. 44. 54. 66. 76. 80. *vide* *Veter*.
- Cholera*, 3. 13. 16. 41. 44. 76. *vide* *Bilis*.
- Coitus*, 30. 59.
- Colicus dolor*, 9. 16. 19. 25. 27. 39. 61. 65. 70. 74. 88.
- Conceptus*, 23. 27. 69. *vide* *Generatio*.
- Concoctio*, 22. 29. 30. 34.
- Condylomata*, 70. 88.
- Contusa*, 5. 57. 58. 72. *vide* *Sugillata*.
- Conuulsa*, 38. 51. 53.
- Cor*, 6. 16. 46. 50. 51. 56.
- Coryza*, *vide* *Distillatio*.
- Coxendix*, 30. 35. 53. 106. *vide* *Ischias*.
- Crapula*, 7. 46. 49. *vide* *Ebrietas*.
- Cruditās*, 56.
- Cutis*, 40. 53. 61. 79.
- Cynanche*, *vide* *Angina*.
- D
- D***efluxio*, *vide* *Distillatio* & *fluxio*.
- Dentes*, 11. 12. 14. 17. 23. 24. 26. 29. 39. 43. 45. 53. 54. 55. 56. 60. 66. 71. 80. 86. 88. 91. 104. 105.
- Diarrhæa*, 75.
- Distillatio*, 29. 36. 37. 43. 46. 50. 54. 97. 104. 105. *vide* *Fluxio*.
- Dolor*, 54.
- Dysenteria*, 11. 14. 15. 17. 20. 28. 40. 43. 44. 45. 54.

54.66.72.75.76.78.
80.82.87.104. vide
Aluus & venter.
Dyspnœa, 56. 59. vide
Asthma.
Dysuria, 17.18.30. vide
Vrina.

E

E Brietas, 2.4.7.8.57.
vide Crapula.
Elephātiāsis, 44.67.85.
Empyici, 65.76.90. vide
Pulmo.
Enterocœle, 52.
Epilepsia, 20.29.34.49.
51.60.66.71.79.

Epiphora, 20.63.70.74.
vide Oculi.
Erysipelas, 8.14.
Excreatio, vide Sputum.

F

F Acies, 47.48.54.74.
91.
Fascinatio, 63.
Fastidiū cibi, vide Nausea
Fauces, 71.93.96.
Febris, 2.10.11.12.15.16.
22.24.25.34.39.40.
41.43.44.46.50.58.
59.60.65.66.82.85.
102.
Fistulæ vlcerum, 53.66.

69.90.105. vide Vlcus.
Flatus, 9.12.15.29.31.34.
35.63.
Fluxio, 11.43.55. vide
Distillatio.
Fluxus muliebris, 4.14.
18.28.43.45.54.63.
66. vide Menses.

Fœcunditas, 19.27.
Fœtus, 9.28.48.72.78.
vide Partus.
Fractura, 18.52.71.
Furfures, 8.12.13.47.48.
90.95. vide Porrigo.
Furunculi, 88.

G

G Angræna, 6.26.64.
65.89.93.94.102.
Gargareo & columella,
50.71.87.101.106.
Generatio & genitura,
31.42.43.62.
Gingiuæ, 11.43.45.46.
66.78.80.91.
Gonorrhœa, 2.43.45.53.
63.72.
Guttur, 45.70.79.87.
vide Gargareo.
Grauedo, 4.7.49.105.
vide Distillatio.
Gravidæ, 10. vide Par-
tus.

H

Hæmorrhoides, 20.
45. 48. 54. 80.

104. vide Sanguis.

Hæmorrhagia, 12. vide
Sanguis.

Hæmoptoë, 2. 12. 16. 25.
28. vide Sputum.

Halitus, 24. 76. 83. 84.

Hepar seu Iecur, 6. 12. 14.
17. 26. 29. 31. 37. 38.

43. 50. 53. 56. 60. 69.

71. 79. 88. 101. 102.

Herpes, 14.

Hydrops, 20. 23. 29. 30.
31. 35. 53. 58. 60. 66.

74. 88. 104. 105. 106.

Hypochondria, 35.

I

Icterus, 6. 9. 14. 23. 25.
26. 37. 44. 46. 50.

56. 58. 69. 70.

Iecur, vide Hepar.

Ignis sacer, 9. 11. 46. 63.
66. 70. 72. 74. 90.

Ileosi, 25. 91.

Impetigo, 8. 14. 33. 95.

Inflammatio, 43. 45. 46.
47. 48. 49. 50. 71. 87.

101. vide Ardor.

Inflatio, 9. 16. 35. 37. 61.
72.

Inguina, 14. 57. 63.

Insania, 36. 72. vide Phre-
nesis.

Intertrigines, 20.

Intestina, 101. 106.

Ischias, 16. 34. 52. 59. 71.
74. 104. 106.

Ischuria, 27. vide Vrina.

Iuncturæ, vide Arthritis
& Articuli.

L

Labia, 12.

Lac, 3. 4. 7. 8. 10. 26.
31. 33. 35. 61.

Lachrymatio, 90. vide
Oculi.

Lapsus & præcipitia, 70.

Lateræ, 6. 28. 35. 60. 65.
102. 104. vide pleuritis.

Lentigo, 22. 25. 41. 43. 53.
101.

Lepra, 6. 14. 64.

Lethargus, 20. 30. 64.

Libido, 10. vide Venus.

Lien, siue splen, 6. 12. 29.
38. 43. 47. 48. 49. 53.

57. 102.

Lingua, 32. 57.

Lipothymia, 36. 37.

Lippitudo, 35. 36. 45. 46.
66. 87.

Liniores, 26. vide Sugilla-
ta.

ta.

Lumbi, 18. 20. 35. 53. 59.

60. vide Renes.

Lumbrici, 11. 21. 25. 29.

34. 59. 68. 81. 82. 101.

vide Vermes.

Luxata, 5. 6. 30. 34. 47.

64. 66. 71. 72. 93.

Lychenes, 22. 47. 62. 72.

78. 79. 90.

M

MAculae, 54.

Malacia, 14.

Mamma, 5. 9. 11. 31. 33.

61. 71. 72. 74. 78. 93.

96.

Matrix, 28. 47. 50. 61. 65.

66. 68. 72.

Melancholia, 6. 34. 35.

72. 84.

Memoria, 16.

Menstrua & menses, 6.

9. 19. 20. 23. 25. 28. 30.

31. 33. 34. 38. 44. 45.

48. 49. 53. 54. 55. 56.

57. 58. 59. 60. 61. 64.

65. 66. 67. 69. 71. 80.

87. 90. 96. 101. 104.

105. 106. vide Vterus.

Morsus canis, 6. 19. 20.

21. 31. 32. 64. 66. 94.

96. 106.

Morsus & ictus venena-
torum, 6. 17. 18. 21. 23.

25. 28. 30. 36. 48. 61.

62. 63. 71. 72. 84. 89.

93.

N

NAres, 20. 33. 53. 65.
87.

Nausea, 14. 31. 72. 75. vi-
de Fastidium cibi.

Nephritici, 23. 25. 27. 70.
89. vide Renes.

Nervi, 28. 34. 37. 47. 59.
67. 72. 102. 140. vide
Paralysis.

Nomæ, 66. vide Vlcera.

Nutrices, 10. 25. vide Lac.

Nyctalopes, vide Oculi.

O

OBmutescencia, 20.

Obstructio, 12. 37.
46. 58. 69. 81. 88.

Oculi, 3. 6. 7. 8. 9. 14. 17.

20. 22. 30. 31. 32. 35. 37.

42. 44. 46. 49. 50. 55.

57. 59. 60. 62. 63. 66.

67. 68. 69. 70. 74. 79.

90. 101.

Ophiasis, 20. 95.

Oris vlcera, 9. 12. 47. 49.
65. 77. 80. 87.

Orthopnoici, 29. 34. 53.

65.76.102.

P

P Ani, 70.

Papulae, 22.

Paralysis, 20.38.51.52.

104. vide Resoluti.

Parotides, 64.72.88. vide Aures.

Paronychia, 53.

Partus, 16.18.20.27.28.

30.32.33.34.36.49.

67.68.71.77.101.102.

104. vide Puerpera.

Pectus, 16.34.60.64.

104. vide Thorax.

Pedes, 47.50.67.79.

Pediculi, 22.36.

Perfrigerati, 53.102.

Peripneumonia, 29. vide

Pulmo.

Perniones, 12.88.89.

Pestis, 15.21.26.37.51.55.

59.61.62.67.81.84.

85.89.93.102.

Phlegmone, 8.26.49.70.

Phrenesis, 40.

Phthisis, 66.96.101.

Pili, vide Capilli.

Pituita, 25.29.34.41.53.

72.105.

Plagae, 20.25.57. vide

Vibices.

Pleuritis, 29.49.75. vide
Latus.

Podagra, 11.14.35.49.

50.52.64.66.70.74.

88.104.106. vide

Arthritis.

Polypus, 87.

Porrigo, 12.72.89. vide

Furfures.

Præcordia, 6.47.

Pruritus, 14.24.57.58.

95.101.104. vide Sca-

bies.

Psora, 6.90.

Puerpera & Partus, 10.

16.25.27.71.77.

Pulmo, 6.16.18.24.29.

30.31.34.36.50.53.60.

65.88.95.

Purulenta excreatio, 40.

76.

Pustulae, 20.

Putredo, 58.77.80.

R

Rabies, 83. vide mor-
sus canis.

Raucedo, 71. vide Distil-
latio.

Rhagades, 50.105. vide

Anus & Sedes.

Renes, 9.17.22.31.42.

43.60.66.71.82.95.

96.

96. vide *Calculus*.
Resoluti, 38. vide *Paralysis*, & *nerui*.
Respiratio, 29.
Ructus, 25. vide *Flatus*.
Ruptura, 70.

S

Sanguis, 9. 11. 12. 17. 18.
 19. 25. 28. 32. 33. 34.
 45. 47. 60. 64. 66. 71.
 80. 86. 87. 89. 90. 96.
 104. 106.
Scabies, 29. 58. 91. 104.
 vide *Pruinitus*.
scrophulæ, vide *Strumæ*.
Secundæ, 9. 16. 23. 28.
 34. 38. 48. 49. 53. 55.
 67. 68. 69.
Sedis dolor, 45. 46. 49.
 50. 78. 88. 106. vide
Anus & *Hæmorrhoides*.
Singultus, 33. 61.
Siriasis, 39. 42.
Sitis, 11. 41. 44. 50. 85. 96.
Somnus, 2. 46. 49. 53. 57.
Somnia, 7. 11.
Sperma, 7. 62. 63. vide
Genitura.
Spina dorsi, 16.
Splen, vide *Lien*.
Spiritum, 12. 18. 45. 53. 54.

104.
Sterilitas, 10.
Sternutatio, 35.
Stomachus, 9. 12. 16. 17.
 28. 33. 35. 43. 44. 47.
 50. 57. 67. 75. 76. 77.
 87. 96. vide *Ventriculus*.
Stranguria, 5. 17. 67. 68.
 69. 70. vide *Vrina*.
Strumæ, 14. 52. 54. 61. 64.
 65. 66. 67. 72.
Sudor, 47. 64.
Suffocatio, 93.
Sugillata, 9. 22. 26. 29.
 30. 31. 57. 93. 94. vide
Contusæ.
Suppuratio, 15. 47. 64.
Surditas, 6. 20. 21. 24. 70.
 vide *Aures*.
Suspiria, 24. 25. 29. 34.
 50. 101.
Syncope, 40.

T

TAbes, 96. 101.
Tensio, 54.
Testes, 28. 32. 35. 47. 48.
 62. 101.
Tinesmus, 24. 72. 93.
Thorax, 18. 29. 30. 34. 35.
 49. 50. 52. 53. 56. 58. 59.
 70. 101. vide *Pectus*.

- Tonfillæ*, 11. 7. 78. 80. 83.
 87. *vide Angina*.
Tormina, 9. 13. 30. 31. 44.
 53. 60. 77. 86. 88. 91.
 93. 104. *vide Dysente-*
ria.
Tremor, 28. 46. *vide Al-*
gores.
Tubercula, 20. 64.
Tumor, 5. 6. 9. 15. 30. 31.
 54. 90.
Tussis, 16. 18. 19. 21. 22. 24.
 25. 28. 29. 34. 36. 37. 40.
 50. 53. 54. 59. 60. 65. 72.
 79. 88. 96. 97. 101.
 102. 104. *vide Distil-*
latio.
- V
- V***Ari*, 44. 74. 85. 95.
Varices, 70.
Venena, 22. 25. 26. 57. 59.
 60. 62. 63. 64. 72. 76.
 83. 84. 89. 91. 94. 101.
Venus, 2. 11. 16. 24. 30.
 35. 36. 42. 43. 59. 63.
 72. 96.
Venter, 2. 12. 13. 14. 16. 19.
 31. 35. 37. 47. 65. 70. 72.
 75. 79. 86. 91. 104.
Vētriculus, 6. 11. 12. 14. 31.
 38. 39. 56. 57. 65. 68.
 78. 86. 96. 104. *vide*
- Stomachus*.
Vermes, 11. 12. 22. 28. 33.
 51. 58. 62. 67. *vide Lum-*
brici.
Verrucæ, 11. 34. 35. 53. 70.
 88.
Vesica, 26. 30. 35. 40. 43.
 66. 71. 72. 96. 101.
Vertigo, 51.
Veternus, 30.
Vibices, 25.
Vigiliæ, 4.
Virile membrū, 20. 28. 31.
Viscera, 29.
Visus, 3. 6. 34. 69. *vide*
Oculi.
Vitiligo, 19. 41. 47. 62. 85.
 101.
Vlcera, 5. 6. 18. 19. 28.
 43. 44. 47. 48. 49. 50.
 53. 57. 61. 64. 66. 67.
 69. 70. 72. 80. 90.
Vmbilicus, 11.
Vngues, 91.
Vomitus, 13. 25. 33. 42.
 44. 55. 61. 65. 75. 77.
 87. 91. 101. 104. 105.
 106.
Vox, 14. 24.
Vrina, 9. 12. 16. 17. 18. 22.
 23. 24. 25. 26. 27. 30. 31.
 34. 35. 39. 40. 42. 43.
 56.


INDEX MEDICVS.

56.64.65.67.68.71.74. 57.66.71.72.80.
 76.86.91.96.101.104. *Vulua*, 12.16. 19. 25. 28.
Vterus, 9. 16. 18. 23. 29. 43. 47. 48. 49. 58. 59.
 30. 38. 48. 49. 53. 54. 62. 67. 72. 78. 87.
 57. 61. 65. 66. 67. 78. *Vvula*, 6. 46. 64. 77.
 45. 101. 104. 106. *Vide* 78. 80. 87. 101.
Matrix. Z

Vulnera, 9. 11. 12. 18. 23. Z *Oster*, 66. *Vide Ignis*
 28. 32. 39. 43. 47. 52. *sacer*,

F I N I S.





43.
79. A. K.

